

Mūlapaṇṇāsatiḥakathāya

Atthavaṇṇanābhūtā

Bhadantācariyadhammapālattherena katā

Mūlapaṇṇāsatiḥā

(Dutiyo bhāgo)



Buddhavasse 2552

Marammavasse 1370

AD. 2008

Romanized from Myanmar version published in 1961

© Buddhasāsana Society

Ṭikā Series 14

First published in 2008 by Ministry of Religious Affairs

Yangon, Myanmar

THE PĀLI ALPHABET
IN BURMESE AND ROMAN CHARACTERS

VOWELS

အ a အာ ā ဣ i ဤ ī ဥ u ဦ ū ဧ e ဩ o

CONSONANTS WITH VOWEL "A"

က ka	ခ kha	ဂ ga	ဃ gha	င ṅa
စ ca	ဆ cha	ဇ ja	ဈ jha	ည ṇa
ဋ ta	ဌ tha	ဍ ḍa	ဎ ḍha	ဏ ṇa
တ ta	ထ tha	ဒ da	ဓ dha	န na
ပ pa	ဖ pha	ဗ ba	ဘ bha	မ ma

ယ ya ရ ra လ la ဝ va သ sa တ ha ဠ ḷa ၵ ṁ

VOWELS IN COMBINATION

-၁ ၵ = ā ၵ = i ၵ = ī ၵ - ၵ = u ၵ - ၵ = ū - = e -၁ ၵ = o

က ka	ကာ kā	ကိ ki	ကိ kī	ကု ku	ကု kū	ကေ ke	ကော ko
ခ kha	ခါ khā	ခိ khi	ခိ khī	ခု khu	ခု khū	ခေ khe	ခေါ kho ...

CONJUNCT-CONSONANTS

ကက kka	ဃ န္ဂha	ဏ န္ဓha	ဈ သhya	ဠ pla	ဣ lla
ကွ kkha	ဠ cca	ဏ္ဍ ṇḍa	ဠ dhva	ဠ pba	လျ lya
ကျ kya	ဠ ccha	ဏ္ဍ ṇṇa	ဠ nta	ဠ bbha	လှ lha
ကြ kri	ဠ jja	ဏ္ဍ ṇha	ဠ ntva	ဠ bya	ဝှ vha
ကလ kla	ဠ jjha	တ္တ tta	ဠ ntha	ဠ bra	တ္တ sta
ကွ kva	ည ṇṇa	တ္တ ttha	ဠ nda	ဠ mpa	တ္တ strā
ချ khya	ည ṇha	တွ tva	ဠ ndra	ဠ mpha	သွ sna
ခွ khva	ည ṇca	ကျ tya	ဠ ndha	ဠ mba	သျ sya
ဂွ gga	ဠ ṇcha	တြ tra	ဠ nna	ဠ mbha	သသ ssa
ဠ ggha	ည ṇja	ဠ dda	ဠ nya	ဠ mma	သွ sma
ချ gya	ည ṇjha	ဠ ddha	ဠ nha	ဠ mya	သွ sva
ဂြ gra	ဠ ṭta	ဠ dya	ဠ ppa	ဠ mha	တွ hma
ကံ ṅka	ဠ ṭtha	ဠ dra	ဠ ppha	ဠ yya	တွ hva
ခံ ṅkha	ည ḍḍa	ဠ dva	ဠ pya	ဠ yha	ဠ ḷha
ဂံ ṅga					

၁	၂	၃	၄	၅	၆	၇	၈	၉	၀
1	2	3	4	5	6	7	8	9	0

Mūlapaṇṇāsaṭikā

Dutiyabhāga

Mātikā

Piṭṭhaṅka

2. Sīhanādavagga

1. Cūḷasīhanādasuttavaṇṇanā	1
2. Mahāsīhanādasuttavaṇṇanā	15
Vesālīnagaravaṇṇanā	15
Uttarimanussadhammādivaṇṇanā	16
Dasabalañṇavaṇṇanā	18
Catuvesārajjañṇavaṇṇanā	27
Aṭṭhāparisavaṇṇanā	28
Catuyonivaṇṇanā	29
Pañcagativaṇṇanā	30
Ñāṇapavattākāraṇṇanā	31
Dukkarakārikādisuddhivaṇṇanā	33
Āhārasuddhivaṇṇanā	36
Samsārasuddhi-ādivaṇṇanā	37
3. Mahādukkhakkhandhasuttavaṇṇanā	40
4. Cūḷadukkhakkhandhasuttavaṇṇanā	45
5. Anumānasuttavaṇṇanā	49
6. Cetokhilasuttavaṇṇanā	51
7. Vanapatthapariyāyasuttavaṇṇanā	57
8. Madhupiṇḍikasuttavaṇṇanā	58
9. Dvedhāvitakkasuttavaṇṇanā	67
10. Vitakkasaṇṭhānasuttavaṇṇanā	72

Mātikā

Piṭṭhaṅka

3. Ovādavagga

1. Kakacūpamasuttavaṇṇanā	78
2. Alagaddūpamasuttavaṇṇanā	82
3. Vammikasuttavaṇṇanā	101
4. Rathavinītasuttavaṇṇanā	108
Garudhammabhāvavaṇṇanā	109
Appicchātādivaṇṇanā	110
Dvādasavidhasantosavaṇṇanā	111
Tividhapavivekavaṇṇanā	112
Pañcavidhasaṃsaggavaṇṇanā	112
Gāhagāhakādivaṇṇanā	113
Pañcalābhavaṇṇanā	115
Cārikādivaṇṇanā	115
Sattavisuddhipañhavaṇṇanā	118
Sattarathavinītavaṇṇanā	119
5. Nivāpasuttavaṇṇanā	121
6. Pāsārāsīsuttavaṇṇanā	124
7. Cūlahatthipadopamasuttavaṇṇanā	143
8. Mahāhatthipadopamasuttavaṇṇanā	163
9. Mahāsāropamasuttavaṇṇanā	177
10. Cūlasāropamasuttavaṇṇanā	178

4. Mahāyamakavagga

1. Cūlagosiṅgasuttavaṇṇanā	180
2. Mahāgosiṅgasuttavaṇṇanā	185
3. Mahāgopālakasuttavaṇṇanā	192
4. Cūlagopālakasuttavaṇṇanā	198
5. Cūlasaccakasuttavaṇṇanā	200

Mātikā		Piṭṭhaṅka
6. Mahāsaccakasuttavaṇṇanā	...	209
7. Cūḷataṇhāsaṅkhayasuttavaṇṇanā	...	217
8. Mahātaṇhāsaṅkhayasuttavaṇṇanā	...	222
9. Mahā-assapurasuttavaṇṇanā	...	229
10. Cūḷa-assapurasuttavaṇṇanā	...	240

5. Cūḷayamakavagga

1. Sāleyyakasuttavaṇṇanā	...	243
2. Verañjakasuttavaṇṇanā	...	253
3. Mahāvedallasuttavaṇṇanā	...	254
4. Cūḷavedallasuttavaṇṇanā	...	278
5. Cūḷadhammasamādānasuttavaṇṇanā	...	291
6. Mahādhammasamādānasuttavaṇṇanā	...	294
7. Vīmaṅsakasuttavaṇṇanā	...	298
8. Kosambiyasuttavaṇṇanā	...	304
9. Brahmanimantanikasuttavaṇṇanā	...	311
10. Mātarajjanīyasuttavaṇṇanā	...	320

Mūlapaṇṇāsaṭikāya dutiyabhāge mātikā niṭṭhitā.

Majjhimanikāya

Mūlapaṇṇāsaṭṭikā

(Dutiyo bhāgo)

Namo tassa Bhagavato Arahato Sammāsambuddhassa.

2. Sīhanādavagga

1. Cūlasīhanādasuttavaṇṇanā

139. Suttadesanāvattusāṅkhātassa atthassa uppatti aṭṭhuppatti, sā tassa atthīti aṭṭhuppattikoti vuttovāyamatto. **Lābhasakkārapaccayāti** lābhasakkāranimittam, bhagavato saṅghassa ca uppannalābhasakkārahetu, attano vā lābhasakkāruppādanahetu. **Titthiyaparideviteti** titthiyānam “kim bho samaṇoyeva gotamo samaṇo”ti-ādinā vippalapanimittam. “**Mahālābhasakkāro uppajji**”ti vatvā samantapāsādikattham tassa uppattikāraṇam dassento “**catuppamāṇiko hī**”ti-ādimāha. Cattāri pamāṇāni catuppamāṇāni, catuppamāṇāni etassa atthīti **catuppamāṇiko**. Lokoyeva saṅgamma samāgamma vasanaṭṭhena **lokasannivāso**, sattakāyoti attho. Pamināti uḷāratādivisesam etenāti pamāṇam¹, rūpam rūpakāyo pamāṇam etassāti **rūpappamāṇo**. Tato eva rūpe pasannoti **rūpappasanno**. Sesapadesupi eseve nayo. **Ghosoti** pavattathutighoso². **Lūkhanti** paccayalūkhatā. **Dhammoti** silādayo guṇadhammā adhippetā.

1. Am-Ṭī 2. 309 piṭṭhādīsipi passitabbam.

2. Ghosoti cetha thutighoso (Am-Ṭī 2. 309 piṭṭhe.)

Tesaṃ puggalānaṃ. **Ārohani** uccataṃ. Sā ca kho tasmim̐ tasmim̐ kāle pamāṇayuttā daṭṭhabbā. **Pariṇāhanti** nātikisanātithūlatāvasena mitapariṇāhaṃ. **Sanṭhānanti** tesaṃ tesaṃ aṅgapaccaṅgānaṃ susaṅṭhitataṃ. **Pāripūrinti** sabbesaṃ sarirāvayavānaṃ paripuṇṇataṃ avekallataṃ. **Tattha pamāṇaṃ gahetvāti** tasmim̐ rūpe rūpasampattiyāṃ pamāṇabhāvaṃ upādāya. **Pasādaṃ janetīti** adhimokkhaṃ uppādeti.

Paravaṇṇanāyāti “amuko ediso ca ediso cā”ti yasaguṇavacanena. **Parathomanāyāti** sammukhāva parassa silāghuppādanena abhitthavanena. **Parapasaṃsanāyāti** parammukhā parassa guṇasaṃkittanena. **Paravaṇṇahārikāyāti** paramparavaṇṇahārikāya paramparāya parassa kittisaddūpasamhārena. **Tatthāti** tasmim̐ thutighose.

Cīvaralūkhanti thūlajiṇṇabahutunnakatādim̐ cīvarassa lūkhabhāvaṃ. **Pattalūkhanti** anekaganthikāhatādim̐ pattassa lūkhabhāvaṃ. **Vividhaṃ vā dukkarakārikanti** dhutaṅgasevanādivasena pavattaṃ nānāvidhaṃ dukkaracariyaṃ.

Sīlaṃ vā passitvāti silapāripūrivasena visuddhaṃ kāyavacīsucaritaṃ nāṇacakkhunā passitvā. Jhānādi-adhigamasiddhaṃ **samādhimvā**. Vipassanābhiññāsāṅkhātāṃ **paññāṃ vā**.

Bhagavato sarīraṃ disvāti sambandho. **Rūpappamāṇopi sammāsambuddeyeva pasīdati** aparimitakālasamupacitapuññānubhāvanipphannāya sabbaso anavajjāya sabbākāraparipuṇṇāvayavāya rūpakāyasampattiyā samantapāsādikattā, yassā rucirabhāvo visuddhe vigatavalāhake deve puṇṇamāsiyaṃ paripuṇṇakalābhāgamaṇḍalaṃ candamaṇḍalaṃ abhibhavitvā atirocati, pabhassarabhāvo saradasamayaṃ samvaddhitadiguṇatejakiraṇajālasamujjalaṃ sūriyamaṇḍalaṃ abhibhavati, sommakiraṇarasasamujjalabhāvehi tadubhayehi abhibhuyya vattamānaṃ ekasmim̐ khaṇe dasasahasilokadhātum̐ vijjotanasamatthaṃ mahābrahmuno pabhāsamudayaṃ abhivihacca bhāsate tapate virocata ca.

Satipi aṅgapariccāgādīnaṃ dānapāramibhāve pariccāgavisesabhāvadassanattañceva sudukkarabhāvadassanattañca **aṅgapariccāgā**diggahaṇaṃ, tatthāpi ca aṅgapariccāgato visum̐ **nayanapariccāgā**ggahaṇaṃ, pariccāgabhāvasāmaññepi

rajjapariccāgato **puttadārapariccāgaggahaṇaṇca** kataṃ. **Ādinā nāyena**ti ādi-saddena pubbayogapubbacariyādihetusampattiyā, “itipi so bhagavā”¹ti-ādinā¹ vuttāya phalasampattiyā, “so dhammaṃ deseti”²ti-ādinā² vuttāya sattupakārakiriyāya ca saṅgaho daṭṭhabbo. **Sammāsambuddheyeva pasīdati** yathāvuttagaṇānaṃ anaññasādhāraṇabhāvato acchariyabbhutabhāvato ca. Sesevupi eveda nayo.

“**Cīvaralūkhaṃ disvā**”³ti vatvā taṃ dassetuṃ “**sace bhagavā**”³ti-ādi vuttaṃ. **Sāṇapaṃsukūlacīvarena**ti matakalevaram paliveṭhetvā chaḍḍitena tumbamate kimī papphoṭetvā gahitena sāṇapaṃsukūlacīvarena. **Bhāriyanti** garukaṃ, dukkaranti attho. Vadhuyuvatīmajjhimitthivasena, bālayobbanapurāṇavasena vā **tividhanāṭakatā**. **Hareṇuyūsaṃ** maṇḍalakalāyāraso. “Yāpessati nāma”³ti nāma-saddaṃ ānetvā sambandho. Nāma-saddayogena hi anāgatakālassa viya payogo, yāpeti-icceva attho. **Appāṇakanti** nirassāsaṃ nirodhitassāpassāsaṃ.

Samādhiguṇanti sādharmaṇato vuttamattham vivarati jhānādiggahaṇena. Mānadabbanimmadanena nibbisevanabhāvāpādanampi damanamevāti vuttaṃ “**pāthikaputtadamanādīnī**”³ti. **Ādi**-saddena saccakālavakabakadamanādīnaṃ saṅgaho. **Bāverunti**³ evaṃnāmakam visayam. **Sarasampannoti** aṭṭhaṅgasamannāgatena sarena samannāgato. Tena brahmassaratākaravīkabhāṇitādassanena lakkhaṇahāranayena avasesalakkhaṇapāripūrim viya tadavinābhāvato buddhānaṃ desanāvīlāsaṇca vibhāveti.

Hatappabhāti buddhānubhāvena vigatatejā. **Kālapakkhūpameti** sattānaṃ byāmoḥandhakārābhībhavena kālapakkharattūpame. **Sūriyeti** sūriye udayitvā obhāsenteti adhippāyo.

Singhāṭaketi tikoṇaracchāyam. **Catukketi** sandhiyam. **Paridevantīti** anutthunanavasena vippalapanti. Sokādhikakato hi vacīpalāpo paridevo. **Loke uppajjamāneyeva uppannāti** attano diṭṭhivādassa purātanabhāvaṃ dīpenti.

1. Dī 1. 46, 82 piṭṭhesu.

2. Dī 1. 82 piṭṭhe.

3. Pāverunti (Ka)

Sesapadesupī “idha dutiyo samaṇo”¹ti-ādīsu sesavāresupī¹. Yathā hi “viviceva kāmehi”²ti² ettha kato niyamo “vivicca akusalehi”²ti² etthāpi katoyeva hoti sāvadhāraṇasseva atthassa icchitabbatā, evamidhāpīti. Tenāha “**dutiyādayopī**”³ti-ādi. Sāmaññaphalādhigamavasena nippariyāyato samaṇabhāvoti tesam vasetthā cattāro samaṇā desitāti tamattham suttantarena samatthetum “**tenevāhā**”³ti-ādi vuttam. Paṭipattikkamena desanākkamena ca sakadāgāmi-ādīnam dutiyāditā vuttāti sotāpannassa paṭhamatā avuttasiddhāti na coditā. **Phalaṭṭhakasamaṇāva adhippetā** samitapāpasamaṇaggahaṇato. Kasmā panetthā **mahāparinibbāne**³ viya maggaṭṭhā tadatthāya paṭipannā ca na gahitāti? Veneyyājjhāsayato. Tattha hi maggādhigamatthāya vipassanāpi ito bahiddhā natthi, kuto maggaphalānīti dassentena bhagavatā “ñāyassa dhammassa padesavattī, ito bahiddhā samaṇopi natthi”³ti³ vuttam. Idha pana niṭṭhānappattameva taṃtaṃsamaṇabhāvam gaṇhantena phalaṭṭhakasamaṇāva gahitā “maggaṭṭhato phalaṭṭho savisesam dakkhiṇeyyo”³ti. Svāyamattho dvīsu suttesu desanābhedeneva viññāyatīti.

Rittāti vivittā. **Tucchāti** nissarā paṭipannakasārābhāvato. Pavadanti etehīti **pavādā**, diṭṭhigatikānam nānādiṭṭhidīpakā samayāti āha “**cattāro sassatavādā**”³ti-ādi. Tattha yaṃ vattabham, taṃ parato āgamissati. **Teti** yathāvuttasamaṇā. **Etthāti** “parappavādā”³ti vutte bāhirakasamaye.

Yanti yasmiṃ. Bhummatthe hi idaṃ paccattavacanam. Ñāyo vuccati saha vipassanāya ariyamaggo. Tena hi nibbānam ñāyati gammati paṭivijjhatīti. So eva nibbānasampāpakahetutāya dhammoti āha “**ñāyassa dhammassā**”³ti.

Tesam parappavādasāsanānam **akhettatā khattatā**⁴ ca ariyamaggassa abhāvabhāvā suparisuddhassa sīlassa suparisuddhāya samathavipassanāya **abhāvato bhāvato ca**. Tadubhayaṃca durakkhātasvākkhātabhāvahetukam, so ca asammāsambuddhasammāsambuddhapaveditatāyāti

1. Sesapadesupi (Am-Ṭī 2. 389 piṭṭhe.)

2. Vi 1. 5; Dī 1. 69; Sam 1. 231, 239, 412; Am 1. 441 piṭṭhādīsu.

3. Dī 2. 124, 125 piṭṭhesu.

4. Sukhettatā (Ka)

parājikāya¹ satthu vipattihetutāya sāsanaṣṣa aniyyānabhāvoti dasseti.

Idāni yathāvuttamatthaṃ pariyāyato ca pāḷiyā ca samatthetuṃ “**tenāha bhagavā**”ti-ādinā pāḷim dassetvā upamāpadesena tattha suttaṃ vibhāvento “**yasmā**”ti-ādimāha. Tattha yasmā ekaccānaṃ viśesato sīhānaṃ purimaṃ pādadvayaṃ hatthakiccampi karoti, tasmā āha “**surattahatthapādo**”ti. **Sīhassa kesā** nāma kesarāyatanā khandhalomā. **Gocariyahatthikulaṃ** nāma pakatihatthikulaṃ, yaṃ “**kālāvakan**”tipi vuccati. **Ghoṭako** nāma assakhaḷuṅko. Sineruparibhaṇḍe simbalirukkhehi sañchādito paññāsajojano daho simbalidaho, taṃ parivāretvā mahantaṃ simbalivanaṃ, taṃ sandhāyāha “**simbalidahavane**”ti. Aññatitthāvāsabhūmiyaṃ imesu samaṇesu ekacco na uppajjati, īdiso panettha vikappo natthi, sabbena sabbaṃ na uppajjantevāti dassento “**ekasamaṇopi**”ti āha. **Ariyamaggaparikkhateti** ariyamagguppattiyā abhisāṅkhate, yadā sāsanaikānaṃ sammāpaṭṭipattiyā ariyamaggo dibbati, tadāti attho.

Sammāti suṭṭhu. Suṭṭhu nadanaṃ nāma hetuyuttaṃ suṭṭhu katvā kathananti āha “**hetunā**”ti. So ca hetu aviparīto eva icchitabboti āha “**nayenā**”ti, nāyenāti attho. Evambhūto ca so yathādhippatthaṃ karoti sādhetīti dassento āha “**kāraṇenā**”ti. Yadi tiracchānasīhassa nādo sabbatiracchāna-ekaccamanussā manussanādato seṭṭhattā seṭṭhanādo, kimaṅgaṃ pana tathāgatasīhanādoti āha “**sīhanādanti seṭṭhanādan**”ti. Yadi tiracchānasīhanādassa seṭṭhanādatā nibbhayaṭāya appaṭṭisattutāya icchitā, Tathāgatasīhanādasseva ayamattho sātisaṃyoti āha “**abhītanādaṃ appaṭṭinādan**”ti. Idāni seṭṭhanādabhāvaṃ kāraṇena paṭṭipādentō “**imesaṃ hī**”ti-ādimāha. Tena “**sammā**”ti vuttamatthaṃ samattheti. Tattha **atthitāyāti** iminā sīhanādassa uttamattathaṃ dasseti. Bhūtaṭṭho hi uttamattṭho. Tāya eva bhūtaṭṭhatāya abhītanādatāti dassento “**ime samaṇā -pa- nāma hotī**”ti āha. Abhūtañhi vadato

1. Pavedakassa (?)

kutoci bhayaṃ vā āsaṅkā vā siyāti “idhevā”ti niyamassa aviparītataṃ dassento “**amhākampi -pa- appaṭinādo nāma hoti**”ti āha. Yaṃ hi aññatthāpi atthi, taṃ idhevāti avadhāretuṃ na yuttanti.

140. **Khoti** avadhāraṇe. Tena vijjati evāti dasseti. **Yanti** karaṇatthe paccattanti āha “**yena kāraṇenā**”ti. **Titthaṃ nāma dvāsaṭṭhi diṭṭhiyo** tabbinimuttassa kassaci diṭṭhivipphanditassa abhāvato. Pāragamanasaṅkhātāṃ taraṇāṃ diṭṭhigatikānaṃ¹ tattha tattheva aparāparaṃ ummujjananimujjanavasena pilavananti āha “**taranti uppalavanti**”ti. **Uppādetāti** pūraṇādiko. Titthe jātati **titthiyā**, yathāvuttaṃ vā diṭṭhigatasāṅkhātāṃ titthaṃ etesaṃ atthīti titthikā, titthikā eva **titthiyā**. Assasanti ettha, etenāti vā **assāso**, avassayo.

Pakatatthaniddeso yaṃ taṃ-saddoti tassa “bhagavatā”ti-ādīhi padehi samānādhikaraṇabhāvena vuttassa yena abhisambuddhabhāvena bhagavā pakato satthubhāvena adhigato supākaṭo ca, taṃ abhisambuddhabhāvaṃ saddhiṃ āgamanapaṭipadāya atthabhāvena dassento “**yo so -pa- abhisambuddho**”ti āha. Satipi ñāṇadassanasaddānaṃ idha paññāvevacanabhāve tena tena visesena nesaṃ savisaye visesappavattidassanatthaṃ² asādhāraṇavisesavasena vijjāttayavasena vijjābhiññānāvaraṇavasena sabbaññutaññāṇamaṃsacakkhuvaseṇa paṭivedhadesanāññāvasena ca te yojetvā dassento “**tesaṃ tesaṃ**”ti-ādīmāha. Tattha **āsayaṇusayaṃ jānatā** āsayānusayaññāṇena, **sabbaṃ ñeyyadhammaṃ passatā** sabbaññutānāvaraṇāññāṇehi. **Pubbenivāsādīhīti** pubbenivāsa-āsavakkhayaññāṇehi. Anaññasādhāraṇapuññānubhāvanibbatto anuttaraññādhigamaladdhapurāvattako ca bhagavato rūpakāyo atikkammeva devānaṃ devānubhāvaṃ vattatīti āha “**sabbasattānaṃ -pa- passatā**”ti. **Paṭivedhapaññāyāti** maggapaññāya. Tāya hi sabbaso ñeyyadhammesu sammohassa vidhamitattā pacchā pavattajānaṇaṃ tassa jānaṇaṃ viya vuccati.

Arīnanti kilesārīnaṃ, pañcavidhamārānaṃ vā sāsana-paccatthikānaṃ vā aññatitthiyānaṃ, tesaṃ hananaṃ paṭihāriyehi abhibhavanaṃ appaṭibhānatākaraṇaṃ

1. Diṭṭhigatikānaṃ natthi (Aṃ-Ṭī 2. 142 piṭṭhe.)

2. Visayavisesapavattidassanatthaṃ (Sārattha-Ṭī 3. 455 piṭṭhe.)

ajjupekkhanaṃ vā. **Kesivinayasuttaṃ**¹ cettha nidassanaṃ. Tathā ca ṭhānāṭṭhānādīni vā **jānatā**, yathākammupage satte **passatā**, savāsanānamāsavānaṃ khīṇattā **arahatā**, abhiññeyyādibhede dhamme abhiññeyyādito aviparītāvabodhena **sammāsambuddhena**. Atha vā tīsu kālesu appaṭihatañāṇatāya **jānatā**, kāyakammādīnaṃ ñāṇanuparivattanena nisammakāritāya **passatā**, ravādīnampi² abhāvasādhikāya pahānasampadāya **arahatā**, chandādīnaṃ ahānihetubhūtāya akkhayaapaṭibhānasādhikāya sabbaññūtāya **sammāsambuddhena**. Evaṃ dasabala-aṭṭhārasāveṇīkabuddhadhammavasenapi yojanā veditabbā. **Yeti** caturro dhamme. **Attanīti** amhesu. Na rājarājamahāmattādīsu upatthambhaṃ sampassamānā, na kāyabalaṃ sampassamānāti yojanā.

Uppannapasādoti aveccappasādaṃ vadati. Vakkhati hi “cattāri sotāpannaṃsa aṅgāni kathitāni”³. Kāmaṃ asekkhāpi asekkhāya samasikkhatāya sahadhammikā eva, ciṇṇabrahmacariyatāya pana sahadhammaṃ carantīti na vattabbāti asekkhavāro na gahito. **Sabbepeteti** ete yathāvuttā bhikkhu-ādayo sotāpannādayo ca puthujjanā ariyā cāti sabbepi ete taṃtaṃsikkhāhi samānadhammattā sahadhammattā “**sahadhammikā**”^{ti} vuccanti. Idāni nibbattita-ariyadhammavaseneva sahadhammike dassento “**apicā**”^{ti}-ādimāha. **Maggadassanambhīti** pariññābhisamayādivasena saccapaṭivedhena “nava maggaṅgāni, aṭṭha bojjhaṅgāni”^{ti}-ādinā vivādo natthi. **Ekadhammacāritāyāti** samānadhammacāritāya. Na hi paṭividdhasaccānaṃ “mayā dhammo sudiṭṭho, tayā duddiṭṭho”^{ti}-ādinā vivādo atthi. Diṭṭhisīlasāmaññena saṃghātā hi te uttamapurisā. **Imināti** “sahadhammikā kho panā”^{ti}-ādivacanena. Tattha **piyamanāpaggaḥaṇena** sīlesu paripūrakāritāpadesena ekadesena gahitaṃ saṃghasuppaṭipattim paripuṇṇaṃ katvā dasseti. Ye hi sampannasīlā suvisuddhadassanā, te viññūnaṃ piyā manāpāti. **Ettāvātāti** “atthi kho no āvuso”^{ti}-ādinayappavattena ratanattayapasādajotanena. **Akkhātā** tesu tesu suttapadesesu.

141. **Satthari pasādoti pasādaggahaṇena** “bhagavatā”^{ti}-ādinā vā pasādanīyā dhammā gahitā. Tena buddhasubuddhataṃ dasseti, tathā

1. Am 1. 427 piṭṭhe.

2. Davādīnaṃ (Sārattha-Ṭī 3. 456 piṭṭhe.)

3. Ma-Ṭṭha 1. 315 piṭṭhe.

“**dhamme pasādo**”ti iminā dhammasudhammataṃ, itarena saṃghasuppaṭipannataṃ. Yena cittena aññattha anupalabbhamānena sāsaneveva samaṇo ito bahiddhā natthīti ayamatto sammadeva paṭiṭṭhāpitoti veditabbanṃ. Tatrāyaṃ yojanā—yasmā sammāsambuddho amhākaṃ satthā, tasmā atthi kho no āvuso satthari pasādo, sammāsambuddhattā cassa svākhāto dhammoti atthi dhamme pasādo, tato eva ca atthi sīlesu paripūrakāritāti sahadhammikā -pa- pabbajitā cāti evamettha satthari pasādena dhamme pasādo, tena saṃghasuppaṭipattīti ayañca nayo lesenapi parappavādesu natthīti idheva samaṇo -pa- samaṇehi aññehīti.

Paṭividdhasaccānaṃ pahīnānurodhānaṃ gehassitapemassa asambhavo evāti “**idānī**”ti vuttaṃ. Yadi evaṃ “upajjhāyena bhikkhave saddhivihārikamhi puttapemaṃ upaṭṭhapetabban”ti-ādivacanaṃ¹ kathanti? Nayidaṃ gehassitapemaṃ sandhāya vuttaṃ, taṃsadisattā pana pemamukhena vutto mettāsneho. Na hi bhagavā bhikkhū saṃkilese niyojeti. **Evarūpaṃ pemaṃ sandhāyāti** pasādāvahaguṇāvahato pūraṇādīsu bhattipasādo na hoti, pasādapatirūpakā pana lobhapavattīti daṭṭhabbā. **Theroti** Mahāsaṃgharakkhitatthero. Yena aṭṭhakathā potthakaṃ āropitā. **Ekova satthā** anaññasādhāraṇaguṇattā, aññathā anacchariyattā satthulakkhaṇameva na paripūreyya. **Visuṃ katvāti** aññehi vivecivā attano āveṇikaṃ katvā. “Amhākaṃ satthā”ti byāvadantānaṃ aññesaṃ satthā na hotīti atthato āpannameva hoti, tathā ca padesaṃvattiniṃ tassa satthutaṃ paṭijānantaṃ paripuṇṇalakkaṇasatthutaṃ icchantānampi tato viruddhā satthubhāvapariyesanena parājītā honti. **Pariyattidhammeti** adhikabrahmaguṇasuttageyyādippabhedasamaye. Tattha **ajasīla -pa-** **kukkurasīlādīsūti** idam yebhuyyena aññatitthiyānaṃ tādisaṃ vatasamādānasabbhāvato vuttaṃ, **ādi-saddena** yamaniyamacātuyāmasaṃvarādīnaṃ saṅgahoti. **Adhippayāsoti** adhikaṃ payasati payujjati etenāti adhippayāso, savisesaṃ adhikattabbakiriya². Tenāha “**adhikappayogo**”ti.

1. Vi 3. 57 piṭṭhe.

2. Itikattabbakiriya (Am-Ṭī 2. 206 piṭṭhe.)

Tassa pasādassa pariyoṣānabhūtāti tassa satthari dhamme ca pasādassa niṭṭhānabhūtā. **Niṭṭhā**ti makkho. Samayavādīnaṃ hi tasmim̐ tasmim̐ samaye tadupadesake ca pasādo yāvadeva makkhādhiḡamanatṭho. Diṭṭhiḡatikā tathā tathā attano laddhivasena niṭṭhaṃ parikappentiyevāti āha

“**niṭṭhamapaññapento nāma natti**”ti. **Brāhmaṇānanti** brāhmaṇavādīnaṃ.

Tesaṃ ekacce brahmunā salokatā niṭṭhāti vadanti, ekacce tassa samīpatā, ekacce tena samyogo niṭṭhāti vadanti. Tattha ye salokatāvādino samīpatāvādino ca, te dvedhāvādino, itare advedhāvādino, sabbepi te atthato brahmalokupapattiyamyeva niṭṭhāsaññino. Tattha hi nesaṃ niccābhiniveso yathā taṃ bakassa brahmuno. Tena vuttam̐ “**brahmaloko niṭṭhā**”ti.

Brahmalokoti paṭhamajjhānabhūmi. **Mahātāpasānanti**

vekhanasādītāpasānaṃ. Mahābrahmā viya paṭhamajjhānabhūmiyaṃ ābhassaresu eko sabbasetṭho natthīti “**ābhassarā**”ti puthuvacanaṃ.

Paribbājakānanti sañcayādiparibbājakānaṃ. Anto ca mano ca etassa natthīti

anantamānaso. Ājīvakānaṃ hi sabbadābhāvato ananto,

sukhadukkhādisamatikkamanato amānaso. Iminā atṭhahi lokadhammehi upakkiliṭṭhacittataṃ dasseti.

Papañce yaṃ vattabbaṃ, taṃ heṭṭhā vuttameva. **Taṇhādiṭṭhiyova adhippetā** mamañkāra-ahañkāravigamassa adhippetattā. Yathā pañcasu ṭhānesu ekova kilesa lobho āgato, evaṃ dvīsu ṭhānesu tayo kilesā āgatā “doso moho diṭṭhī”ti. “Sadosassā”ti hi vutthaṭṭhāne paṭiḡhaṃ akusalamūlaṃ gahitaṃ, “paṭiviruddhassā”ti virodho, “samohassā”ti moho akusalamūlaṃ, “aviddasuno”ti malyaṃ, asampajaññaṃ vā, “sa-upādānassā”ti “natthi dinnan”ti-ādinā nayena gahaṇaṃ, “papañcārāmassā”ti papañcuppattivasena. **Ākāratoti** pavatti-ākārato. Padantarena rāḡavisesassa vuccamānattā ādito vuttam̐ sarāḡavacanaṃ oḷārikaṃ rāḡavisayanti āha

“**pañcakāmaguṇikarāḡavasenā**”ti. **Gahaṇavasenā**ti dalḡaggahaṇavasena.

“Anuruddhapaṭiviruddhassā”ti ekapadavasena pāḷiyaṃ āgatattā ekajjhaṃ paduddhāro kato. Tattha pana “anuruddhassā”ti subhavasenāti evamattho vattabbo. Na hi paṭivirujjhaṃ subhavasena hoti.

Papañcuppattidassanavasenāti kilesakammavipākānaṃ

aparāparuppattipaccayatāya saṁsārassa papañcanaṁ papañco, tassa uppattihetubhāvadassanavasena. Taṇhā hi bhavuppattiyā visesapaccayo. **Taṇhāpaccayā upādānadassanavasenā**ti taṇhāpaccayassa upādānassa dassanavasena, yadavatthā taṇhā upādānassa paccayo, tadavatthādassanavasena. Phalena hi hetuvisesakittanametanti. **Evam viddhamsethā**ti kāmarāgabhavataṇhādivasena lobhaṁ kasmā evaṁ vippakiretha. **Taṇhākaraṇavasenā**ti taṇhāyanakaraṇavasena subhākāraggaḥavasena. Subhanti hi ārammaṇe pavatto rāgo “subhan”ti vutto.

142. Vadanti etenāti **vādo**, diṭṭhivādo. Diṭṭhivasena hi “sassato attā ca loko ca, asassato attā ca loko cā”ti ca diṭṭhigatikā paññapenti. Tenāha “**dvemā bhikkhave diṭṭhiyo**”ti¹. Taṇhārahitāya diṭṭhiyā abhāvato taṇhāvaseneva ca attano sassatabhāvābhinivesoti katvā vuttam **“taṇhādiṭṭhivasenā”**ti. **Allīnā**ti nissitā. **Upagatā**ti avissajjanavasena ekibhāvamiva gatā. **Ajjhositā**ti tāya diṭṭhiyā gilitvā pariniṭṭhāpitā viya tadantogadhā. Tenāha “**anupaviṭṭhā**”ti. Yathā gahaṭṭhānam kāmajjhosānam vivādamūlam, evaṁ pabbajitānam diṭṭhajjhosānanti āha “**vibhavadiṭṭhiyā te paṭiviruddhā**”ti. Diṭṭhivirodhena hi diṭṭhigatikavirodho.

Khanikasamudayo uppādakkhaṇoti āha “**diṭṭhīnam nibbattī**”ti. Diṭṭhinibbattiggahaṇeneva cettha yathā diṭṭhīnam paṭiccasamuppannatā vibhāvitā, evaṁ diṭṭhivatthunopīti ubhayesampi aniccatā dukkhatā anattatā ca vibhāvitāti daṭṭhabbam. Yāni **paṭisambhidānaya**² “paccayasamudayo aṭṭha ṭhānānī”ti vuttāni, tāni dassento “**khandhāpi**”ti-ādimāha. Tattha **khandhāpi diṭṭhiṭṭhānam** ārammaṇaṭṭhena “rūpaṁ attato samanupassati”ti-ādivacanato³. **Avijjāpi diṭṭhiṭṭhānam** upanissayādivasena paccayabhāvato. Yathāha “assutavā bhikkhave puthujjano ariyānam adassāvī ariyadhammassa akovido”ti-ādi⁴. **Phassopi diṭṭhiṭṭhānam**. Yathā cāha “tadapi phassapaccayā⁵, phussa phussa paṭisaṁvediyanti”ti⁶ ca. **Saññāpi diṭṭhiṭṭhānam**. Vuttam hetam “saññānidānā hi

1. Ma 1. 94 piṭṭhe.

2. Khu 9. 129 piṭṭhe.

3. Saṁ 2. 79, 80, 81, 478 piṭṭhādīsu.

4. Ma 1. 1, 374; Saṁ 2. 3, 14 piṭṭhādīsu.

5. Dī 1. 38, 39 piṭṭhesu.

6. Dī 1. 41 piṭṭhe.

papañcasaṅkhāti¹, pathaviṃ pathavito saññatvā”ti² ca ādi. **Vitakkopi diṭṭhiṭṭhānaṃ.** Vuttampi cetam “takkañca diṭṭhīsu pakappayitvā, saccam musāti dvayadhammāhū”ti³, “takkī hoti vīmaṃsī”ti⁴ ca ādi.

Ayonisomanasikāropi diṭṭhiṭṭhānaṃ. Yathāha bhagavā “tasseva ayoniso manasikaroto channaṃ diṭṭhīnaṃaññatarā diṭṭhi uppajjati, atthi me attāti assa saccato thetato diṭṭhi uppajjati”ti-ādi⁵. Samuṭṭhāti etenāti samuṭṭhānaṃ, tassa bhāvo **samuṭṭhānattho**, tena. **Khaṇikatthaṅgamo** khaṇikanirodho.

Paccayatthaṅgamo avijjādīnaṃ accantanirodho. So pana yena hoti, taṃ dassento “**sotāpattimaggo**”ti āha. Cattāro hi ariyamaggā yathārahaṃ tassa tassa saṅkhāragatassa accantanirodhahetu, khaṇikanirodho pana ahetuko.

Ānisaṃsanti udayaṃ. So pana diṭṭhadhammikasamparāyikavasena duvidho. Tattha samparāyiko duggatiparikilesatāya ādīnavapakkhiko evāti itaraṃ dassento “**yaṃ sandhāyā**”ti-ādimāha. **Ādīnavampi** diṭṭhadhammikameva dassento “**diṭṭhiggahaṇamūlakaṃ upaddavan**”ti-ādimāha. **Soti** ādīnavo. **Ādīnanti ādi**-saddena naggiyānasanasākaṭṭivatādīnaṃ saṅgaho. Nissarati etenāti nissaraṇanti vuccamāne dassanamaggo eva diṭṭhīnaṃ nissaraṇaṃ siyā, tassa pana atthaṅgamapariyāyena gahitattā sabbasaṅkhatanissaṭaṃ nibbānaṃ diṭṭhīhipi nissaṭanti katvā vuttaṃ “**diṭṭhīnaṃ nissaraṇaṃ nāma nibbānaṃ**”ti. **Imināti**-ādisu vattabbaṃ anuyogavatte vuttanayameva.

143. **Diṭṭhicchedanaṃ** dassentoti sabbupādānapariññādassanena sabbaso diṭṭhīnaṃ samucchedavidhiṃ dassento. **Vuttāyevāti**—

“Upādānāni cattāri, tāni atthavibhāgato.

Dhammasaṅkhepavithhārā, kamato ca vibhāvaye”ti⁶—

gāthaṃ uddisitvā atthavibhāgādivasena vuttāyeva. Kāmaṃ ito bāhirakānaṃ “imāni upādānāni ettakāni cattāri, na ito bhiyyo”ti īdisaṃ nāṇaṃ natthi, kevalaṃ pana keci “kāmaṃ pahātābbā”ti vadanti, keci “natthi paro lokoti ca, micchā”ti vadanti, apare “sīlabbatena

1. Khu 1. 414 piṭṭhe Suttanipāte.

3. Khu 1. 416; Khu 7. 228, 229 piṭṭhesu.

5. Ma 1. 10 piṭṭhe.

2. Ma 1. 1 piṭṭhe.

4. Dī 1. 15 piṭṭhe.

6. Visuddhi 2. 203 piṭṭhe.

suddhīti ca, micchā”ti vadanti, attadiṭṭhiyā pana micchābhāvaṃ sabbaso na jānanti eva. Yattakaṃ pana jānanti, tassapi accantappahānaṃ na jānanti, tathāpi sabbassa pariññeyyassa pariññeyyaṃ paññapema-icceva tiṭṭhanti. Evambhūtānaṃ pana nesam tatha yādisī paṭipatti, taṃ dassento satthā “**santi bhikkhave**”ti-ādimāha. Tattha **santī**ti saṃvijjanti. Tena tesam diṭṭhigatikānaṃ vijjamānatāya avicchedataṃ dasseti. **Eketi** ekacce. **Samaṇabrāhmaṇā**ti pabbajjupagamanena samaṇā, jātimattena ca brāhmaṇā. **Sabbesanti** anavaśesānaṃ upādānānaṃ **samatikkamaṃ** pahānaṃ. **Sammā na paññapenti**ti yesaṃ paññapenti, tesampi sammā pariññānaṃ na paññapenti. Idāni taṃ atthaṃ vitthārato dassetuṃ “**keci**”ti-ādi vuttaṃ. Tattha hotika, kuṭicaka, bahūdaka, haṃsa, paramahaṃsa, kājaka, tidaṇḍa, monavata, seva pārupaka, pañcamarattika¹, somakāraka, mugabbata, carabāka, tāpasa, niganthā, jīvaka, isi, pārāyanika, pañcātapika, kāpila, kāṇāda, sāmsāramocaka, aggibhattika, magavatika², govatika, kukkuravatika, kāmaṇḍaluka, vaggulivatika, ekasāṭaka, odakasuddhika, sarīrasantāpaka, sīlasuddhika, jhānasuddhika, catubbidhasassatavādādayo channavutī taṇhāpāseṇa ḍaṃsanato, ariyadhammassa vā vibādhanato **pāsaṇḍā**. **Vatthupaṭisevanaṃ kāmaṇḍā**ti byāpārassa³ vatthuno paṭisevanasaṅkhātānaṃ kāmaṇḍānaṃ. **Theyyena sevanti**ti paṭihattha-ādisamaññāya lokassa vacanavasena sevanti. **Tiṇi kāraṇāni**ti “natthi dinnan”ti-ādinayappavattāni diṭṭhivisesabhūtāni vaṭṭakāraṇāni.

Atthasallāpikāti atthassa sallāpikā, dvinnam adhippetatthasallāpavibhāvinīti adhippāyo. Dvinnam hi vacanam sallāpo. Tenāha “**pathavī kirā**”ti-ādi.

Yo titthiyānaṃ attano satthari dhamme sahadhammikesu ca pasādo vutto, tassa anāyatanagatatā appasādakabhāvadassanaṃ pasādapacchedo, tathāpavatto vādo **pasādapacchedavādo** vutto. **Evarūpeti** idise vuttanayena kilesānaṃ anupasamasāvattanike. **Dhammeti** dhammapatirūpake. **Vinayeti** vinayapatirūpake. Titthiyā hi kohaṇṇe ṭhatvā lokam vañcentā dhammaṃ kathemāti “sattime kāyā akatā akatavidhā”ti-ādinā⁴ yaṃ kiñci kathetvā tathā “vinayam

1. Pañcaparadattika (Ka) 2. Bakavatika (Ka) 3. Rāgassa (?) 4. Dī 1. 52 piṭṭhe.

paññapemā”ti gosīlavaggulivatādīni paññapetvā tādisaṃ sāvake sikkhāpetvā “dhammavinayo”ti kathenti, taṃ sandhāyetaṃ vuttaṃ “dhammavinaye”ti. Tenāha “**ubhayenapi aniyyanikaṃ sāsanaṃ dasseti**”ti. Parittampi nāma puññaṃ kātukāmaṃ maccheramalābhībhūtātāya nivārentassa antarāyaṃ tassa karoto diṭṭheva dhamme viññūhi garahitabbatā samparāye ca duggati pāṭikaṅkhā, kimaṅgaṃ pana sakalavattadukkhanissaraṇāvahe jinacakke pahāradāyino tittakarassa tadovādakarassa cāti imamatthaṃ dassento “**aniyyānikasāsanaṃ hi**”ti-ādimāha. Yathā so pasādo samparāye na sammaggaṭṭo attano pavattivasenāti dassento “**kañci kālaṃ gantvāpi pacchā vinassatiyevā**”ti āha, aveccappasādo viya accantiko na hotīti attho.

Sampajjamānā yathāvidhipaṭipattiyā **tiracchānayoṇiṃ āvahati**. Kammasarikkhakena hi vipākeneva bhavitabbaṃ. **Sabbampi kāraṇabhedanti** sabbampi yathāvuttaṃ tittakarānaṃ sāvakānaṃ apāyadukkāvahaṃ micchāpaṭipattisaṅkhātāṃ kāraṇavisesaṃ. **So panesa pasādo na niyyāti** micchattapakkhikattā surāpītasīṅgāle pasādo viya. Surāṃ parissāvetvā chaḍḍitakasaṭaṃ **surājallikaṃ**. Brahmaṇā nāma dhanaluddhāti adhippāyenāha “**imaṃ vañcessāmi**”ti. **Kaṃsasatāti** kahāpaṇasatā.

144. **Tassāti** pasādassa. Sabbopi lobho kāmupādānanteva vuccatīti āha “**arahattamaggena kāmupādānassa pahānaparīññaṃ**”ti. **Evarūpeti** īdise sabbaso kilesānaṃ upasamaṃvattanike. Yathānusiṭṭhaṃ paṭipajjamānānaṃ apāyesu apatanavasena dhāraṇaṭṭhena **dhamme**. Sabbaso vinayaṇaṭṭhena **vinaye**. Tattha bhavadukkhanissaraṇāya saṃvattane.

Namassamāno aṭṭhāsi dve asaṅkhyeyyāni paccekabodhipāramīnaṃ pūraṇena tattha buddhasāsane paricayena ca bhagavati pasannacittatāya ca. “**Ulūkā**”tyādi gāthā rukkhadevatāya bhāsītā. **Kāluṭṭhanti** sāyanhakāle divāvihārato uṭṭhitaṃ. **Duggateso na gacchatīti** duggatiṃ eso na gamissati. **Morajiko** murajavādako. **Mahābherivādakavatthu**-ādīnipi sitapātukaraṇaṃ ādīṃ katvā vitthāretabbāni.

Paramattheti lokuttaradhamme. **Kiṃ pana**¹ **vattabbanti** dhammepi paramatthe nimittam gahetvā suṇantānam. **Sāmaṇeravattthūti** pabbajitadvaseyeva sappena daṭṭho hutvā kālam katvā devalokam upapannasāmaṇeravattthu.

Khīrodananti khīrena saddhim sammissam odanam. **Timbarusakanti** tindukaphalam. Tipusasadisā ekā vallijāti timbarusam, tassa phalam timbarusakanti ca vadanti. **Kakkārikanti** khuddaka-elālukam. Mahātipusanti ca vadanti. **Vallipakkanti** khuddakatipusavalliyā phalam. **Hatthapatāpakanti** mandāmukhi. **Ambakañjiki** ambilakañjikam. Khaḷayāguntipi vadanti. **Doṇinimajjananti** satelam tilapiññakam. **Vidhūpananti** caturassabjjanim. **Tālavaṇṭanti** tālapatthehi katamaṇḍalabjjanim. **Morahatthanti** morapiñchehi katam makasabjjanim.

Vuttanayānusārenevāti yasmā idhāpi yathāvuttam sabbampi kāraṇabhedaṃ ekato katvā dassento sathā “tam kissa hetū”ti-ādimāha, tasmā tattha aniyyānikasāsane vuttanayassa anussaraṇavasena yojetvā veditabban.

145. **Pariññanti** pahānapariññam. **Tesam paccayam dassetunti** upādānānam pariññā nāma pahānapariññā, tesam accantanirodho adhippeto, so ca paccayanirodhena hotīti tesam paccayam mūlakāraṇato pabhuti dassetum. **Ayanti** idāni vuccamāno **ettha** “ime cā”ti-ādipāṭhe “kiṃnidānā”ti-ādisamāsapadānam attho. **Sabbapadesūti** “taṇhāsamudayā”ti-ādīsu sabbesu padesu. Iminā eva ca sabbaggahaṇena “phassanidānā”ti-ādīnampi padānam saṅgaho daṭṭhabbo. Ime aññatitthiyā upādānānampi samudayam na jānanti, kuto nirodham, tathāgato pana tesam tappaccayapaccayānampi samudayañca atthaṅgamañca yāthāvato jānāti, tasmā “idheva bhikkhave samaṇo -pasuññā parappavādā samaṇebhi aññehī”ti² yathāraddhasihanādam matthakam pāpetvā dassento “ime ca bhikkhave cattāro upādānā”ti-ādīnā³ nayena desanam paṭiccasamuppādamukhena otārento vaṭṭam dassetvā “yato ca kho”ti-ādīnā vivaṭṭam dassento arahattena desanāya kūṭam gaṇhi, tamattham dassento “**yasmā pana bhagavā**”ti-ādimāha. Tam suviññeyyameva.

Cūlasihanādasuttavaṇṇanāya līnatthappakāsanaṃ samattā.

1. Nāma (Ka)

2. Ma 1. 92 piṭṭhe.

3. Ma 1. 96 piṭṭhe.

2. Mahāsīhanādasuttavaṇṇanā

Vesālīnagaravaṇṇanā

146. **Aparāparanti** punappunam. **Visālībhūtatāyāti** gāvutantarām gāvutantarām puthubhūtatāya. **Tatrāti** tassam visālībhūtatāyam. **Chaḍḍitamatteti** vissaṭṭhamatte. **Ūmibhayādīhīti** ūmikumbhīlā-āvaṭṭasaṃsukābhayehi. Udakappavāhenāgatassapi ca usmā na vigacchati, usmā ca nāma īdisassa saviññāṇakatāya bhaveyyāti “**siyā gabbho**”ti cintesi. **Tathāhīti**-ādi tattha kāraṇacintā. Puññavantatāya **duggandham** nāhosi, sa-usumatāya **pūtikabhāvo**. Dārakānam puññūpanissayato **aṅguṭṭhakato cassa khīram nibbatti**, khīrabhattaṅca labhi. Carimakabhava bodhisatte kucchigate bodhisattamātu viya udaracchaviyā acchavippasannatāya nicchavi viyāti katvā āha “**nicchavī ahesun**”ti. **Tesanti** dvinnam dārakānam. **Mātāpitaroti** posakamātāpitaro. **Abhisiñcitvā rājānam akaṃsu** rajjasampattiyā dāyakassa kammassa katattā, asambhinne eva rājakule uppannattā ca. Kumārassa puññānubhāvasaṅcoditā devatādhiggahitāti keci.

Purassa apareti purassa aparadisāya gāvutamatte ṭhāne jīvakambavanam viya sapākāramandirake. **Acirapakkantoti** ettha na desantarapakkamanam adhippetam, atha kho sāsānato apakkamananti dassento “**vibbhamitvā**”ti-ādimāha. Tenevāha “**imasmā dhammavinayā**”ti. **Parisatīti** parisāyam, janasamūhetti attho. Janasamūhagato pana “**parisamajjhe**”ti vutto. Bhāvanāmanasikārena vinā pakatiyāva manussehi nibbattetabbo dhammoti **manussadhammo**, manussatbhāvāvaho vā dhammo **manussadhammo**, anuḷāram parittakusalam. Yam asatipi buddhuppāde vattati, yaṅca sandhāyāha “**hīnena brahmacariyena, khattiye upapajjati**”ti. “**Amhākam buddho**”ti buddhe mamattakārino **buddhamāmakā**. Sesapadadvayepi eseva nayo.

Uttarimanussadhammādivaṇṇanā

Alaṃ ariyāya ariyabhāvāyāti **alamariyo**, rūpāyatanam jānāti cakkhuviññānam viya passati cāti **ñāṇadassanam**, dibbacakkhu. Sammasanupage ca pana dhamme lakkhaṇattayañca tathā jānāti passati cāti **ñāṇadassanam**, vipassanā. Nibbānam, cattāri vā saccāni asammohapaṭivedhato jānāti passati cāti **ñāṇadassanam**, maggo. Phalaṃ pana nibbānavaseneva yojetabbaṃ. Paccavekkhaṇā maggādhigatassa atthassa paccakkhato jānanaṭṭhena **ñāṇadassanam**, sabbaññutā anāvarenaṭṭhāya samantacakkhutāya ca **ñāṇadassanam**. **Lokuttaramaggo adhippeto**, tasmiṃ hi paṭisiddhe sabbesampi buddhaguṇānam asambhavoti adhippāyo. Tenāha “**taṃ hi so bhagavato paṭisedheti**”ti.

Sukhumaṃ dhammantaraṃ nāma jhānavipassanādikaṃ ācariyānuggahena **gahitaṃ nāma natthi**. **Takkapariyāhatanti** “iti bhavissati, evaṃ bhavissati”ti taṃtaṃdassetabbamatthatakkanaena vitakkanamattena parito āhataṃ parivattitaṃ katvā. Tenāha “**takketvā**”ti-ādi. **Lokiyapaññaṃ anujānāti** upanisinnaparisāya anukūladhammakathanatoti adhippāyo. Tenāha “**samaṇo gotamo**”ti-ādi. Paṭibhātīti paṭibhānam, “iti vakkhāmi”ti evaṃpavattaṃ kathanacittaṃ, tato paṭibhānato jānanaṃ paṭibhānam, āgamābhāvato sayameva upaṭṭhitattā **sayampaṭibhānam**. Tenāha “**imināssa dhammesu paccakkhabhāvaṃ paṭibāhati**”ti. **Suphusitanti** nibbivaraṃ. Aphusitatte hi sukhena vacīghoso na niccharati. **Dantāvaraṇanti** oṭṭhadvayaṃ. Jivhāpi thaddhatāya sukhena vacīghoso na niccharatīti āha “**mudukā jivhā**”ti. Karavīkarutamañjutāya **madhuro saro**. Elaṃ vuccati doso, elaṃ gaḷatīti elagaḷā, na elagaḷā **anelagaḷā**, niddosā, na rujjhatīti attho. Sabbametaṃ rañjanasseva kāraṇam dassento vadati.

Pañca dhammāti gambhīrañāṇacariyabhūtānam khandhādīnam uggahaṇasavanadhāraṇaparicayayonisomanasikāre sandhāyāha. **Takkarassa sammā dukkhakkhayāyāti** ettha **sammā**-saddo ubhayatthāpi yojetabbo “sammā takkarassa sammā dukkhakkhayāyā”ti. Yo hi sammā dhammaṃ paṭipajjati, tasseva sammā dukkhakkhayo hoti. Yo pana vuttanayena takkaro, tassa niyyānam atthato dhammasseva niyyānanti āha “**so dhammo -pa- niyyāti gacchatī**”ti.

147. **Kodhanoti** kujjhanasīlo. Yasmā pana sunakkhatto kodhavasena kurūro pharusavacano ca, tasmā āha “**kodhanoti caṇḍo pharuso cā**”ti. **Tasmim attabhāve maggaphalānaṃ upanissayo natthīti** tasmim attabhāve uppajjanārahānaṃ maggaphalānaṃ upanissayo natthi. **Taṃ buddhā “moghapuriso”ti vadanti** yathā taṃ Sudinnalāḷudāyi-ādike. **Upanissaye satipi tasmim khaṇe magge vā phale vā asati “moghapuriso”ti vadanti** yathā taṃ dhaniyūpasenattherādike. Samucchinnopanissaye pana vattabbameva natthi. Yathā “makkhali moghapuriso manussakhippaṃ maññe”ti¹ tathā sunakkhattopīti āha “**imassa panā**”ti-ādi. **Assāti** etena. Kattari hidam sāmivacanaṃ. **Kodhenāti** kodhahetunā.

Bhagavatoti sampadānavacanaṃ kuddhapadāpekkhāya. **Pubbeti** bhikkhukāle. **Saddaṃ sotukāmoti** so kira dibbacakkhunā tāvatimsabhavane devatānaṃ rūpaṃ passanto oṭṭhacalanaṃ passati, na pana saddaṃ suṇāti, tasmā tāsam saddaṃ sotukāmo ahosi. Tena vuttaṃ “**saddaṃ sotukāmo -papucchi**”ti. So ca atīte ekaṃ sīlavantaṃ bhikkhuṃ kaṇṇasakkhaliyaṃ paharivā badhiraṃ māsi, tasmā parikkammaṃ karontopi abhabbova dibbasotādhigamāya. Taṃ sandhāya vuttaṃ “**upanissayo natthīti ñatvā parikkammaṃ na kathesi**”ti. **Cintesīti** attano micchāparivittakkena ayoniso ummujjanto cintesi.

Niyyānikattāvabodhanato abhedopacārena “**desanāddhammo niyyāniko**”ti vutto. Niyyāno vā ariyamaggo bodhetabbo etassa atthīti **niyyāniko desanāddhammo**. **Attani atthitaṃ dasseti** kiccāsiddhidassanena tattha tattha pākaṭṭikatattā, na paṭiññāmetena. Tathā hi yathāparādham taṃtaṃsikkhāpadapaññattiyā yathāddhammaṃ veneyyajjhāsayanurūpaṃca aviparītadhammadesanāya devamanussehi yathābhisaṅkhatapañhānaṃ tadajjhāsayanukūlaṃ ṭhānaso vissajjanena ca bhagavato sabbattha appaṭihatañānacārabhāvena **sabbaññutaññānaṃ** viññūnaṃ pākaṭṭam, tathā tattha tattha yamakapāṭihāriyakaraṇādīsu **iddhividhaññānādīni**. Tenāha “**mayhañcā**”ti-ādi. Anveti yathāgahitasāṅketassa anugamanavasena

1. Am 1. 35 piṭṭhe.

eti jānātīti **anvayo**. Tenāha “**anubujjhatīti attho**”ti. Saṅketānugamanam cetha “yathāparādham taṃtaṃsikkhāpadapaññattiyā”ti-ādinā vuttanayameva. **Evam yojanā veditabbā**ti yathā sabbaññutaññāṇena yojanā katā, evam “evarūpampi nāma mayham iddhividhaññāṇasaṅkhātāṃ uttarimanussadhamman”ti-ādinā tattha tattha yojanā veditabbā.

Uttarimanussadhammādivaṇṇanā niṭṭhitā.

Dasabalaññāvaṇṇanā

148. Yadipi ādito abhiññāttayavasena desanāya āgatattā cetopariyaññānantaram upari tisso abhiññā vattabbā siyunti vattabbam siyā, atthato pana vijjāttayam yathāvutta-abhiññāttayamevāti katvā “**tisso vijjā vattabbā siyun**”ti vuttam. Kasmā panettha “**tāsu vuttāsu upari dasabalaññam na paripūratī**”ti vuttam, nanu imāni ñāṇāni sesābhiññā viya attano visayassa abhijānanaṭṭham upādāya abhiññāsu vattabbāni, akampiyatṭham pana upatthambhanaṭṭhañca upādāya balaññāṇesu yathā sammāsati-ādayo indriyabalabojjhaṅgamaggaṅgesūti? Nayidamevam. Tattha hi dhammānam dhammakiccavisesavibhāvanaparāya desanāya vuttam, idha pana satthu guṇavisesavibhāvanaparāya desanāya tathā vuttam na sakkā atthato anaññattā, ekaccānam puthujjanānam evam cittaṃ uppajjeyya “kimidaṃ bhagavā heṭṭhā vuttaguṇe punapi gaṇhanto guṇādhikadassanam karotī”ti, tasmā suvuttametam “upari dasabalaññam na paripūratī”ti.

Aññehi asādhāraṇānīti kasmā vuttam¹, nanu cetāni sāvakānampi ekaccānam uppajjantīti? Kāmaṃ uppajjanti, yādisāni pana buddhānam ṭhānāṭṭhānaññādīni, na tādisāni tadaññesaṃ kadācipi uppajjantīti aññehi asādhāraṇānī. Tenāha “**Tathāgatasseva balānī**”ti. Imameva hi yathāvuttalesaṃ apekkhitvā tadabhāvato āsayānusayaññādīsu eva asādhāraṇaguṇasamaññā niruḷhā. Kāmaṃ ñāṇabalānam ñāṇasambhāro visesapaccayo, puññasambhāropi pana nesaṃ paccayo

1. Am-Ṭī 3. 312 piṭṭhādīsipi passitabbam.

eva, nāṇasambhārassapi vā puññasambhārabhāvato “**puññussayasampattiya āgatāni**”ti vuttaṃ.

Pakatihatthikulanti¹ giricaranadīcaravanacarādippabhedā gocarīyakālāvakanāmā sabbāpi balena pākatikā hatthijāti. **Dasannaṃ purisānanti** thāmamajjhimanāṃ dasannaṃ purisānaṃ. Ekassa tathāgatassa kāyabalanti ānetvā sambandho. **Ekassāti** ca tathā heṭṭhākathāyaṃ āgatattā desanāsotena vuttaṃ. **Nārāyanasaṅghātabalanti** ettha nārā vuccanti rasmiyo, tā bahū nānāvīdhā ito uppajjantīti **nārāyanam**, vajjiraṃ, tasmā nārāyanasaṅghātabalanti vajjiraṅghātabalanti attho. **Nāṇabalaṃ pana pāliyaṃ āgatameva**, na kāyabalaṃ viya aṭṭhakathāruḷhamevāti adhippāyo. “**Samyuttake āgatāni tesattati nāṇāni sattaṣattati nāṇāni**”ti vuttaṃ², tattha pana nidānavagge³ sattaṣattati āgatāni catucattārīsaṅca, tesattati pana paṭisambhidāmagge⁴ sutamayādīni āgatāni dissanti, na samyuttake. **Aññānipīti** etena nāṇavattuvibhaṅge ekakādivasena vuttāni, aññattha ca “pubbante nāṇaṃ”ti-ādinā⁵ brahmajālādīsu⁶ ca “tayidaṃ tathāgato pajānāti, imāni diṭṭhiṭṭhānāni evaṃ gahitāni”ti-ādinā vuttāni anekāni nāṇappabhedāni saṅgaṇhāti. Yāthāvapaṭivedhato sayaṅca akampiyaṃ puggalaṅca taṃsamaṅgim neyyesu adhibalaṃ karotīti āha “**akampiyatṭhena upatthambhanaṭṭhena cā**”ti.

Usabhassa idanti **āsabham**⁷, seṭṭham ṭhānaṃ. Sabbaññutapaṭijānanavasena abhimukhaṃ gacchanti, aṭṭha vā parisā upasaṅkamanīti **āsabhā**, pubbabuddhā. **Idaṃ panāti** buddhānaṃ ṭhānaṃ sabbaññutameva vadati. **Tiṭṭhamānovāti** avadantopi⁸ tiṭṭhamānova paṭijānāti nāmāti attho. **Upagacchatīti** anujānāti.

Aṭṭhasu parisāsūti “abhi jānāmi kho panāham Sāriputta anekasataṃ khattiyaparisaṃ -pa-. Tatra vata maṃ bhayaṃ vā sārājjaṃ vā okkamissatīti nimittametaṃ Sāriputta na samanupassāmi”ti⁹ vuttāsu aṭṭhasu parisāsu.

1. Saṃ-Ṭī 2. 54 piṭṭhādīsūpi passitabbam.

3. Saṃ 1. 90 piṭṭhe.

5. Abhi 1. 216, 222, 226 piṭṭhesu.

7. Am-Ṭī 2. 226 piṭṭhādīsūpi passitabbam.

9. Ma 1. 104 piṭṭhe.

2. Mūlaṭī 2. 197 piṭṭhādīsūpi passitabbam.

4. Khu 9. 1, 5 piṭṭhādīsū.

6. Dī 1. 16 piṭṭhe.

8. Atiṭṭhantopi (Saṃ-Ṭī 2. 56 piṭṭhe.)

Abhītanādaṃ nadatīti parato dassitañāṇayogena dasabalohanti abhītanādaṃ nadati. **Sīhanādasuttēna khandhavagge**¹ āgatena.

“Devamanussānaṃ catucakkaṃ vattatī”² ti² suttasesena sappurisūpassayādīnaṃ phalasampattipavatti, purimasappurisūpassayādīnaṃ upanissāya pacchimasappurisūpassayādīnaṃ sampattipavatti vā vuttatī ādi-saddena tattha ca cakka-saddassa gahaṇaṃ veditabbaṃ. Vicakkasaṅṭhānā asani eva **asanivicakkaṃ. Uracakkādīsūti ādi-saddena āṇāsamūhādīsūpi** cakka-saddassa pavatti veditabbā. “Saṃghabhedāṃ karissāma cakkabhedānaṃ”³ ti-ādīsū³ hi āṇā “cakkaṃ”³ ti vuttā, “devacakkaṃ asuracakkaṃ”⁴ ti-ādīsū⁴ samūhoti. Paṭivedhaniṭṭhattā arahattamaggañāṇaṃ paṭivedhoti **“phalakkhaṇe uppannaṃ nāma”** ti vuttam. Tena paṭiladdhassapi desanāñāṇassa kiccaṇipphatti parassa bujjanamattena hotīti **“aññātakonḍañṇassa sotāpatti -pa- phalakkhaṇe pavattaṃ nāma”** ti vuttam. Tato paraṃ pana yāva parinibbānā desanāñāṇappavatti tasseva pavattitassa dhammacakkassa ṭhānanti veditabbaṃ pavattitacakkassa cakkavattino cakkaranassa ṭhānaṃ viya.

“Tiṭṭhatī” ti vuttam, kiṃ bhūmiyaṃ puriso viya? Noti āha **“tadāyattavuttitāyā”** ti. **Ṭhānanti** cettha attalābho dharamānatā ca, na gatinivattīti āha **“uppajjati ceva pavattati cā”** ti. Yattha panetaṃ dasabalañāṇaṃ vitthāritaṃ, taṃ dassento **“abhidhamme paṇā”** ti-ādimāha. Sesesupi eseva nayo.

Samādiyantīti **samādānāni**, tāni pana samādiyitvā katāni hontīti āha **“samādiyitvā katānaṃ”** ti. **Kammameva vā kammamānānanti** etena samādānasaddassa apubbatthābhāvaṃ dasseti muttagatasadde gatasaddassa viya. **Gatīti** nirayādigatiyo. **Upadhīti** attabhāvo. **Kāloti** kammassa vipaccanārahakālo. **Payogoti** vipākuppattiyā paccayabhūtā kiriyā.

Agatigāmininti nibbānagāminim. Vakkhati hi “nibbānañcāhaṃ Sāriputta pajānāmi nibbānagāmiṃca maggaṃ nibbānagāminiṃca paṭipadaṃ”⁵.

Bahūsipi manussesu

1. Saṃ 2. 70 piṭṭhe.

2. Am 1. 341 piṭṭhe.

3. Vi 1. 263; Vi 4. 358 piṭṭhesu.

4. Am-Ṭī 2. 227 piṭṭhepi.

5. Ma 1. 106 piṭṭhe.

ekameva pāṇaṃ ghātentesu kāmaṃ sabbesaṃ cetanā tassevekassa jīvitindriyārammaṇā, taṃ pana kammaṃ tesāṃ nānākāraṃ. Tesu¹ hi eko ādarena chandajāto karoti, eko “ehi tvampi karohī”ti parehi nippīḷito karoti, eko samānacchando viya hutvā appaṭibāhamāno vicarati. Tesu eko teneva kammena niraye nibbattati, eko tiracchānayoniyāṃ, eko pettivisaye. Taṃ tathāgato āyūhanakkhaṇe eva “iminā nīhārena āyūhitattā esa niraye nibbattissati, esa tiracchānayoniyāṃ, esa pettivisaye”ti jānāti. Niraye nibbattamānampi “esa mahāniraye nibbattissati, esa ussaniraye”ti jānāti. Tiracchānayoniyāṃ nibbattamānampi “esa apādako bhavissati, esa dvipādako, esa catuppado, esa bahuppado”ti jānāti. Pettivisaye nibbattamānampi “esa nijjhāmatanḥhiko bhavissati, esa khuppipāsiko, esa paradattūpajīvī”ti jānāti. Tesu ca kammesu “idaṃ kammaṃ paṭisandhimākaḍḍhissati, idaṃ aññena dinnāya paṭisandhiyā upadhivepakkaṃ bhavissati”ti jānāti.

Tathā sakalagāmaṃvāsikesu ekato piṇḍapātāṃ dadamānesu kāmaṃ sabbesampi cetanā piṇḍapātārammaṇāva, taṃ pana kammaṃ tesāṃ nānākāraṃ. Tesu hi eko ādarena karotīti sesāṃ purimasadisāṃ, tasmā tesu keci devaloke nibbattanti, keci manussaloke, taṃ tathāgato āyūhanakkhaṇe ya eva jānāti, “iminā nīhārena āyūhitattā esa manussaloke nibbattissati, esa devaloke, tatthāpi esa khattiyakule, esa brāhmaṇakule, esa vessakule, esa suddakule, esa paranimmitavasavattīsu, esa nimmānaratīsu, esa tusitesu, esa yāmesu, esa tāvatimśesu, esa cātumahārājikesu, esa bhummadevesū”ti-ādinā tattha tattha hīnapaṇītasuvaṇṇadubbaṇṇa-appaparivāramahāparivāratādibhedāṃ taṃ taṃ viśesaṃ āyūhanakkhaṇe ya eva jānāti.

Tathā vipassanaṃ paṭṭhapentesuyeva “iminā nīhārena esa kiñci sallakkhetuṃ na sakkhissati, esa mahābhūtamattameva vavatthapessati, esa rūpapariḅgaheyaṃ ṭhassati, esa arūpapariḅgaheyaṃ, esa

1. Abhi-Ṭṭha 2. 436 piṭṭhādīsopi passitabbaṃ.

nāmarūpapariggaheya, esa paccayapariggahe eva, esa lakkhaṇārammaṇikavipassanāya eva, esa paṭhamaphaleya, esa dutiyaphale eva, esa tatiyaphale eva, esa arahattaṃ paṇḍissatī”ti jānāti. Kasiṇaparikkammaṃ karontesupi “imassa parikkammamattameva bhavissati, esa nimittaṃ uppādessati, esa appanaṃ eva paṇḍissati, esa jhānaṃ pādakaṃ katvā vipassanaṃ paṭṭhapetvā arahattaṃ gaṇhissatī”ti jānāti. Tenāha “**imassa cetanā**”ti-ādi.

Kāmanato, kāmetabbato, kāmapaṭisaṃyuttato ca kāmo dhātu **kāmadhātu**. **Ādi**-saddena byāpādadhāturūpadhātu-ādīnaṃ saṅgaho. **Vilakkhaṇatāyā**ti visadisasabhāvatāya. **Khandhāyatanadhātulokanti** anekadhātum nānādhātum khandhalokaṃ āyatanalokaṃ dhātulokaṃ yathābhūtaṃ pajānāti yojanā. “Ayaṃ rūpakkhando nāma -pa- ayaṃ viññāṇakkhandho nāma. Tesupi ekavidhena rūpakkhando, ekādasavidhena rūpakkhando¹. Ekavidhena vedanākkhandho, bahuvidhena vedanākkhandho². Ekavidhena saññākkhandho, bahuvidhena saññākkhandho³. Ekavidhena viññāṇakkhandho, bahuvidhena viññāṇakkhandho”ti⁴ evaṃ tāva khandhalokassa, “idaṃ cakkhāyatanam nāma -pa- idaṃ dhammāyatanam nāma. Tattha dasāyatanā kāmāvacarā, dve cātubhūmakā”ti-ādīnā⁵ āyatanalokassa, “ayaṃ cakkhudhātu nāma -pa- ayaṃ manoviññādhātu nāma, tattha soḷasa dhātuyo kāmāvacarā, dve cātubhūmakā”ti-ādīnā⁶ dhātulokassa anekasabhāvaṃ nānāsabhāvaṃca pajānāti. Na kevalaṃ upādinnakasaṅkhāralokasseva, atha kho anupādinnakasaṅkhāralokassapi “imāya nāma dhātuyā ussannattā imassa rukkhassa khandho seto, imassa kāḷo, imassa maṭṭho, imassa sakaṇṭako, imassa bahalattaco, imassa tanuttaco, imassa pattaṃ vaṇṇasaṅghānādivasena evarūpaṃ. Imassa pupphaṃ nīlaṃ pītaṃ lohitaṃ odātaṃ sugandhaṃ duggandhaṃ, imassa phalaṃ khuddakaṃ mahantaṃ dīghaṃ rassaṃ vaṭṭaṃ susaṅghānaṃ dussaṅghānaṃ mudukaṃ pharusam sugandhaṃ duggandhaṃ madhuraṃ tittakaṃ kaṭukaṃ ambilaṃ kasāvaṃ, imassa kaṇṭako tikhiṇo kuṇṭho

1. Abhi 2. 13, 15 piṭṭhesu.

2. Abhi 2. 15, 26 piṭṭhesu.

3. Abhi 2. 26, 37 piṭṭhesu.

4. Abhi 2. 49, 59 piṭṭhesu.

5. Abhi 2. 83 piṭṭhe.

6. Abhi 2. 102 piṭṭhe.

ujuko kuṭilo tambo kāḷo odāto hotī”ti-ādinā pajānāti. Sabbaññubuddhādīnaṃ eva hi etaṃ balaṃ, na aññesaṃ.

Nānādhimuttikatanti nānā-ajjhāsayataṃ. Adhimutti nāma ajjhāsayadhātu ajjhāsayasabhāvo, so pana hīnapaṇītatāsamaññena pāḷiyāṃ dvidhāva vuttopi hīnapaṇītādibhedena anekavidhoti āha “**hīnādīhi adhimuttīhi nānādhimuttikabhāvan**”ti. Tattha tattha ye ye sattā yaṃyaṃadhimuttikā, te te taṃtadadhimuttike eva sevanti bhajanti payirupāsanti dhātusabhāgato. Yathā gūthādīnaṃ dhātusabhāvo eso, yaṃ gūthādīhi eva saṃsandanti samenti, evaṃ (puggalānaṃ ajjhāsayassevesa sabhāvo, yaṃ)¹ hīnajjhāsayā dussīlādīhi eva saṃsandanti samenti, sampannasīlādayo ca sampannasīlādīheva. Taṃ nesaṃ nānādhimuttikataṃ bhagavā yathābhūtaṃ pajānātīti.

Vuddhiṅca hāniṅcāti paccayavisesena sāmattiyato adhikataṃ anadhikataṅca. Indriyaparopariyattañāṇaniddese² “āsayāṃ jānāti anusayāṃ jānāti”ti āsayādi jānanāṃ kasmā niddiṭṭhanti? Āsayajānanādinā yehi indriyehi paroparehi sattā kalyāṇapāpāsayādikā honti, tesāṃ jānanassa vibhāvanato. Evaṅca katvā indriyaparopariyatta-āsayānusayañāṇānaṃ visum asādhāraṇatā, indriyaparopariyattanānādhimuttikatāñāṇānaṃ visum balatā ca siddhā hoti. Tattha āsayanti yattha sattā nivasanti, taṃ tesāṃ nivāsaṭṭhānaṃ diṭṭhigataṃ vā yathābhūtañāṇānaṃ vā **āsayo**. **Anusayo** appahīnabhāvena thāmagato kilesa, taṃ pana bhagavā sattānaṃ āsayāṃ jānanto tesāṃ tesāṃ diṭṭhigatānaṃ, vipassanāmaggañāṇānaṅca appavattikkhaṇepi jānāti. Vuttaṃ hetā—

“Kāmaṃ sevantaṃyeva bhagavā jānāti ‘ayaṃ puggalo kāmagaruko kāmāsayo kāmadhimutto’ti. Kāmaṃ sevantaññeva jānāti ‘ayaṃ puggalo nekkhammagaruko nekkhammāsayo nekkhammadhimutto’ti. Nekkhammaṃ sevantaññeva jānāti. Byāpādaṃ, abyāpādaṃ, thinamidham, ālokasaññaṃ

1. () Porāṇapāṭhe natthi, Mūlaṭī 2. 212 piṭṭhe passitabbaṃ.

2. Abhi 2. 353; Khu 9. 117 piṭṭhesu.

sevantaṃyeva jānāti ‘ayaṃ puggalo thinamiddhagaruko thinamiddhāsayo thinamiddhādhimutto’¹.

Paṭhamādīnaṃ catunnaṃ jhānānanti rūpāvacarānaṃ paṭhamādīnaṃ paccanīkajhāpanaṭṭhena ārammaṇūpanijjhānaṭṭhena ca jhānānaṃ. Catukkanayena hetam vuttaṃ. **Aṭṭhannaṃ vimokkhānanti** ettha paṭipāṭiyā satta appitappitakkhaṇe paccanīkadhammehi vimuccanato ārammaṇe ca adhimuccanato vimokkhā nāma, aṭṭhamo pana sabbaso saññāvedayitehi vimuttatā apagamavimokkho nāma. Catukkanayapañcakanayesu paṭhamajjhānasamādhi savitakkasavicāro nāma, pañcakanaye dutiyajjhānasamādhi avitakkavicāramatto, nayadvayepi upari tīsu jhānesu samādhi avitakka-avicāro, samāpattīsu paṭipāṭiyā aṭṭhannaṃ samādhītipi nāmaṃ, samāpattītipi cittekaggatāsabbhāvato, nirodhasamāpattiyā tadabhāvato na samādhīti nāmaṃ. **Hānabhāgiyadhammanti** appaguṇehi paṭhamajjhānādīhi vuṭṭhitassa saññāmanasikārānaṃ kāmādi-anupakkhandanaṃ. **Visesabhāgiyadhammanti** paguṇehi paṭhamajjhānādīhi vuṭṭhitassa saññāmanasikārānaṃ dutiyajjhānādipakkhandanaṃ. Iti saññāmanasikārānaṃ kāmādidutiyajjhānādipakkhandanāni hānabhāgiyavisesabhāgiyadhammāti dassitāni, tehi pana jhānānaṃ taṃsabhāvata dhamma-saddena vuttā. **Tasmāti** vuttamevatthaṃ hetubhāvena paccāmasati. **Vodānanti** paguṇatāsaṅkhātānaṃ vodānaṃ. Taṃ hi paṭhamajjhānādīhi vuṭṭhahitvā dutiyajjhānādi-adhigamassa paccayattā “**vuṭṭhānan**”²ti vuttaṃ. Ye² pana “nirodhato phalasamāpattiyā vuṭṭhānanti pāḷi natthī”³ti vadanti, te “nirodhā vuṭṭhahantassa nevasaññānāsaññāyatanaṃ phalasamāpattiyā anantarapaccayena paccayo”³ti imāya **pāḷiyā**³ paṭisedhetabbā. Yo samāpattilābhī samāno eva “na labhāman”³ti, kammatṭhānaṃ samānaṃ eva “na kammatṭhānan”³ti saññī hoti, so sampattimyeva samānaṃ “vipattī”³ti paccetīti veditabbo.

149. **Appananti** nigamaṇaṃ. **Na tathā daṭṭhabbanti** yathā paravādinā vuttaṃ, tathā na daṭṭhabbaṃ. **Sakasakakiccameva jānātīti** ṭhānāṭṭhānājanānādīm sakaṃ sakaṃyeva kiccaṃ kātuṃ jānāti, yathāsakameva visayaṃ paṭivijjhatīti attho. **Tampīti** tehi dasabalañāṇehi jānitabbampi.

1. Khu 9. 118 piṭṭhe Paṭisambhidāmagge.

2. Keci (Am-Ṭi 3. 318 piṭṭhe.)

3. Abhi 8. 138 piṭṭhe paṭṭhāne.

Kammantaravipākantaramevāti kammantarassa vipākantarameva jānāti, cetanācetanāsampayuttadhamme nirayādinibbānagāminipaṭipadābhūte kammanti gahevā āha “**kammaparicchedamevā**”ti. Dhātunānattañca dhātunānattakāraṇaṇca **dhātunānattakāraṇanti** ekadesasarūpekaseso daṭṭhabbo. Tam hi nāṇaṃ tadubhayampi jānāti, “imāya nāma dhātuyā ussannattā”ti-ādīnā¹ tathā ceva samvaṇṇitaṃ. **Saccaparicchedamevā**ti pariññābhisamayādivasena saccānaṃ paricchindanameva. **Appetum na sakkoti** aṭṭhamanavamabalāni viya taṃsadisaṃ iddhividhañāṇaṃ viya **vikubbitum**. Etenassa balasadisatañca nivāreti. Jhānādīñāṇaṃ viya vā **appetum vikubbitum** ca. Yadipi hi “jhānādipaccavekkhaṇāñāṇaṃ sattamabalan”ti tassa savitakkasavicāratā vuttā, tathāpi “jhānādīhi vinā paccavekkhaṇā natthī”ti jhānādisahagataṃ nāṇaṃ tadantogadham katvā evaṃ vuttanti veditabbaṃ. Atha vā sabbaññutaññāṇaṃ jhānādikiccaṃ viya na sabbaṃ balakiccaṃ kātum sakkotīti dassetum “**jhānaṃ hutvā appetum na sakkoti, iddhi hutvā vikubbitum na sakkoti**”ti vuttam, na pana kassaci balassa jhāna-iddhibhāvatoti daṭṭhabbaṃ. Evaṃ kiccavisesavasenapi dasabalañāṇasabbaññutaññāṇaṃ visesaṃ dassetvā idāni vitakkatikabhūmantaravasenapi taṃ dassetum “**apicā**”ti-ādi vuttam. **Paṭipāṭiyāti**-ādito paṭṭhāya paṭipāṭiyā.

Anupadavaṇṇanaṃ katvā² veditabbānīti sambandho. Kilesāvaraṇaṃ niyatamicchādīṭṭhi, kilesāvaraṇassa abhāvo āsavakkhayādhigamassa ṭhānaṃ, tabbhāvo aṭṭhānaṃ, anadhigamassa pana tadubhayaṃ yathākkamaṃ aṭṭhānañca ṭhānañcāti tattha kāraṇaṃ dassento “**lokiya -pa- dassanato cā**”ti āha. Tattha lokiyasammādiṭṭhiyā ṭhiti āsavakkhayādhigamassa ṭhānaṃ kilesāvaraṇābhāvassa kāraṇattā. Sā hi tasmim sati na hoti, asati, ca hoti. Etena tassā aṭṭhitiyā tassa aṭṭhānatā vuttā eva. **Nesaṃ** veneyyasattānaṃ. **Dhātuvemattadassanatoti** kāmādhātu-ādīnaṃ pavattibhedadassanato. Yadaggena dhātuvemattaṃ jānāti, tadaggena cariyāvisesampi jānāti. **Dhātuvemattadassanatoti** vā dhammadhātuvemattadassanato. Sabbāpi hi

1. Abhi-Ṭṭha 2. 438 piṭṭhe.

2. Nāvā (Ka)

cariyā dhammadhātupariyāpannā evāti. **Payogaṃ anādiyitvāpi** santatimahāmatādīnam¹ viya. **Dibbacakkhuññānubhāvato pattaḅbenāti** ettha dibbacakkhunā parassa hadayavatthusannissayalohitavaṇṇadassanamukhena tadā pavattamānacittajānanatthaṃ parikammakaraṇaṃ nāma sāvakaṇaṃ, tañca kho ādikammikānaṃ, yato dibbacakkhu-ānubhāvato cetopariyaññassa pattaḅbatā siyā, buddhānaṃ pana yadipi āsavakkhayaññādhigamato pageva dibbacakkhuññādhigamo, tathāpi tathā parikammakaraṇaṃ natthi vijjāttayasiddhiyā sijjhanato. Sesābhiññāttaye cetopariyaññanaṃ dibbacakkhuññādhigamena pattanti ca vattaḅbatam labhatīti tathā vuttanti daṭṭhabbam.

Puna evarūpiṃ vācaṃ na vakkhāmīti cittaṃ uppādentō taṃ vācaṃ pajahati nāma. Vācāya pana so attho pākaṭo hotīti **“vadanto”**ti vuttam. **Diṭṭhiṃ na gaṇhissāmīti** diṭṭhiggāhapaṭikkhepo. Diṭṭhiyā anuppādanaṃ pajahanamevāti āha **“pajahanto”**ti. So ariyūpavādī **niraye ṭhapitoyeva**, nāssa nirayūpapattiyā koci vibandho ekamsiko ayamatthoti adhippāyo.

Assāti ekamsikabhāvassa. Sikkhāhi sīlasamādhipaññāhi, tadatthāya vipassanāya ca vinā aññārādhanassa asambhavato **“lokiyalokuttarā sīlasamādhipaññā veditabbā”**ti vatvā puna āsannatare sīlādike dassento **“lokuttaravaseneva vinivattetumpi vaṭṭati”**ti āha, tasmā aggamaggapariyāpannā sīlādayo veditabbā. Aggamaggaṭṭhassa hi diṭṭheva dhamme ekamsikā aññārādhanā, itaresaṃ anekamsikāti. Sampajjanaṃ **sampadā**, nipphattīti attho, tasmā **evamsampadanti** evaṃavirajjhanakanipphattikanti vuttam hoti. Tenāha **“imampi kāraṇaṃ”**ti-ādi. Tattha **kāraṇanti** yutti. Tatrāyaṃ yuttiniddhāraṇā **“nirayūpago ariyūpavādī tadādāyassa aviijamānato seyyathāpi micchādiṭṭhi”**ti. Ettha ca **“taṃ vācaṃ appahāyā”**ti-ādivacanena tadādāyassa appahānena ca ariyūpavādo antarāyiko anattāhāvaho ca, pahānena pana accayaṃ desetvā khamāpanena anantarāyiko atthāhāvaho ca yathā taṃ vuṭṭhitā desitā ca āpattīti dasseti.

Dasabalaññavaṇṇanā niṭṭhitā.

1. Khu 1. 34 piṭṭhe.

Catavesārajjāñāvaṇṇanā

150. Byāmahabhayavasena¹ saraṇapariyesanam sārājjanam sārado, byāmahabhayaṃ, vigato sārado etassāti visārado, tassa bhāvo **vesārajjam**. Taṃ pana ñāṇasampadam pahānasampadam desanāvisesasampadam khemaṃ nissāya pavattam catubbidham paccavekkhaṇāñānam. Tenāha “**catūsu ṭhānesū**”ti-ādi. **Dassitadhammesū**ti vuttadhammesu. Vacanamattameva hi tesam, na pana dassanam tādisasseva dhammassa abhāvato. Bhagavatā eva vā “ime dhammā anabhisambuddhā”ti parassa vacanavasena **dassitadhammesu**. “Dhammapaṭṭisambhidā”ti-ādīsu² viya **dhamma**-saddo hetupariyāyoti āha “**sahadhammenāti sahetunā**”ti. **Hetū**ti ca upapattisādhanahetu veditabbo, na kārako sampāpako ca. **Appamāṇanti** anidassanam. Nidassanam hi anvayato byatirekato pamāṇaṅgatāya “pamāṇan”ti vuccati. **Nimittanti** codanāya kāraṇam. Tattha codako codanam karotīti **kāraṇam**, dhammo codanam karoti etenāti **kāraṇam**. Tenāha “**puggalopī**”ti-ādi. **Khemanti** kenaci appaṭṭibandhiyabhāvena anupaddutataṃ.

Antarāyo etesam atthi, antarāye vā yuttāti **antarāyikā**. Evambhūtā pana te yasmā antarāyakarā nāma honti, tasmā āha “**antarāyam karontīti antarāyikā**”ti. Asañcicca vītikkamo na tathā sāvajjoti katvā vuttam “**sañcicca vītikkantā**”ti. **Satta āpattikkhandhāti**-ādi nidassanamattam itaresampi catunnam “antarāyikā”ti vuttadhammanam tabbhāve byabhicārābhāvato. **Idha pana methunadhammo adhippetoti** idam aṭṭhuppattivasena vuttam **arittasikkhāpadam**³ viya. Yasmā taṅkhaṇampi kāmesu⁴ ādīnavam disvā viratto⁵ hoti ce, visesam adhigacchati, na kāmesu āsatto, tasmā vuttam “**methunam -pa- antarāyo hotī**”ti. Tattha **yassa kassacīti** na kevalam pabbajitasseva, atha kho yassa kassaci. Tathā hi vuttam “methunamanuyuttassa, mussatevāpi sāsanam”ti⁶. **Tasmim aniyyānikadhammeti** tasmim parena parikappita-aniyyānikadhammanimittam. Nimittatthe hi idam kammasaṃyoge bhummam.

Catavesārajjāñāvaṇṇanā niṭṭhitā.

1. Am-Ṭī 2. 226 piṭṭhādīsopi passitabban.

3. Vi 2. 175 piṭṭhe.

5. Virato (Am-Ṭī 2. 227 piṭṭhe.)

2. Abhi 2. 307 piṭṭhe.

4. Kāmānam (Am-Ṭī 2. 227 piṭṭhe.)

6. Khu 1. 416 piṭṭhe Suttanipāte.

Aṭṭhapaṇṇasāvaṇṇanā

151. Purisassa sūratarabhāvo nāma saṅgāme pākaṭo hoti, na gehe nisinnakāle, evaṃ vesārajañāṇassa ānubhāvo paṇḍitapaṇṇasāsu yattha katthacīti dassento “**vesārajañāṇassa baladassanattān**”ti āha. **Sannipatitvā nisinnattānanti** ṭhānasīsena sannipatitakhattiyaparisaṃveva dasseti. **Eseva nayo sabbattāti** atidesena āvibhāvitamattham dassetuṃ “**māraṅgikānaṃ**”ti-ādi vuttam sadisattavisayattā atidesassa. Yathā hi khattiyānam samūho khattiyaparisaṃveva ayamattho labbhati, na evaṃ “māraparisaṃveva”ti ettha, māraṅgassa parisaṃveva pana māraparisaṃveva ayamattho adhippeto. Tenāha “**māraṅgikānaṃ -pa- na māraṅgānaṃ**”ti. **Māraṅgikānanti** mārapakkhiyānaṃ.

Uggaṭṭhānadassanavasenati sārājittabbaṭṭhānadassanavasena, evaṃ uggaṭṭhā khattiyā attano puññatejēnāti adhippāyo. **Brāhmaṇā tisu vedesūti** idaṃ itaresaṃ avisayadassanavasena vuttam. Vede sajjhāyantaṃveva hi khattiyā vessa ca tadatthavicāraṅgāya yebhuyyena asamattā evāti. Kasmā panettha yāmādiaparisaṃveva na gahitāti? Bhusaṃ kāmābhigiddhatāya yonisomanasikāravirahato. Yāmādayo hi uḷāruḷāre kāme paṭisevantaṃveva tattābhigiddhatāya dhammassavanāya sabhāvena cittampi na uppādentī, mahābodhisattānaṃveva pana buddhānaṃveva ānubhāvena ākaḍḍhiyamānā kadāci tesaṃ payirupāsanaṃveva karonti, tādisa mahāsamāyē. Teneva hi vimānavatthudesanāpi tannimittā bahulā nāhosi. Manussaṅgānaṃveva vasaṅgānaṃveva katā.

Paracakkavāḷesu ca manussaṅgānaṃveva visesādhigamo natthīti pucchati “**kiṃ pana bhagavā aññāni cakkavāḷāni gacchati**”ti. Itaro yadipi tesaṃ ariyadhammādhigamo natthi, vasaṅgānaṃveva pana tattha gantvā dhammaṃ desetiṃveva dassento “**āma gacchati**”ti āha. **Keyūraṃ nānāvidharatanapaṇṇasāvaṇṇajālavinaddham bhujābharaṅgānaṃ. Aṅgānaṃ nānāgandhagandhitānaṃ, kevalaṃveva vā suvaṇṇamayānaṃ bāhuvalayānaṃ. Bhinnassarāti** dvidhābhūtassara¹. **Gaggarassarāti** gaggarikāya viya gaggarāyamānakharassara². **Bhāsantaranti** tesaṃ bhāsaṃ³ sandhāyāha.

1. Bhinnassarāti dvidhā bhinnassarā (Ka), chinnassarāti dvidhābhūtassara (Dī-Ṭī 2. 159 piṭṭhesu.)

2. Gaggarassarāti jajjaritassara (Dī-Ṭī 2. 159; Am-Ṭī 3. 250 piṭṭhesu.)

3. Tesaṃ sattānaṃveva bhāsato aññānaṃveva bhāsaṃ (Dī-Ṭī 2. 159; Am-Ṭī 3. 250 piṭṭhesu.)

“**Vīmaṁsā uppajjati**”ti saṅkhepato vuttaṁ vivaritum “**idaṁ vuttaṁ hoti**”ti-
ādi vuttaṁ.

Sanḅammāti samāgantvā. Ādito lāpo **ālāpo**, vacanapaṭivacanavasena
samaṁ lāpo **sallāpo**. Sammā, samaññā vā kathā saṁkathā, saṁkathāva
sācakchā.

Atthaparisavaṇṇanā niṭṭhitā.

Catuyonivaṇṇanā

152. Yavanti tāya sattā amissitāpi samānajātītāya missitā viya hontīti
yoni. Sā pana atthato aṇḍādi-uppattiṭṭhānavisiṭṭho khandhānaṁ bhāgaso
pavattivisesoti āha “**khandhakoṭṭhāso yoni nāmā**”ti. **Aṇḍe jātā**ti paṭhamāya
jātiyā vasena vuttaṁ, dutiyāya pana aṇḍato, aṇḍe vā bhijjamāne jātāti
evamattho veditabbo. Tenāha “**abhinibbhijja jāyantī**”ti. **Vinā**ti etehi aṇḍādīhi
bāhirapaccayehi vinā. **Uppatitvā viyābhi** uppajjanavasena patitvā viya.
Bāhirapaccayanirapekkhattāyeva vā upapatane sādhuḅārino upapātikā, te
eva idha **opapātikā**ti vuttā. **Ādi**-saddena gabbhamale
nibbattaMahāpadumakumārādīnaṁ saṅgaho. Nijjhāmatanḅhikapetānaṁ
niccaṁ dukkhāturatāya kāmasēvanā natthi, tasmā te gabbhaseyyakā na
honti, jālavantatāya na tāsāṁ kucchiyaṁ gabbho saṅḅhātī, tasmā te
opapātikāyeva saṁsedajattāyapi asambhavato. **Nerayikā viyā**ti
nidassanāpadesena tesampi opapātikattaṁ dīpeti. **Avasesā**ti
nijjhāmatanḅhikanerayike ṭhapetvā avasesā vinipātikā. Yakkhānaṁ
cātumahārājikatāya opapātikabhāve eva āpanne taṁ nivattetuṁ “**evaṁ**
yakkhāpi”ti vuttaṁ. Tathā hi te na bhummadevā na ca vinipātikāti.

Catuyonivaṇṇanā niṭṭhitā.

Pañcagativannaṇā

153. **Gantabbā**ti upapajjitabbā. Yathā hi kammabhavo paramatthato asatipi kārake paccayasāmaggiyā siddho tamsamaṅginā santānalakkhaṇena sattena katoti vohariyati, tathā upapattibhavalakkhaṇā gatiyo paramatthato asatipi gamake taṃtaṃkammavasena yesaṃ tāni kammāni, tehi gantabbāti vohariyantīti. Evaṃ saddatthato gatiṃ dassetvā atthuddhāranayenapi taṃ dassetuṃ “**apicā**”ti-ādi vuttaṃ. Yesu nirayādibhedesu upapattibhavesu gatisaddo niruḷho, tato aññatthāpi gatisaddappavatti atthi, taṃ ekena gatisaddena visesetvā āha “**gatigati**”ti yathā “**dukkhadukkham**¹, **rūparūpan**”ti² ca. Uppādāvatthāya gamanaṃ upagamananti “**nibbattigati**”ti vuttā. **Gatinti** cittagatiṃ. Tenāha “**ajjhāsayingati nāmā**”ti, ajjhāsayingappavattīti attho. Tadaṭṭhakathāyaṃ³ pana “**gatinti nipphattin**”ti attho vutto. Brahmanimantanasutte⁴ hi ayaṃ pālīti. **Jutinti** ānubhāvaṃ. **Vibhavoti** vināso. So hi vigamoti atthena gati. Teneva **nibbānaṃ arahato gati**⁵ anupādisesanibbānaṃ arahato gati vigamo vibhavoti anekatthattā dhātūnaṃ. **Dveyeva gatiyoti** dveva nipphattiyoti atthoti āha “**ayaṃ nipphattigati nāmā**”ti.

Yassa uppajjati, taṃ brūhento eva uppajjati ayo, sukhaṃ. Natthi ettha ayoti **nirayo**. Tato eva ramitabbaṃ assādetabbaṃ tattha natthīti dassento āha “**nirati-atthena nirassādatthena nirayo**”ti. **Tiriyam añcitāti** devamanussādayo viya uddham dīghā ahutvā tiriyam dīghāti attho. Pakaṭṭhato sukhatō ayanam apagamo **peccabhāvo**, taṃ peccabhāvaṃ **pattānaṃ visayoti** petayonimeva vadati. **Manaso ussannattāti** satisūrabhāvabrahmacariyayogyatādiguṇavasena upacitamānasatāya ukkaṭṭhaguṇacittatāyāti attho, ayaṃ panattho nippariyāyato jambudīpavāsīvasena veditabbo. Yathāha “**tīhi bhikkhave ṭhānehi jambudīpikā manussā uttarakuruke manusse adhiggaṇhanti, deve ca tāvatimse. Katamehi tīhi? Sūrā satimanto idha brahmacariyavāso**”ti⁶. Tehi pana samānarūpādītāya saddhiṃ parittadīpavāsīhi

1. Saṃ 2. 453 piṭṭhe.

2. Visuddhi 2. 81 piṭṭhe.

3. Ma-Ṭṭha 2. 305 piṭṭhe.

4. Ma 1. 404 piṭṭhe.

5. Vi 5. 263 piṭṭhe.

6. Am 3. 198 piṭṭhe.

itaramahādīpavāsinopi manussāteva paññāyimsu. Lokiyā pana “manuno apaccabhāvena manussā”ti vadanti. Ayamettha saṅkhepo, vitthāro pana paramatthadīpaniyam **Vimānavatthusamvaṇṇanāyam**¹ vuttanayena gahetabbo. **Ānubhāvehī**ti devānubhāvasaṅkhātehi iddhivisesehi. Tattha kāmā devā kāmagaṇehi ceva iddhivisesehi ca itare iddhivisesehiva **dibbanti** kīḷanti jotanti, saraṇanti vā gammanti, abhitthaviyantīti vā **devāti**.

Tiracchānayaniñcāti-ādisūti ettha tiracchānayanipettivisayaggahaṇena khandhānam eva gahaṇam tesam tādisassa paricchinna okāsassa abhāvato. Yattha vā te araññasamuddapabbatādike nibaddhavāsam vasanti, tādisassa ṭhānassa vasena okāsoṇi gahetabbo. Nirayūpagādīhi sattehi maggitabbato **maggo** paṭipajjitabbā **paṭipadā** cāti tam tam kammameva vuttanti āha “**ubhayenapī**”ti-ādi. **Yathā ca paṭipannoti** iminā tassa kammasa katūpacitākāramāha. Ettha ca **nirayagāmiṇca maggam nirayagāminiṇca paṭipadanti** iminā sādharmaṇato nirayasamvattaniyam kammam vatvā puna tamtamantānapatitatāya asādhāraṇatam dassetum “**yathāpaṭipanno**”ti-ādi vuttanti daṭṭhabbam. **Vinipatantīti** vivasā, virūpam vā nipatanti. Kasmā panettha pañcagatiparicchedakañāṇam dassento bhagavā “nibbānañcāhan”ti-ādimāhāti anuyogam sandhāyāha “**idam panā**”ti-ādi. Na hi bhagavā attano buddhasubuddhatam vibhāvento sāvasesam katvā desanam deseti.

Pañcagativaṇṇanā niṭṭhitā.

Ñāṇapavattākāraṇanā

154. **Ñāṇapavattākāraṇanti** ñāṇassa pavatti-ākāram, ñāṇassa vā pavattipakāram. **Ekantadukkhāti** ekantena dukkhā accantadukkhā. Tā pana sabbakālam dukkhā sukhālayenapī² asammissāti dassento āha “**niccadukkhā nirantaradukkhā**”ti. **Bahalāti** atanukā, mahantāti

1. Vimāna-Ṭṭha 16, 17 piṭṭhesu.

2. Sukhalesenapī (?)

attho. **Tibbā**ti vā tikhiṇā. **Kharā**ti kakkhaḷā. **Kaṭukā**ti vā aniṭṭhā. Kassati khaṇiyatīti **kāsu**, āvāto. Kasīyati cīyatīti **kāsu**, rāsi. **Phunantī**ti dvīhi hatthehi aṅgārāni ukkhipitvā paṭivātaṃ ophunanti, tena tesam sakalasarīraṃ ḍayhati. Tenāha “**paridaḍḍhagattā**”ti. Purisappamāṇaṃ **porisaṃ**. **Ekapathenevā**ti ekamaggabhūteneva. **Anukkamanīyenā**ti ukkamitum apakkamitum asakkuṇeyyena.

Nanu ca dibbacakkhuṇāṇaṃ paccuppannavañṇārammaṇaṃ, tena kathaṃ rūpantarasamaṅgim niraye nibbattasattaṃ “**ayaṃ so**”ti jānātīti codanaṃ sandhāyāha “**tattha kiñcāpi**”ti-ādi. Yathākammūpagañāṇena “**ayaṃ so**”ti sallakkheti, tassa pana dibbacakkhu-ānubhāvena pattabbattā “**dibbacakkhubalaṃ nāma etan**”ti vuttaṃ.

Purimanayenevāti “gūthakūpo viya tiracchānayani daṭṭhabbā”ti-ādinā aṅgārakāsupamāyaṃ vuttanayeneva. Dukkhaṃ vedanā bahulā etāsūti **dukkhabahulā**. **Bahalapattapalāsoti** aviraḷatanuvipulapaṇṇo. Sukhaparibhogam mahāpāsādaṃ dassetum “**dīghapāsādo**”ti vuttaṃ caturassapāsādādinam khuddakattā¹. **Uṇṇāmaya-attharaṇenā**ti uṇṇāmayalohita-attharaṇena. Uttaraṃ uparibhāgam chādetīti **uttaracchado**, vitānaṃ. Taṃ pana lohitavitānaṃ idhādhippetanti “**rattavitānenā**”ti vuttaṃ.

Aparabhāgayojanāti pāliyaṃ “aparena samayenā”ti vuttassa aparabhāgassa yojanā. Sā pana ekadesena purimabhāge vutte eva suviññeyyā hotīti “**yathā so**”ti-ādimāha. **Maggārulhamevā**ti maggaṃ upagatamattameva.

Niyamābhāvāti “dibbacakkhunāva passatī”ti niyamassa abhāvā. “**Dibbacakkhunāpi passissatī**”ti idaṃ na anuttarasukhānubhavanassa dibbacakkhugocarattā vuttaṃ, anāgatassa pana tassa dibbacakkhuparibhaṇḍabhūtena anāgataṃsañāṇena dassanamevāti kāraṇūpacārena vuttaṃ. Pāliyaṃ pana “cetasā ceto paricca pajānāmi”cceva vuttaṃ. “**Atthato pana nānā hotī**”ti saṅkhepato vuttamatthaṃ vivaritum “**devalokasukhaṃ hī**”ti-ādim

1. Vuḍḍhakattā (Ka)

vatvā yathādassita-upamāhipi ayamattho pākaṭo evāti dassento “**upamāyampi**”ti-ādimāha. Gotrabhuñāṇuppādato paṭṭhāya nirodham passitvā uppannamaggaphalapaccavekkhaṇavasena ceva parato phalasamāpattisamāpajjanavasena ca ariyasāvako nirodhe sayito viya hoti tadapassayeneva pavattanatoti āha “**nirodhasayanavaragatan**”ti. Tenāha “**nibbānā -pa- passati**”ti.

Ñāṇapavattākāraṇaṇṇā niṭṭhitā.

Dukkarakārikādisuddhivaṇṇanā

155. Pucchānusandhi-ādi-anusandhittayato aññattā “**pāṭiyekkam anusandhivasenā**”ti vuttaṃ. Na kevalaṃ “**dukkarakārikāya suddhi hoti**”ti evamladdhiko eva, atha kho dukkaracārīsu abhippasannoti dassetuṃ “**apicā**”ti-ādi vuttaṃ. **Catukuṇḍikoti** dvīhi pādehi hatthehīti catūhi aṅgehi kuṇḍanako āhiṇḍanako. **Chamānikīṇṇanti** bhūmiyaṃ khittāṃ. **Bhakkhasanti** āhāraṃ.

Macchariyamalādipāpadhammavigamanato mettādiguṇānubrūhanato ca brahmaṃ seṭṭhaṃ cariyanti **brahmacariyaṃ**, dānaṃ. Tathā hi taṃ bhagavatā paṇḍitapaññattaṃ vuttaṃ. Evaṃ sesesupi yathārahaṃ brahmacariyapariyāyo niddhāretvā vattabbo. **Kinti** kīdisaṃ. **Vatanti** samādinnavataṃ. **Suciṇṇassāti** suṭṭhu ciṇṇassa puññassa. **Iddhīti** ānubhāvo. **Jutīti** vatthābharaṇobhāsasamuḍḍalā sarīrappabhā. **Balavīriyūpapattīti** kāyabalena ceva ussāhena ca samannāgamo.

Tena pāṇi kāmadaḍḍoti tena addhikānaṃ upagacchantānaṃ hatthaṃ pasāretvā asayhasēṭṭhino dānaṭṭhānadassanamayena puññena idāni mayhaṃ hattho kapparukkho viya kāmadaḍḍo icchicchitadāyī, kāmadaḍḍo honto ca madhussavo iṭṭhavatthuvissajjanako jāto. **Tena me brahmacariyenāti** tena mama yathāvuttakāyaveyyāvaṭṭiyakammasaṅkhātena seṭṭhacariyena. **Puññanti** puññaphalaṃ. Tampi hi puḍḍasabhāvato, uttarapadalopena vā “**evamidam puññaṃ pavaḍḍhati**”ti-ādīsu¹ “**puññaṃ**”ti vuccati.

1. Dī 3. 48 piṭṭhe.

Pañca sikkhāpadāni samāhaṭāni **pañcasikkhāpadam** yathā “tibhavam, tisakaṭan”ti ca. **Brahmacariyasminti** dhammadesanāya. Sā hi vineyyānam brahmabhāvāvahanato brahmaṃ seṭṭham cariyam, brahmuno vā bhagavato vācasikaṃ cariyanti “brahmacariyan”ti vuccati.

Sahassam maccuḥāyinanti¹ saḥassamattā arahattasamadhigamena maccuvisayātikkamena maccupahāyino jātā. **Brahmacārī bhavissāmāti** ettha yena brahmacariyena te brahmacārinoti vuccanti, taṃ brahmacariyam niddhāretvā āha “**methunavirati brahmacariyanti vuttā**”ti.

Nātikkamāmāti na aticarāma agamaṇiyatṭhānepi itaratthāpi na vītikkamāma. Tenāha “**aññatra tāhi brahmacariyam carāmā**”ti. **Amhanti** amhākaṃ.

Attadamanavasenāti yathāpaṭiñṇam arahantānam anukaraṇākārena pavattacittadamanavasena, manacchaṭṭhānam indriyānam damanenāti attho. Sikhāppattaseṭṭhacariyatāya **ariyamaggo brahmacariyam**. Brahmaṃ seṭṭham carati etenāti **brahmacariyam**, satthusāsanam.

Ataramānānanti na taramānānam desakālam udikkhantānam. **Phalāsāva samijjhatīti** sudullabhaphalepi āsā sammāpayogamanvāya samijjhati eva. **Vipakkabrahmacariyosmīti** visesena nipphannaṇātajjhāsayo paripuñña-
ulāramanoratho. So hi seṭṭhamanosamācāratāya brahmacariyapariyāyena vutto.

Idameva suttaṃ āgataṭṭhānanti adhippāyo tepiṭake buddhavadane idameva suttapadam “vīriyam brahmacariyan”ti āgataṭṭhānanti attho. Vīriyam hi tasmim visaye uttamaṃ paramukkaṃsagatam tādisacariyāhetu cāti brahmacariyanti idha vuttam. **Caturaṅgasamannāgati** catubbidhadukkarakiriya sādhaḥassa catubbidhassa attano pavatti-ākārassa vasena caturaṅgasamannāgatam.

Koci chinnabhinnapaṭapilotikadharo dasantayuttassa vatthassa abhāvato nicceloti vattabbatam labheyyāti taṃ nivattento āha “**naggo**”ti. **Evam akāsim**, evampi sattapīlā mā ahoṣīti adhippāyo.

1. Maccuḥāyinoti (Ka)

Yathā “abhihaṭam na sādiyāmī”ti-ādi¹ bhikkhāpariyesane ukkaṭṭhacārītādassanam, evam “na ehi bhaddantikādibhāvopī”ti gahetabbam. **Purisantragatāyāti** purisasamīpagatāyā. Saṃkittiyanti etāyāti **saṃkitti**, gāmvāsī-ādīhi samudāyavasena kariyamānakiriyā. Idha pana bhattasaṃkitti adhippetāti āha “**saṃkittetvā katabhattesū**”ti. Dadanti tāyāti **datti**. Ekāham antarabhūtam etassa atthīti **ekāhikam**. Esa nayo sesapadesupi. **Ekāhavārenāti** ekāhikavārena. “Ekāhikan”ti-ādinā vuttavidhimeva paṭipāṭiyā pavattabhāvam dassetum puna vuttam. Tenāha “**iti evarūpan**”ti-ādi.

Erakatiṇḍāḍini vāti erakatiṇḍāḍini ganthitvā katanivāsanāni chavadussāni, nihīnadussānīti attho. **Tantāvutānanti** tantam pasāretvā vītānam. **Pakatikaṇṭaketi** salākakaṇṭake.

156. **Nekavassagaṇasañjātanti** nekavassasamūhasañjātam. Nanu ca idāneva “sāyatatiyakampi udakorohanānuyogamanuyutto”ti vuttam, “anekavassagaṇikam rajojallam kāye sannicitan”ti ca, tadubhayam ekasmiṃ katham sambhavatīti āha “**idam attano rajojallakavatasamādānakālam sandhāya vadatī**”ti. Eteneva “acelako homī”ti vutta-acelakapaṭiṇṇā, “sāṇānīpi dhāremī”ti-ādinā vuttachannakapaṭiṇṇā, tatthāpi sāṇamasāṇachavadussādinivattapaṭiṇṇā ca aviruddhāti daṭṭhabbā tasmim tasmim kāle tathā tathā paṭipannattā. **Teti** acelakā. **Saṅghātanti** sabbaso ghātam. Tenāha “**vadhan**”ti. **Sīlavā nāma natthi** “anabhisandhikampi pāpam hotī”ti evamladdhikattā. **Sīlam adhiṭṭhāyāti** idam paṭikkamanakiriyam sandhāya vuttam.

Pāsaṇḍapariggahaṇatthāyāti pāsaṇḍesu asārasārabhāvavīmaṃsanatthāya. **Tam pabbajjanti** ājīvakaḥpabbajjam. **Vikatabhojaneti** vikatabhojane virūpabhojane. Tenāha “**apakatibhojane**”ti.

157. **Bhimsanakatasminti** bhāvasādhanabhāvī idam padanti āha “**bhimsanakatasmim bhimsanakakiriyāyā**”ti. “Bhimsanakattasmin”ti vattabbe ekassa

1. Ma 1. 111 piṭṭhe.

ta-kārassa lopo daṭṭhabbo. Yebhuyyaggahaṇaṃ lomavantavasenapi yojetabbaṃ, na lomavasenāti āha “**bahutarānaṃ vā**”ti-ādi.

Su-sadde u-kārassa o-kāraṃ katvā pāḷiyāṃ “sotatto”ti vuttanti tadatthaṃ vivaranto “**sutatto**”ti āha. Suṭṭhu avatattoti vā **sotatto**. **Sosinnoti** etthāpi eseva nayo. **Suddhi-esanatthāyāti** saṃsārasuddhigavesanatthāya.

Vihārasminti paccatte bhummavacananti āha “**vihāro eva hi** ‘**vihārasmin**’ti **vutto**”ti. **Teneva cāti** teneva vibhattivipallāsavasena. **Evam atthoti** ayaṃ evaṃ liṅgavipallāsavasena attho veditabbo. Dukkhattattoti ānetvā sambandho. **Sabbatthāti** sukhadukkhe lābhālābhādike ca. **Tulitoti** tulāsadiso.

Dukkarakārikādisuddhivaṇṇanā niṭṭhitā.

Āhārasuddhivaṇṇanā

158. **Sujjhītunti** saṃsārato sujjhītum.

159. **Āsītikapabbānīti** āsītikapiṭṭhipabbāni, “kāḷapabbānī”ti vadanti. Pabbānaṃ **majjhe**. **Unnatunnatānīti** maṃse milāte dvinnaṃ sandhīnaṃ antare vātenuddhumātadhamanījālatāya unnatāni unnatānīti. **Ānisadanti** ānisadaṭṭhānaṃ. **Nisinnatṭhānanti** paṃsūhi, vālikāhi vā nicitaṃ nisinnatṭhānaṃ. **Saraponkhenāti** sarassa poṅkhappadesena, saraponkhasaññitena vā maggena. **Akkantanti** akkantaṭṭhānaṃ. Takkagoḷikasadisānaṃ, sarīraghaṃsanatthaṃ katakuruvindagoḷakānaṃ vā **āvaḷi** vaṭṭanāhāro. **Vaṃsatoti** piṭṭhivaṃsato. **Maṇḍaleti** bhittipādānaṃ matthake ṭhapitamaṇḍalake sīsaggena **patiṭṭhahanti**. **Na evaṃ phāsuliyoti** yathā yathā vuttagopānasiyo papatā tiṭṭhanti, na evaṃ bodhisattassa phāsukāpi papatā¹ ṭhitā.

Okkhāyikāti avakkhāyikā, heṭṭhā hutvā ninnabhāvena paññāyamānā. **Evarūpāti** yathāvuttarūpā, ninnatarāti attho. **Yāva piṭṭhikaṇṭakam**

allīnā hotīti mayhaṃ udaracchavi yāva piṭṭhikaṇṭakam, tāva taṃ āhaccaṭhitattā allīnā hoti udariyassa parikkhayena antānañca suṭṭhu milātātāya. **Bhāriyabhāriyāti** garutarā. Saha-udaracchaviṃ piṭṭhikaṇṭakam, sahapiṭṭhikaṇṭakam udaracchavinti yojanā. **Neva nikkhamati** āhārasannissaya-āpodhātuyā sabbaso visukkhattā. **Pūtimūlānīti** lomamūlānaṃ paribrūhanake maṃse lohite ca parikkhīṇe tāni sukkhāni ṭhānato bhaṭṭhāni abhāveneva “pūtimūlānī”ti vuttāni. Tenāha “**tassa panā**”ti-ādi.

Adhigatāti idāni adhigatā. **Yathā etarahi vipassanāpaññāya adhigatattāti** iminā kiñcāpi mahābodhisattā paripākagatañāṇā vasībhūtajjhānābhiññā vipassanāya parikammaṃ karonti, yathā ca nesaṃ carimabhava vipassanācāro, na tathā tadāti dasseti. **Etadevāti** yaṃ yena vuttaṃ atthajātam, etadeva **ettha** etasmim pāṭhapadese **yuttam** pubbenāparam avirujjhanato. **Itarathāti** bhikkhūhi vuttappakārena **ananurūpo siyā** “imissā”ti vuttāya aññatte.

Āhārasuddhivañṇanā niṭṭhitā.

Saṃsārasuddhi-ādivaṇṇanā

160. **Saṃsārenāti** aparāparam cavanupapajjanavasena bhavesu saṃsaraṇena. Yaṃ sandhāya vuttaṃ—

“Khandhānañca paṭipāṭi, dhātu-āyatanāna ca.

Abbochinnaṃ vattamānā, saṃsāroti pavuccatī”ti¹.

Bahukanti bahukālam bahukkhattum. **Upapajjitvāti** tattha tattha bhava nibbattivā. **Āvāsenāti** tasmim tasmim sattāvāse āvasanena nibbattivā jīvanena. **Khandhāyeva vuttā** tesamyeva pavattivisesassa tena

1. Visuddhi 2. 176; Di-Ṭṭha 2. 86; Saṃ-Ṭṭha 2. 89; Am-Ṭṭha 2. 386; Abhi-Ṭṭha 1. 11; Abhi-Ṭṭha 2. 141; Suttanipāta-Ṭṭha 2. 151; Udāna-Ṭṭha 245; Itivuttaka-Ṭṭha 55, 190; Theragāthā-Ṭṭha 1. 191, 257; Buddhavaṃsa-Ṭṭha 115; Cūḷaniddesa-Ṭṭha 5; Paṭisaṃ-Ṭṭha 2. 18; Visuddhi-Ṭī 1. 221; Am-Ṭī 2. 229; Sārattha-Ṭī 1. 218 piṭṭhesupi.

tena pariyāyena vuttattā. **Bahuyāgeti** ajasūkaragomāyavādike bahavidhe mahāyaññe. **Bahu-aggīti** vācāpeyyādivasena antamaso pākayaññādivasena ca bahukepi aggī paricaraṇena.

161. Baladārakopi “daharo”ti vuccatīti tato visesanattham “yuvā”ti vuttam. Atikkantapaṭhamavayā sattā sabhāvena palitasirā hortīti paṭhamavaye ṭhitabhāvam dassetum “susukāḷakeso”ti vuttam. **Jarājīṇṇoti** jarāya jīṇṇo, na akālikena jarāya abhibhūto. Ukkamsagatabuddhatāya **vuddho**. Tenāha “vaḍḍhitvā ṭhita-aṅgapaccaṅgo”ti, ārohapariṇāhasena vuddhirahitoti attho. **Jātimahallakoti** jātiyā mahallako, na bhogaparivārādīhīti attho. **Addhagatoti** ettha **addha**-saddo dīghakālavācīti āha “**bahu-addhānam gato**”ti. **Vayoti** ādipadalopenāyam niddesoti āha “**pacchimavayan**”ti. **Padasatampi** -pa- **samatthatāti** padasatampi padasahassampi sotapathamāgacchantameva uggahaṇasamatthatā pariggahetum¹ samatthatā. Ayañca gatiyā byāpāroti sakkā viññātum gahaṇamattabhāvato. **Tadevāti** padasatampi padasahassampi. **Ādhāraṇam** apilāpanavasena hadaye dhāraṇam. **Upanibandhanam** yathā na pamuṭṭham hoti, tathā upecca aparāparam nibandhanam. Ayam pana satiyā byāpāroti sakkā viññātum. Pāliyañca “paramāya gatiyā ca satiyā ca dhitiyā cā”ti vuttam, parato ca “evam adhimattagatimanto”ti vuttam. **Samatthavīriyam dhiti nāmāti** viṣiṭṭhavisayam dassento yathāvuttasatisamāyogam tassa dīpeti. **Tassāti** yathāvuttagatisatidhitihi sutadhātavacīparicitassa pariyattidhammassa āgamavasena atthadassanasamatthatā yuttivasena kāraṇadassanasamatthatā.

Dalham² thiram dhanu etassāti dalhadhanvā, so eva idha “**dalhadhammā**”ti vutto. Paṭisattuvidhamanattham dhanum gaṇhātīti **dhanuggaho**, so eva usum saram asati khipatīti **issāsoti** āha “**dhanum gahetvā ṭhito issaso**”ti. Dvisahassapalam lohādibhāram vahitum samattham **dvisahassāthāmarim**. Tenāha “**dvisahassāthāmarim nāmā**”ti-ādi. **Daṇḍeti** dhanudaṇḍe. **Yāva kaṇḍappamaṇāti** dīghato³ yattakam kaṇḍassa pamāṇam,

1. Padassetum (Ka) 2. Am-Ṭī 3. 301 piṭṭhādīsupi passitabban. 3. Pathavito (?)

tattake dhanudaṇḍe ukkhittamatte āropito ceva hoti jiyādaṇḍo, so ca¹ bhāro pathavito muccati, evaṃ idaṃ “dvisahassathāmaṃ nāma dhanūti daṭṭhabbaṃ. **Uggahitasipputi** uggahitadhanusippo. **Katahatthoti** thiratarāṃ lakkhesu avirajjhanasarakkhepo. Īdiso pana tattha vasībhūto kabhahattho nāma hotīti āha “**ciṇṇavasībhāvo**”ti. Kataṃ rājakulādīsu upecca asanaṃ etena so **katūpāsanoti** āha “**rājakulādīsu dassitasippo**”ti. **Evaṃ katanti** evaṃ antosusirakaraṇādīnā sallahukaṃ kataṃ.

Oloketīti udikkhati. **Evaṃ santepi tesāṃ vāro paññāyatīti** tesāṃ bhikkhūnaṃ “ayaṃ paṭhamāṃ pucchati, ayaṃ dutiyan”ti-ādīnā pucchanaṃ vāro tādisassa paññavato paññāyati sukhumassa antarassa labbhanato. **Buddhānaṃ pana vāroti** īdiso tathāne buddhānaṃ desanāvāro aññesaṃ napaññāyanato buddhānaṃ yeva paññāyati. Idāni tameva paññāyanataṃ yuttito dassento “**vidatthicaṭṭhāyanaṃ**”ti-ādīmāha. Accharāsaṅghātamatte khaṇe anekakoṭṭisahassacittapavattisambhavato “**vidatthicaṭṭhāyanaṃ atikkamanato puretaraṃ yeva bhagavā -pakatheti**”ti vatvā tato lahutarāpi satthu desanāpavatti atthevāti dassento “**tiṭṭhantu vā tāva ete**”ti-ādīmāha. Idāni tattha kāraṇaṃ dassetuṃ “**kasmā**”ti-ādī vuttaṃ. **Soḷasa padāni kathetīti** etena lokiyajānassa ekapaduccāraṇakkhaṇe bhagavā aṭṭhavīsasatpadāni kathetīti dasseti. Idāni tassapi kāraṇaṃ dassetuṃ “**kasmā**”ti-ādī vuttaṃ.

Dhammoti pāḷi. Pajjati attho etenāti **padāṃ**, tadattho. Atthaṃ byañjetīti **byañjanaṃ**, akkharāṃ. Taṃ hi padavākyakkharabhāvehi paricchijjamaṇaṃ taṃ taṃ atthaṃ byañjeti pakāseti. Tenāha “**dhammapadabyañjananti pāḷiyā padabyañjanaṃ, tassa tassa atthassa byañjanakaṃ akkharan**”ti. Etena aparāparehi padabyañjanehi sucirampi kālaṃ kathentassa tathāgatassa na kadāci tesāṃ pariyādānaṃ atthīti dasseti. Pañhaṃ byākaronti etenāti **pañhabyākaraṇaṃ**, tathāpavattapaṭibhānaṃ. Aparikkhayapaṭibhānā hi buddhā bhagavanto, yato

1. Āropitesu eva jiyādaṇḍesu so ce (Ka)

vuttaṃ “natthi dhammadesanāya hānī”¹. Tenāha “**iminā kiṃ dasseti**”^{ti}-ādi. Tathā āsannaparibbānassapi bhagavato desanāya itarāya **ca** visesābhāvoti paṭhamabuddhavacanampi majjhimbuddhavacanampi pacchimabuddhavacanampi sadisameva. Āsītikavassato param **pañcama āyukoṭṭhāso**.

162. Kāmañcetta bhagavatā nāgasamālattherassa acchariya-abbhutapavedanamukhena attano lomānaṃ haṭṭhabhāvassa paveditattā “**lomahaṃsanapariyāyo**”^{ti} nāmaṃ gahitaṃ, tathāpi sabbaññutaññādi-anaññasādhāraṇāññānubhāvavibhāvanādivasena soḷasasamūhato sīhanādassa nadanena desanāya pavattitattā “mahāsīhanādo”^{ti}veva saṅgītikāramahātherehi nāmaṃ ṭhapitanti daṭṭhabbān.

Mahāsīhanādasuttavaṇṇanāya līnatthappakāsanā samattā.

3. Mahādukkhakkhandhasuttavaṇṇanā

163. **Tato paranti** tiṇṇaṃ janānaṃ upari saṃgho catuvaggakaraṇīyādikammehi paṭikammappattattā. **Gāmaṃ gatoti vuccati** gāmaṃ uddissa gatattā, evaṃ sāvattim pavisituṃ viharato nikkhantā “pavisimsū”^{ti} vuttā. **Pariññanti** pahānapariññaṃ. Sā hi samatikkamo, na itarā. **Rūpavedanāsupīti** “rūpānaṃ pariññaṃ, vedanānaṃ pariññaṃ”^{ti} etthāpi. Kāmaṃ sabbesaṃ titthiyānaṃ kāmādipariññāpaññāpanahetubhūto samayo natthi, yesaṃ pana atthi, te upādāya “**sakasamayaṃ jānantā**”^{ti} vuttaṃ. “Yato yato kho bho ayaṃ bhikkhu vivicceva kāmehi -pa- paṭhamaṃ jhānaṃ upasampajja viharati, ettāvatā kho bho kāmānaṃ pariññā hotī”^{ti} evaṃ sarūpato paṭhamajjhānaṃ vibhāvetuṃ asakkontāpi kevalaṃ accantappahānasaññāya **kāmānaṃ pariññaṃ paññapeyyuṃ paṭhamajjhānaṃ vadamānā**. Taṃ kissa hetu? Tādisassa āgamādhigamassābhāvato. **Rūpavedanāpariññāsupi** eseva nayo. **Vuccethāti** vucceyya. **Dutiyapadepīti** “anusāsaniyā vā anusāsanin”^{ti} evaṃ vuttavākyepi. **Te** kira bhikkhū.

1. Dī-Ṭī 3. 54, 198; Mūlaṭī 2. 2 piṭṭhesupi.

165. **Na ceva sampāyissantīti** na ceva sammadeva pakārehi gamessanti nāpessanti. Tenāha “**sampādetvā kathetuṃ na sakkhissantī**”ti. Yasmā avisaye pañho pucchito hoti, tasmā āpajjissantīti yojanā. **Sadevake**ti arūpadevaggahaṇaṃ. Te hi lokiyadevehi dīghāyukabhādinā ukkaṭṭhā. **Samāra**keti kāmāvacaradevaggahaṇaṃ. **Sabrahma**keti rūpāvacarabrahmaggaṇaṃ. **Sassamaṇabrāhmaṇiyā**ti ettha **samaṇa**ggahaṇena pabbajite, **brāhmaṇa**ggahaṇena jātibrahmaṇe, puna **deva**ggahaṇena sammutideve, **manussa**ggahaṇena avasiṭṭhamanussakāyaṃ pariyādiyati. **Lokapajā**ggahaṇe pana payojanaṃ aṭṭhakathāyaṃ dassitameva. **Aññathā ārādhanam nāma natthī**ti iminā kāmārūpavedanāsu assādādīnaṃ yāthāvato avabodho eva ito bāhirakānaṃ natthi, kuto pavedanāti dasseti.

166. **Cittārādhananti** yāthāvapavedanena paresaṃ cittassa paritosanaṃ. **Bandhanaṭṭhena** guṇāti kāmārāgasamyojanassa paccayabhāvena vatthukāmesupi bandhanaṭṭho vutto, koṭṭhāsaṭṭho vā guṇaṭṭho daṭṭhabbo. **Tarayantī**ti taramānā yanti gacchanti. Atītādibhinnapaṭṭhamādivayā eva cittatā rāsibhāvena vayoguṇāti gahitāti āha “**rāsaṭṭho guṇaṭṭho**”ti. **Cakkhuvīññeyyā**ti vā cakkhuvīññānātamdvārikaviññāṇehi vijānitabbā. **Sotaviññeyyā**ti-ādīsipi eseva nayo. **Iṭṭhārammaṇabhūtā**ti sabhāveneva iṭṭhārammaṇajātikā, iṭṭhārammaṇabhāvaṃ vā pattā. **Kamanīyā**ti kāmatabbā. **Manovaḍḍhanakā**ti manoharā. Etena parikkappanatopi iṭṭhabhāvaṃ gaṇhāti. **Piyajātikā**ti piyāyitabbasabhāvā. **Kāmūpasamhitā**ti kāmārāgena upecca sandhāniyā sambaddhā¹ kātābbāti āha “**ārammaṇam katvā**”ti.

167. **Saññaṃ ṭhapetvā**ti “imasmiṃ aṅgulikādipabbe gahite sataṃ hoti, imasmiṃ sahasan”ti-ādīnā saññānaṃ katvā gaṇanā. **Acchiddagaṇanā**ti “ekam dve”ti-ādīnā navantavidhinā nirantaragaṇanā. **Piṇḍagaṇanā**ti saṅkalanapaṭṭupādanādīnā piṇḍitvā gaṇanā. Tenāha “**khettaṃ oloketvā**”ti-ādi. Kasaṇaṃ **kasī**ti kasiggaṇena sabbo

1. Sambandhaniyā sambandhā (Am-Ṭi 3. 139 piṭṭhe.)

kasipaṭibaddho jīvikūpāyo gahitoti āha “**kasīti kasikamman**”ti. **Jaṅghavaṇijjāti** jaṅghasatthavasena vaṇijjam āha, **thalavaṇijjāti** sakaṭasatthavasena. **Ādi**-saddena nāvāpaṇādivasena vohāraṃ. **Vaṇippathoti** vaṇijamaggo, dānaggahaṇavasena saṃvohāroti attho. Usūnaṃ asanakammaṃ **issattaṃ**, dhanusippena jīvikā, idha pana issattaṃ viyāti **issattaṃ**, sabba-āvudhajīvikāti āha “**āvudham gahetvā upatṭhānakamman**”ti. Porohiccāmaccakammādi **rājakammaṃ**. **Ādi**-saddena rathasippakhattavijjāsippādivuttāvasesaṃ mahāsippaṃ khuddakasippaṃca saṅgaṇhāti. **Sītassa purakkhatoti** sītassa purato kavatā. Yo hi sītakāle jīvikāhetu sītalapadesaṃ pakkhandati, so vālamigādīhi viya sītena paripātiyamāno tena purato kato viya hoti. Tenāha “**sītena bādhiyamāno**”ti. **Uṇhassa purakkhatoti** etthāpi eseva nayo. **Sarivāti** saṃsappitvā. **Ghaṭṭiyamānoti** himsiyamāno bādhiyamāno. Ābādhanāṃ **ābādho**, piḷāti attho. **Kāmahetunti** vā bhāvanapumsakaniddeso yathā “visamaṃ candimasūriyā parivattanti”ti¹. Tathā sesapadadvayepi. Tenevāha “**kāmānameva hetū**”ti. **Kāmānaṃ hetūti** ettha purimapadāvadhāraṇamayuttaṃ tadaññapaccayapaṭikkhepāpattito, tathā uttarapadāvadhāraṇaṃ kāmānaṃ kadāci ahetubhāvassapi sambhavato, tasmā “**uppajjatiyevā**”ti vuttaṃ.

Uṭṭhahatoti iminā uṭṭhānavīriyaṃ vuttanti āha “**ājīvasamuṭṭhāpakavīriyenā**”ti. **Taṃ vīriyanti** ājīvikasamuṭṭhāpakavīriyaṃ. **Pubbenāparaṃ ghaṭentassāti** ārambhato paṭṭhāya nirantaraṃ pavattentassa. **Citte uppannabalavasokena socatīti** cittasantāpena anto nijjhāyati. **Kāye uppannadukkhena**ṭi tasseva sokassa vasena kāye uppannadukkhena. Sokuddesena taṃ taṃ vippalapento vā **paridevati**. **Uraṃ tāletvāti** vakkhappadesaṃ paharivā. “**Moghan**”ti-ādi paridevanākāradassanañceva sammohāpajjanākāradassanañca. **Meti** vatvā puna **noti** puthuvacanaṃ attano ubhayathāpi voharitabbato, byāmūḷhavacanaṃ vā sokavasena.

1. Am 1. 386 piṭṭhe.

168. Idha kāmaggahaṇena visesato vatthukāmā gahitāti kāmādiggahaṇaṃ kataṃ, nānantariyatāya pana kilesakāmopi gahito eva. **Asicammanti** ettha **cammaggahaṇena** na kevalaṃ cammamayassa, cammaparisibbitasseva vā gahaṇaṃ, atha kho sabbassapi āvudhabādhakassa¹ gahaṇanti dassento “**khetakaphalakādīnī**”ti āha. **Ādi-**saddena sarādisaṅgaho. **Dhanukalāpaṃ sannayhitvāti** dhanuñceva khurappatūṇiṅca sannayhitvā, dhanudaṇḍassa jiyāya tathābhāvakaraṇādipi² dhanuno sannayhananti. Dvinnāṃ senānaṃ byūhasaṃvidhānena vā **ubhatobyūlhaṃ. Vijjotalantesūti** nisitapītaphalatāya vijjotanavasena parivattamānesu.

Pākārasamīpābhisankhāratāya pākārapādā **upakāriyo**, yā “uddāpā”ti vuccanti. **Satadantenāti** anekasatadantakena, yassa tikhiṇadantāni anekasatāni mūlāni honti. Atibhāratāya dasavīsamattāpi janā ukkhipituṃ na sakkonti, yantavasena pana ukkhipitvā bandhitvā ṭhapenti. Tenāha “**aṭṭhadantākārenā**”ti-ādi. **Omaddantīti** oṭṭhapenti.

169. **Sandhimpī chindanti** corikāya jīvitukāmā. **Nillopanti** nissesavilopaṃ, ekaṃ parittaṃ gāmaṃ parivāretvā tattha kiñcīpi gayhūpagamā asesetvā karamaraggahaṇaṃ. Tenāha “**mahāvilopan**”ti. **Panthaduhanakammaṃ** aṭavimamme ṭhatvā addhikānaṃ vilumpanaṃ. **Pahārasādhanattham**³ daṇḍappahārassa sukhasiddhi-attham. Kañjito nibbattaṃ kañjiyaṃ, āraṇālaṃ. Yaṃ “bilaṅgaṃ”tipi vuccati, taṃ yattha siñcati, sā **kañjiya-ukkhalikā**. Bilaṅgathālikasadisakaraṇaṃ **bilaṅgathāliyaṃ. Sīsakapālaṃ uppāṭetvāti** ayogūlapavesanappamāṇaṃ chiddaṃ katvā. **Saṅkhamuṇḍakammakāraṇanti** saṅkhaṃ viya muṇḍakammakāraṇaṃ.

Rāhumukhakammakāraṇanti rāhumukhagatasūriyasadisakammakāraṇaṃ. **Jotimālikanti** jotimālavantaṃ kammakāraṇaṃ. **Hatthapajjotikanti** hatthapajjotanakammakāraṇaṃ. **Erakavattakammakāraṇanti** erakavattasādise sarīrato baddhe uppāṭanakammakāraṇaṃ. **Cīrakavāsikammakāraṇanti** sarīrato uppāṭitabaddhacīrakāhi nivāsāpanakammakāraṇaṃ. Taṃ karontā yathā gīvato paṭṭhāya baddhe kantitvā kaṭiyameva ṭhapenti, evaṃ goppakato

1. Abyāgāhassa (Ka)

2. Jiyāyattabhāvakaraṇādipi hi (Am-Ṭī 3. 29 piṭṭhe.)

3. Am-Ṭī 2. 1 piṭṭhādīsūpi passitabbaṃ.

paṭṭhāya kantitvā kaṭiyameva ṭhapenti. Aṭṭhakathāyaṃ pana “**kaṭito paṭṭhāya kantitvā goppakesu ṭhapenti**”¹ti vuttam. **Eṇeyyakakammakāraṇanti** eṇīmigasadisakammakāraṇam. **Ayavalayāni datvāti** ayavalayāni paṭimuñcitvā. **Ayasūlāni koṭṭenti**ti kapparaṇṇakakoṭṭisu ayasūlāni pavesenti. **Tanti** taṃ tathākatakammakāraṇam sattaṃ.

Baḷisamaṃsikanti baḷisehi maṃ suppāṇanakammakāraṇam. **Kahāpaṇikanti** kahāpaṇamattaso chindanakammakāraṇam. **Koṭṭenti**ti chindanti. **Khārāpatacchikanti** tacchetvā khārāvasiñcanakammakāraṇam. **Palighaparivattikanti** palighassa viya parivattanakammakāraṇam. **Ekābaddham karonti** ayasūlassa koṭṭanena. **Palālapīṭhakanti** palālapīṭhassa viya sarīrassa saṃvellanakammakāraṇam. **Kāraṇikāti** ghātanakārakā. **Palālavatṭim viya katvāti** yathā palālapīṭham karontā palālavatṭim katvā saṃvellanavasena naṃ¹ veṭhenti, evaṃ karontīti attho. **Chātakehī**ti bubhukkhitehi koleyyakasunakhehi. Balavanto hi te javayoggā sūrā ca honti. Kammavasena sampareti etthāti samparāyo, paraloko. Tattha bhavoti **samparāyiko**.

170. Chandarāgo vinīyati ceva pahīyati ca etthāti nibbānam **chandarāgavinayo chandarāgappahānañcāti**. Tenāha “**nibbānañhī**”¹ti. Tattha **āgammāti** idaṃ yo chandarāgam vīneti pajahati, tassa ārammaṇam sandhāya vuttam. **Tīhi pariññāhī**ti iminā ñātātīraṇapariññāhi pariṇānissantīti netam ṭhānam vijjati, ko pana vādo pahānapariññāyāti dasseti. **Tathabhāvāyāti** pariṇānanakabhāvāya.

171. **Aparittenāti** ahīnena. **Vipulenāti** mahatā. Yadi vaṇṇasampattidassanattham, vaṇṇadasakam kasmā na gahitanti āha “**mātugāmassa hī**”¹ti-ādi. Bhojanasampadādīnam alābhepīti dassanattham “**duggatakule nibbattassapī**”¹ti vuttam. **Thokam thokam vaṇṇāyatanam pasīdati** maṃsassa paribrūhanato thanamaṃsāni vaḍḍhanti jāyanti. Vaṇṇeti hadayaṅgatabhāvaṃ pakāsento viya hotīti **vaṇṇo**. So eva sāmaggapabhogādīnā nibhātīti **nibhā**. Tenāha “**vaṇṇanibhāti vaṇṇoyevā**”¹ti.

1. Puna (Am-Ṭī 2. 2 piṭṭhe.)

Bhogganti ativiya vaṅkatāya bhoggaṃ. Tādissaṃ pana sarīraṃ bhaggaṃ viya hotīti āha “**bhaggaṃ**”ti. Tenāha “**imināpissa vaṅkabhāvameva dīpetī**”ti. Dantānaṃ chinnabhinnatāya ekaccānaṃ patanena ca **khaṇḍitadantaṃ**. Kosānaṃ setavaṇṇatāya palitanti āha “**paṇḍarakesaṃ**”ti. Kesānaṃ mattaso siyane khallāṭavohāroti bahuso siyanaṃ sandhāyāha “**mahākhallāṭasīsaṃ**”ti. Vassasatikakāle uppajjanatilakāni sandhāyāha “**tilakāhatagattaṃ**”ti. Tāni pana kānici setāni honti kānici kālānīti āha “**setakāḷatilakehī**”ti. **Byādhikanti** sañcātabyādhim. **Bāhagilānanti** māraṇantikagelaññaena gilānaṃ.

373. **Tasmim samayebhi** tasmim jhānaṃ upasampajja viharaṇasamaye. **Na cetetīti** na abhisandahati. Byābādhanatthena byābādho, byābādhova byābajjhaṃ, natthi ettha byābajjhanti **abyābajjhaṃ**, dukkharahitaṃ. Tenāha “**niddukkamevā**”ti.

174. **Aniccādi-ākāro**ti aniccākāro dukkhākāro vipariṇāmākāro calādi-ākāro ca.

Mahādukkhakkhandhasuttavaṇṇanāya līnatthappakāsanā samattā.

4. Cūladukkhakkhandhasuttavaṇṇanā

175. **Sakkesūti** ettha yaṃ vattabbaṃ, taṃ satipaṭṭhānasuttavaṇṇanāyaṃ vuttanayeneva vedittabanti taṃ ekadesena dassento “**so hi**”ti āha. Tattha yena rājakumārā sakyā nāma jātā, yato tesaṃ nivāsaṭṭhānatāya janapado tathā vuccati, taṃ vattabanti āha “**sakyānaṃ pana uppatti ambaṭṭhasutte āgatāvā**”ti. **Kapilavatthūti vuttaṃ** purimasaññāvasena.

Nānappakārakanti “lobhadhammā”ti bahuvacanassa nimittaṃ vadati. Lobho hi tena tena avatthāvisesena pavatti-ākārabhedena “chando rāgo taṇhā āsatti apekkhā”ti-ādinā anekappabhedo, lubbhanalakkhaṇena pana “lobho”tveva vuccati. Tenāha “**nānappakāraṃ lobhamyevā**”ti. Tathā “doso paṭiḅho kodho

upanāho virodho”ti-ādinā, “muyhanam̐ asamapekkhanam̐ apaccavekkhaṇā dummejjham̐ bālyan”ti-ādinā¹ ca dosamohānam̐ nānappakāratam̐ sandhāyāha “**itaresupi dvīsu eseva nayo**”ti. **Pariyādiyivāti** parito sabbaso ādāya. Gahetvāti ayamettha atthoti āha “**gahaṇe āgatan**”ti. **Pariyādiyātīti** parikkhīnoti. Dī-saddam̐ hi saddavidū khayattam̐ vadanti.

Ekadāti āmeḍitalopena niddesoti āha “**ekekasmim̐ kāle**”ti.

Lobhadōsamohāti paṭhamamaggena pahīnāvasesā lobhadōsamohā.

Niravasesā pahīyanti, aññathā dutiyamaggena kim̐ katam̐ siyāti adhippāyo.

Samudācārappattam̐ pana disvā “**appahīnam̐ me atthī**”**tipi jānāti**. Evam̐

katham̐ niravasesappahānasaññāti āha “**appahīnakam̐ -pa- saññī hotī**”ti.

Evam̐ paṭhamamaggeneva samucchinnasamsayassa “ko su nāma me

dhammo ajjhattam̐ appahīnoti **evam̐ sandheho katham̐ uppajjati**”ti vatvā

“**paṇṇattiyā akovidattā**”ti kāraṇamāha. Vinayakukkucam̐ viya hi

paṇṇattiyam̐ akusalatāya ariyānampi katthaci vimatimattam̐ uppajjati yathā

tam̐ sabbaso appahīnasammohānanti. Attano avisaye anabhijānanam̐

paṇṇattikosallena kimettha payojanam̐, paccavekkhaṇāmattena ayamattho

sijjhatīti dassento “**kim̐ tassa paccavekkhaṇā natthī**”ti āha. Itaro “natthī”ti na

sakkā vattunti katvā “atthī”ti vatvā tattha labbhamānavibhāgam̐ dassento “**sā**

panā”ti-ādimāha. Tattha **sāti** paccavekkhaṇā. **Sabbesanti** sabbesam̐

ariyānam̐. Yathā paripuṇṇā na hoti, na evam̐ sabbaso na hotīti āha “**imāsu**

panā”ti-ādi.

176. **Ajjhattanti** niyakajjhattam̐ adhippetanti āha “**tava santāne**”ti.

Appahīnoti anavasesato appahīno. **Duvidheti** vatthukāmakilesakāme.

Kilesakāmopi hi yadaggena assādīyati, tadaggena paribhuñjīyati.

177. Assādīyatīti assādo, sukham̐. Appo appamattako assādo etesūti **appassādā**. Tenāha “**parittasukhā**”ti.

1. Abhi 1. 94 piṭṭhe.

Pariyesanadukkhādihetukaṃ diṭṭhadhammikaṃ tattha duccharitacaraṇena samparāyikaṅca dukkhamettha kāmesu bahukanti **bahudukkhā**.

Bahupāyāsāti bahuparikkilesā. Te pana parikkilesā vakkhamānanayena bahūyevettha diṭṭhadhammikāpīti āha “**diṭṭhadhammika -pa- bahū**”ti. Te ca parikkilesā yasmā tamsamaṅgino hitapaṭipattiyā antarāyakarā idha ceva paraloke ca ādīnavakāraṇaṅca pavattanti, tasmā vuttaṃ “**diṭṭhadhammika -pa- bahū**”ti. **Evam cepīti** evam “appassādā kāmā”ti-ādīnā ākārena.

Nayenāti dhammena. **Kāraṇenāti** yuttiyā. Suṭṭhu diṭṭhaṃ hotīti sambandho.

Vipassanāpaññāyāti ariyamaggapaññāya. Sā cattāripi saccāni visesato passatīti **vipassanāti** adhippetā. Tenāha “**heṭṭhāmaggadavayaññānenāti attho**”ti.

Pītisukhanti pītisukhavantaṃ jhānadvayaṃ. **Dve maggeti** heṭṭhāmagge.

Āvaṭṭanasīlo ābhujanasīlo na hotīti **anāvaṭṭī neva hoti** sabbaso appahīnakāmarāgachando. Tenāha “**kasmā**”ti-ādi. **Orodhanāṭakā pajahanapaññāti** ādīnavānupassanāññāmaḥa.

179. **Assādopi kathito**, “appassādā”ti hi iminā yāvatako kāmesu assādo, taṃ sabbaṃ anavasesato pariggahetvā cassa parittabhāvo dassitoti **ādīnavopi kathito** saṅkhepeneva sesassa ādīnavassa dassitattā. **Taṃ kathetunti** taṃ nissaraṇaṃ “ekantasukhapaṭisaṃvedī”ti iminā kathetuṃ. **Imehi antehīti** “pañcame mahānāma kāmagaṇā”ti-ādīnā kāmagaṇadassanamukhena kāmasukhallikānuyogaṃ “ubbhaṭṭhakā honti āsanapaṭikkhittā”ti-ādīnā attakilamathānuyogaṅca dassetvā imehi dvīhi antehi muttaṃ mama sāsānanti, phalasaṃpattipariyosānattā sāsānasampattiyā “**upariphalaṃpattisīsena sakalasāsaṇaṃ dassetun**”ti āha. Vijjhasadiso kūṭoti¹ majjhepadalopīsamāso yathā “sākapatthivo”ti². Dutiye panettha gijjhavantatāya gijjhā kūṭe etassāti **gijjhakūṭo**. Uddhamyeva tiṭṭhanakā nisajjāya vuṭṭhitakālato paṭṭhāya ekaṭṭhāneneva tiṭṭhanakā. Tenāha “**anisinnā**”ti. **Nigaṇṭhassāti** nāṭaputtassa. Natthi etassa parisēsanti **aparisesaṃ**. Evam saṅkhātavacanamattamassāti āha “**aparisesasaṅkhātān**”ti.

1. Gijjhasadisakūṭoti gijjhakūṭoti (Sārattha-Ṭī 2. 112 piṭṭhe.)

2. Pāṇinī 2. 1. 60 vāthikasuttaṃ passitabbaṃ.

Niccaṭṭhena satata-saddena abhiṅghappavatti jotitā siyāti “**samitan**”ti vuttam. Tena nirantarappavattim dasseti evam vā ettha attho daṭṭhabbo.

180. **Yaṃ karoti, taṃ jānāti**ti dukkhassa nijjaraṇakhepanam nāma viññūnam kiccaṃ, viññunā ca purisena katākatam jānitabban, tasmā tumhehi purāṇānam kammānam byantibhāvaṃ karontehi paṭhamam tāva ettakāni purāṇāni kammānīti jānitabbāni, tato “ettakam kalam katena tapasā ettakāni tāni byantikātāni, idāni ettakāni kātabbāni”ti-ādinā ayaṃ vidhi purisena viya attanā kātabbakiccaṃ paricchinditabbanti dasseti. Tenāha “**tumhehi tathā nātabban siyā**”ti. **Suddhantanti** suddhakoṭṭhāsam, āyatim anavassavasiddham kammakkhayaṃ, tato vā dukkhakkhayaṃ attho. **Suddhantaṃ patto atthīti pucchati**ti iminā akusalānam pahānam, kusalānam bhāvanā ca sabbena sabbam nigaṇṭhasamaye natthi sabbaso visuddhibhāvanāya abhāvato, tasmā kuto dukkhakkhayaṃ sambhavoti dasseti.

Evam ajānanabhāve satīti “ahuvamheva mayan”ti-ādinā vuttappakārassa ajānane sati, tasmiṃ tumhehi aññāyamāneti attho. **Luddāti** ghorā. Te pana yasmā kāyavācāhi nihīnameva karonti, tasmā vuttaṃ “**luddācārā**”ti. **Lohitapaṇitveva vuccati** tajjākiriyaṇato. **Māgavikavevaṭṭacoraghātakādayo māgavikādayo. Kakkhaḷakammāti** pharusakammā. **Te nigaṇṭhesu pabbajanti**ti pubbe mahādukkhasamvattaniyakammassa katattā hi tumhe etarahi idisaṃ mahādukkham paccanubhavathāti dasseti.

Vādeti diṭṭhiyaṃ, samayeti attho. **Sukhena sukhanti** ettha **sukhenāti** paṭipattisukhena, sukhāya paṭipattiyāti attho. **Sukhanti** vimokkhasukham, idha loka sukham adhigacchantā kasivaṇijjādidukkhapaṭipattiyāva adhigacchanti, evam mokkhasukhampīti adhippāyo. **Sarīravayavasampattiyāpi** bimbino sāroti **bimbisāro. Te nigaṇṭhā -pasandhāya vadanti**, na pana bhagavato accantasantapaṇitaṃ nibbānasukhapaṭivedanam jānanti. **Sahasāti** ravā. **Appatisaṅkhāti** na paṭisaṅkhāya avicāretvā. Tenāha “**sāhasam katvā**”ti-ādi.

Aññāhi vedanāhi avomissaṃ ekantaṃ sukhaṃ **ekantasukhaṃ**, tassa paṭisaṃvedī. Tenāha “**nirantarasukhapaṭisaṃvedī**”¹. **Kathāpatiṭṭhāpanatthanti** “ekantasukhapaṭisaṃvedī”²ti evaṃ āradhakathāya patiṭṭhāpanattham. **Rājavāreti** rājānaṃ uddissa āgatadesanāvāre. **Sukhaṃ pucchitum hotīti** “yadi satta rattindivāni nappahoti, kiṃ cha rattindivāni pahoti”³ti-ādinā pucchanasukhaṃ hoti. “Ahaṃ kho”⁴ti-ādinā pavatto **suddhavāro** suddhanissandassa phalasamāpattisukhassa vasena āgatattā. **Anacchariyaṃ hoti**, satta rattindivāni pahontassa ekasmiṃ rattindive kiṃ vattabbanti. **Uttānatthameva** vuttanayattā suviññeyyattā.

Cūḷadukkhakkhandhasuttavaṇṇanāya līnatthappakāsanā samattā.

5. Anumānasuttavaṇṇanā

181. **Vuttānusārenāti** “Kurūsu, Sakkesū”⁵ti ca ettha vuttanayānusārena, “Bhaggā nāma jānapadino rājakumārā”⁶ti-ādinā nayena vacanatto veditabboti attho. **Vatthupariggahadivaseti** nagaramāpanattham vatthuvijjācariyena nagaraṭṭhānassa pariggaṇhanadivase. **Athāti** pacchā. **Nagare nimmiteti** tatha anantarāyena nagare māpīte. Tameva susumāragiraṇam subhanimittam katvā “**susumāragiri**”⁷tvevassa **nāmam akaṃsu**. Susumārasaṅghānatā susumāro nāma eko giri, so tassa nagarassa samīpe, tasmā taṃ susumāragiri etassa atthīti “**susumāragiri**”⁸ti vuccatīti keci. **Bhesakaḷāti** vuccati ghammaṇḍagaccham, keci “setarukkhan”⁹ti vadanti, tesam bahulatāya pana taṃ vanam bhesakaḷāvananteva paññāyittha. **Bheso** nāma eko yakkho ayuttakārī, tassa tato gaḷitaṭṭhānatāya taṃ vanam **bhesagaḷāvanam** nāma jātanti keci. **Abhayadinnatṭhāne jātam** virūḷham, saṃvaddhanti attho.

Icchāpetīti yaṃ kiñci attani garahitabbaṃ vattum¹⁰ sabrahmacārīnam iccham uppādeti, tadatthāya tesam attānam vissajjetīti attho. Paṭhamam dinno hitūpadeso **ovādo**, aparāparaṃ dinno **anusāsani**.

1. Nirantarasukhaṃ paṭisaṃvedī (Aṭṭhakathāyam.)

2. Vuttim (Ka)

Paccuppannātītavīsayo vā **ovādo**, anāgatavīsayo **anusāsani**. Otiṇṇavatthuko **ovādo**, itaro **anusāsani**. So cāti evaṃ pavāretā so bhikkhu. Dukkhaṃ vaco etasmim vippaṭikūlaggāhe vipaccanīkasāte anādare puggaleti **dubbaco**. Tenāha “**dukkhena vattabbo**”ti. **Upari āgatehī**ti “pāpiccho hotī”ti-ādinā¹ āgatehi soḷasahi pāpadhammehi. Pakārehi āvahaṃ padakkhiṇaṃ, tato padakkhiṇato gahaṇasīlo padakkhiṇaggāhī, na padakkhiṇaggāhī **appadakkhiṇaggāhī**. **Vāmatoti** apasabyato, vuttavipariyāyatoti adhippāyo.

Asantasambhāvanapatthanānanti asantehi avijjamānehi guṇehi sambhāvanassa patthanābhūtānaṃ. Paṭi-saddo paccatthikapariyāyo, pharaṇaṃ vāyamaṇaṃ idha tathāvaṭṭhānanti āha “**paṭippharatīti paṭiviruddho paccanīko hutvā tiṭṭhatī**”ti. **Apasādetīti** khīpeti tajjeti. Tathābhūto ca paraṃ ghaṭṭento nāma hotīti āha “**ghaṭṭetī**”ti. **Paṭi-āropetīti** yādisena vutto, tassa paṭibhāgabhūtaṃ dosaṃ codakassa upari āropeti.

Paṭicaratīti² paṭicchādanavasena carati pavattati, paṭicchādanattho eva vā carati-saddo anekatthattā dhātūnanti āha “**paṭicchādetī**”ti. **Aññenaññanti** paṭicchādanākāradassananti āha “**aññena kāraṇenā**”ti-ādi. Tattha **aññaṃ kāraṇaṃ vacanaṃ vāti** yaṃ codakena cuditakassa dosavibhāvaṇaṃ kāraṇaṃ, vacanaṃ vā vuttaṃ, tato aññeneva kāraṇena, vacanena vā paṭicchādeti. **Kāraṇenāti** codanāya amūlikabhāvadīpaniyā yuttīyā. **Vacanenāti** tadatthabodhanena. **Ko āpannoti**-ādinā codanaṃ avissajjetvā vikkhepāpajjanaṃ aññenaññaṃ paṭicaraṇanti dasseti, bahiddhā kathā-apanāmaṇaṃ vissajjetvāti ayameva tesam vīseso. Tenāha “**itthannāmaṇ**”ti-ādi.

Apadīyanti dosā etena dakkhīyanti, lūyanti, chijjantīti vā **apadānaṃ**³, sattānaṃ sammā, micchā vā pavattapayogo. Tenāha “**attano cariyāyā**”ti.

1. Ma 1. 133 piṭṭhe.

2. Am-Ṭī 2. 168 piṭṭhe.

3. Am-Ṭī 2. 75 piṭṭhe.

183. **Anuminitabbanti** anu anu minitabbo jānitabbo. **Attānaṃ anuminitabbanti** ca idaṃ paccatte upayogavacanaṃ. Tenāha “**anuminitabbo tuletabbo tūretabbo**”ti. **Attānaṃ anuminitabbanti** vā attani anumānaññaṃ pavattetabbaṃ. Tatrāyaṃ nayo—appiyabhāvāvahā mayi pavattā pāpicchatā pāpicchābhāvato parasmiṃ pavattapāpicchatā viya. Esa nayo sesadhammesupi. Aparo nayo—sabrahmacārīnaṃ piyabhāvaṃ icchantena pāpicchatā pahātabbā sīlavisuddhihetubhāvato attukkaṃsanādippahānaṃ viya. Sesadhammesupi eseva nayo.

184. **Paccavekkhitabboti** “na pāpiccho bhavissāmi, na pāpikānaṃ icchānaṃ vasaṃ gato”ti-ādinā pati pati divasassa tikkhattuṃ vā ñāṇacakkhunā avekkhitabbaṃ, ñāṇaṃ pavattetabbanti attho. Pāpicchatādīnaṃ pahānaṃ pati avekkhitabbaṃ, ayañca attho tabba-saddassa bhāvatthatāvasena veditabbo, kammaṭthatāvasena pana aṭṭhakathāyaṃ “**attānaṃ**”ti paccatte upayogavacanaṃ katvā vuttaṃ. **Sikkhantena**ti tissopi sikkhā sikkhantena. Tenāha “**kusalesu dhammesū**”ti.

Tilakanti kāḷatilasetatilādītilakaṃ. **Sabbappahānanti** sabbappakārappahānaṃ. **Phale āgateti** phale uppanne. **Nibbāne āgateti** nibbānassa adhigatattā. **Bhikkhupātimokkhanti** “so samaṇo, sa bhikkhū”ti evaṃ vuttabhikkhūnaṃ pātimokkhaṃ, na upasampannānaṃ eva na pabbajitānaṃ evāti daṭṭhabbaṃ. Yasmā cidaṃ bhikkhupātimokkhaṃ, tasmā vuttaṃ “**idaṃ divasassa tikkhattuṃ**”ti-ādi. **Apaccavekkhituṃ na vaṭṭati** attavisuddhiyā ekantahetubhāvato.

Anumānasuttavaṇṇanāya līnatthappakāsanā samattā.

6. Cetokhīlasuttavaṇṇanā

185. Ceto tehi khilayati thaddhabhāvaṃ āpajjatīti **cetokhīlā**. Tenāha “**cittassa thaddhabhāvā**”ti. Yasmā tehi uppannehi cittaṃ uklāpījātaṃ ṭhānaṃ viya amanuññaṃ khettaṃ viya ca khāṇukanicitaṃ amahapphalaṃ hoti. Tena vuttaṃ “**kacavarabhāvā khāṇukabhāvā**”ti. “Cittassā”ti

ānetvā sambandhitabbaṃ. **Cittaṃ bandhitvāti** taṇhāpavattibhāvato kusalacārassa avasaracajanavasena cittaṃ baddhaṃ viya samorodhetvā. Tenāha “**muṭṭhiyaṃ katvā viya gaṇhanti**”ti. Saddatthato pana ceto virūpaṃ nibandhīyati saṃyamīyati etehīti **cetasovinibandhā**. Yassa catubbidham sīlaṃ akhaṇḍādibhāvappattiyā suparisuddham visesabhāgiyattā appakasireneva maggaphalāvaham mahāsaṃgharakkhitattherassa viya, so tādīsena sīlena imasmiṃ dhammavinaye vuddhiṃ āpajjissatīti āha “**sīlena vuddhin**”ti. Yassa pana ariyamaggo uppajjanto virūḷhamūlo viya pādapo suppatiṭṭhito, so sāsane virūḷhiṃ āpannoti āha “**maggena virūḷin**”ti. Yo sabbaso kilesanibbānappatto, so arahā sīlādiddhammakhandhapāripūriyā sativepullappatto hotīti āha “**nibbānena vepullan**”ti. Dutiyavikappe attho vuttanayānusārena veditabbo.

Buddhānaṃ dhammakāyo viya rūpakāyopi anaññasādhāraṇatāya anuttaraguṇādhiṭṭhānatāya ca apaccakkhakārīnaṃ saṃsayavatthu hotiyevāti “**sarīre vā guṇe vā kaṅkhati**”ti vuttam. Tattha yathā mahāpurisalakkhaṇena anubyañjanādayo rūpakāyaguṇā gahitā eva honti avinābhāvatoti “**dvattimsavaralakkhanappaṭimaṇḍitam**”iceva vuttam, evaṃ anāvaraṇaṇāṇena sabbepi anantāparimeyyabhedā dhammakāyaguṇā gahitā eva hontīti **sabbaññutaññāṇa**ggahaṇameva kataṃ nānantariyabhāvatoti daṭṭhabbaṃ. **Kaṅkhati**ti “aho vata te guṇā na bhavyeyum, bhavyeyum vā”ti patthanuppādanavasena kaṅkhati. Purimo hi viparītajjhāsayo, itaro yathābhūtaññājjhāsayo. **Vicinantoti** vicayabhūtāya paññāya te vivecetukāmo tadabhāvato kicchaṃ dukkhaṃ āpajjati, kicchappatti ca tattha nicchetum asamatthatāyevāti āha “**vinicchetum na sakkoti**”ti. Vigatā cikicchāti **vicikicchā**. **Adhimokkhaṃ na paṭilabhatīti** “evametan”ti okappanavasena guṇesu vinicchayaṃ nādhigacchati. **Otaritvāti** ñāṇena anupavisitvā. **Pasīditunti** “pasannarūpadhammakāyaguṇehi bhagavā”ti pasīditum. **Anāvilo** akālusso hotum **na sakkoti**. “Kaṅkhati”ti iminā dubbalā vimati vuttā, “vicikicchati”ti iminā majjhimā, “nādhimuccati”ti iminā balavati, “na sampasīdati”ti iminā tividhāyapi vimatiyā vasena uppannacittakālussiyam vuttanti daṭṭhabbaṃ.

Ātappāyāti ādito tapati santapati kileseti **ātappaṃ**, ārambhadhātu, tadatthāya. **Anuyogāyā**ti yathā saṅkilesadhammānaṃ avasaro na hoti, evaṃ anu anu yuñjanaṃ **anuyogo**, nikkamadhātu, tadatthāya. Tenāha **“punappunaṃ yogāyā”**ti. **Sātaccāyā**ti yathā uparūpari visesādhigamo hoti, tathā satatassa nirantarapavattassa anuyogassa bhāvo **sātaccāṃ**, parakkamadhātu, tadatthāya. **Padhānāyā**ti santamevaṃ tividhadhātusaṃvaḍḍhitānubhāvaṃ sabbakilesaviddhamāsanāsamattamaṃ padhānasaṅkhātamaṃ vīriyaṃ, tadatthāya. Ettha ca ātappāya cittaṃ na namati yathāvuttakaṅkhāvasena, pageva anuyogādi-atthanti dassetuṃ cattāripi padāni gahitāni, anavasesavisesadassanattamaṃ vā. Keci pana **“ātappavevacanāneva anuyogādi-padāni”**ti vadanti. Ettāvata bhagavā sathari kaṅkhāya cittaṃ thaddhakacavarakhāṇukabhāvena akusalabhāvādi-āpādanato cetokhilabhāvaṃ dasseti. Sesesupi eseva nayo.

Sikkhāggahaṇena paṭipattisaddhammassa gahitattā vuttaṃ **“pariyattidhamme ca paṭivedhadhamme cā”**ti. Pariyattidhamme yattha kaṅkhāya sambhavo, taṃ dassetuṃ **“caturāsītīdhammakhandhasahassāni”**ti-ādi vuttaṃ. Tayidaṃ nidassanamattaṃ daṭṭhabbaṃ paramparāya paṭivedhāvahabhāvādivasenapi ekaccānaṃ tattha saṃsayuppattito. Yathā ca paṭivedhe kaṅkhā vuttā, evaṃ adhigamadhammepi pavattatīti veditabbā. Tathā hi ekacce **“kasiṇādi bhāvanāya jhānāni ijjhanti”**ti vadanti. **“Kasiṇanissando āruppāti, mettādinissando catutthabrahmavihāro”**ti evamādinā kaṅkhatiyevāti. Ettha ca navalokuttaresu paññattiyāmyeva kaṅkhāpavatti veditabbā asaṅkilesikattā lokuttaradhammānaṃ.

Evarūpanti edisaṃ suppaṭipatti-ujjappaṭipattiñāyappaṭipattisāmīcippaṭipattisaṅkhātamaṃ sammāpaṭipadaṃ. **Adhisīlasikkhā**dayo lokuttaradhammassa anudhammabhūtā veditabbā. Evaṃ hi maggaphalasikkhāhi imāsaṃ viseso siddho hoti. Tathā hi vuttaṃ **“sikkhāggahaṇena paṭipattisaddhammassa gahitattā”**ti. Ettha ca yathā vicikicchā vatthuttayassa sikkhāya ca guṇesu anadhimuccana-asampasīdanavasena appaṭipattibhāvato cittaṃ thaddhabhāvo āsappanaparisappanavasena pavattiyā kacavarakhāṇukabhāvo ca, evaṃ sabrahmacārīsu āghātaṇḍikkādivasena cittaṃ thaddhabhāvo¹ ca

1. Baddhabhāvo (Ka)

upahananavirujjhanādivasena kacavarakhāṇukabhāvo ca veditabbo.
Ariyasamghavisayā vicikicchā, puggalavisayā kāci natthīti samghavisayāva¹
gahitā, sāsanikavasena cāyaṃ cetokhiladesanāti sabrahmacārīvisayova kopo
gahito.

186. Yathā vatthukāmo, evaṃ kilesakāmopi assādanīyo evāti
“**kilesakāmeṇī**”ti vuttaṃ. Tenāha bhagavā “rūpaṇhā loka piyarūpaṃ
sātarūpaṃ, etthesā ṇhā uppajjamānā uppajjati, ettha nivisaṃmānā nivisaṃti”ti-
ādi². **Kāmaniddese**³ sabbepi tebhūmakā dhammā kāmaṇīyaṭṭhena “**kāmā**”ti
vuttā, balavakāmarāgavattubhūṭāyevettha kāmaggahaṇena gahitāti.
Vinibaddhavattubhāvena yathā visuṃ attano kāyo gahito, tathā paresaṃ
tathārūpā rūpadhammā samūhaṭṭhena āha “**rūpeti bahiddhārūpe**”ti. Yathā
hi pañcakāmaguṇiko rāgo jhānādivisesādhigamassa vinibaddhāya
saṃvattati, evaṃ attano kāye apekkhā bahiddhā ca
sakaparikkhāraṇāṭimittādīsu apekkhāti. Keci panettha “rūpeti rūpajjhāne”ti-
ādinā papañcenti, tadayuttaṃ jhānādhigamavinibaddhānaṃ sīlassa ca
saṃkilesabhūṭānaṃ cetovinibaddhabhāvena gahitattā.

Yāvadatthanti yāva attheti abhikaṅkhati, tāva. Tenāha “**yattakaṃ
icchati, tattakan**”ti. **Tanti** yāvadatthaṃ udarapūraṃ bhuttaṃ. **Avadehanato**
pūraṇato. **Seyyasukhanti** seyyaṃ paṭicca uppajjanakasukhaṃ. **Passasukhanti**
passānaṃ samparivattanena uppajjanakasukhaṃ. **Niddāsukhanti**
niddāyanena uppajjanakasukhaṃ.

Sīlenāti-ādi patthanākāradassanaṃ. **Vatasamādānanti**
dhutaṅgādivatānuṭṭhānaṃ. **Tapoti** vīriyārambho. So hi kilesānaṃ
tapaṇaṭṭhena niggaṇhanaṭṭhena **tapacaraṇanti** vuttaṃ.

189. **Chandaṃ nissāyāti** chandaṃ dhuraṃ, chandaṃ jeṭṭhakaṃ,
chandaṃ pubbaṅgamaṃ katvā pavattivasena chandaṃ nissāya.
Jeṭṭhakaṭṭhena padhānabhūṭā, padhānabhāvaṃ vā pattāti **padhānabhūṭā**. **Tehi
dhammehīti** chandanissayena pavattasamādhinā ceva “padhānasaṅkhāro”ti
vuttavīriyena ca. **Upetanti** sampayuttaṃ. Ijjhanaṭṭhena **iddhi**, nipphatti-
atthena paṭilābhaṭṭhena cāti attho, tassā **iddhiyā pādaṃ**

1. Sayasakkāro (Ka)

2. Dī 2. 246; Ma 1. 85; Abhi 2. 107 piṭṭhesu.

3. Khu 7. 1, 2 piṭṭhesu. (Atthato samānaṃ.)

pādakaṃ padaṭṭhānabhūtaṃ. Atha vā ijjhanti tāya iddhā vuddhā ukkamsagatā hontīti **iddhi**, sāva uparivisesānaṃ adhiṭṭhānabhāvato **pādo**. Tenāha “**iddhibhūtaṃ vā pādanti iddhipādan**”ti. **Sesesupīti** vīriyiddhipādādīsupi. **Assāti** iddhipādassa. **Attho dīpitoti** dīpanattham kataṃ, tasmā **visuddhimaggasaṃvaṇṇanāyaṃ**¹ tassa atthavicāro gahetabbo. Iddhipādānaṃ samādhipadhānattā vuttaṃ “**vikkhambhanappahānaṃ kathitaṃ**”ti. Tesam tesam kusaladhammānaṃ anuppannānaṃ uppādanakiriyāya uppannānaṃ paribrūhanakiriyāya ussahanato **ussoḷī**, thāmapattā parakkamadhātu. Sā pana catunnaṃ iddhipādānaṃ visesapaccayabhūtā te upādāya “**pañcamī**”ti vuttā, sā ca yasmā samathavipassanābhāvanāsu tattha ca ādimajjhapariyosānesu sādhetabbaṃ vīriyaṃ, tasmā āha “**ussoḷīti sabbattha kattabbavīriyaṃ dasseti**”ti. Pubbabhāgiyasamathavipassanāsādhanaṃ pahātabbadhammavibhāgena bhinditvā āha “**pañca cetokhilappahānāni pañca vinibandhappahānāni**”ti. **Bhboti** yutto arahati, nipphattiyā. **Ñānenāti** maggañānena. **Kilesabhedāyāti** kilesānaṃ samucchindanāya. **Khemassāti** anupaddavassa.

Sambhāvanattheti² “api nāmevaṃ siyā”ti vikappanatto sambhāvanatto. **Evam hīti** evaṃ ekameva saṅkhyāṃ avatvā aparāya saṅkhyāya saddhiṃ vacanaṃ loke siliṭṭhavacanaṃ hoti, yathā “dve vā tīṇi vā udakaphusitāni”ti. **Sammā adhisayitānīti** pādādīhi attanā nesaṃ kiñci upaghātaṃ akarontiyā bahivātādiparissayapariharaṇattham sammadeva upari sayitāni. **Utum gāhāpentiyāti** tesam allasinehapariyādānattham attano kāyusmāvasena utum gaṇhāpentiyā. Tenāha “**usmīkatānī**”ti. **Sammā paribhāvitānīti** sammadeva sabbaso kukkuṭavāsanāya vāsītāni. Tenāha “**kukkuṭagandham gāhāpitānī**”ti. Ayañca kukkuṭagandhaparibhāvanā sammā-adhisayanasammāparisedananipphattiyā “**anunipphādī**”ti³ daṭṭhabbā. Tehi pana saddhiṃ yeva ijjhanato vuttaṃ “**tividhakiriyākaraṇenā**”ti. Kiñcāpi na evaṃ “aho vatime”ti-ādinā icchā uppajjeyya, kāraṇassa pana sampāditattā atha kho bhabbāva abhinibbhijjīti

1. Visuddhi-Ṭī 2. 10 piṭṭhādīsū.

2. Sārattha-Ṭī 1. 350; Am-Ṭī 3. 194 piṭṭhesupī passitabbaṃ.

3. Ānubhāvanipphādītanti (Sārattha-Ṭī 1. 350 piṭṭhe.)

yojanā. Kasmā bhabbāti āha **“te hi yasmā tāyā”**ti-ādi. Ettha yathā kapālassa tanutā ālokassa anto paññāyamānassa kāraṇaṃ, tathā kapālassa tanutāya nakhasikhāmukhatuṇḍakānaṃ kharatāya ca allasinehassa pariyādānaṃ kāraṇavacananti daṭṭhabbaṃ, **tasmāti** ālokassa anto paññāyamānato, sayañca paripākagatattā.

Opammasampañipādananti opammatthassa upameyyena sammadeva paṭipādanam. **Atthenāti** upameyyatthena. Yathā kukkuṭiyā aṇḍesu tividhakiriyāya karaṇaṃ kukkuṭacchāpakānaṃ aṇḍakosato nikkhamanassa mūlakāraṇaṃ, evaṃ bhikkhuno ussoḥhīpannarasāni aṅgāni avijjaṇḍakosato nikkhamanassa mūlakāraṇanti āha **“tassā kukkuṭiyā -pa-samannāgatabhāvo”**ti. Paṭicchādanasāmaññena avijjāya aṇḍakosasadisatāya balavavipassanāvasena avijjaṇḍakosassa tanubhāvo, vipassanāñāṇassa pariṇāmakālo vuṭṭhānagāminibhāvāpatti, tadā ca sā maggañāṇagabbhaṃ dhārentī viya hotīti āha **“gabbhaggahaṇakālo”**ti. **Abhiññāpakkheti** lokiyābhiññāpakkhe. Lokuttarābhiññā hi avijjaṇḍakosam padālikāti. **Gāthāya avijjaṇḍakosam paharatīti** desanāvilāsenā vineyyasantānagatam avijjaṇḍakosam ghaṭṭeti, yathāṭhāne ṭhātum na deti.

Paṭisaṅkhānappahānanti tadaṅgappahānapubbakam vikkhambhanappahānam. Pabbabhāgiyā iddhipādā pāḷiyam gahitāti **“iddhipādehi vikkhambhanappahānan”**ti vuttam. **“Ussōḥhīpannarasaṅgasamannāgato bhikkhu bhabbo abhinibbidāyā”**ti-ādi vacanato¹ lokuttariddhipādā pana sambodhaggahaṇeneva gahitā. **Magge āgateti** ussoḥhīpannarasaṅgasamannāgatassa bhikkhuno vipassanam ussukkāpayato magge āgate uppanne, pāḷiyam vā abhinibbidāsambodhaggahaṇehi **magge āgate**. **Phale āgateti** etthāpi vuttanayena attho veditabbo. Nibbānassa pana pāḷiyam anāgatattā nissaraṇappahānam na gahitam. Sesam suviññeyyameva.

Cetokhilasuttavaṇṇanāya līnatthappakāsānā samattā.

1. Ma 1. 149 piṭṭhe.

7. Vanapatthapariyāyasuttavaṇṇanā

190. Vanīyati vivekakāmehi bhajīyati, vanute vā te attasampattiyā vasanatthāya yācanto viya hotīti vanam, patiṭṭhanti ettha vivekakāmā yathādhippetavisesādhigamenāti pattham, vanesu pattham gahanaṭṭhāne senāsanam **vanapattham**. Pariyāyati attano phalam pariggahetvā vattatīti **pariyāyo**, kāraṇanti āha “**vanapatthapariyāyanti vanapatthakāraṇam**”ti. Vanapattham hi tam upanissāya viharato upanissayakāraṇam. Tenāha “vanapattham upanissāya viharatī”ti. Pariyāyati desetabbamattham patiṭṭhapetīti **pariyāyo**, desanā. Vanapattham ārabba pavattā desanā **vanapatthadesanā**, tam, ubhayatthāpi vanapatthaggahaṇam lakkhaṇamattam gāmādinampettha kāraṇabhāvassa, desanāya visayabhāvassa ca labbhamānattā.

191. **Nissāyāti** apassāya, vivekavāsassa apassayam katvāti attho. **Na upaṭṭhātīti** ādīhi tasmim vanapatthe senāsanasappāyābhāvam, utupuggaladhammassavanasappāyābhāvampi vā dasseti. **Jīvitasambhārāti**¹ jīvitappavattiyā sambhārā paccayā. **Samudānetabbāti** sammā ñāyena anavajja-uñchācariyādinā uddham uddham ānetabbā pāpuṇitabbā. Te pana tathā samudānitā samāhaṭā nāma hontīti āha “**samāharitabbā**”ti. **Dukkheṇa uppajantīti** sulabhuppādā na honti. Etena bhojanasappāyādi-abhāvam dasseti. **Rattibhāgam vā divasabhāgam vāti** bhummatthe upayogavacananti āha “**rattikoṭṭhāse vā divasakoṭṭhāse vā**”ti. **Rattimyeva pakkamitabbam samaṇadhammassa** tattha anipphajjanato.

192-3. **Saṅkhāpīti** “yadatthamahaṇam pabbajito, na metaṇ idha nipphajjati, cīvarādi pana samudāgacchati, nāham tadattham pabbajito, kim me idha vāsenā”ti paṭisaṅkhāyapi. Anantaravāre **saṅkhāpīti** “yadatthamahaṇam pabbajito, tam me idha nipphajjati, cīvarādi pana na samudāgacchati, nāham tadattham pabbajito”ti paṭisaṅkhāyapīti attho. Tenāha “**samaṇadhammassa nipphajjanabhāvam jānitvā**”ti.

1. Am-Ṭī 3. 284 piṭṭhepi passitabbam.

195-7. **So puggalo anāpucchā pakkamitabbarā nānubandhitabboti** “so puggalo”ti padassa “nānubandhitabbo”ti iminā sambandho. Yassa yena hi sambandho, dūraṭṭhenapi so bhavati. **Taṃ puggalanti** “so puggalo”ti paccattavacanāṃ upayogavasena pariṇāmetvā taṃ puggalaṃ anāpucchā pakkamitabbanti attho. Atthavasena hi vibhattivipariṇāmoti. **Taṃ āpucchā pakkamitabbanti** etthāpi eseva nayo. **Āpucchā pakkamitabbanti** ca kataññutakataveditāya niyojanaṃ.

198. **Evarūpoti** yaṃ nissāya bhikkhuno guṇehi vuddhiyeva pāṭikaṅkhā, paccayehi ca na parissamo, evarūpo daṇḍakammādīhi niggaṇhāti cepi na pariccajitabboti dasseti “**sacepī**”ti-ādinā.

Vanapatthapariyāyasuttavaṇṇanāya līnatthappakāsanā samattā.

8. Madhupiṇḍikasuttavaṇṇanā

199. **Jātivānanti** sayamjātaṃ vanāṃ. Tenāha “**aropiman**”ti. **Paṭisallānatthāyāti** ekībhāvatthāya, puthuttārammaṇato vā cittaṃ paṭinivattetvā accantasante nibbāne phalasamāpattivāsena allīyāpanattham. Daṇḍo pāṇimhi assāti **daṇḍapāṇi**. Yathā so “daṇḍapāṇi”ti vuccati, taṃ dassetuṃ “**ayañhi**”ti-ādi vuttaṃ. **Daṇḍavittatāyāti** daṇḍe soṇḍatāya. So hi daṇḍapasuto daṇḍasippe ca sukusalo tattha pākaṭo paññāto, tasmā daṇḍaṃ gahetvā vicarati. **Jaṅghākilamathavinodanattanti** rājasabhāya ciranisajjāya uppannajaṅghāparissamassa apanayanattham. **Adhiccanikkhamanoti** yādicchakanikkhamano, na abhiṇhanikkhamano. **Olubbhāti** sannirumbhitvā ṭhito. Yathā so “olubbhā”ti vutto, taṃ dassetuṃ “**gopālakadārako viyā**”ti-ādi vuttaṃ.

200. Vadanti etenāti **vādo**, diṭṭhīti āha “**kimvādīti kimdiṭṭhiko**”ti. **Kimakkhāyāti** kimācikkhako kīdisadhammakatho. **Acittikārenāti** anādarena. Tathāpucchane kāraṇaṃ dassento “**kasmā**”ti-ādimāha. **Nassatetanti** nassatu etaṃ kulam.

Atthaṃ na jānātīti atthaṃ ce ekadesena jāneyya, taṃ micchā gahetvā paṭippharivāpi tiṭṭheyya. Tassa dīgharattaṃ ahitāya dukkhāyāti tadassa atthājānanam bhagavatā icchitaṃ. **Viggāhikakathanti** viggahakathaṃ, sārambhakathanti attho. Nanu bhagavatā saddhiṃ loke puthū samaṇabrāhmaṇā nānāvādā santīti codanaṃ sandhāyāha **“tathāgato hī”**ti-ādi. **Na vivadati** vivādahetukānaṃ kāmadiṭṭhiṃhosānānaṃ maggeneva samugghātittā, tadabhāvato pana **loko tathāgatena vivadati**, dhammavādī yathābhūtavādī dhammavādīhi na vivadati tesaṃ vivaditukāmatāya eva abhāvato, adhammavādī pana tiṇāyapi namaññaṃāno tehi kiñci vivadati. Tenāha **“na bhikkhave dhammavādī kenaci lokasmiṃ vivadati”**ti¹. Adhammavādī pana asamucchinnavivādahetukattā vivadateva. Tathā cāha **“adhammavādīva kho bhikkhave vivadati”**ti¹.

Yathā ca panāti ettha **yathā**-saddo “yathā ca anuppanassa kāmaccchandassa uppādo hoti, tañca pajānāti”ti-ādīsu² viya kāraṇatthoti āha **“yena kāraṇenā”**ti. Kāraṇākāro vā idha yathā-saddena vutto, so pana atthato kāraṇamevāti vuttaṃ **“yena kāraṇenā”**ti. “Idaṃ kathaṃ idaṃ kathan”ti pavattanato kathaṃkathā, vicikicchā. Sā yassa natthi, so akathaṃkathī, taṃ **akathaṃkathim**. Vipphaṇṇasāraṇakukkuccaṃ bhagavatā anāgāmaggeneva chinnaṃ, hatthapādaṃkukkuccaṃ aggamaggena āveṇikadhammādhigamato. Aparāparaṃ uppajjanakabhavo **“bhavābhavo”**ti idhādhippetoti āha **“punappunabbhave”**ti. Saṃvarāsaṃvaro phalāphalaṃ viya khuddakamahanto bhavo **“bhavābhavo”**ti vuttoti āha **“hīnapaṇīte vā bhave”**ti. Bhavo vuḍḍhippatto **“abhavo”**ti vuccati yathā “asekkhā dhammā”ti³. **Kilesasaññā**ti kāmasaññādikē vadati. Kilesā eva vā saññānāmena vuttā “saññā pahāya amataṃ eva pāpuṇāti”ti-ādīsu viya. **Attano khīṇāsavabhāvaṃ dīpetī**ti imināva paresaṅca tathattāya dhammaṃ desetīti ayampi attho vibhāvītōti daṭṭhabbaṃ. **Nīharitvā kīlāpetvāti** nīharitvā ceva kīlāpetvā ca, nīharaṇavasena vā kīlāpetvā. **Tivisākhandi** tibhaṅgabhākuṭi viya nalāṭe jātattā **nalāṭikaṃ**.

1. Saṃ 2. 113 piṭṭhe.

2. Am 1. 276 piṭṭhe.

3. Abhi 1. 2 piṭṭhe.

201. **Kinti nu khoti** kim kāraṇenāti attho. **Anusandhim gahetvāti** pucchānusandhim uṭṭhapetvā. **Yatonidānanti** yaṃnidānaṃ, yaṃkāraṇāti vuttaṃ hoti. Purimāpade hi vibhatti-alopaṃ katvā niddeso, cha-
ajjhattikabāhirāyatanādīnidānanti ayameva attho. Saṅkhāyanti saṅkhābhāvena nīyanti **saṅkhāti** āha “**saṅkhāti koṭṭhāsā**”ti. Kāmañcettha mānopi papañco, abhinandanasabhāve eva pana gaṇhanto
“taṇhāmānaditṭhipapañcasampayuttā”ti āha. Tathā hi vakkhati
“abhinanditabban”ti-ādi. **Samudācaranti**ti sabbaso uddhaṃ uddhaṃ
pariyādāya pavattanti. Mariyādattho hi ayamākāro, tena ca yogena **purisanti**
upayogavacanaṃ yathā “tathāgataṃ bhikkhave arahantaṃ
sammāsambuddhaṃ dve vitakkā samudācaranti”ti¹. Taṇhādayo ca
yathāsakaṃ pavatti-ākāraṃ avilaṅghantiyo āsevanavasena uparūpari
pavattanti. Tathā hi tā “papañcasāṅkhā”ti vuttā.

Kāraṇeti pavattipaccaye. **Ekāyatanampi -pa- natthīti** cakkhāyatanādi ekampi āyatanam abhinanditabbaṃ abhivaditabbaṃ ajjhositabbañca natthi ce, nanu natthi eva, kasmā “natthi ce”ti vuttanti? Saccam natthi,
appahīnābhinandanābhivādāna-ajjhosānānaṃ pana puthujjanānaṃ
abhinanditabbādippakārāni āyatanāni hontīti tesam na sakkā natthīti vuttam,
pahīnābhinandanādīnaṃ pana sabbathā natthīti “natthi ce”ti vuttam. **Aham mamanti abhinanditabbanti** diṭṭhābhinandanāya “ahan”ti taṇhābhinandanāya
“maman”ti rocetabbaṃ. **Abhivaditabbanti** abhinivisanasamuṭṭhāpanavasena
vattabbaṃ. Tenāha “**aham mamanti vattabban**”ti. **Ajjhositvāti** diṭṭhi taṇhā
vatthum anupavisitvā gāhadvayaṃ anaññasādhāraṇam viya katvā. Tenāha
“**gilitvā pariniṭṭhapetvā**”ti. **Etenāti** “ettha ce natthi”ti-ādivacanaena. **Etthāti**
āyatanesu. Taṇhādīnaṃ avatthubhāvadassanamukhena **taṇhādīnaṃyeva**
appavattim kilesaparinibbānaṃ kathitanti. Tenāha bhagavā “**esevanto**”ti-ādi,
ayameva abhinandanādīnaṃ natthibhāvakaro maggo,
tappaṭippassaddhibhūtaṃ phalaṃ, taṃnissaraṇam vā nibbānaṃ
rāgānusayādīnaṃ anto avasānaṃ appavattīti attho. Tenāha “**ayam -pa-**
anto”ti. **Sabbatthāti** “esevanto paṭighānusayānaṃ”ti-ādīsu sabbapadesu.

1. Khu 1. 216 piṭṭhe Itivuttake.

Ādiyati pahāradānādivasena gayhati. **Matthakappattam kalahanti** bhaṇḍanādimatte aṭṭhatvā mukhasattīhi vitudanādivasena matthakappattam kalaham. Yāya karoti sambandho. Sesapadesupi eseva nayo. Viruddhaggāhavasena **nānāgāhamattam**, tathā viruddhavādivasena **nānāvādamattam**. **Evam pavattanti** garukātabbesupi gāravam akatvā “tuvaṃ tuvaṃ”ti evam pavattam sārambhakatham, yāya cetanāya yaṃ karoti, sā tuvaṃ tuvaṃ. **Nissāyati** paṭicca, nissayādipaccaye katvāti attho. Kilesānam uppattinimittatā tāva āyatanānam hotu tabbhāve bhāvato, nirodhanimittatā pana katham. Na hettha lokuttaradhammānam saṅgaho lokiyānamyeva adhippetattāti codanam sandhāyāha “**nirujjhamānāpi**”ti-ādi. Nāmamattena nimittatam sandhāya vuttoti dassento “**yatthuppanā, tattheva niruddhā hontī**”ti vatvā tamattham suttantarena sādheṇto “**svāyamattho**”ti-ādimāha.

Tattha **samudayasaccapañhenā**ti mahāsati paṭṭhāne samudayasaccaniddesena. So hi “**kattha uppajjamānā**”ti-ādinā pucchāvasena pavattatā pañhoti vutto. Nanu tattha taṇhāya uppattinirodhā vuttā, na sabbakilesānanti īdisī codanā anavakāsāti dassento “**yatheva cā**”ti-ādimāha. **Laddhavohāreti** iminā rāgādīnam appavattinimittatāya antoti samaññā nibbānassāti dasseti. Eteneva abhinandanādīnam abhāvoti ca idam samvaṇṇitanti daṭṭhabbam. Katham pana sabbasaṅkhatavinissaṭe nibbāne akusaladhammānam nirodhasambhavoti āha “**yañhi yattha natthi, taṃ tattha niruddham nāma hotī**”ti. Yvāyam appavattiyam nirodhavohāro vutto, svāyamattho nirodhapañhena dīpetabbo. Na hi tattha uppajjitvā niruddhā vitakkavicārā paṭṭipassaddhāti vuttā, atha kho appavattā evāti.

203. **Evamsampadanti** evamsampajjanakam evam passitabbam idam mama ajjhesanam. Tenāha “**īdisanti attho**”ti. **Jānam jānāti**¹ sabbaññutaññāṇena jānitabbam sabbam jānāti. Ukkaṭṭhaniddesena hi avisesaggaṇaṇena ca “jānam”ti iminā niravasesam ñeyyajātam pariggaṇhātīti tabbisayāya jānanakiriya

1. Am-Ṭī 3. 353 piṭṭhādīsipi passitabbam.

sabbaññutaññānameva karaṇaṃ bhavituṃ yuttaṃ. Atha vā pakaraṇavasena “bhagavā”ti saddantarāsannidhānena cāyamattho vibhāvetabbo.

Passitabbameva passatīti dibbacakkhu paññācakkhu dhammacakkhu buddhacakkhu samantacakkhu saṅkhātehi ñāṇacakkhūhi passitabbaṃ passati eva. Atha vā **jānaṃ jānātīti** yathā aññe savipallāsā kāmarūpapariññāvādino jānantāpi vipallāsavasena jānanti, na evaṃ bhagavā. Bhagavā pana pahīnavipallāsattā jānanto jānāti eva, diṭṭhidassanassa ca abhāvā passanto passatiyevāti attho. **Dassanapariṇāyakaṭṭhenāti** yathā cakkhu sattānaṃ dassanattamaṃ pariṇeti, evaṃ lokassa yāthāvadassanasādhanato dassanakiccapariṇāyakaṭṭhena **cakkhubhūto**, paññācakkhumayattā vā sayambhuññaṇena paññācakkhuṃ bhūto pattoti vā **cakkhubhūto**. **Ñāṇabhūtoti** etassa ca evameva attho daṭṭhabbo. **Dhammā** vā bodhipakkhiyā tehi uppannattā lokassa ca taduppādanato, anaññasādharāṇaṃ vā dhammaṃ pattoti **dhammabhūto**. **Brahmā** vuccati maggo tena uppannattā lokassa ca taduppādanattā, taṅca sayambhuññaṇena pattoti **brahmabhūto**. Catusaccadhammaṃ vadatīti **vattā**. Ciraṃ saccapaṭivedhaṃ pavattento vadatīti **pavattā**. **Atthaṃ nīharitvāti** dukkhādi-atthaṃ tatthāpi piḷanādi-atthaṃ uddharitvā. Paramatthaṃ vā nibbānaṃ pāpayitā, amatasacchikiriyāṃ sattesu uppādentō amataṃ dadātīti **amatassa dātā**. Bodhipakkhiyadhammaṇaṃ tadāyattabhāvato **dhammassāmī**.

204. So vā uddeso attanopi hotīti therō “**yaṃ kho no**”ti āha. Sabbalokasādharāṇā hi buddhānaṃ desanāti. Idāni yehi dvārārammaṇehi purisaṃ papañcasaññāsaṅkhā samudācaranti, tāni tāva dassento papañcasaññāsaṅkhā dassetuṃ yena saḷāyatana vibhaṅgena niddeso kato, tassa atthaṃ dassetuṃ “**cakkhuficā**”ti-ādi āraddhaṃ. Tattha **nissayabhāvenāti** nissayapaccayabhāvena. Nissayapaccayo ca pasādacakkhuyeva hoti, na cuddasasambhāraṃ, catucattālīsasambhāraṃ vā sasambhāracakkhūti āha “**cakkhupasādañca paṭicca**”ti. **Ārammaṇabhāvenāti** ārammaṇapaccayabhāvena. Ārammaṇapaccayo ca catusamuṭṭhānikarūpesu yaṃ kiñci hotīti āha “**catusamuṭṭhānikarūpe ca paṭicca**”ti. Ettha cakkhu ekampi viññāṇassa paccayo hoti, rūpāyatanaṃ pana anekameva

saṁhatanti imassa visesassa dassanattamaṁ nissayabhāvena
“cakkhupasādaṅca arammaṇabhāvena catusamuttāhānikarūpe ca”ti
 vacanabhedo kato. Kim pana kāraṇaṁ cakkhu ekampi viññāṇassa paccayo
 hoti, rūpaṁ pana anekamevāti? Paccayabhāvavisesato. Cakkhu hi
 cakkhuviññāṇassa nissayapurejāta-indriyavippayuttapaccayehi paccayo
 hontaṁ atthibhāveneva hoti, tasmim sati tassa bhāvato, asati abhāvato, yato
 taṁ atthi-avigatapaccayehissa paccayo hotīti vuccati, tannissitatā¹ cassa na
 ekadesena allīyanavasena icchitabbā arūpabhāvato. Atha kho garurājādīsu
 sissarājapurisādīnaṁ viya tappaṭibaddhavuttitāya, itare pana paccayā tena
 tena visesena veditabbā.

Sacāyaṁ paccayabhāvo na ekasmiṁ na sambhavatīti ekampi cakkhu
 cakkhuviññāṇassa paccayo hotīti dassetuṁ pāḷiyaṁ **“cakkhuñcāvuso
 paṭicca”**ti ekavacanavasena vuttaṁ. Rūpaṁ pana yadipi cakkhu viya
 purejāta-atthi-avigatapaccayehi paccayo hoti puretaraṁ uppannaṁ hutvā
 vijjamaṇakkhaṇe eva upakārakattā, tathāpi anekameva saṁhataṁ hutvā
 paccayo hoti ārammaṇabhāvato. Yaṁ hi paccayadhammaṁ sabhāvabhūtaṁ,
 parikkappitākāramattaṁ vā viññāṇaṁ vibhāventaṁ pavattati, tadaññesaṅca
 satipi paccayabhāve so tassa sārammaṇasabhāvatāya yaṁ kiñci anālambitvā
 pavattituṁ asamatthassa olubbhapavattikāraṇabhāvena ālambanīyato
 ārammaṇaṁ nāma, tassa yasmā yathā tathā sabhāvūpaladdhi viññāṇassa
 ārammaṇapaccayaḷābho, tasmā cakkhuviññāṇaṁ rūpaṁ ārabha
 pavattamaṇaṁ tassa sabhāvaṁ vibhāventameva pavattati, sā cassa
 indriyādhīnavuttikassa ārammaṇasabhāvūpaladdhi na
 ekadvikalāpagatavaṇṇavasena hoti, nāpi katipayakalāpagatavaṇṇavasena,
 atha kho ābhogānurūpaṁ āpāthagatavaṇṇavasenaṁ anekameva rūpaṁ
 saṁhaccakāritāya viññāṇassa paccayo hotīti dassento **“rūpe ca uppajjati
 cakkhuviññāṇaṁ”**ti bahuvacanavasena.

Yaṁ pana **paṭṭhāne**² “rūpāyatanaṁ cakkhuviññāṇadhātuyā
 taṁsampayuttakānaṅca dhammaṇaṁ ārammaṇapaccayena paccayo”ti
 vuttaṁ, taṁ yādisaṁ rūpāyatanaṁ cakkhuviññāṇassa ārammaṇapaccayo,
 tādisaṁ sandhāya vuttaṁ. Kīdisaṁ pana

1. Tannissayatā (Ka)

2. Abhi 8. 1 piṭṭhe.

tanti? Samuditanti pākaṭoyamattho. Evañca katvā yadeke vadanti “āyatanasallakkhaṇa vasena cakkhuviññāṇādayo sallakkhaṇavisayā¹, na drabyasallakkhaṇavasena”ti, tampi suvuttameva hoti. Na cettha samudāyārammaṇatā āsaṅkitabbā samudāyābhogasseva abhāvato, samuditā pana vaṇṇadhammā ārammaṇapaccayā honti. Kathaṃ pana paccekaṃ asamatthā samuditā ārammaṇapaccayā honti. Na hi paccekaṃ daṭṭhum asakkontā andhā samuditā passantīti? Nayidamekantikaṃ visum visum asamatthānampi sivikāvahanādīsu samatthatāya dassanato. Kesādīnañca yasmim̐ ṭhāne ṭhitānaṃ paccekaṃ vaṇṇaṃ gahetuṃ na sakkā, tasmiṃyeva ṭhāne samuditānaṃ taṃ gahetuṃ sakkāti bhiyyopi tesam̐ saṃhaccakāritā paribyattā. Etena kiṃ cakkhuviññāṇassa paramānurūpaṃ ārammaṇaṃ, udāhu taṃsamudāyoti-ādikā codanā paṭikkhattāti veditabbā. **“Sotañca āvuso paṭiccā”**ti-ādīsupi iminā nayena attho veditabbo. **Cakkhuviññāṇaṃ nāmāti** cakkhunissitarūpavijānanalakkhaṇaṃ cakkhuviññāṇaṃ nāma uppajjati.

Tiṇṇaṃ saṅgatiyāti cakkhu, rūpaṃ, cakkhuviññāṇanti imesaṃ tiṇṇaṃ saṅgatiyā samodhānena. **Phasso nāmāti** arūpadhammopi samāno ārammaṇe phusanākārenea pavattanato phusanalakkhaṇo phasso nāma dhammo uppajjati. **Sahajātādivasenāti** cakkhuviññāṇasampayuttāya sahaajāta-aññamaññādivasena, anantarāya anantarādivasena, itarāya upanissayavasena paccayabhāvato **phassapaccayā** phassakāraṇā **vedanā uppajjati**. Anubhavasamakālemeva ārammaṇassa sañjānanaṃ hotīti **“tāya vedanāya yaṃ ārammaṇaṃ vedeti, tadeva saññā sañjānāti”**ti vuttaṃ. Cakkhudvārikā dhammā idhādhippetāti tadanusārena pana aparāparuppanānaṃ vedanādīnaṃ gahaṇe sati, **yanti** vā kāraṇavacanaṃ, yasmā ārammaṇaṃ vedeti, tasmā taṃ sañjānātīti attho. Na hi asati vedayite kadāci saññuppatti atthi. Sesapadesupi eseva nayo. Saññāya hi yathāsaññātaṃ vijjamānaṃ, avijjamānaṃ vā ārammaṇaṃ vitakkavasena parikappeti, yathāparikappitañca taṃ diṭṭhitaṇhāmānaṃmaññānāhi maññamāno papañcetīti vutto. Tenevāha “pathaviṃ pathavito sañjānāti”ti, “pathaviṃ

1. Sallakkhaṇārammaṇā (Ka)

pathavito saññatvā pathaviṃ maññatī”ti-ādi¹, “takkañca diṭṭhīsu pakappayitvā, saccaṃ musāti dvayadhammamāhū”ti² ca.

Balappattapapañcavasenevāyamattavaṇṇanā katā, aṭṭhakathāyaṃ pana paridubbalavasena.

Cakkhurūpādīhi kāraṇehīti cakkhuviññāṇaphassavedanāsaññāvitakkehi kāraṇabhūtehi. Akāraṇabhūtānampi tesam atthitāya kāraṇaggahaṇaṃ. Pariññatā hi te akāraṇaṃ. Tenāha “**apariññātakāraṇaṃ**”ti. Tīhipi pariññāhi apariññātavatthukaṃ. **Abhibhavanti**ti ajjhottharanti. **Sahajātaṃ hontī**ti ettha “cakkhusamphassapaccayā vedanākkhandho atthi kusalo”ti-ādivacanato vedanāsaññā asahajātāpi gahetabbā. **Yadi evanti** “papañceti”ti ettha yadi pañcadvārajavanasahajātā papañcasaṅkhā adhippetā tāsam paccuppannavisayattā, **kasmā atītānāgataggahaṇaṃ katanti** codeti. Itaro “**tathā uppajjanato**”ti-ādinā pariharati. Tattha **tathā uppajjanatoti** yathā vattamānakāle, evaṃ atītakāle anāgatakāle ca cakkhudvāre papañcasaṅkhānaṃ uppajjanato atītānāgataggahaṇaṃ kataṃ, na atītesu, anāgatesu vā cakkhurūpesu cakkhudvārikānaṃ tāsam uppajjanato.

Manañcāvuso paṭiccāti ettha duvidhaṃ manaṃ kevalaṃ bhavaṅgaṃ, sāvajjanaṃ vā. Duvidhā hi kathā. Uppattidvārakathāyaṃ dvikkhattuṃ calitaṃ bhavaṅgaṃ manodvāraṃ nāma, cakkhādi viya rūpādinaṃ yena taṃ ghaṭṭitaṃ tattha upari viññāṇuppattiyā dvārabhāvato. Paccayakathāyaṃ sāvajjanabhavaṅgaṃ, “manosamphassapaccayā atthi kusalo”ti-ādīsu hi sāvajjanamanosamphasso icchito, na bhavaṅgamanosamphasso asambhavato. Tattha paṭhamanayaṃ sandhāyāha “**mananti bhavaṅgacittan**”ti. **Dhammeti tebhūmakadhammārammaṇanti** iminā sabhāvadhammesu eva kilesupattīti keci, tadayuttaṃ tadupādānāyapi paññattiyā dhammārammaṇatāya vuttattā. Idha pana tebhūmakāpi dhammā labbhantiṭi dassanatthaṃ “**tebhūmakadhammārammaṇaṃ**”ti vuttaṃ, na paññattiyā anārammaṇattā. Evañcetaṃ sampaṭicchitabbaṃ, aññathā akusalacittuppādā anārammaṇā nāma siyūṃ. Uppattidvārakathāyaṃ cakkhuviññāṇādi viya āvajjanampi dvārapakkhikamevāti vuttaṃ “**manoviññāṇanti āvajjanaṃ vā**”ti. Paccayakathāyaṃ pana āvajjanaṃ gahitanti “**javanaṃ vā**”ti vuttaṃ. Nayadvaye dhammānaṃ saḥajātavibhāgaṃ dassetuṃ

1. Ma 1. 1 piṭṭhe.

2. Khu 1. 416; Khu 7. 228, 229 piṭṭhesu.

“**Āvajjane gahite**”ti-ādi vuttam. **Yuttamevā**ti nippariyāyato yuttameva.

So yāva na paccayapaṭivedho sambhavati, tāva paññattimukheneva sabhāvadhammā paññāyanti paccekaṃ apaññāpaneti āha “**phasso nāma eko dhammo uppajjati**”ti. **Evaṃ phassapaññattim paññapessatī**ti paññapetvā tabbisayadassanaṃ ñāṇaṃ uppādessati. **Imasmim sati idaṃ hotī**ti imasmim cakkhu-ādike paccaye sati idaṃ phassādikaṃ paccayuppannaṃ hoti. **Dvādasāyatanavasena**ti dvādasannaṃ āyatanānaṃ vasena āgatena paṭiccasamuppādanayavasena. **Dvādasāyatanapaṭikkhepavasena**ti “imasmim asati idaṃ na hoti”ti paccayābhāvapaccayuppannābhāvadassanakame dvādasannaṃ āyatanānaṃ paṭikkhepavasena.

Sāvakena pañho kathitoti ayaṃ pañho sāvakena kathito, iti iminā kāraṇena mā nikkāṅkhā ahuvattha. Atha vā saṃkhittena vuttamatthaṃ vitthārena vibhajantena etadagge ṭhapitena mahāsāvakena pañho kathitoti iminā kāraṇena etasmim pañhe mā nikkāṅkhā ahuvattha, heraññike sati kahāpaṇaṃ sayam nicchinantā viya ahutvā bhagavato eva santike nikkāṅkhā hotha.

205. Ākaronti phalaṃ tāya tāya mariyādāya nibbattentīti **ākārā**, kāraṇāni. **Pāṭiyekkekāraṇehī**ti channaṃ dvārānaṃ vasena visum visum papañcakāraṇassa niddiṭṭhattā vuttam. Atha vā yadipi yattakehi dhammehi yaṃ phalaṃ nibbattati, tesam samuditānaṃyeva kāraṇabhāvo sāmaggīyāva phaluppattito, tathāpi paccekaṃ tassa kāraṇamevāti katvā vuttam “**pāṭiyekkekāraṇehī**”ti. **Padehī**ti nāmā dipadehi ceva taṃsamudāyabhūtehi vākyehi ca. Tenāha “**akkharasampīḍanehī**”ti. Akkharāniyeva hi atthesu yathāvaccam padavākyabhāvena paricchijjanti. **Byañjanehī**ti atthassa abhībyañjanato byañjanasaññītehi vaṇṇehi. Tāni pana yasmā pariyāyassa akkharāṇato “akkharānī”ti vuccanti, tasmā āha “**akkharehī**”ti. Ettha ca imehi ākārehi imehi padabyañjanehi papañcasamudācārassa vaṭṭassa ca vivaṭṭassa ca dassana-attho vibhattoti yojanā. **Paṇḍiccenā**ti paññāya. “Kittāvatā nu kho bhante paṇḍito

hoti? Yato kho bhikkhu dhātukusalo ca hotī”ti¹ ādisuttapadavasena paṇḍitalakkhaṇaṃ dassento “**catūhi vā kāraṇehi**”ti-ādimāha. Saccapaṭivedhavasena paṇḍiccaṃ dassitanti paṭisambhidāvasena mahāpaññataṃ dassetuṃ “**mahante atthe**”ti-ādi vuttaṃ.

Guḷapūvanti guḷe missitvā katapūvaṃ. **Baddhasattugulakanti** madhusakkharāhi piṇḍikataṃ sattupiṇḍaṃ. **Asecitabbakaṃ** madhu-ādinā pageva tehi samayojitabbattā. **Cintakajātikoti** dhammacintāya cintakasabhāvo. **Sabbaññūtaññānevevassāti** sabbaññūtaññāneveva assa suttassa guṇaṃ paricchindāpetvā nāmaṃ gaṇhāpessāmi.

Madhupiṇḍikasuttavaṇṇanāya līnatthappakāsanaṃ samattā.

9. Dvedhāvitakkasuttavaṇṇanā

206. **Dve dve bhāgeti** dve dve koṭṭhāse katvā. Kāmaṃ cettha “imaṃ ekaṃ bhāgamakāsiṃ, imaṃ dutiyabhāgamakāsiṃ”ti vacanato sabbepi vitakkā saṅkilesavodānavibhāgena dveva bhāgā katā, aparāparuppattiyā panetesāṃ abhiñhācāraṃ upādāya pāliyaṃ “dvidhā katvā”ti āmeditavacananti “**dve dve bhāge katvā**”ti āmeditavacanaseneva vutto. Atha vā bhāgadvayassa sappaṭibhāgatāya tattha yaṃ yaṃ dvayampi kho ujuvipaccanīkaṃ, taṃ taṃ visuṃ visuṃ gahetukāmo bhagavā āha “dvidhā katvā vitakke vihareyyaṃ”ti. Evaṃ pana cintetvā tattha micchāvitakkānaṃ sammāvitakkānaṃ anavasesāṃ asaṅkarato ca gahitabhāvaṃ dassento “**imaṃ ekaṃ bhāgamakāsiṃ, imaṃ dutiyabhāgamakāsiṃ**”ti avoca. **Kāmapaṭisaṃyuttoti** kāmarāgasāṅkhātena kāmena sampayutto, kāmena paṭibaddho vā. Sesesupi eseva nayo. Ayaṃ pana viseso—byāpajjati cittaṃ etenāti **byāpādo**, doso. Vihimsati etāya satte, vihimsanaṃ vā tesāṃ etanti **vihimsā**, paresāṃ vihetṭhanākārena pavattassa karuṇāpaṭipakkhassa pāpadhammassetaṃ adhivacanaṃ. **Ajjhattanti** ajjhattadhammārammaṇamāha, **bahiddhāti** bāhiradhammārammaṇaṃ. **Oḷārikoti** bahalakāmarāgādipaṭisaṃyutto. Tabbipariyāyena **sukhumo**. **Vitakko**

1. Ma 3. 107 piṭṭhe.

akusalapakkhikoyevāti iminā vitakkabhāvasāmaññena tatthāpi akusalabhāvasāmaññena ekabhāgakaraṇaṃ, na ekacittuppādapariyāpannatādivasenāti dasseti.

Nekkhamaṃ vuccati lobhātikkantattā paṭhamajjhānaṃ, sabbākusalehi nikkhantattā sabbam kusalam. Idha pana kāmavitakkapaṭipakkhassa adhippetattā āha **“kāmehi nissaṭo nekkhammapaṭisaṃyutto vitakko”**ti. Soti nekkhammavitakko. **Yāva paṭhamajjhānāti** paṭhamasamannāhāro paṭṭhāya yāva paṭhamajjhānaṃ etthuppanno vitakko nekkhammavitakkoyeva. **Paṭhamajjhānanti** ca idaṃ tato paraṃ vitakkābhāvato vuttaṃ. Na byāpajjati cittaṃ etena, byāpādassa vā paṭipakkhoti **abyāpādo**, mettāpubbabhāgo mettābhāvanārambho. Na vihiṃsanti etāya, vihiṃsāya vā paṭipakkhoti **avihiṃsā**, karuṇāpubbabhāgo karuṇābhāvanārambho.

Mahābodhisattānaṃ mahābhinnikkhamaṃ nikkhantakālato paṭṭhāya laddhāvasarā sammāsaṅkappā uparūpari savisesaṃ pavattantīti āha **“chabbassāni -pa- pavattiṃsū”**ti. Ñāṇassa aparipakkattā pubbavāsanāvasena satisammosato kadāci micchāvitakkalesopi hotiyevāti taṃ dassetuṃ **“satisammosena -pa- tiṭṭhanti”**ti āha. Yathā niccapihitepi gehe kadāci vātapāne vivaṭamatte laddhāvasaro vāto anto paviseyya, evaṃ guttindriyepi bodhisattasattāne satisammosavasena laddhāvasaro akusalavitakko uppajji, uppanno ca kusalavāraṃ pacchindivā aṭṭhāsi, atha mahāsatto taṃmuhuttuppannameva paṭivinodetvā tesam āyatim anuppādāya **“ime micchāvitakkā, ime sammāvitakkā”**ti yāthāvato te paricchindivā micchāvitakkānaṃ avasaraṃ adento sammāvitakke parivaḍḍhesi. Tena vuttaṃ **“mayhaṃ ime”**ti-ādi.

207. Pamādo nāma sativippavāsoti āha **“appamattassāti satiyaṃ avippavāse ṭhitassā”**ti. **Ātāpavīriyavantassāti** kilesānaṃ niggaṇhanavīriyavato. **Pesitacittassāti** bhavavimokkhāya vissaṭṭhacittassa kāye ca jīvite ca nirapekkhassa. **“Evaṃ paṭipākatiko jāto”**ti attano attabhāvaṃ nissāya pavattaṃ somanassākāraṃ gehassitasomanassapakkhikaṃ akāsi, paññāmahantaṭāya sukhumadassitā.

Apariññāyaṃ t̥hitassāti na pariññāyaṃ t̥hitassa, apariggahitapariññassāti attho. **Vitakko -pa- etāni tīṇi nāmāni labhatīti** tādissassa uppanno micchāvitakko yathārahaṃ attabyābādhaṃ ubhayabyābādhaṃ ca na hotīti na vattabbo taṃsabhāvānativattanato adhippāyo. Anuppannānuppāda-uppannaparihāninimittatāya paññaṃ nirodhetīti **paññānirodhiko**. Tenāha “**anuppannayā**”ti-ādi. **Natthibhāvaṃ gacchatīti** paṭisaṅkhānabalena vikkhambhanappahānamāha. **Nirujjhatīti**-ādīhipi tadeva vadati. **Vigatantanti**-ādīhi pana samūlaṃ uddhaṭaṃ viya tadā appavattanaṃ akāsinti vadati.

208. **Cittavipariṇāma** bhāvo cittaṃ aṅṅathattaṃ pakaticittavigamo. **Anekaggatākāro** vikkhepo. Tattha vitakkena cittaṃ vihaññaṃ manānaṃ viya hotīti āha “**taṃ gahetvā vihiṃsāvitaṅkaṃ akāsī**”ti. **Kāruṇṇanti** paradukkhanimittaṃ cittaṃ vedhantaṃ vadati. Tenevāha “paradukkhe sati sādhuṇaṃ manānaṃ kammaṃ karuṇā”ti¹. **Tanti** karuṇāyanavasena pavattacittapakampanaṃ sandhāya “**uppajjati vihiṃsāvitaṅkaṃ**”ti āha, na sattesu vihiṃsā pavattatīti adhippāyo.

Tena tena cassākārenāti yena yena ākārena bhikkhunaṃ anuvitakkitaṃ anuvicāritaṃ, tena tena ākārenassa **cetaso nati hoti**. Tenevāha “**kāma** vitakkādīsū”ti-ādi. **Pahāsīti** kālavipallāsenā vuttanti āha “**pajahati**”ti. Pahānaṃ panassa siddhameva paṭipakkhassa siddhattāti dassetuṃ “**pahāsī**”ti vuttaṃ yathā “asāmi bhoge gāmi kā ādīyimsū”ti. **Bahulamakāsīti** etthāpi esseva nayo. **Evamevaṃ namatīti** kāma vitakkasampayogākārameva hoti, kāma vitakkasampayuttākārena vā pariṇamati. Kasaṇaṃ **kiṭṭhaṃ**, kasīti attho, tannibhattatā pana kāraṇūpacārena sassaṃ “**kiṭṭhaṃ**”ti vuttanti āha “**sassasambādhe**”ti. **Cattāri bhayānīti** vadha bandhajānigarahāni. **Upaddavanti** anathuppāda bhāvaṃ. **Lāmakanti** nihaṇa bhāvaṃ. **Khandhesūti** attano khandhesu. **Oṭāranti** anuppavesaṃ kilesānaṃ. Saṃkilesato visujjanaṃ **visuddhi**, sā eva **vodānanti** āha “**vodānapakkhanti idaṃ tasseva vevacanaṃ**”ti.

1. Ma-Ṭī 1. 2; Saṃ-Ṭī 1. 2 piṭṭhesu.

209. **Sabbakusalārṃ nekkhammārṃ** sabbākusalapaṭipakkhatāya tato nissaṭṭatā. **Nibbānameva nekkhammārṃ** sabbakilesato sabbasaṅkhatato ca nissaṭṭatā. **Kiṭṭhasambādharṃ viya rūpādi-ārammaṇārṃ** pamāde sati anattahuppattiṭṭhānabhāvato. **Kūṭagāvo viya kūṭacittārṃ** duddamabhāvato. **Paṇḍitagopālako viya bodhisatto** upāyakosallayogato. **Catubbidhabhayaṃ viya micchāvitakkā** sappaṭibhayabhāvato. Paññāya vuddhi etassa atthīti **paññāvuddhiko**. Vihaññati cittaṃ etenāti vighāto, cetodukkhaṃ, tappakkhiko vighātapakkhiko, na vighātapakkhikoti **avighātapakkhiko**. **Nibbānasamvattaniko** nibbānavaho. **Ugghātīyeyyāti** uddhataṃ siyā vikkhittaṅca bhaveyyāti attho. **Sanṭhapemīti** sammadeva paṭṭhapemi. Yathā pana ṭhapitaṃ sanṭhapitaṃ nāma hoti, taṃ dassetuṃ “**sannisīdāpemī**”ti-ādi vuttaṃ. **Sannisīdāpemīti** samādhipaṭipakkhe kilese sannisīdāpento cittaṃ gocarajjhatte sannisīdāpemī. Abyaggabhāvāpādakena **ekaggaṃ karomi**, yathā ārammaṇe suṭṭhu appitaṃ hoti, evaṃ **sammā** sammadeva **ādahāmi** samāhitaṃ karomi, yasmā tathāsamāhitaṃ cittaṃ suṭṭhu ārammaṇe āropitaṃ nāma hoti, na tato paripatati, tasmā vuttaṃ “**suṭṭhu āropemīti attho**”ti. **Mā ugghātīyitthāti** mā haññittha, mā ūhataṃ atthāti attho.

210. **Soyeva -pa- vuttoti** iminā kiñcāpi ekaṃyeva kusalavitakkaṃ maggakkhaṇe viya tividdhattasambhavato tividdhanāmikaṃ katvā dassitaṃ viya hoti, na kho panetaṃ evaṃ daṭṭhabbaṃ. Pabandhapavattaṃ hi upādāya ekattanayena “**soyeva byāpādapaccanīkaṭṭhenā**”ti-ādi vuttaṃ. Ekajātiyesu hi kusalacittesu uppanno vitakko samānākāratāya so evāti vattabbataṃ labhati yathā “sā eva tittirī, tāni eva osadhānī”ti¹. Na hi tadā mahāpurisassa asubhamettākaruṇāsannissayā te vitakkā evaṃ vuttāti.

Samāpattim nissāyāti samāpattim samāpajjitvā, tato vuṭṭhahitvāti attho. Vipassanāpi taruṇāti yojanā. **Kāyo kilamati** samathavipassanānaṃ taruṇatāya bhāvanāya pubbenāparaṃ visesassa alabbhamānattā. Tenāha “**cittaṃ haññati vihaññati**”ti. **Vipassanāya**

1. Sam-Ṭī 2. 47 piṭṭhepi.

bahūpakārā samāpatti, tathā hi vuttaṃ “samādhiṃ bhikkhave bhāveṭṭha, samāhito yathābhūtaṃ jānāti passaṭi”¹.

Yathā vissamaṭṭhānaṃ yodhānaṃ parissamaṃ vinodeti², tathā parissamavinodanattaṃ phalakehi kātappaṃ vissamaṭṭhānaṃ phalakoṭṭhako, samāpattiyā pana vipassanā bahukāratarā samādhiparipanthakānaṃ, sabbesampi vā kilesānaṃ vimathanena dubbalabhāvāpajjanato. Tenāha “**vipassanā thāmajātā samāpattimpi rakkhati, thāmajātaṃ karoti**”^{ti}. Nanu cevaṃ itarītarasannissayadoso āpajjatīti? Nayidamekantikaṃ, itarītarasannissayāpi kiccāsiddhi loke labbhatīti dassetuṃ “**yathā hī**”^{ti}-ādi vuttaṃ.

Gāmantā āhaṭesūti gāmasamīpaṃ upanītesu. **Etā gāvoti sati-uppādanamattameva kātappaṃ** yathā gāvo rakkhitabbā, tadabhāvato. **Tadāti** samathavipassanānaṃ thāmajātakāle. Anupassanānaṃ lahuṃ lahuṃ uppattim sandhāya “**ekappahārenea āruḷhova hoti**”^{ti} vuttaṃ, kameneva pana anupassanāpaṭipāṭim ārohati.

215. Evaṃ bhagavā attano appamādapāṭipadaṃ, tāya ca laddhaṃ anaññasādhāraṇaṃ viṣesaṃ dassento hetusampattiyā saddhiṃ phalasampattim dassetvā idāni sattūpakārasampattim dassetuṃ “**seyyathāpi**”^{ti}-ādimāhāti evaṃ ettha anusandhi veditabbā. Araññalakkhaṇayoggamattena **araññaṃ**. Mahāvanatāya **pavanaṃ**. Pavaddhaṃ hi vanaṃ pavanaṃ. **Catūhi yogehīti** jīghacchāpipāsābhayapaṭipattisaṅkhātayogehi. **Khemam** anupaddavataṃ. Suvatthim anupaddavaṃ āvahaṭīti **sovatthiko**. Pītim tuṭṭhim gameti upanetīti **pītigamanīyo**. Pītaṃ pānatitthaṃ gacchatīti **pītagamanīyo**. **Sākhādīhīti** kaṇṭakasākhākaṇṭakalatāvanehi. Anāsayaḡāmitāya udakasanniruddhopi **amaggo** vutto, itarāni apītigamanīyatāyapi. **Ādi**-saddena gahanaṃ pariggaṇhāti. Oke migaluddakassa gocare caratīti **okacaro**, dīpakamigo. Araññe mige disvā tehi saddhiṃ palāyeyyāti **dīgharajjubandhanaṃ**.

Idha vasantīti migānaṃ āsayam vadati, tato āsayato **iminā maggena nikkhamanti**. **Ettha carantīti** etasmim thāne gocaraṃ gaṇhanti. **Ettha**

1. Sam 2. 12, 302; Sam 3. 363 piṭṭhesu.

2. Vināpi (Ka)

pivantīti etasmim nipānatitthe udakaṃ pivanti. **Iminā maggena pavisantīti** iminā maggena nipānatitthaṃ pavisanti. **Maggam pidhāyāti** pakatimaggam pidahitvā. **Na tāva kiñci karoti** anavasese vanamige ghātetukāmo.

Avijjāya aññāṇā hutvāti avijjāya nivutattā ñāṇarahitā hutvā, nandīrāgena upanītā rūpārammaṇādīni ābandhitvā¹. Palobhanato **okacaram nandīrāgoti**. Byāmohanato **okacārikam avijjāti katvā dasseti**. **Tesanti** okacarokacārikānam. **Sākhābhaṅgenāti** tādisena lūkhataragandhena sākhābhaṅgena. **Manussagandham apantvā** tassa sākhābhaṅgassa gandhena. **Sammattoti** sammajjito byāmuñcho.

Buddhānam khemamaggavicaṇaṇam kummaggapidhānañca sabbalokasādhāraṇampi atthato veneyyapuggalāpekkhamevāti dassento “**aññātakonḍaññādīnam bhabbapuggalānan**”ti āha. **Ūhatoti** samūhato nīhatoti āha “**dvedhā chetvā pātito**”ti. **Nāsītāti** adassanam gamitāti āha “**sabbena sabbam samugghātītā**”ti. **Hitūpacāranti** sattānam hitacariyaṃ.

Dvedhāvitakkasuttavaṇṇanāya līnatthappakāsanā samattā.

10. Vitakkasaṅghānasuttavaṇṇanā

216. **Dasakusalakammam pathavasenāti** idaṃ nidassanamattaṃ daṭṭhabbam vaṭṭapādakasamāpatticittassapi idha adhicittabhāvena anicchittā. Tenāha “**vipassanāpādaka-aṭṭhasamāpatticittan**”ti. Atha vā anuttarimanussadhammasaṅgahitameva kevalam “pakaticittan”ti vattabbanti dassento “**dasakusala kammam pathavasena uppannam cittam cittamevā**”ti vatvā yadettha adhicittanti adhippetam, tam tadeva dassento “**vipassanāpādaka-aṭṭhasamāpatticittan**”ti āha. Itarassa panettha vidhi na paṭisedhetīti daṭṭhabbam. Vipassanāya sampayuttaṃ adhicittanti keci. **Anuyuttenāti** anuppannassa uppādanavasena, uppannassa paribrūhanavasena anu anu yuttena. **Mūlakammaṭṭhānanti** pārihāriyakammaṭṭhānam. **Gahetvā viharantoti** bhāvanam anuyuñjanto. Bhāvanāya appanam appattopi adhicittamanuyuttoyeva tadatthepe tamsaddavohārato.

1. Katham bandhitvā (Ka)

Yehi phalaṃ nāma yathā uppajjanaṭṭhāne pakappiyamānaṃ viya hoti, **tāni nimittāni**. Tenāha “**kāraṇāni**”ti. **Kālena kālanti** ettha **kālenāti** bhummatthe karaṇavacananti āha “**samaye samaye**”ti. **Nanu ca -pa-nirantaraṃ manasi kātabbanti** kasmā vuttaṃ, nanu ca bhāvanāya vithipaṭipannattā abbudanīharaṇavidhiṃ dassentena bhagavatā “**pañca nimittāni kālena kālaṃ manasi kātabbāni**”ti ayaṃ desanā āradhāti? “Adhicittamanuyuttenā”ti vuttattā avicchedavasena bhāvanāya yuttappayutto adhicittamanuyutto nāmāti codakassa adhippāyo. Itaro bhāvanam anuyuñjantassa ādikammikassa kadāci bhāvanupakkilesā uppajjeyyūṃ, tato cittassa visodhanatthāya yathākālaṃ imāni nimittāni manasi kātabbānīti “kālena kālan”ti satthā avocāti dassento “**pāliyaṃ hī**”ti-ādimāha. Tattha **imānīti** imāni pāliyaṃ āgatāni pañca nimittāni. **Abbudanti** upaddavaṃ.

Chandasahagatā rāgasampayuttāti taṇhāchandasahagatā kāmarāgasampayuttā. **Itṭhāniṭṭha-asamapekkhitesūti** itṭhesu piyesu, aniṭṭhesu appiyesu, asamaṃ asammā pekkhitesu. **Asamapekkhananti** gehassita-aññāṇupekkhāvasena ārammaṇassa ayoniso gahaṇaṃ. Yaṃ sandhāya vuttaṃ “cakkhunā rūpaṃ disvā upekkhā bālassa mūlhassa puthujjanassā”ti-ādi¹. **Te** parivittakā. **Tato nimittato aññanti** tato chandūpasamhitādi-akusalavitakkuppattikāraṇato aññaṃ navaṃ nimittaṃ. “Manasikaroto”ti hi vuttaṃ, tasmā ārammaṇaṃ, tādiso purimuppanno cittappavatti-ākāro vā nimittaṃ. **Kusalanissitaṃ nimittanti** kusalacittappavattikāraṇaṃ **manasi kātabbaṃ** citte ṭhapetabbaṃ, bhāvanāvasena cintetabbaṃ, cittasantāne vā saṅkamitabbaṃ. Asubhaṃ hi asubhanimittanti. Saṅkhāresu uppanne chandūpasamhite vitakketi ānetvā sambandhitabbaṃ. Evaṃ “**dosūpasañhite**”ti-ādīsu yathārahaṃ taṃ taṃ padaṃ ānetvā sambandhitabbaṃ. **Yattha katthacīti** “sattesu saṅkhāresū”ti yattha katthaci. **Pañcadhammūpanissayoti** pañcavidho dhammūpasamhito upanissayo.

Evaṃ “**chandūpasañhite**”ti-ādinā saṅkhepato vuttamatthaṃ vitthārato dassetuṃ “**imassa hatthā vā sobhanā**”ti-ādi āradhāṃ. Tattha

1. Ma 3. 261 piṭṭhe.

“**asubhato upasamharitabban**”ti vatvā upasamharaṇākārassa dassanaṃ
 “**kimhi sārattosī**”ti. **Chavirāgenā**ti chavirāgatāya kālasāmādivaṇṇanibhāya.
Kuphalapūritoti¹ pakkehi kuṇapaphalehi puṇṇo. “Kaliphalapūrito”ti vā
 pāṭho.

Assāmikatāvakālikabhāvavasenāti idaṃ pattaṃ anukkamena
 vaṇṇavikārañceva jīṇṇabhāvañca patvā chiddāvachiddaṃ bhinnaṃ vā hutvā
 kapālaniṭṭhaṃ bhavissati, idaṃ cīvaraṃ anupubbena vaṇṇavikāraṃ
 jīṇṇatañca upagantvā pādapuñchanacoḷakaṃ hutvā yaṭṭhikoṭṭiyā
 chaḍḍanīyaṃ bhavissati. Sace pana nesaṃ sāmiko bhaveyya, na nesaṃ evaṃ
 vinassituṃ dadeyyāti evaṃ assāmikabhāvavasena, “anaddhaniyaṃ idaṃ
 tāvakālikan”ti evaṃ tāvakālikabhāvavasena ca manasikaroto.

Āghātavinaya -pa- bhāvetabbāti “pañcime bhikkhave āghātaṭṭhavinayā.
 Yattha hi bhikkhuno uppanno āghāto sabbaso ṭṭhavinetaḍḍo”ti-ādinā nayena
 āgatassa **āghātavinayasuttassa**² ceva **kakacūpamovāda**³
chavālātūpamādīnañca⁴ vasena āghātaṃ ṭṭhavinodetvā mettā bhāvetabbā.

Garusaṃvāsoti garuṃ upanissāya vāso. **Uddesoti** pariyattidhammassa
 uddisāpanaṃceva uddisanañca. **Uddiṭṭhaparipucchananti** yathā-uggahitassa
 dhammassa atthaparipucchā. **Pañca dhammūpanissāyāti** garusaṃvāsādike
 pañca dhamme ṭṭhicca. **Mohadhātūti** moho.

Upanissitabbāti upanissayitabbā, ayameva vā pāṭho. **Yattappṭṭiyattoti**
 yatto ca gāmapavesanāpucchākaraṇesu ussukkaṃ āpanno sajjito ca hotīti
 attho. **Athassa moho pahīyatīti** assa bhikkhuno evaṃ tattha yuttappayuttassa
 pacchā so moho vigacchati. **Evampīti** evaṃ uddese appamajjanenapi. Puna
evampīti atthaparipucchāya kaṅkhāvinodanepi. **Tesu tesu ṭṭhānesu attho**
pākaṭo hotīti suyyamānassa dhammassa tesu tesu padesu “idha sīlaṃ
 kathitaṃ, idha samādhi, idha paññā”ti so so attho vibhūto hoti. Idaṃ

1. Kuṇapapūritoti (Aṭṭhakathāyaṃ.)

2. Aṃ 2. 163 piṭṭhe.

3. Ma 1. 173 piṭṭhe.

4. Aṃ 2. 408; Khu 1. 255 piṭṭhesu.

cakkhurūpālokādi **imassa** cakkhuvīññāṇassa **kāraṇaṃ, idaṃ** sālibhijabhūmisalilādi **imassa** sāli-aṅkurassa **kāraṇaṃ. Idaṃ na kāraṇanti** tadeva cakkhurūpālokādi sotaviññāṇassa, tadeva sālibhijādi kudrusakaṅkurassa na kāraṇanti ṭhānāṭṭhānavinicchaye cheko hoti.

Ārammaṇesūti kammaṭṭhānesu. **Ime vitakkāti** kāmavitakkādayo. Sabbe kusalā dhammā sabbākusalapaṭipakkhāti katvā “pahīyanti”ti vattabbe na sabbe sabbesaṃ ujuvipaccanīkabhūtāti “pahīyanti evā”ti sāsaṅkaṃ vadati. Tenāha “**imāni**”ti-ādi.

Kusalanissitanti kusalena nissitaṃ nissayitabbaṃ. **Kusalassa paccayabhūtanti** tasseva vevacanaṃ, kusaluppattikāraṇaṃ yathāvuttasubhanimittādimeva vadati. **Sāraphalake**ti candanamaye sāraphalake. **Visamaṇinti** visamākārena tattha ṭhitaṃ aṇiṃ. **Haneyyāti** pahareyya nikkhāmeyya.

217. **Aṭṭoti** āturo, duggandhabādhatāya pīḷito. **Dukkhitoti** sañjātadukkho. **Imināpi kāraṇenāti** akosallasambhūtātāya kusalapaṭipakkhatāya gehassitarogena sarogatāya ca **ete akusalā** viññugarahitabbatāya jigucchaniyatāya ca **sāvajjā** anīṭṭhaphalatāya nirassādasamvattaniyatāya ca **dukkhavipākāti** evaṃ tena tena kāraṇena akusalādibhāvaṃ **upaparikkhato**.

“Āturaṃ asuciṃ pūtiṃ, passa nande samussayaṃ.

Uggharantaṃ paggharantaṃ, bālānaṃ abhipatthitaṃ”ti¹—

evamādikāyavicchandanīyakathādīhi vā. **Ādi**-saddena—

“Tasseva tena pāpiyo, yo kuddhaṃ paṭikujjhati.

Kuddhaṃ apaṭikujjhanto, saṅgāmaṃ jeti dujjayan”ti²—

evamādiṭṭhāvūpasamanakathādīkāpi saṅgaṇhāti.

218. Na saraṇaṃ **asati**, ananussaraṇaṃ. Amanasikaraṇaṃ **amanasikāro. Kammaṭṭhānaṃ gahetvā nisīditabbanti** kammaṭṭhānamanasikāreneva nisīditabbaṃ. **Uggahito dhammakathāpabandhoti** kammaṭṭhānassa upakāro dhammakathāpabandho. **Muṭṭhipotthakoti** muṭṭhippamāṇo pārihāriyapoththako.

1. Khu 4. 291 piṭṭhe.

2. Khu 2. 288 piṭṭhe Theragāthāyaṃ.

Samannānentati samannāharantena. **Okāso na hoti** āraddhassa pariyoṣāpetabbato. Āraddhassa antagamanam anārambhovāti theravādo. **Tassāti** upajjhāyassa. **Pabbhārasodhanam** kāyakammaṃ, ārabhanto eva vitakkaniggaṇhanattham saṃyuttanikāyasajjhāyanam vacīkammaṃ, dassanakkiccapubbakammakaraṇattham tejokasiṇaparikkammaṃ tīṇi kammāni ācinoti. Thero tassa āsayam kasiṇaṅca savisesam jānitvā “**imasmiṃ vihāre**”ti-ādimavoca. Tenassa yathādhippāyam sabbam sampāditaṃ. **Asatipabbaṃ nāma** asatiyā vitakkaniggaṇhavihāvanato.

219. **Vitakkamūlabhedam pabbanti** vitakkamūlassa tammūlassa ca bhedavibhāvanam vitakkamūlabhedam pabbaṃ. Vitakkam saṅkharotīti vitakkasaṅkhāro, vitakkapaccayo subhanimittādisupi subhādinā ayonisomanasikāro, so pana vitakkasaṅkhāro saṃtiṭṭhati etthāti **vitakkasaṅkhārasaṅghānam**, asubhe subhanti-ādi saññāvīpallāso. Tenāha “**vitakkānam mūlaṅca mūlamūlaṅca manasikātabban**”ti. **Vitakkānam mūlamūlam gacchantassāti** upaparikkhanavasena micchāvīvitakkānam mūlam uppattikāraṇam nāṇagatiyā gacchantassa. Yāthāvato jānantassa pubbe viya vitakkā abhiṇham nappavattantīti āha “**vitakkacāro sithilo hoti**”ti. **Tasmim sithilībhūte matthakam gacchanteti** vuttanayena vitakkacāro sithilabhūto, tasmim vitakkānam mūlagamane anukkamena thirabhāvappattiyā matthakam gacchante. **Vitakkā sabbaso nirujjhantīti** micchāvīvitakkā sabbepi gacchanti na samudācaranti, bhāvanāpāripūriyā vā anavasesā pahīyanti.

Kaṇṇamūle patitanti sasakassa kaṇṇasamīpe kaṇṇasakkhalim paharantam viya upapatitam. Tassa kira sasakassa heṭṭhā mahāmūsikāhi khatamahāvātam umaṅgasadisam ahosi, tenassa pātena mahāsaddo ahosi. **Palāyimsu** “pathavī udriyati”ti. **Mūlamūlam gantvā anuvijjeyyanti** “pathavī bhijjati”ti yatthāyam saso utṭhito, tattha gantvā tassa mūlakāraṇam yaṃnūna vīmaṃseyyam. Pathaviyā bhijjanaṅghānam gate “ko jānāti, kim bhavissati”ti saso “na sakkomi sāmī”ti āha. Ādhīpaccavato hi yācanam saṅghamudukam. **Duddubhāyatīti** duddubhāti saddam karoti. Anuravadassanam hetam. **Bhaddanteti** migarājassa piyasamudācāro, migarāja bhaddam te atthūti attho. **Kimetanti** kim etam, kim tassa mūlakāraṇam. **Duddubhanti** idampi tassa anuravadassanameva. **Evanti** yathā sasakassa mahāpathavībhedanam ravanāya

micchāgāhasamuṭṭhānaṃ amūlaṃ, evaṃ vitakkacāropi
saññāvipallāsasamuṭṭhāno amūlo. Tenāha “**vitakkānan**”ti-ādi.

220. **Abhidantanti** abhibhavanadantaṃ, uparidantanti attho. Tenāha “**uparidantan**”ti. So hi itaraṃ musalaṃ viya udukkhalaṃ visesato kassaci khādanakāle abhibhuyya vattati. **Kusalacittena** balavasammāsaṅkappasampayuttena. **Akusalacittanti** kāmavitakkādisahitaṃ akusalacittaṃ. **Abhiniggaṇhitabbanti** yathā tassa āyatiraṃ samudācāro na hoti, evaṃ abhibhavitvā niggaḥetabbaṃ, anuppattidhammatā āpādetabbāti attho. **Ke ca tumhe** satipi cirakālabhāvanāya evaṃ adubbalā **ko cāhaṃ**¹ mama santike laddhappatiṭṭhe viya ṭhitepi idāneva appatiṭṭhe karonto iti evaṃ **abhibhavitvā**. Taṃ pana abhibhavanākāraṃ dassento “**kāmaṃ taco cā**”ti-ādinā caturaṅgasamannāgatavīriyapaggaṇhanamāha. **Atthadīpikanti** ekantato vitakkaniggaṇhanatthajotakaṃ. **Upamanti** “seyyathāpi bhikkhave balavā puriso”ti-ādikaṃ upamaṃ.

221. **Pariyādānabhājanīyanti** yaṃ taṃ ādito “adhicittamanuyuttena bhikkhunā pañca nimittāni kālena kālaṃ manasi kātabbānī”ti niddiṭṭhaṃ, tatha tassa nimittassa manasikaraṇakālapariyādānassa vasena vibhajanam. Nigamaṇaṃ vā etaṃ, yadidaṃ “yato kho bhikkhave”ti-ādi. Yathāvuttassa hi atthassa puna vacanaṃ nigamaṇanti. Tathāpaṭipannassa vā vasābhāvavisuddhidassanatthaṃ “**yato kho bhikkhave**”ti-ādi vuttaṃ. **Satthācariyoti** dhanubbedācariyo. Yathā hi sasanato asatthampi satthaggaḥaneva saṅgayhati, evaṃ dhanusippampi dhanubbedapariyāpannamevāti.

Pariyāyati parivittakketīti **pariyāyo**, vāroti āha “**vitakkavārapathesū**”ti, vitakkānaṃ vārena pavattanamaggesu. **Ciṇṇavasīti** āsevitavasī. **Paguṇavasīti** subhāvitavasī. Sammāvitakkaṃyeva yathicchitaṃ tathāvitakkanato, itarassa panassa setughātoyevāti.

Vitakkasaṇṭhānasuttavaṇṇanāya līnatthappakāsānā samattā.

Niṭṭhitā ca sīhanādavaggavaṇṇanā.

1. Dubbalako cāhaṃ (Ka)

3. Opammavagga

1. Kakacūpamasuttavaṇṇanā

222. **Moḷinti** kesaracanaṃ. **Vehāyasanti** ākāse. **Ratanacaṅkoṭavarenāti** ratanasilāmayavaracaṅkoṭakena sahasanetto sirasā paṭiggahi. “Suvaṇṇacaṅkoṭakavarenā”¹tipi¹ pāṭho.

Sāti moḷi. Moḷi etassa atthīti moḷiko, moḷiko eva **moḷiyo**. **Phaggunoti** pana nāmaṃ. **Saṅkhāti** samaññā. Veliyati khaṇamuhuttādivasena upadisīyatīti **velā**, kāloti āha “**tāyaṃ velāyaṃ -pa- ayaṃ kālavelā nāmā**”²ti. Velayati paricchadavasena tiṭṭhatīti **velā**, sīmā. Velayati saṅkilesapakkhaṃ cālayatīti **velā**, silaṃ. Anatikkamanaṭṭhopi cassa saṅkilesadhammanimittaṃ acalanameva. Viññupurisābhāve chapañcavācāmattaṃ **ovāde pamāṇaṃ nāma**. **Davasahagataṃ katvāti** kīḷāsahitaṃ katvā.

Missībhūtoti ananulomikasamsaggavasena missībhūto. “**Avāṇṇaṃ bhāsati**”²ti saṅkhepato vuttaṃ vivarituṃ “tāpanapacanakoṭṭanādīni”²ti-ādi vuttaṃ. **Adhikaraṇampi karotīti** ettha yathā so adhikaraṇāya parisakkati, taṃdassanaṃ “**imesaṃ bhikkhūnaṃ**”²ti-ādi. **Adhikaraṇaṃ ākaḍḍhatīti** adhikaraṇaṃ uddissa te bhikkhū ākaḍḍhati, adhikaraṇaṃ vā tesu uppādentō ākaḍḍhati. **Uddesapadaṃ vāti** padaso uddesamattaṃ vā. **Neva piyakamyatāyāti** neva attani satthuno piyabhāvakāmatāya. **Na bhedādhippāyenāti** na satthuno tena bhikkhūnā bhedādhippāyena. **Atthakāmatāyāti** moḷiyaphaggunassa hitakāmatāya.

224. **Avāṇṇabhāsaneti** bhikkhūnīnaṃ aguṇakathane. Chandādīnaṃ vatthubhāvato kāmaguṇā gehaṃ viya gehaṃ, te ca te sitā nissitāti **gehassitāti** vuttā. Taṇhāchandāpi tāsāṃ kattukāmatāpīti ubhayepi **taṇhāchandā**, **paṭighachandā** pana tesāṃ kattukāmatā eva. Phalikamaṇi viya pakatipabhassarassa cittasantānassa upasaṅgo² viya vipariṇāmakāraṇaṃ rāgādayoti āha “**rattampi cittaṃ vipariṇatan**”²ti-ādi.

1. Buddhavaṃsa-Ṭṭha 333; Jātaka-Ṭṭha 1. 76 piṭṭhesupi.

2. Upabhaṅgo (Ka)

Hitānukampīti karuṇāya paccupaṭṭhāpanamāha. “Yassantarato na santi kopā”ti-ādīsu¹ viya **antara**-saddo cittapariyāyoti āha “**dosantaroti dosacitto**”ti.

225. Dubbacatāya ovādam asampaṭicchanto citteneva **paṭiviruddho aṭṭhāsi**. **Gaṇhimsu** cittaṃ, hadaya-gāhīnīm paṭipajjimsūti attho. **Pūriyimsu** ajjhāsanti attho. **Ekasmim samaye** paṭhamabodhiyaṃ. Ekāsanam bhojanassa **ekāsanabhojanam**, ekavelāyameva bhojanam. Tañca kho pubbaṅhe evāti āha “**ekam purebhattabhojanam**”ti-ādi. Sattakkhattum bhuttabhojanampi imasmim sutte ekāsanabhojananteva adhippetam, na ekāsanikatāya ekāya eva nisajjāya bhojanam. “Appaḍamsa -pa-samphassan”ti-ādīsu² viya **appa**-saddo abhāvatthoti āha “**nirābādhataṃ, niddukkhatan**”ti. Padhānādivasena sallahukam akiccam uṭṭhānam **sallahuka-uṭṭhānam**. Na **ekappahārenā**ti na ekavārena, na ekasmimyeva kāleti adhippāyo. **Dve bhojanānī**ti “aparaṅhe rattiyān”ti kālavasena dve bhojanāni. **Pañca guṇeti** appābādhādike pañca ānisaṃse. **Satuppādakaraṇīyamattamevā**ti satuppādamattakaraṇīyameva, nivāretabbassa punappunam samādapanañca nāhosi.

Maṇḍabhūmīti ojavantabhūmi, yattha parisiñcanena vinā sassāni kiṭṭhāni sampajjanti. Yuge yojetabbāni yoggāni, tesam ācariyo **yoggācariyo**, tesam sikkhāpanako. Gāmaṇihatthi-ādayopi “yoggā”ti vuccantīti āha pāḷiyam “**assadammasārathī**”ti. Catūsu maggesu **yena yena maggena icchati**. Javasama-gādibhedāsu gatīsu **yam yam gatim**. **Tam tam** maggam **aruḷhāva** otiṇṇāyeva. **Neva vāretabbā** rasmiviniggaṅhanena. **Na vijjhitaḍḍā** patodalaṭṭhiyā. **Gamanamevā**ti ime yuttā mama icchānurūpaṃ mandam gacchanti, samam gacchanti, sīgham gacchantīti khuresu nimittaggaṅhanam paṭṭhapetvā sārathinā tesam gamanameva passitabbam hoti, na tattha niyojanam. **Tehipi** bhikkhūhi. **Pajahimsu** pajahitabbam. **Sāladūsanā**ti sālārukkhaṃ nāsakā. **Aññā ca valliyo** sālārukkhe vinandhitvā ṭhitā. **Bahi nīharaṇenā**ti sālavanato bahi chaddānena. **Susaṅṭhitā**ti saṅṭhānasampannā,

1. Khu 1. 100 piṭṭhe Udāne.

2. Aṃ 3. 268 piṭṭhe.

mariyādaṃ bandhitvāti ālavālasampādanavasena mariyādaṃ bandhitvā.
Kipillapuṭakaṃ tambakipillakapuṭakaṃ. **Sukkhadaṇḍakaharaṇaṃ**
 ālavālabbhantarā¹.

226. Videharaṭṭhe jātasamvaddhatāya **vedehikā**. Paṇḍā vuccati paññā,
 tāya itā gatā pavattāti **paṇḍitā**. **Gahapatānī**ti gehasāminī. **Soraccenāti**
 samyamena. **Nivātavuttī**ti paṇipātakārī. **Nibbutāti** nibbutaduccaritapariḷhā.
Uṭṭhāhikāti uṭṭhānavīriyavati. **Kibbisāti** kurūrā.

227. **Evam akkhantiyā dosaṃ dassetvāti** “guṇavanto”ti loke
 patthaṭakittisaddānampi akkhantinimittaṃ ayasuppattiguṇaparihāni-ādim
 akkhamatāya ādīnavam pakāsetvā. **Vacanapatheti** vacanamagge
 yuttakālādike. Saṅhabhāvopi hi vacanassa pavatti-ākāroti katvā
 “vacanapatho”tveva vutto. **Tesaṃyeva** kālādīnaṃ. Mettā etassa atthīti
 mettaṃ, uppannaṃ mettacittaṃ etesanti **uppannamettacittā**. Puna “kālena vā
 bhikkhave”ti-ādī² pāli dhammasabhāvadassanavasena pavattā “paraṃ
 codanāvasena vadantā nāma imehi ākārehi vadantī”ti. **Adhimuñcitvāti**
 abhirativasena tasmim puggale bhāvanācittaṃ muñcitvā vissajjetvā. So
 puggalo ārammaṇaṃ etassāti **tadārammaṇaṃ**, mettacittaṃ. Yadi evaṃ
 padesavisayaṃ taṃ kathaṃ nippadesavisayaṃ viya hotīti codento “**kathaṃ**
tadārammaṇaṃ sabbāvantaṃ lokaṃ karotī”ti āha, itaro “**pañca**
vacanapathe”ti-ādīnaṃ pariharati. Idha **tadārammaṇañcāti** tasseva
 mettacittassa ārammaṇaṃ katvāti pāliyaṃ vacanaseso daṭṭhabbo. Tenāha
 “**puna tassevā**”ti-ādī. Sabbā sattakāyasaṅkhātā pajā etassa atthīti
sabbāvantoti imamatthaṃ dassento “**sabbāvantaṃ**”ti āha. **Vipulenāti**
 mahājanārammaṇena. Mahantapariyāyo hi vipula-saddo, mahattañcettha
 bahukabhāvo. Tenāha “**anekasattārammaṇenā**”ti. **Tañca puggalanti** pañca
 vacanapathe gahetvā āgatapuggalaṃ. **Cittassāti** mettāsahagatacittassa. Ettha
 ca mettāsahagatena cetasā viharissāmāti sambandho. Tattha kathaṃ āha
 “**tañca puggalaṃ sabbañca lokaṃ tassa cittassa ārammaṇaṃ katvā**
adhimuccitvā”ti.

1. Ālavālantaro (Ka)

2. Vi 5. 283 piṭṭhe.

228. **Tadatthadīpikanti** yā mettāṃ cetovimuttim sammadeva bhāvetvā ṭhitassa nibbikārato kenaci vikāraṃ na āpādetabbatā, tadatthajotikāṃ. **Apathavinti** pathavī na hoṭīti apathavī. **Nippathavinti** sabbena sabbāṃ pathavībhāvābhāvaṃ. **Tiriyāṃ pana aparicchinnāti** kasmā vuttāṃ, nanu cakkavāḷapabbatehi taṃ taṃ cakkavāḷaṃ paricchindati? Na, tadaññacakkavāḷapathaviyā ekābaddhabhāvato. Tiṇṇaṃ hi cakkānaṃ antarasadise tiṇṇaṃ tiṇṇaṃ lokadhātūnaṃ antareyeva pathavī natthi lokantarānirayabhāvato. Cakkavāḷapabbatantarehi sambaddhaṭṭhāne pathavī ekābaddhāva. Vivaṭṭakāle hi saṅṭhahamānāpi pathavī yathāsaṅṭhitapathaviyā ekābaddhāva saṅṭhahati. Tenāha “**tiriyāṃ pana aparicchinnā**”ti. Imināva gambhīrabhāvena vuttaparimāṇato paramā natthīti dīpitaṃ hoti.

229. **Haliddīti** haliddivaṇṇaṃ adhippetanti āha “**yaṃ kiñci pītakavaṇṇaṃ**”ti. Vaṇṇasaṅkhātāṃ rūpaṃ assa atthīti rūpī, na rūpīti **arūpīti** āha “**arūpo**”ti. Tenevāha “**sanidassanabhāvapaṭikkhepato**”ti.

230. **Pañca yojanasatānīti** himavantato samuddaṃ pavitṭhaṭṭhānavasena vuttāṃ, na anotattadahamukhato. Aññā nadiyo upādāya labbhamānaṃ gambhīrataṃ appameyya-udakatañca gahetvā “**gambhīrā appameyyā**”ti vuttāṃ. Aṭṭhakathāyaṃ pana tiṇukkāya tāpetabbattābhāvadassanaparametanti vuttāṃ “**etena payogenā**”ti-ādi.

231. Tūlinī viya **tūlinīti** āha “**simbalitūlalātūlasamānā**”ti. Sassaranti evaṃpavatto saddo **sassarasaddo**. Anuravadassanaṃ hetam. Tathā **bhabbharasaddo**. Sabbametam mettāvihārino cittassa dūsetum asakkuṇeyyabhāvadassanaparam. Ayaṃ hettha saṅkhepattho—yathā mahāpathavī kenaci purisena apathaviṃ kātum na sakkā, yathā ākāse kiñci rūpaṃ paṭṭhapetum na sakkā, yathā gaṅgāya udakaṃ tiṇukkāya tāpetum na sakkā, yathā ca biḷārabhastam thaddham pharusañca samphassaṃ kātum na sakkā, evamevaṃ mettāya cetovimuttiyā āsevitāya bhāvitāya bahulikatāya pañca vacanapathe gahetvā āgatapurisena kenaci pariyāyena cittassa aññathattam kātum na sakkāti.

232. **Ocarakā**ti parūpaghātavasena hīnakammakārino. Tenāha “**nīcakammakārakā**”ti. **Anadhivāsanenā**ti akkhamanena. **Mayhaṃ ovādakaro na hotī**ti paramhi anattakārimhi cittapadosanena āghātuppādanena mama sāsane sammāpaṭipajjamāno nāma na hoti.

233. **Aṇunti** appakaṃ tanu parittakaṃ. **Thūlanti** mahantaṃ oḷārikaṃ. Vacanapathassa pana adhippetattā taṃ sāvajjavibhāgena gahetabbanti āha “**appasāvajjaṃ vā mahāsāvajjaṃ vā**”ti. Khantiyā idaṃ bhāriyaṃ na hotīti avocum “**anadhi -pa- passāmā**”ti. **Dīgharattanti** cirakālaṃ, accantamevāti attho. Accantañca hitasukhaṃ nāma aññādhigamenevāti āha “**arahattena kūṭaṃ gaṇhanto**”ti.

Kakacūpamasuttavaṇṇanāya līnatthappakāsanā samattā.

2. Alagaddūpamasuttavaṇṇanā

234. **Bādhayimsūti**¹ hanimsu. Taṃtaṃsampattiyā vibandhanavasena sattasantānassa² antare vemajjhe eti āgacchatīti antarāyo, diṭṭhadhammikādi-anattho, anattikkamaṇaṭṭhena tasmim antarāye niyuttā, antarāyaṃ vā phalaṃ arahanti, antarāyassa vā karaṇasīlāti **antarāyikā**. Tenāha “**antarāyaṃ karontīti antarāyikā**”ti. **Ānantariyadhammā**ti ānantariyasabhāvacetanādhammā. Tatrāyaṃ vacanatto—cuti-anantaraphalaṃ anantaraṃ nāma, tasmim anantare niyuttā, tannibbattanena anantarakaraṇasīlā, anantarapayojanāti vā ānantarikā, te eva **ānantariyā**ti vuttā. Kammāni eva antarāyikāti **kammantarāyikā**. **Mokkhasseva antarāyaṃ karoti, na saggassa** micchācāralakkhaṇābhāvato. Na hi bhikkhuniyā dhammarakkhitabhāvo atthi. Pākatikabhikkhunīvasena cetam vuttaṃ, ariyāya pana pavattaṃ apāyasaṃvattaniyameva. Nandamāṇavako cettha nidassanaṃ. Ubhinnaṃ samānacchandatāvasena vā asaggantarāyikatā, mokkhanantarāyikatā pana mokkhatthapaṭipattiyā³ vidūsanato, abhibhavitvā pana

1. Sārattha-Ṭī 3. 86 piṭṭhādīsupi Passitabbaṃ.

2. Attasantānassa (Ka)

3. Mokkhatthāya paṭipattiyā (Sārattha-Ṭī 3. 87 piṭṭhe.)

pavattiyam saggantarāyikatāpi na sakkā nivāretunti. Ahetukadiṭṭhi-
akiriyadiṭṭhinatthikadiṭṭhiyova niyatabhāvaṃ pattā
niyatamicchādiṭṭhidhammā. Paṭisandhidhammāti paṭisandhicittuppādamāha.
Paṇḍakādiggahaṇaṅcetha nidassanamattaṃ sabbāyapi ahetukapaṭisandhiyā
vipākantarāyikabhāvato. Yā hi ariye upavadati, sā cetaṇā
ariyūpavādadhammā. Tato paranti khamāpanato upari. Yaṃ panettha
vattabbaṃ, taṃ mahāsīhanādassa līnatthapakāsane vuttameva. **Yāva**
bhikkhubhāvaṃ paṭijānāti pārājikaṃ āpanno. **Na vuṭṭhāti** sesaṃ
garukāpattim. **Na deseti** lahukāpattim.

Ayaṃ bhikkhu ariṭṭho. **Rasena rasam saṃsanditvāti** anavajjena
paccayaparibhuñjanarasena sāvajjaṃ kāmagaṇaparibhogarasam samānetvā.
Upanento viyāti bandhanaṃ upanento viya. “Ghaṭento viyā”tipi pāṭho.
Upasaṃharanto viyāti sadisaṃ upasaṃharanto viya ekantasāvajje
anavajjabhāvapakkepena. **Pāpakanti** lāmakatṭhena duggatisampāpanatṭhena
ca pāpakaṃ. Setukaraṇavasena **mahāsamuddam bandhantena viya.**
Sabbaññutaññāṇena “sāvajjan”ti diṭṭhaṃ “anavajjan”ti gahaṇena tena
paṭivirujjhanto. Ekantato anantarāyikanti gahaṇena **vesārajjaññāṇam**
paṭibāhanto. Kāmakatṭakehi ariyamaggasammāpaṭipatti na upakkilissatī
vadanto “**ariyamagge khāṇukaṅṭakādīni pakkhipanto**”ti vutto.
Paṭhamapārājikasikkhāpadasaṅkhāte, “abrahmacariyaṃ pahāyā”ti¹
ādidesanāsaṅkhāte ca **āṇācakke.**

Pucchamānā **samanuyuñjanti nāma.** Pucchā hi anuyogoti.
Tenādhigatāya laddhiyā anuvajjanatthaṃ paccanubhāsanena puna
paṭijānāpanaṃ paṭiṭṭhāpanaṃ, taṃ panassa ādāya samādāpanaṃ viya hotīti
āha “**samanugāhanti nāmā**”ti. Tassā pana laddhiyā anuyuñjitāya
vuccamānampi kāraṇaṃ kāraṇapatirūpakamevāti tassa pucchanaṃ²
samanubhāsanam. **Anudahanaṭṭhena** anupāyapaṭipattiyā sampati āyatiṅca
anudahanaṭṭhena. **Mahābhittāpanaṭṭhena** anavaṭṭhitasabhāvātāya.
Ittarapaccupaṭṭhānaṭṭhena muhuttaramaṇīyatāya³. **Tāvakālikatṭhena** parehi
abhibhavanīyatāya. **Sabbaṅgapaccaṅgalibhañjanaṭṭhena**
chedanabhedanādi-adhikaraṇabhāvena.

1. Dī 1. 4, 60 piṭṭhesu.

2. Pucchāpanam (Ka)

3. Muhuttakaraṇīyatāya (Sārattha-Ṭī 3. 88 piṭṭhe.)

Ugghātasadisatāya **adhikutṭṭanatṭhena**. Avaṇe vaṇaṃ uppādetvā anto anupavisanasabhāvatāya **vinivijjanatṭhena**. Diṭṭhadhammikasamparāyika-anatthanimitatāya **sāsaṅkasappaṭibhayatṭhena**. **Diṭṭhithāmenāti** tassā diṭṭhiyā thāmagatabhāvena. **Diṭṭhiparāmāsenāti** diṭṭhisāṅkhātaparāmasanena. Diṭṭhiyeva hi dhammasabhāvaṃ atikkamitvā parato āmasanena parāmāso. **Abhinivissāti** taṇhābhinivesapubbaṅgamaena diṭṭhābhinivesena “idamevettha tathan”ti abhinivisitvā. Yasmā hi abhinivesanaṃ tattha abhiniviṭṭhaṃ nāma hoti, tasmā āha “**adhiṭṭhahitvā**”ti.

235. **Natthīti vattukāmapīti** attano laddhiṃ niguhetukāmatāya avajānitukāmapī. **Sampaṭicchati** paṭijānāti. **Dve kathāti** visamvādanakathaṃ sandhāya vadati. Abhūtakathā hi pubbe pavattā bhūtakathāya vasena dve kathāti vuccati.

236. **Kassa kho nāmāti** iminā satthā “na mama tuyhaṃ tādissa atthāya dhammadesanā nāma bhūtapubbā”ti dasseti. Tenāha “**khattiyassa vā**”ti-ādi.

Ñāṇamayā usmā etassa atthīti usmī, tathārūpehi paccayehi anusmīkato tasmim attabhāve paṭivedhagabbho-api **usmīkatoti** vikatabhāvato paññābījamassa imasmim dhammavinaye api nu atthīti bhagavā bhikkhū pucchati. Te **paṭikkhipantā vadanti** thānagatena duccharitena nānupahatabhāvaṃ sampassantā. **Nittejabhūtoti** nittejaṃ bhūto tejoḥānippatto. Tato eva bhikkhūnampi¹ sammukhā oloketum asamatthatāya **pattakkhandho** adhomukho. Sahadhammikam kiñci vattum avisahanato **appaṭibhāno**. **Sampattūpaganti** sampatti-āvahaṃ. **Paṭippassambhentoti** paṭisedhento.

237. Antarāyakaraladdhiyā sabhāvavibhāvanena **parisaṃ sodheti**. **Nissāreti** nīharati avisuddhadiṭṭhitāya. **Kassaci** buddhānubhāvaṃ ajānantassa. Tassa hi evaṃ bhaveyya “sahasā kathitaṃ”ti. Na hi kadāci buddhānaṃ sahasā kiriyā nāma atthi. **Assāti** “kassacī”ti vuttabhikkhussa.

1. Bhikkhu-ādayopi (Aṃ-Ṭī 2. 163 piṭṭhe.)

Sutvāpi tuṇhībhāvaṃ āpajjeyyāti athāpi siyāti sambandho. **Taṃ sabbanti** “sace hī”ti-ādinā vuttaṃ sabbaṃ parikkappaṇaṃ. **Na karissantīti** parisāya laddhiṃ sodhetīti sambandho. **Laddhiṃ pakāsentoti** mahāsāvajjatāvasena pakāsentoti. **Saññāvitakkehi**ti subhanimittānubyañjanaggāhādivasena pavattehi saññāvitakkehi. Tenāha “**kilesakāmasampayuttehi**”ti. **Methunasamācāranti** idaṃ adhi-kāravasena vuttaṃ, tadaññampi pana “apica kho mātugāmassa ucchādanaṃ parimaddanaṃ nahāpanaṃ sambāhanaṃ sādīyati”ti-ādinā¹ āgataṃ visabhāgavatthuvisayaṃ āmisaparibhogaṃ. “Aññatreva kāmehi aññatra kāmasaññāhi aññatra kāmavitakkehi samācarissatī”ti **netam ṭhānaṃ vijjati**.

238. Yoniso paccavekkhaṇena natthi ettha chandarāgoti nicchandarāgo, taṃ **nicchandarāgaṃ**. Kadāci uposathikabhāvena samādinna-sīlāpi honti kadāci notī **anibaddhasīlānaṃ gahaṭṭhānaṃ**. Sīlasamādānabhāvato **antarāyakaraṃ**. Vatthukāmānaṃ **sacchandarāgaparibhogaṃ**. Apaccavekkhaṇena **bhikkhūnaṃ āvaraṇakaraṃ**. Paccayānaṃ **sacchandarāgaparibhogaṃ**. Ayaṃ ariṭṭho duggahitāya pariyattiyā vasena amhe ceva abbhācikkhati, attānaṃ khanati, bahuṃca apuññaṃ pasavatīti evaṃ saññā mā hontūti **duggahitāya pariyattiyā dosaṃ dassento āha**. **Uggaṇhantīti** sajjhāyanti ceva vācuggataṃ karontā dhārenti cāti attho.

Suttanti-ādinā navappabhedampi pariyattidhammaṃ pariyādiyati. Kathaṃ suttam navappabhedam. Sagāthakaṃ hi suttam **geyyam**, niggāthakaṃ suttam **veyyākaraṇam**, tadubhayavinimuttaṃca suttam udānādivisesasaññāvirahitaṃ natthi, yaṃ suttāṅgaṃ siyā, maṅgalasuttādīnaṃca suttāṅgasāṅgaho na siyā gāthābhāvato dhammapadādīnaṃ viya, geyyāṅgasāṅgaho vā siyā sagāthakattā sagāthāvaggassa viya, tathā ubhatovibhaṅgādīsu sagāthakappadesānanti? Vuccate—

Suttanti sāmāññavidhi, visesavidhaya pare.
Sanimittā nirūḷhattā, sahatāññena naññato².

1. Am 2. 438 piṭṭhe.

2. Netti-Ṭṭha 13; Dī-Ṭṭi 1. 32; Am-Ṭṭi 2. 224; Sārattha-Ṭṭi 1. 93 piṭṭhādīsu passitabbaṃ.

sabbassapi hi buddhavacanassa suttanti ayam **sāmaññavidhi**. Tenevāha āyasmā mahākaccāno **nettiyam**¹ “navavidhasuttantapariyeṭṭhī”ti. “Ettakaṃ tassa bhagavato suttāgataṃ suttapariyāpannaṃ², sakavāde pañca suttasatānī”ti³ evamādi ca etassa atthassa sādhaṃ. Tadekadesesu⁴ pana geyyādayo **visesavidhayo** tena tena nimittena patiṭṭhitā. Tathā hi geyyassa sagāthakattaṃ tabbhāvanimittāṃ. Lokepi hi sasilokaṃ sagāthakaṃ vā cuṇṇiyaganthaṃ “geyyan”ti vadanti. Gāthāvirahe pana sati pucchāṃ katvā vissajjanabhāvo veyyākaraṇassa tabbhāvanimittāṃ. Pucchāvissajjanaṃ hi “byākaraṇan”ti vuccati, byākaraṇameva veyyākaraṇaṃ.

Evam sante sagāthakādīnampi pucchāṃ katvā vissajjanavasena pavattānaṃ veyyākaraṇabhāvo āpajjati? Nāpajjati geyyādisaññānaṃ anokāsabhāvato, “gāthāvirahe satī”ti visesitattā ca. Tathā hi dhammapadādīsu kevalaṃ gāthābandhesu, sagāthakattepi somanassaññāmayikagāthāyuttesu, “vuttaṃ hetan”ti⁵ ādivacanasambandhesu, abbhutadhammapaṭisaṃyuttesu ca suttavisesesu yathākkamaṃ gāthā-udāna-itivuttaka-abbhutadhammasaññā patiṭṭhitā, tathā satipi gāthābandhabhāve bhagavato atītāsu jātīsu cariyānubhāvappakāsakesu jātakasaññā, satipi pañhavissajjanabhāve sagāthakatte ca kesuci suttantesu vedassa labhāpanato vedallasaññā patiṭṭhitāti evaṃ tena tena sagāthakattādīnā nimittena tesu tesu suttavisesesu geyyādisaññā patiṭṭhitāti visesavidhayo suttāṅgato pare geyyādayo. Yaṃ panettha geyyāṅgādīnimittarahitaṃ, taṃ suttāṅgaṃ visesasaññāparihārena sāmaññasaññāya pavattanatotī. Nanu ca sagāthakaṃ suttāṃ geyyāṃ, niggaṭhakaṃ suttāṃ veyyākaraṇanti suttāṅgaṃ na sambhavatīti codanā tadavatthā evāti? Na tadavatthā sodhitattā. Sodhitaṃ hi pubbe “gāthāvirahe sati pucchāvissajjanabhāvo veyyākaraṇassa veyyākaraṇassa tabbhāvanimittāṃ”ti.

Yañca vuttaṃ “gāthābhāvato maṅgalasuttādīnaṃ suttāṅgasāṅgaho na siyā”ti⁶, taṃ **na, niruḷhattā**. Niruḷho hi maṅgalasuttādīnaṃ suttābhāvo. Na

1. Khu 10. 1 piṭṭhe.

2. Vi 2. 272, 470 piṭṭhesu.

3. Abhi-Ṭṭha 1. 5, 6, 9; Abhi-Ṭṭha 3. 105 piṭṭhesu.

4. Visesavidhayo pare sanimittā tadekadesesu (Dī-Ṭṭi 1. 32; Am-Ṭṭi 2. 224 piṭṭhesu.)

5. Khu 1. 195 piṭṭhedīsu.

6. Khu 1. 3, 318 piṭṭhesu.

hi tāni dhammapadabuddhavaṃsādayo viya gāthābhāvena paññātāni, kintu suttabhāvene. Teneva hi aṭṭhakathāyaṃ “suttanāmakam”ti nāmaggaṇaṃ kataṃ. Yaṃ pana vuttaṃ “sagāthakattā geyyaṅgasaṅgaho siyā”ti, tadapi natthi, yasmā **sahataññaena**. Saha gāthāhīti hi sagāthakam, sahabhāvo ca nāma atthato aññaena hoti, na ca maṅgalasuttādīsu gāthāvinimutto koci suttapadeso atthi, yo “saha gāthāhī”ti vucceyya, na ca samudāyo nāma koci atthi. Yadapi vuttaṃ “ubhatovibhaṅgādīsu sagāthakappadesānaṃ geyyaṅgasaṅgaho siyā”ti, tadapi **na aññato**. Añña eva hi tā gāthā jātakādipariyāpannattā, ato na tāhi ubhatovibhaṅgādīnaṃ geyyaṅgabhāvoti. Evaṃ suttādīnaṃ aṅgānaṃ aññaamaññaasaṅkarābhāvo veditabbo.

Atthathanti atthabhūtaṃ yathābhūtaṃ attham. Anattampi keci vipallāsavasena “attho”ti gaṇhantīti “atthathan”ti visesetvā vuttaṃ. **Kāraṇatthanti** kāraṇabhūtaṃ attham, sīlam samādhissa kāraṇam, samādhi vipassanāyāti evaṃ tassa tassa kāraṇabhūtaṃ attham. Tenāha “**imasmim̐ ṭhāne sīlan**”ti-ādi. Tenetaṃ dasseti—imasmim̐ ṭhāne sīlam kathitam, taṅca yāvadeva samādattham, samādhi vipassanatto, vipassanā maggatthā, maggo phalatto, vaṭṭam kathitam yāvadeva vivaṭṭādhihamatthanti jānitum na sakkontīti. Evaṃ paḷiyam “atthan”ti iminā bhāsitatthapayojanatthānaṃ gahitā veditabbā. **Na pariggaṇhantīti** na vicārenti, nijjhānapaññakkhamā na honti, nijjhāyitvā paññāya rocetvā gahetabbā na hontīti adhippāyo. **Iti** evaṃ etāya pariyattiyā **vādappamokkhānisamsā** attano upari parehi āropitavādassa niggahassa mokkhapayojanā hutvā dhammam pariyāpuṇanti.

Vādappamokkho vā nindāpamokkho. **Yassa cāti** yassa ca sīlādipūraṇena pattabbassa, maggassa vā tadadhigamena pattabbassa, phalassa vā tadadhigamena pattabbassa, anupādāvimokkhassa vā atthāya. **Dhammam pariyāpuṇanti**, ñāyena pariyāpuṇantīti adhippāyo. **Nānubhonti** na vindanti. **Tesam te dhammā duggahitā**¹

upārambhamānadappamakkhapaḷāsādihetubhāvena **dīgharattam ahitāya dukkhāya samvattanti**.

1. Duggahitattā (Dī-Ṭī 1. 31 piṭṭhe.)

239. Alam pariyaṭṭo gado assāti **alagaddo** anunāsikalopam da-kārāgamañca katvā. Vaṭṭadukkhakantārato nittharaṇaṭṭhāya pariyaṭṭi **nittharaṇapariyaṭṭi**. Bhaṇḍāgāre niyutto bhaṇḍāgāriko, bhaṇḍāgāriko viya bhaṇḍāgāriko, dhammaratanānupālako. Aññaṃ atthaṃ anapekkhitvā bhaṇḍāgārikasseva sato pariyaṭṭi **bhaṇḍāgārikapariyaṭṭi**. “Vaṃsānurakkhakovā”ti avadhāraṇaṃ sīhāvalokanañāyena **tantidhārakova pavenipālakovā**ti purimapadadvayepi yojetabbaṃ.

Yadi tantidhāraṇādi-atthaṃ buddhavacanassa pariyaṭṭaṇaṃ bhaṇḍāgārikapariyaṭṭi, kasmā “khīṇāsavassā”ti viresetvā vuttaṃ, nanu ekaccassa puthujjanassapi ayaṃ nayo labbhatīti anuyogaṃ sandhāyāha “**yo panā**”ti-ādi. **Attano thāneti** nittharaṇaṭṭhāne. Kāmaṃ puthujjano “pavenim pālessāmī”ti ajjhāsayena pariyaṭṭaṇāti, attano pana bhavakantārato anittiṇṇatā tassa sā pariyaṭṭi nittharaṇapariyaṭṭi eva nāma hotīti adhippāyo. Tenāha “**puthujjanassā**”ti-ādi.

Nijjhānaṃ khamantīti nijjhānaṇaṃ khamanti. Tattha tattha āgate sīlādīdhamme nijjhāyitvā paññāya rocetvā yāthāvato gahetabbā hontī. Tenāha “**idha sīlan**”ti-ādi. Na kevalaṃ suggahitaṃ pariyaṭṭim nissāya maggabhāvanāphalāsacchikiriyā, paravādaniggahasakavādapatitṭhāpanādīnipi ijjhantīti dassetuṃ “**paravāde**”ti-ādi vuttaṃ. Tenāha “uppannaṃ parappavādaṃ sahadhammena suniggahaṃ niggahitvā”ti-ādi¹. **Ichchicchitaṭṭhānanti** diṭṭhiviniveṭhanādivasena icchitaṃ icchitaṃ pālīpadesaṃ. **Mocetunti** apanetuṃ. Ahitāya dukkhāya asaṃvattanampi tadabhāve uppajjanakahitasukhassa kāraṇameva tasmim sati bhāvatoti. Suggahita-alagaddassapi hitāya sukhāya saṃvattanatā daṭṭhabbā.

240. Uttaranti etenāti uttaro, sinanti bandhantīti setu, uttaro ca so setu cāti **uttarasetu**. Kūlaṃ paraṭīraṃ vahati pāpetīti **kullaṃ**. **Kalāpaṃ katvā baddhoti** veḷunaḷādīhi kalāpavasena baddho. **Aṇunti** idaṃ aṭṭhasamāpatti-ārammaṇaṃ saṃyojanaṃ sandhāya vadati.

1. Dī 2. 89 piṭṭhe.

Thūlanti itaraṃ. **Diṭṭhinti** yathābhūtaḍassanaṃ, vipassananti attho. **Evaṃ parisuddhaṃ evaṃ pariyoḍātanti** tebhūmakeṣu dhammeṣu ñātaṃ “netāṃ mama, nesohaṃasmi, na meso attā”ti, evaṃ taṇhādiṭṭhisamkilesābhāvena sabbaso visuddhaṃ, parisuddhattā eva pariyoḍātaṃ. **Na alliyethāti** nikantivasena na nissayetha. **Na kelāyethāti** na mamāyetha. **Na dhanāyethāti** dhanāṃ drabyāṃ na kayirātha. **Ubhayatthāti** samathe vipassanāya ca.

Asaddhammeti-ādīsu asataṃ hīnajjhāsayānaṃ dhammoti **asaddhammo**, gāṃavāsīnaṃ dhammoti **gāmadhammo**, kilesānaṃ vassanasabhāvatāya **vasaladhammo**, kileseti dūsitattā thūlattā ca **duṭṭhullo**, udakasuddhipariyoṣānatāya **odakantiko**. “Dhammāpi vo pahātabbā”ti **imināpi ovādena** bhikkhū uḍḍissa kathentopi **arittthaṃyeva niggaṇhāti**.

241. **Tividhaggāhavasenāti** taṇhāmānadiṭṭhiggāhavasena. Yadi evaṃ “**ahaṃ mamāti gaṇhāti**”ti gāhadvayameva kasmā vuttanti? Nayidamevaṃ tattāpi gāhattayasseva vuttattā. “Ahaṃ”ti hi iminā mānadiṭṭhiggāhā vuttā “ahaṃasmi”ti gāhasāmaññato. **Diṭṭhipi diṭṭhiṭṭhānaṃ** purimuppānāya diṭṭhiyā uttaradiṭṭhiyā sakkāyadiṭṭhiyā sassatadiṭṭhiyā ca kāraṇabhāvato. **Aramaṇaṃ** pañca khandhā, rūpāramaṇādīni ca. **Diṭṭhiyā paccayo** avijjāphassasaññāvitakka-ayonisomanasikārapāpamittaparatoḡhosāḍiko diṭṭhiyā upanissayāḍipaccayo. Vuttaṃ hetāṃ **paṭisambhidāyaṃ**¹ “katamāni aṭṭha diṭṭhiṭṭhānāni avijjāpi phassopi saññāpi vitakkopi ayonisomanasikāropi pāpamittopi paratoḡhosopi diṭṭhiṭṭhānaṃ”ti-āḍi. **Rūpāramaṇāti** ruppanasabhāvadhammāramaṇā. **Rūpaṃ pana attāti na vattabbaṃ** idha “rūpaṃ attato samanupassati”ti² imassa gāhassa anadhippetattā. So hi “yampi taṃ diṭṭhiṭṭhānaṃ”ti-āḍinā parato vuccati. Idha pana “rūpavantaṃ attānaṃ samanupassati, attāni rūpaṃ, rūpasmim attānaṃ”ti ime tayo gāhā adhippetāti keci, tadayuttaṃ. Yasmā rūpaṃ attā na hoti, attaggāhassa pana ālambanaṃ hoti, attasabhāveyeva vā rūpāḍidhamme ārabbaḡha attadiṭṭhi uppajjati, na attānaṃ tassa paramatthato anupalabbhanaḡto, tasmā rūpāḍi-āramaṇāva attadiṭṭhāti

1. Khu 9. 132 piṭṭhe.

2. Saṃ 2. 79, 80, 81, 478; Khu 10. 194 piṭṭhesu.

katvā vuttam, rūpaṃ pana “attā”ti na vattabbanti ayamettha attho. “Yampi taṃ diṭṭhiṭṭhānan”ti-ādinā pana vipassanāpaṭivipassanā viya diṭṭhi-anupassanā nāma dassitā.

Gandharasaphoṭṭhabbāyatanānam sampattagāhindriyavisayatāya patvā gahetabbatā. Tam hi tassa attano visayaṃ paribhuvā sambandham hutvā gaṇhāti. **Avasesāni sattāyatanāni viññātam nāma** manasā viññātabbato. Aññathā itaresampi viññātatā siyā. **Pattanti** adhigataṃ. **Pariyesitanti** gavesitaṃ. **Anuvaritanti** cintitaṃ. Tenāha “**manasā**”ti. Ettha ca pattapariyesanānam apaṭikkhepassa, visum, ekajjham paṭikkhepassa ca vasena catukkoṭīkam dassetvā pattapariyesitehi anuvaritassa bhedaṃ dassetuṃ “**lokasmim hi**”ti-ādi vuttam. **Pariyesitvā pattam** paṭhamam cetasā pacchā kāyena pattattā **pattam nāma**. **Pariyesitvā nopattam pariyesitam nāma** kevalam pariyesitabhāvato. **Apariyesitvā pattañca nopattañca** manasā anuvaritabbato **manasānuvaritam nāma**.

Ayañca vikappo ākulo viyāti “**atha vā**”ti-ādi vuttam. **Pattatthenāti** pattabhāvena pattatāsāmaññena. **Apariyesitvā nopattam manasānuvaritam nāma** pattiyaṃ pariyesanāya ca abhāvato. **Sabbam vā etanti** “pariyesitvā pattampi”ti-ādinā vuttam catubbidhampi. **Imināti** “yampi taṃ diṭṭhiṭṭhānan”ti-ādivacanena. **Viññāṇārammaṇā taṇhāmānadiṭṭhiyo kathitā** pārisesañāyena. Evaṃ pārisesañāyapariggahe kim payojananti āha “**desanāvīlāsena**”ti-ādi. Yesam vineyyānam desetabbadhammassa sarūpaṃ anāmasitvā ārammaṇakiccasampayuttadhammaphalavisesādipakārantaravibhāvanena paṭivedho hoti, tesam tappakārabhedehi dhammehi, yesam pana yena ekeneva pakārena sarūpeneva vā vibhāvane kate paṭivedho hoti, tesam tam vatvā dhammissarattā tadaññam niravasesākāravibhāvanañca **desanāvīlāso**. Tenāha “**diṭṭhādi-ārammaṇavasena viññānam dassitan**”ti.

Diṭṭhiṭṭhānanti diṭṭhi eva diṭṭhiṭṭhānam, tam heṭṭhā vuttanayameva. Yam rūpaṃ esā diṭṭhi “loko ca attā cā”ti gaṇhāti, tam rūpaṃ sandhāya “so loko so attā”ti vacanam vuttanti yojanā. **So pecca**

bhavissāmīti uddhamāghātanikavādavasenāyaṃ diṭṭhīti āha “**so ahaṃ paralokaṃ gantvā nicco bhavissāmī**”ti-ādi. **Dhuvoti** thiro. **Sassatoti** sabbadābhāvī. **Avipariṇāmadhammoti** jarāya maraṇena ca avipariṇāmetabbasabhāvo, nibbikāroti attho. **Tampi dassananti** tampi tathāvuttam diṭṭhidassanam attānam viya taṇhādiṭṭhiggāhaviseseṇa gaṇhāti. Tenāha “**etaṃ mamā**”ti-ādi. **Diṭṭhārammaṇāti** diṭṭhivisayā. Kathaṃ pana diṭṭhi diṭṭhivisayā hotīti āha “**vipassanāyā**”ti-ādi. **Paṭivipassanākāleti** yamakato sammasanādikālam sandhāyāha. Tattha akkharacintakānam sadde viya, vedajjhāyīnam¹ vedasatthe² viya ca diṭṭhiyaṃ diṭṭhigatikānam diṭṭhiggāhappavatti daṭṭhabbā.

Samanupassatīti padassa catasso samanupassanā atthoti yojanā. Tena samanupassanā nāma catubbidhāti dasseti. Tattha ñāṇam tāva samavisamaṃ sammā yāthāvato anupassatīti **samanupassanā**. Itarā pana saṃkilesavasena anu anu passantīti **samanupassanā**. Yadi evaṃ hotu tāva diṭṭhisamanupassanā micchādassanabhāvato, kathaṃ taṇhāmānāti? Taṇhāyapi sattānam pāpakaraṇe upāyadassanavasena paññāpatirūpikā pavatti labbhateva, yāya vañcananikatisāciyogā³ sambhavanti. Mānopi seyyādinā dassanavaseneva tathā attānam ūhatīti taṇhāmānānam samanupassanāpatirūpikā pavatti labbhatīti daṭṭhabbam. **Avijjamāneti** “etaṃ mamā”ti evaṃ gahetabbe taṇhāvattusmiṃ ajjhattakhandhapañcake anupalabbhamāne vinaṭṭhe. **Na paritassati** bhayaparittāsataṇhāparittāsānam maggena samugghātittā.

242. **Catūhi kāraṇehīti** “asati na paritassatī”ti vuttampi itarehi tīhi saha gahetvā vuttam. **Catūhi kāraṇehīti** catukkoṭikasunñatākathanassa kāraṇehi. **Bahiddhā asatīti** bāhire vatthusmiṃ avijjamāne. Sā panassa avijjamānatā laddhavināseṇa vā aladdhālābhena vāti pāḷiyam “ahu vata me, taṃ vata me natthi, siyā vata me, taṃ vatāham na labhāmī”ti vuttanti tadubhayaṃ parikkhāravasena vibhajtvā tattha paritassanam dassetuṃ “**bahiddhā parikkhāravināse**”ti-ādi vuttam. Tattha **yānam** “ratho vayhan”ti evamādi. **Vāhanam** hatthi-assādi.

1. Vedaṭṭhādīnam (Ka) 2. Vedasatthe (Ka) 3. Yāya pana pakatiyā viyogā (Ka)

Yehi kilesehīti yehi asantapatthanādīhi kilesehi. **Evam bhaveyyāti** evam “ahu vata me”ti-ādinā codanādi bhaveyya.

Diṭṭhiṭṭhānādhiṭṭhānapariyuṭṭhānābhinivesānusayānanti ettha aparāparam pavattāsu diṭṭhīsu yā parato uppannā diṭṭhiyo, tāsam purimuppannā diṭṭhiyo kāraṇaṭṭhena **diṭṭhiṭṭhānāni**, adhikaraṇaṭṭhena **diṭṭhādhiṭṭhānāni**, pariyuṭṭhānappattiyā sabbāpi **diṭṭhipariyuṭṭhānāni**, “idameva saccam moghamaññan”ti¹ pavattiyā **abhinivesā**, appahīnabhāvena santāne sayantīti **anusayāti** evam diṭṭhiṭṭhānādīnam padānam vibhāgo veditabbo. Taṇhādīhi kampaniyatāya sabbasaṅkhārāva iñjitānīti **sabbasaṅkhāra-iñjitāni**. Sesapadadvayepi eseva nayo. Upadhīyati ettha dukkhanti upadhi, khandhāva upadhi **khandhūpadhi**. Esa nayo sesesupi. Tadeva ca āgamma taṇhā khīyati vīrajjati nirujjhatīti yojanā. **Ucchijjissāmi nāmassūti**-ādīsu **ssūti** nipātamattam, saṁsaye vā. **Tāsoti** attaniyābhāvaṁ paṭicca taṇhāparittāvāso ceva bhayaparittāso ca. Tenāha “**tāso heso**”ti-ādi. **No cassam, no ca me siyāti** “ahan”ti kira koci no cassam, “me”ti ca kiñci no siyāti. Tāsappatīkārādasanāṁ hetam.

243. **Ettāvatāti** “evam vutte”ti-ādinā, pucchānusandhivasena pavattāya “chayimāni bhikkhave diṭṭhiṭṭhānāni”ti-ādinā² vā. Sāpi hi ajjhattakhandhavināse paritassanakam dassetvā aparitassanakam dassenti pavattāti tassanakassa suññatādassanāṁ akiccasādhakampi suññatādassanamevāti imesaṁ vasena “**catukkoṭikā suññatā kathitā**”ti vuttam. **Bahiddhā parikkhārenti** bāhiram saviññāṇakam aviññāṇakañca sattopakaraṇam. Tam hi jīvitavuttiyā parikkhāraṇaṭṭhena “parikkhāro”ti vuttam. **Pariggaham nāma katvāti** “mama idan”ti pariggahetabbatāya pariggahitam nāma katvā. Sabbopi diṭṭhiggāho “attā nicco dhuvo sassato, attā ucchijjati vinassatī”ti-ādinā attadiṭṭhisannissayoyevāti vuttam “**sakkāyadiṭṭhipamukhā dvāsattī diṭṭhiyo**”ti. Ayāthāvaggāhinā abhinivesanapaññāpanānaṁ upatthambhabhāvato diṭṭhi eva nissayoti **diṭṭhinissayo**. **Pariggaṇheyyāti** niccādivisesayuttam katvā pariggaṇheyya kimevaṁ pariggahetum

1. Ma 2. 22, 23, 155, 166, 381; Khu 1. 162; Khu 7. 57; Khu 10. 80 piṭṭhesu.

2. Ma 1. 188 piṭṭhe.

sakkuṇeyya. **Sabbatthāti** “taṃ bhikkhave attavādupādānaṃ upādiyetha, taṃ bhikkhave diṭṭhinissayaṃ nissayethā”ti etesupī.

244. **Attani vā satīti** yassa attano santakabhāvena kiñci attaniyanti vucceyya, tasmim attani sati, so eva pana attā paramatthato natthīti adhippāyo. Sakkā hi vattum bāhirakaparikkappito¹ attā “paramattho”ti, siyā khandhapañcakam ñeyyasabhāvattā yathā taṃ ghaḥo, yadi pana tadaññaṃ nāma kiñci abhaviṣṣa, na taṃ niyamato viparītaṃ siyāti. Na ca² so paramatthato atthi pamāñchi anupalabbhamānattā turaṅgamavisāṇaṃ viyāti. **Attaniye vā parikkhāre satīti** “idaṃ nāma attano santakan”ti tassa kiñcanabhāvena nicchite kismiñci vatthusmim sati. Attano idanti hi attaniyanti. **Ahanti satīti** “ahaṃ nāmāyan”ti ahaṃkāravatthubhūte paramatthato niddhāritasarūpe kismiñci sati tassa santakabhāvena mamāti kiñci gahetum yuttaṃ bhaveyya. **Mamāti sati “ahan”**ti etthāpi eseva nayo. Iti paramatthato attano anupalabbhamānattā attaniyaṃ kiñci paramatthato natthevāti sabbasaṅkhārānaṃ anattatāya anattaniyataṃ, anattaniyatāya ca anattakataṃ dasseti. **Bhūtatoti** bhūtatthato. **Tathatotī** tathasabhāvato. **Thiratoti** ṭhitasabhāvato nibbikārato.

Yasmā hutvā na hotīti yasmā pubbe asantaṃ paccayasamavāyena hutvā uppajjitvā puna bhaṅgupagamena na hoti, tasmā na niccanti **aniccaṃ**, adhuvanti attho. Tato eva **uppādavayavattitoti** uppajjanavasena nirujjanavasena ca pavattanato. Sabhāvavigamo idha **vipariṇāmo**, khaṇikatā **tāvakālikatā**, niccasabhāvābhāvo eva **niccapaṭikkhepo**. Aniccadhammā hi teneva attano aniccabhāvena atthato niccataṃ paṭikkhipanti nāma. Tathā hi vuttaṃ “na niccanti aniccan”ti. Uppādajarābhāṅgavasena rūpassa nirantarabādhatāti paṭipīlanākārenassa **dukkhatā**. **Santāpo** dukkhadukkhatādivasena santāpanaṃ paridahanam, tato evassa dussahatāya **dukkhamatā**, tissannaṃ dukkhatānaṃ saṃsāradukkhasa ca adhiṭṭhānatāya **dukkhavatthukatā**, sukhasabhāvābhāvo eva **sukhapāṭikkhepo**. **Vipariṇāmadhammanti** jarāya maraṇena ca vipariṇāmanasabhāvam. Yasmā idaṃ rūpaṃ

1. Parikkappita-attaparamatthasuñña (Ka)

2. Na vā (Ka)

paccayasamavāyena uppādaṃ, uppādānantaraṃ jaraṃ patvā avassameva bhijjati, bhinnañca bhinnameva, nāssa kassaci saṅkamoti bhavantarānupagamasāṅkhātena saṅkamābhāvena vipariṇāmadhammataṃ pākaṭaṃ kātum **“bhavasāṅkanti-upagamasabhāvan”**ti vuttam.

Pakatibhāvavijhanaṃ sabhāvavigamo nirujjhanameva. **Tanti** aniccaṃ dukkhaṃ vipariṇāmadhammaṃ rūpaṃ. **Iminā**ti “no hetam bhante”ti rūpassa taṇhādiggāhānaṃ vatthubhāvapaṭikkhepena. Rūpaṃ hi uppannaṃ ṭhitim mā pāpuṇātu, ṭhitippattaṃ mā jīratu, jarappattaṃ mā bhijjatu, udayabbayehi mā kilamiyatūti na ettha kassaci vasībhāvo atthi, svāyassa avasavattanaṭṭho anattatāsallakkaṇassa kāraṇaṃ hotīti āha **“avasavattanākārena rūpaṃ bhante anattāti paṭijānanti”**ti. Nivāsikārakavedaka-adhiṭṭhāyakavirahena tato suññatā **suññatṭho**, sāmibhūtaṃ kassaci abhāvo **assāmikattṭho**, yathāvuttavasavattibhāvābhāvo **anissaratṭho**, paraparikkappa-attasabhāvābhāvo eva **attapaṭikkhepaṭṭho**.

Yasmā aniccalakkaṇena viya dukkhalakkaṇaṃ, tadubhayena anattalakkaṇaṃ suviññāpayam, na kevalam, tasmā tadubhayenettha anattalakkaṇavibhāvanaṃ katanti dassento **“bhagavā hī”**ti-ādimāha. Tattha **aniccavasenā**ti aniccatāvasena. **Dukkhasenā**ti dukkhatāvasena. **Na upapajjati**ti na yujjati. Tameva ayujjamānataṃ dassetuṃ **“cakkhussa uppādupī”**ti-ādi vuttam. Yasmā attavādī attānaṃ niccaṃ paññapeti, cakkhuṃ pana aniccaṃ, tasmā cakkhu viya attāpi anicca āpanno. Tenāha **“yassa kho panā”**ti-ādi. Tattha **vetī**ti vigacchati nirujjhati. **Iti cakkhu anattā**ti cakkhussa udayabbayavantatāya aniccatā, attano ca attavādinā aniccatāya anicchitattā cakkhu anattā.

Kāmaṃ **anattalakkaṇasutte**¹ “yasmā ca kho bhikkhave rūpaṃ anattā, tasmā rūpaṃ ābādhāya saṃvattati”ti rūpassa anattatāya dukkhatā vibhāvītā viya dissati, tathāpi “yasmā rūpaṃ ābādhāya saṃvattati, tasmā anattā”ti pākaṭatāya sābādhātāya rūpassa attasārābhāvo vibhāvito, tato eva ca “na labbhati rūpe evam me rūpaṃ hotu, evam me rūpaṃ mā ahoṣī”ti rūpe kassaci anissaratā, tassa ca avasavattanākāro dassitoti āha **“dukkhasena**

1. Saṃ 2. 55; Vi 3. 18 piṭṭhesu.

anattataṃ dasseti”ti. **Yadaniccaṃ taṃ dukkhanti** yaṃ vatthu aniccaṃ, taṃ dukkhaṃ udayabbayaapaṭipīlitattā, yaṃ pana niccaṃ tadabhāvato, taṃ sukhaṃ yathā taṃ nibbānanti adhippāyo. **Yaṃ tanti** kāraṇaniddesovāyaṃ, yasmā rūpaṃ aniccaṃ, taṃ tasmāti attho. **Yaṃ dukkhaṃ tadanattāti** ettha vuttanayeneva attho veditabbo. **Aniccanti** iminā ghaṭādi viya paccayuppannattā rūpaṃ aniccanti imamatthaṃ dasseti. Imināva nayena “anattā”ti vattum labbhamānēpi “**anattā**”ti **vattā nāma natthi**. Evaṃ **dukkhanti vadantīti** etthāpi yathārahaṃ vattabbaṃ “akkhisūlādivikārapattakāle viya paccayuppannattā dukkhaṃ rūpaṃ”ti-ādinā. **Duddasaṃ duppaññāpanaṃ**. Tathā hi sarabhaṅgādayopi satthāro nāddasaṃsu, kuto paññāpanā. **Tayidaṃ** anattalakkaṇaṃ.

Tasmātihāti-ādinā tiyaddhagatarūpaṃ lakkhaṇattayaṃ āropetvā vuttanti āha “**etarahi aññadāpi**”ti. Taṃ pana yādisaṃ tādīsampi tathā vuttanti ajjhattādivisesopi vattabbo. **Pi**-saddena vā tassāpi saṅgaho daṭṭhabbo.

245. **Ukkaṇṭhatīti** nābhīramati. Aññattha “nibbidā”ti balavavipassanā vuccati, sānulomā pana saṅkhārupekkhā “vuṭṭhānagāminī”ti, sā idha kathaṃ nibbidā nāma jātāti āha “**vuṭṭhānagāminivipassanāya hī**”ti-ādi. Iminā sikhāpattanibbedatāya vuṭṭhānagāminī idha nibbidānāmena vuttāti dasseti.

“So anupubbena saññaggaṃ phusatī”ti¹ vatvā “saññā kho poṭṭhapāda paṭhamāṃ uppajjati, pacchā ñāṇaṃ”ti¹ vuttattā **saññagganti vuttā** lokiyāsu pahānasaññāsu sikhāpattabhāvato. **Dhammaṭṭhitiñāṇanti vuttā** idappaccayatādassanassa matthakappattīti katvā. Tato paraṃ hi asaṅkhatārammaṇaṃ ñāṇaṃ hoti. Tenāha “pubbe kho susima dhammaṭṭhitiñāṇaṃ, pacchā nibbāne ñāṇaṃ”ti². **Pārisuddhipadhāniyaṅganti vuttā** maggādhigamassa paripanthabhūtasabbasaṅkilesavisuddhi padhānikassa yogino, padhānabhāvanāya vā jātāṃ aṅganti katvā. **Paṭipadāññādadassanavisuddhīti vuttā** paramukkaṃsagatapaṭipadāññādadassanavisuddhibhāvato. **Atammayatanti** ettha **tammayatā nāma** taṇhā, kāmataṇhādīsu tāya tāya nibbattattā tammayaṃ³ nāma tebhūmikappavattaṃ,

1. Dī 1. 172 piṭṭhe.

2. Saṃ 1. 344 piṭṭhe.

3. Tammayatā (Ka)

tassa bhāvoti katvā. Tassā taṇhāya pariyādānato vuṭṭhānagāminivipassanā **atammayatā**ti vuccati. **Nissāyā**ti taṃ atammayataṃ paccayaṃ katvā. **Āgammā**ti tasseva vevacanaṃ. **Nānattā**ti nānāsabhāvā bahū anekappakārā. **Nānattasitā**ti nānārammaṇanissitā rūpādivisayā. **Ekattā**ti ekasabhāvā. **Ekattasitā**ti ekaṃyeva¹ ārammaṇaṃ nissitā. **Taṃ nissāyā**ti taṃ ekattasitaṃ upekkhaṃ paccayaṃ katvā. **Etissā**ti etissā upekkhāya. **Pahānaṃ hotī**ti aññāṇupekkhato pabhusi sabbaṃ upekkhaṃ pajahitvā ṭhitassa “atammayatā”ti vuttāya vuṭṭhānagāminivipassanāya arūpāvacarasamāpatti-upekkhāya vipassanupekkhāya ca pahānaṃ hotīti **pariyādānanti vuttā**ti. Sabbasaṅkhāragatassa muñcitukamyatāpaṭisaṅkhānassa sikhāpattabhāvato vuṭṭhānagāminī muñcitukamyatā paṭisaṅkhānanti ca vuttā. Mudumajjhādivasena pavatti-ākāramattaṃ, atthato **ekatthā** muñcitukamyatādayo, **byañjana**meva **nānaṃ**. **Dvīhi nāme**hīti gotrabhu, vodānanti imehi dvīhi nāmehi.

Virāgoti maggo, accantameva virajjati etenāti **virāgo**, tena. **Maggena** hetubhūtena. **Vimuccatī**ti paṭippassaddhivimuttivasena vimuccati. Tenāha “**phalaṃ kathitaṃ**”ti.

Mahākhiṇāsavoti pasamsāvacanaṃ yathā “mahārājā”ti. Tathā hi taṃ pasamsanto sathā “**ayaṃ vuccati bhikkhave bhikkhu ukkhittapaligho itipī**”ti-ādimāhāti. Tadatthaṃ vivarituṃ “**idāni tassā**”ti-ādi vuttaṃ. **Yathābhūte**hīti yāthāvato bhūtehi. **Durukkipanatt**henāti pacurajanehi ukkhipituṃ asakkuṇeyyabhāvena. Nibbānanagarappavese vibandhanena paligho viyāti **palighoti vuccati**. Matthakacchinno tālo pattaphalādīnaṃ anaṅgato tālavatthu asive “sivā”ti samaññā viya. Tenāha “**sīsacchinnatālo viya katā**”ti. Punabbhavassa karaṇasīlo, punabbhavaṃ vā phalaṃ arahaṭīti **ponobhaviko**. Evambhūto pana punabbhavaṃ deti nāmāti āha “**punabbhavadāyako**”ti. **Punabbhavakhandhānaṃ paccayoti** iminā jātisaṃsāroti phalūpacārena kāraṇaṃ vuttanti desseti. **Parikkhā**ti **vuccati** santānassa parikkhipanato. **Samkiṇṇattā**ti sabbaso kiṇṇattā vināsitattā. **Gambhīrānugata**ṭṭhenāti gambhīraṃ anupaviṭṭhaṭṭhena.

1. Ekaṃ rūpaṃyeva (Ka)

Luñcivāti uddharitvā. **Etānīti** kāmarāgasaññojanādīni. **Aggaḷāti vuccanti** avadhāraṇaṭṭhena. Aggamaggena patito mānaddhajo etassāti **patitamānaddhajo**. Itarabhāroropanassa purimāpadehi pakāsītattā “**mānabhārasseva oropitattā pannabhāroti adhippeto**”ti vuttaṃ. **Mānasamyogeneva visamyuttattāti** etthāpi eseva nayo. Pañcapi khandhe avisesato asmīti gahetvā pavattamāno “asmimāno”ti adhippetoti vuttaṃ “**rūpe asmīti māno**”ti-ādi.

Nagaradvārassa parissayapaṭibāhanatthañceva sobhanatthañca ubhosu passesu esikatthambhe nikhaṇitvā ṭhapentīti āha “**nagaradvāre ussāpīte esikatthambhe**”ti. Pākāraviddhamāsaneneva parikkhāya bhūmisamakaraṇaṃ hotīti āha “**pākāraṃ bhindanto parikkhaṃ saṃkiritvā**”ti. **Evanti-ādi** upamāsaṃsandanaṃ. Santo saṃvijjamāno kāyo dhammasamūhoti **sakkāyo**, upādānakkhandhapañcakaṃ. **Dvattiṃsa kammakāraṇā** dukkhakkhandhe āgatā. Akkhirogasīsarogādayo **aṭṭhanavuti rogā**, rājabhayādīni **pañcavīsati mahābhayāni**.

246. **Anadhigamanīyaviññāṇatanti** “idaṃ nāma nissāya iminā nāma ākārena pavattati”ti evaṃ duviññeyyacittataṃ. **Anvesanti** paccatte ekavacananti āha “**anvesanto**”ti. **Sattopi tathāgatoti vuccati**¹ “tathāgato paraṃ maraṇā”ti-ādīsu² viya. Satto hi yatheko kammakilesehi itthattaṃ āgato, tathā aparopi āgatoti “tathāgato”ti vuccati. **Uttamapuggaloti** bhagavantaṃ sandhāya vadati. **Khīṇāsavopīti** yo koci khīṇāsavopi “tathāgato”ti adhippeto. Sopi hi yatheko catūsu satipaṭṭhānesu sūpaṭṭhitacitto satta bojjhaṅge yathābhūtaṃ bhāvetvā anuttaraṃ arahattaṃ āgato adhigato, tathā aparopi āgatoti “tathāgato”ti vuccati. **Asaṃvijjamānoti** paramatthato anupalabbhaniyo. **Avindeyyoti** na vinditabbo, duviññeyyoti attho.

Tathāgato satto puggaloti na paññapemi paramatthato sattasseva abhāvatoti adhippāyo. **Kiṃ paññapessāmi** paññatti-upādānassapi

1. Adhippeto (Aṭṭhakathāyaṃ.)

2. Dī 1. 26 piṭṭhe.

dharamānakassa abhāvato. “Anuppādo khemaṃ, anuppatti khemaṃ”ti-ādinā asaṅkhatāya dhātuyā pakkhandanavasena pavattaṃ aggaphalasangāhitaṃ atthaṃ **vipassanācittaṃ vā**.

Tucchāti karaṇe nissakkavacananti āha “**tucchakenā**”ti. Vinayatīti vinayo, so eva **venayiko**. **Tathā manti** tathābhūtaṃ maṃ. Paramatthato vijjamānassa hi sattassa abhāvaṃ vadanto sattavināsapaññāpakko ca nāma siyā, ahaṃ pana paramatthato avijjamānaṃ taṃ¹ “natthi”ti vadāmi. Yathā ca loko voharati, tatheva taṃ voharāmi, tathābhūtaṃ maṃ ye samaṇabrāhmaṇā “venayiko samaṇo gotamo”ti vadantā asatā tucchā musā abhūtena abbhācikkhantīti yojanā. Appaṭisandhikassa khīṇāsavassa carimacittaṃ nirupādānato anupādāno viya jātavedo parinibbutaṃ idaṃ nāma nissitanti na paññāyatīti vadanto kimettāvataṃ ucchedavādī bhaveyya, nāhaṃ kadāci pi atthi, nāpi koci atthi vadāmi, evaṃ sante kiṃ nissāya te moghapurisā sato sattassa nāma ucchedaṃ vināsaṃ vibhavaṃ paññāpetīti vadantā asatā -pa-abbhācikkhantīti ayamettha adhippāyo.

Mahābodhimaṇḍamhīti bodhimaṇḍaggahaṇena sattasattāhamāha. Tena dhammacakkapavattanato² pubbe vuttaṃ tantidesanaṃ vadati.

Catusaccameva paññāpemīti etena saccavimuttā satthudesanā natthīti dasseti. Ettha ca “pubbe ceva etarahi ca dukkhaṃ ceva paññāpemi dukkhassa ca nirodhan”ti vadanto bhagavā nāhaṃ kadāci pi “attā ucchijjati, vinassatī”ti vā, “attā nāma koci atthi”ti vā vadāmi, evaṃ sante kiṃ nissāya te moghapurisā “sato sattassa ucchedaṃ vināsaṃ vibhavaṃ paññāpetī”ti asatā tucchena abbhācikkhantīti dasseti. **Pareti** amāmakā, mama ovādassa abhājanabhūtāti atthoti āha “**saccāni -pa- asamatthapuggalā**”ti.

Adhippāyenāti iminā tesāṃ adhippāyamattaṃ, rosanavihesanāni pana tathāgatassa ākāsaṃ vilikhanāṃ viya na sambhavantiyevāti dasseti. Āhanati cittanti **āghāto**. Appatītā honti etenāti **appaccayo**. Cittaṃ na abhirādhayatīti **anabhiraddhi**. **Atuṭṭhīti** tuṭṭhipaṭipakkho tathāpavatto cittuppādo, kodho eva vā.

1. Paramatthato yaṃ (Ka)

2. Saṃ 3. 368; Vi 3. 14; Khu 9. 329 piṭṭhesu.

Pareti aññe ekacce. Ānandanti pamodanti etenāti **ānando**, pītiyā evetaṃ adhivacanaṃ. Sobhanamanatā **somanassaṃ**, cetasikasukhassetamaṃ adhivacanaṃ. Uppilati purimāvattāya bhijjati visesaṃ āpajjatīti uppilamaṃ, tadeva uppilāvitamaṃ, tassa bhāvo **uppilāvitattamaṃ**. Yāya uppannāya kāyacittamaṃ vātapūritabhastā viya uddhumāyanākārappattamaṃ hoti, tassā gehassitāya odaggiyapītiyā etaṃ adhivacanaṃ. **Saccāni paṭivijjhitaṃ asamattāhi** dukkhameva uppajjati nirujjhati ca, na añño satto nāma atthīti evamaṃ jānitaṃ asamattā “attā nāma atthī”ti evamaṃdiṭṭhino appahīnavipallāsā. Uttamaṃ pasādanīyaṭṭhānaṃ **tathāgatampi akkosanti**, kimaṅgaṃ pana bhikkhūti adhippāyo.

247. Anattaniyepi khandhapañcake micchāgāhavasena attaniyasaññāya pavattassa chandarāgassa pahānaṃ. **Amhākaṃ neva attāti** yasmā rūpavedanādiyeva attaggāhavatthu tabbinimuttassa lobhaneyyassa abhāvato. Etaṃ tiṇakaṭṭhasākhāpalāsaṃ na amhākaṃ rūpaṃ, na viññānaṃ, tasmā amhākaṃ neva attāti yojanā. Ajjhattikassa vatthuno neva attāti paṭikkhittattā bāhiravatthu attaniyabhāvena paṭikkhittamaṃ hotīti āha “**amhākaṃ cīvarādiparikkhāropi na hotī**”ti. **Khandhapañcakamyevāti** bāhiravatthumaṃ nidassanaṃ katvā khandhapañcakamyeva **na tumhākaṃ pajahāpeti**. **Na uppāṭetvā** kandaṃ viya. **Na luñcivā vā** kese viyāti. Iminā rūpādīnaṃ nāmamukhena pahānaṃ icchanti. Ullīngitamattamaṃ **chandarāgavinayena pajahāpetīti** sarūpato dasseti.

248. “Tamaṃ kiṃ maññatha bhikkhave rūpaṃ niccaṃ vā”ti-ādi desanā **tiparivaṭṭamaṃ**. **Yāva imaṃ ṭhānanti** “evamaṃ svākkhāto”ti yāvāyaṃ pāḷipadeso. Suviññeyyabhāvena akkhātattāpi **svākkhātoti** āha “**sukathitattā eva uttāno vivaṭo pakāsito**”ti. Tiriyaṃ vidāraṇena **chinnamaṃ**, dīghaso phālanena **bhinnamaṃ**, tato eva tattha tattha sibbitagaṇṭhikatajīṇṇavatthamaṃ pilotikā, tadabhāvato **chinnapilotiko**, pilotikarahitoti attho. Iriyāpathasaṅghapana-avijjamānājhānavipassanāni chinnāya avijjamānāya paṭipattiyā sibbanagaṇṭhikaraṇasadisāni, tādīsaṃ idha natthīti āha “**na hettha -pa-atthī**”ti. **Patiṭṭhātumaṃ na labhatīti**

pesalehi saddhim saṁvāsavasenapi patiṭṭhātum na labhati,
visesādhigamavasena pana vattabbameva natthi.

Kāraṇḍavam̐ niddhamathāti vipannasīlatāya kacavarabhūtam̐ puggalam̐ kacavaramiva nirapekkhā apanetha. **Kasambuñcāpakassathā**ti kasaṭabhūtañca nam̐ khattiyādīnam̐ majjhagatam̐ sambhinnam̐ paggharitakuṭṭham̐ caṇḍālam̐ viya apakassatha nikkacḍhatha. Kim̐ kāraṇam̐? Saṁghārāmo nāma sīlavantānam̐ kato, na dussīlanam̐, yato etadeva. **Tato palāpe vāhetha, assamaṇe samaṇamānineti** yathā palāpā antosārahitā ataṇḍulā bahi thusena vīhi viya dissanti, evam̐ pāpabhikkhū antosīlarahitāpi bahi kāsāvādiparikkhārena bhikkhū viya dissanti, tasmā “palāpā”ti vuccanti, te palāpe vāhetha odhunātha vidhamatha. Paramatthato assamaṇe vesamattena samaṇamānineti evam̐ **niddhamitvāna -pa- patissatā**ti. Tattha **kappayavhoti** kappetha, karothāti vuttam̐ hoti. **Patissatā**ti pati pati satā sampajānantā suṭṭhu pajānantā. **Patissatā** vā sappatissā aññamaññam̐ sagāravā. Athevam̐ suddhā suddhehi saṁvāsam̐ kappentā ditṭhisīlasāmaññena **samaggā**. Anukkamena paripākagatapaññatāya **nipakā**. Sabbassevimassa dukkhavaṭṭassa **antam̐ karissatha**, parinibbānam̐ pāpuṇissathāti attho.

Vaṭṭam̐ tesam̐ natthi paññāpanāya sabbaso samucchinnavaṭṭamūlakattā.

Dhammam̐ anussaranti, dhammassa vā anussaraṇasīlāti **dhammānusārino**. Evam̐ **saddhānusārino**pi veditabbā. **Paṭipannassā**ti paṭipajjamānassa, sotāpattimaggaṭṭhopi adhippeto. **Adhimattanti** balavam̐. **Paññāvāhī**ti paññam̐ vāhenti, paññā vā imam̐ puggalam̐ vahatīti paññāvāhītipi vadanti. **Paññāpubbaṅgamanti** paññam̐ purecārikam̐ katvā. **Ayam̐ vuccatī**ti ayam̐ evarūpo puggalo paññāsāṅkhātena dhammena sarati anussaratīti **dhammānusārī**. **Saddhāvāhī**ti saddham̐ vāhenti, saddhā vā imam̐ puggalam̐ vahatīti saddhāvāhītipi vadanti. **Saddhāpubbaṅgamanti** saddham̐ purecārikam̐ katvā. **Ayam̐ vuccatī**ti ayam̐ evarūpo puggalo saddhāya sarati anussaratīti **saddhānusārī**. **Saddhāmattanti** “ītipi so bhagavā”ti-ādīnā buddhasubuddhatāya saddahanamattam̐. Matta-saddena aveccappasādam̐ nivatteti. **Pemamattanti** yathāvuttasaddhānusārena uppannam̐ tuṭṭhimattam̐. Sinehoti keci. **Evam̐ vipassanam̐ paṭṭhapetvā**

nisinnānanti kalāpasammasanādivasena āradhaviṇṇānaṃ. **Ekā saddhāti** vipassanānusāreṇa svākkhātadhammatā siddhā, tato eva ekā seṭṭhā uḷārā saddhā uppajjati. **Ekam pemaṇṇi** etthāpi eseva nayo. **Sagge ṭhapitā viya hontīti** tesam saddhāpemaṇṇam saggasamvattaniyatāya abyabhicārībhāvamāha. **Cūlasotāpannoti vadanti** ekadesena saccānubodhe ṭhitattā. Sesam suviññeyyameva.

Alagaddūpamasuttavaṇṇanāya līnatthappakāsanā samattā.

3. Vammikasuttavaṇṇanā

249. **Piyavacananti** piyasamudācāro. Viññujātikā hi param piyena samudācarantā “bhavan”ti vā, “devānaṃ piyo”ti vā, “āyasmā”ti vā samudācaranti, tasmā sammukhā sambodhanavasena “āvuso”ti, tirokkham “āyasmā”ti ayampi samudācāro. Mahākassapa-uruvelakassapādayo aññepi kassapanāmakā atthīti “**katarassa kassapassā**”ti pucchanti. **Raññāti** kosalaraññā. “**Sañjānimsū**”ti saṅkhepato vuttamattham vivarituṃ “**ayam panā**”ti-ādi āradham. **Assāti** kumārakassapassa, “sañjānimsū”ti vuttasañjānassa vā. **Puññāni karontoti** kappasatasahassam deveṣu ca manussesu ca nibbatitvā dānādīni puññāni bhāvento. **Osakkanteti** pariḥāyamāne. **Paṭhamanti** kumārīkākāle. **Satthā upālittheram paṭicchāpesi** tam adhikaraṇam vinayakammenevassā bhikkhuniyā pabbajjāya ārogabhāvam.

Paññattivibhāvanāti “andhavanan”tveva paññāyamānassa vibhāvanā. **Olīyatīti** saṅkucati saṅkham vattati. **Bhāṇakoti** sarabhāṇako. **Yam atthi, tam gahetvāti** idāni pariyesitabbaṭṭhānaṃ natthi, yathāgataṃ pana yaṃ atthi, tam gahetvā. **Balavaguṇeti** adhimattaguṇe. Kassapabhagavato kāle niruḷhasamaññāvasena vacanasantatiyā avicchedena ca imasmimpi buddhuppāde tam “andhavanan”tveva paññāyittha, uparūpari vaḍḍhamānāya pathaviyā upari rukkhaḡacchādīsū sañjāyantesupīti¹. **Sekkhapaṭipadanti** sekkhabhāvāvaham visuddhipaṭipattim.

1. Upari rukkhaḡacchādayo sañjāyantevāti (Ka)

Aññatara-saddo apākaṭe viya pākaṭepi vattati eka-saddena samānatthattāti dassetuṃ “**abhijānāti**”ti-ādi vuttam. Bhayabheravadassitampi abhikkanta-saddassa atthuddhāraṃ idha dassento evaṃ heṭṭhā tattha tattha katā atthasaṃvaṇṇanā parato tasmiṃ tasmiṃ suttapadese yathārahaṃ vattabbāti nayadassanaṃ karoti. Kañcanasannibhattacatā suvaṇṇavaṇṇaggahaṇena gahitāti adhippāyenāha “**chaviyan**”ti. Chavigatā pana vaṇṇadhātu eva “suvaṇṇavaṇṇo”ti ettha vaṇṇaggahaṇena gahitāti apare. Vaṇṇīyati kittīyati ugghosananti **vaṇṇo**, thuti. Vaṇṇīyati asaṅkarato vavathapīyatīti **vaṇṇo**, kulavaggo. Vaṇṇīyati phalaṃ etena yathāsabhāvato vibhāvīyatīti **vaṇṇo**, kāraṇaṃ. Vaṇṇanaṃ dīgharassādivasena saṅṭhahananti **vaṇṇo**, saṅṭhānaṃ. Vaṇṇīyati aṇumahantādivasena pamīyatīti¹ **vaṇṇo**, pamāṇaṃ. Vaṇṇeti vikāramāpajjamānaṃ hadayaṅgatabhāvaṃ pakāsetīti **vaṇṇo**, rūpāyatanam. Evaṃ tena tena pavattinimittena vaṇṇa-saddassa tasmiṃ tasmiṃ atthe pavatti veditabbā.

Anavasesattaṃ sakalatā kevalatā. **Kevalakappā**ti ettha keci īsaṃ² asamattā³ kevalā kevalakappāti vadanti, evaṃ sati anavasesattho eva kevala-saddo siyā. Anattantarena pana kappa-saddena padavaḍḍhanaṃ katvā kevalā eva kevalakappā. Tathā vā⁴ kappanīyattā paññāpetabbattā kevalakappā. **Yebhuyyatā** bahulabhāvo. **Abyāmissatā** vijātiyena asaṅkaro suddhatā. **Anatirekatā** taṃmattatā⁵ visesābhāvo. **Kevalakappanti** kevalaṃ dālhaṃ katvāti attho. Kevalaṃ vuccati nibbānaṃ sabbasaṅkhatavivittattā. Tenāha “**visaṃyogādi-anekattho**”ti. Kevalaṃ etassa adhigataṃ atthīti **kevalī**, sacchikatanirodho khīṇāsavo.

Kappa-saddo panāyaṃ sa-upasaggo anupasaggo cāti adhippāyena okappanīyapade labbhamānaṃ okappasaddamattaṃ nidasseti, aññathā kappa-saddassa atthuddhāre okappanīyapadaṃ anidassanameva siyā.

Samaṇakappehīti

-
1. Ṭhapīyatīti (Ka) Saṃ-Ṭī 1. 42 piṭṭhe pana passitabbam.
 2. Īsakaṃ (Am-Ṭī 2. 213; Dī-Ṭī 3. 149 piṭṭhesu.)
 3. Imassa pana sādhippāyo attho Moggallānabyākhyāyaṃ catutthakaṇḍe 120 suttabyākhyāto gahetabbo.
 4. Atha vā (Dī-Ṭī 3. 149 piṭṭhe.)
 5. Taṃparamatā (Dī-Ṭī 3. 149; Saṃ-Ṭī 1. 43; Am-Ṭī 2. 213 piṭṭhesu.)

vinayasiddhehi samaṇavohārehi. **Niccakappanti** niccakālaṃ. **Paññattīti** nāmaṃ. Nāmaṃ hetuṃ tassa āyasmato, yadidaṃ kappoti.

Kappitakesamassūti kattarikāya cheditakesamassu. **Dvaṅgulakappoti** majjhanhikavelāya vītikkantāya dvaṅgulatāvīkappo. **Lesoti** apadeso. anavasesaṃ pharituṃ samatthassa pi obhāsassa kenaci kāraṇena ekadesapharaṇampi siyā, ayaṃ pana sabbasova pharīti dassetuṃ samantattho kappa-saddo gahitoti āha “**anavasesaṃ samantato**”ti.

Samaṇasaññāsamudācārenāti “aham samaṇo”ti evaṃ uppannasaññāsamuṭṭhitena samudācārena, tannimittena vā tabbohārena. **Pubbeyogeti** pubbayogakathāyaṃ. **Papañco esāti** eso tumhesu āgatesu yathāpavatto paṭisanthāro kathāsamudācāro ca ambhākaṃ papañco, ettakampi akatvā samaṇadhamameva karomāti adhippāyo.

Ariyabhūmiṃ pattoti anāgāmiphalaṃ adhigato. Pakkusātikulaputtaṃ sandhāya vadati. **Vibhajitvāti** vibhāgaṃ katvā. **Turitālapanavasenaṃ** turitaṃ ālapanavasena. Tena dullabho ayaṃ samaṇo, tasmā sīghamassa pañho kathetabbo, iminā ca sīghaṃ gantvā satthā pucchitabboti turitaṃ ālapīti dasseti. “**Yathā vā**”ti-ādinā pana vacanālaṅkāravasena dvikkhattuṃ ālapati. **Evamāhāti** “bhikkhu bhikkhū”ti evaṃ dvikkhattuṃ avoca.

Vammikapariyāyena karajakāyaṃ paccakkhaṃ katvā dassentī devatā “**ayaṃ vammiko**”ti āha. Tāya pana bhāvatthassa abhāsittā saddatthameva dassento “**purato thitaṃ -pa- ayanti āhā**”ti avoca. Sesesupi eseva nayo. **Maṇḍūkanti** thalamaṇḍūkaṃ. So hi uddhumāyikāti vuccati, na udakamaṇḍūko. Tassa nivāsato vāto mā kho bādhayitthāti “**uparivātato apagammā**”ti vuttaṃ. Kathaṃ paṇāyaṃ devatā iminā nīhārena ime pañhe therassa ācikkhīti? Keci tāva āhu—yathāsutamattaṃ upamābhāvena gahetvā attano paṭibhānena upameyyattaṃ manasā cintetvā taṃ bhagavāva imassa ācikkhissati, sā ca desanā atthāya hitāya sukhāya hotīti “ayaṃ vammiko”ti-ādinā upamāvaseneva pannarasa pañhe therassa ācikkhi. Kassapasammāsambuddhakāle kira bārāṇasiyaṃ eko seṭṭhi aḍḍho mahaddhano mahantaṃ

nidhānaṃ nidahitvā palighādi-ākārāni kānicipi laṅgāni tattha ṭhapesi. So maraṇakāle attano sahāyassa brāhmaṇassa ārocesi “imasmim ṭhāne mayā nidhānaṃ nidahitaṃ, taṃ mama puttassa viññutaṃ pattassa dassēhī”ti vatvā kālamakāsi. Brāhmaṇo sahāyakaputtassa viññutaṃ pattakāle taṃ ṭhānaṃ dassesi. So nikhānitvā¹ sabbapacchā nāgaṃ passi, nāgo attano puttaṃ disvā “sukheneva dhanam gaṇhatū”ti apagacchi. Svāyamattho tadā loke pākaṭo jāto, ayaṃ pana devatā tadā bārāṇasiyaṃ gahapatikule nibbattitvā viññutaṃ patto satthari parinibbute uraṃ datvā sāsane pabbajito pañcahi sahāyakabhikkhūhi saddhiṃ samaṇadhammakāsi. Ye sandhāya vuttaṃ “pañca bhikkhū nisseṇim bandhitvā”ti-ādi. Tena vuttaṃ “yathāsutamatthaṃ upamābhāvena gahetvā”ti-ādi. Apare pana “devatā attano paṭibhānena ime pañhe evaṃ abhisankharitvā therassa ācikkhī”ti vadanti. **Devaputte nissakkaṃ** devaputtapañhattā tassa atthassa.

251. Catūhi mahābhūtehi nibbattoti **cāumahābhūtikō**. Tenāha “**cāumahābhūtamayassā**”ti. **Vamati** uggiranto viya hotīti attho. **Vantakoti** ucchaḍḍako. **Vantussayoti** upacikāhi vantassa mattikāpiṇḍassa ussayabhūto. **Vantasinehasambaddhoti** vantena kheḷasinehena sampiṇḍito. **Asucikalimalaṃ vamatīti** ettha mukhādīhi pāṇakānaṃ niggamanato pāṇake vamatīti ayampi attho labbhateva. **Ariyehi vantakoti** kāyabhāvasāmaññena vuttaṃ, dukkhasaccapariññāya vā sabbassapi tebhūmakadhammajātassa pariññātattā sabbopi kāyo ariyehi chandarāgappahānena vanto eva. **Taṃ sabbanti** yehi tīhi aṭṭhisatehi ussito, yehi nhārūhi sambaddho, yehi māṃsehi avalitto, yena allacamma pariyonaddho, yāya chaviyā rañjito, taṃ aṭṭhi-ādisabbaṃ accantameva jigucchitvā virattatāya vantameva. “**Yathā cā**”ti-ādinā vattabbopamatopi vammiko viya vammikoti imamatthaṃ dasseti.

Sambhavati etasmāti sambhavo, mātāpettikō sambhavo etassāti **mātāpettikasambhavo**. Tassa. Upaciyati etenāti upacayo, odanakummāsāṃ upacayo etassāti **odanakummāsūpacayo**. Tassa.

Adhuvasabhāvatāya **aniccadhammassa**,
 sedagūthapittasemhādihātukkabhagarubhāvaduggandhānaṃ vinodanāya
ucchādetabbadhammassa, parito sambāhanena **parimadditabbadhammassa**,
 khaṇe khaṇe bhijjanasabhāvatāya **bhedanadhammassa**, tato eva
 vikiraṇasabhāvatāya **viddhamśanadhammassāti** dhamma-saddo paccekāṃ
 yojetabbo. **Tanuvilepanenāti** kāyāvalepanena ucchādanavilepanena.
Aṅgapaccaṅgābādhavinodanattāyāti
 tādīsasamuṭṭhānasarīravikāravigamāya. Yasmā sukkasoṇitaṃ¹ āhāro,
²ucchādanāṃ parimaddanañca² yathārahaṃ uppādassa, vuḍḍhiyā ca
 paccayo, tasmā āha “**mātāpettika -pa- kathito**”ti. **Uccāvabhāvoti**
 yathārahaṃ yojetabbo—odanakummāsūpacaya-
 ucchādanaparimaddanaggahaṇehi **uccabhāvo, vaḍḍhi**,
 mātāpettikasambhavaggahaṇena **samudayo**, itarehi **avabhāvo, parihāni**,
atthaṅgamo pakāsito. Aṅgapaccaṅgānaṃ saṅghāpanampi hi vaṭṭapaccayattā
 vaṭṭanti.

Kodho dhūmoti ettha dhūmapariyāyena kodhassa vuttattā dhūma-saddo
 kodhe vattatīti vuttam “**dhūmo viya dhūmo**”ti. **Bhasmanīti bhasmaṃ**.
Mosavajjanti musāvādo. Dhūmo eva **dhūmāyitaṃ**. Icchā dhūmāyitaṃ
 etissāti **icchādhūmāyitā**, pajā. Icchādhūmāyitasaddassa taṅhāya vutti
 vuttanayā eva. **Dhūmāyantoti** vitakkasantāpena santappento, vitakkentoti
 attho. **Palipotīti** dukkaramahākaddamaṃ. **Timūlanti** tīhi mūlehi patiṭṭhitam
 viya acalam pavattanti vuttam. **Rajo ca dhūmo ca mayā pakāsītīti**
 rajasabhāvakaraṇaṭṭhena “rajo”ti ca dhūmasabhāvakaraṇaṭṭhena “dhūmo”ti
 ca mayā pakāsītā. **Pakatidhūmo** viya aggissa kilesaggijālassa
 paññāṇabhāvato. **Dhammadesanādhūmo** ñāṇaggisandīpanassa
 pubbaṅgamabhāvato. **Ayam rattiṃ dhūmāyanāti** yā divā kattabbakammante
 uddissa rattiyaṃ anuvitakkaṇā, ayam rattiṃ dhūmāyanā.

Sattanaṃ dhammānanti idaṃ sutte³ āgatanayena vuttam. Suttañca
 tathā ārādhana veneyyajjhāsaya vasena. Tadekaṭṭhatāya vā tadanñākilesānaṃ.
Sundarapaññoti nātatiraṇapahānapariññāya paññāya sundarapañño.

1. Sukkasoṇitabhāvitaṃ (Ka) 2-2. Ādito ca parato ca (Ka) 3. Khu 8. 84 piṭṭhe.

Etanti “satthan”ti etaṃ **adhivacanaṃ** saṃkilesadhammānaṃ sasanato samucchindanato. **Tanti** vīriyaṃ. **Paññāgatikameva** paññāya hitasseva adhippetattā. Lokiyāya paññāya ārambhakāle lokiyavīriyaṃ gahetabbaṃ, lokuttarāya paññāya pavattikkhaṇe lokuttaravīriyaṃ gahetabbanti yojanā. **Atthadīpanāti** upameyyatthadīpanī upamā.

Gāmatoti attano vasanaḡāmato. **Manteti** āthabbanamante. Te hi brāhmaṇā araṇṇe eva vācenti “mā aṇṇe assosun”ti. **Tathā akāsīti** cattāro koṭṭhāse akāsī. Evamettha vammikapaṇhasseva vasena upamā āgatā, sesānaṃ vasena heṭṭhā vuttanayena veditabbā.

Laṅganatṭhena nivāraṇatṭhena **laṅgī**, paligho. **Ñāṇamukhetti** vipassanāñāṇavīthiyaṃ. **Patatīti** pavattati. **Kammaṭṭhāna-uggahaparipucchāvasenāti** catusaccakammaṭṭhānassa uggaṇhanena tassa atthaparipucchāvasena ceva vipassanāsaṅkhāta-atthavinicchayaparipucchāvasena ca. Sabbaso ñātuṃ icchā hi paripucchā. Vipassanā ca aniccādito sabbatebhūmakadhammānaṃ ñātuṃ icchati. Evaṃ vipassanāvasena avijjāpahānamāha, uparikattabbasabbhāvato na tāva maggavasena.

Valli-antare vāti vā-saddo paṃsu-antare vā mattikantare vāti avuttavikappattho. **Cittāvilamattakovāti** cittakkhobhamattakova. **Aniggahitoti** paṭisaṅkhānabalena anivārito. **Mukhavikulanaṃ** mukhasaṅkoco. **Hanusañcopanaṃ pāpeti** antojappanāvattḡayaṃ. **Disāvilokanaṃ pāpeti** yattha bādhetabbo ṭhito, taṃdassanattḡaṃ nivāraparivāraṇattḡaṃ. **Daṇḡasatthābhīnipātanti** daṇḡasatthānaṃ parassa upari nipātanāvattḡaṃ. Yena kodhena aniggahitena mātādikam aghātetabbaṃ ugghātetvā “ayuttaṃ vata mayā katan”ti attānampi hanati, taṃ sandhāyetaṃ vuttaṃ “**paraghātanampi attaghātanampi pāpeti**”ti. Yena vā parassa haññamānassa vasena ghātakopi ghātanam pāpuṇāti, tādisassa vasenāyamattho veditabbo. Kodhasāmaññena hetam vuttaṃ “**param ghātetvā attānaṃ ghātetī**”ti. **Paramussadagatoti** paramukkamaṃsagato. Daḡham parissayamāvahatāya **kodhova kodhūpāyāso**. Tenāha “**balavappatto**”ti-ādi.

Dvedhāpathasamā hoti appaṭipattihetubhāvato.

Kusaladhammo na tiṭṭhati nīvaraṇehi nivāritaparamattā.

Samathapubbaṅgamaṃ vipassanaṃ bhāvayato paṭhamaṃ samathena nīvaraṇavikkhambhanaṃ hoti, vipassanā pana tadaṅgavaseneva tāni nīharatīti vuttaṃ “**vikkhambhanatadaṅgavasenā**”ti.

“Kummoḃva aṅgāni sake kapāle”ti-ādīsu¹ kummassa aṅgabhāvena viṣesato pādasīsāni eva vuccantīti āha “**pañceva aṅgāni hontī**”ti. Vipassanācārassa vuccamānattā adhikārato sammasaṇiyyānameva dhammānaṃ idha gahaṇanti “**sabbepi saṅkhatā dhammā**”ti viṣesaṃ katvāva vuttaṃ. Tenāha bhagavā “pañcannetaṃ upādānakkhandhānaṃ adhivacanaṃ”ti.

Sunanti koṭṭanti etthāti **sūnā**, adhikuṭṭananti āha “**sūnāya uparī**”ti.

Asināti maṃsakantanena. **Ghātiyamānā**ti haññamānā vibādhiyamānā.

Vatthukāmānaṃ uparī katvāti vatthukāmesu ṭhapetvā te accādhānaṃ katvā.

Kantitāti chinditā. **Koṭṭitā**ti bilaso vibhajitā. **Chandarāgappahāna**ti

chandarāgassa vikkhambhanappahānaṃ.

Sammattāti mucchitā sammūḷhā. **Nandīrāgaṃ upagamma vaṭṭaṃ**

vaḍḍhentīti sammūḷhattā eva ādīnaḃvaṃ apassantā nandīrāgassa ārammaṇaṃ upagantvā taṃ paribrūhenti. **Nandīrāgabaddhā**ti nandīrāge laggattā tena baddhā. **Vaṭṭe laggantī**ti tebhūmake vaṭṭe sajjanti. Tattha sajjattā eva **dukkhaṃ patvāpi na ukkaṇṭhanti** na nibbindanti. Idha anavaṣesappahānaṃ adhippetanti āha “**catutthamaggena nandīrāgappahānaṃ kathitaṃ**”ti.

Anaṅgaṇasutte² **pakāsito eva** “chandādīhi na gacchantī”ti-ādīnaḃ.

“**Buddho so bhagavā**”ti-ādī “namo karohī”ti³ vuttanamakkārassa

karaṇākāradassanaṃ. **Bodhāyā**ti catusaccasambodhāya. Tathā

damathasamathataraṇapariniḃbānāni ariyamaggavasena veditabbāni.

Samathapariniḃbānāni⁴ pana anupādisesavasenaḃpi yojetabbāni.

Kammaṭṭhānaṃ ahosīti vipassanākammaṭṭhānaṃ ahoṣi. **Etassa pañhassā**ti

etassa pannarasamassa pañhassa attho. Evaṃ itaresuḃpi vattabbaṃ

vipassanākammaṭṭhānaṃ khīṇāsavaguṇehi matthakaṃ pāpento

yathānusandhināva desanaṃ niṭṭhapesi,

1. Saṃ 1. 7 piṭṭhe.

3. Ma 1. 196, 198 piṭṭhesu.

2. Ma-Ṭṭha 1. 157 piṭṭhe.

4. Damathapariniḃbānāni (Ka)

na pucchitānusandhināti adhippāyo. Nanu ca pucchāvasenāyaṃ desanā āraddhāti? Saccam āraddhā, evaṃ pana “pucchāvasiko nikkhepo”ti vattabham, na “pucchānusandhivasena niṭṭhapitā”ti. Antarapucchāvasena desanāya aparivattitattā ārambhānurūpameva pana desanā niṭṭhapitā.

Vammikasuttavaṇṇanāya līnatthappakāsanā samattā.

4. Rathavinītasuttavaṇṇanā

252. Mahāgovindena pariggahitatākittanam tadā magadharājena pariggahitūpalakkhaṇam¹. Tassa hi so purohito. **Mahāgovindoti** purātano eko magadharājāti keci. Gayhatīti gaho, rājūnam gaho **rājagaham**. Nagara-saddāpekkhāya napuṃsakaniddeso. **Aññepettha pakāreti** rājūhi disvā sammā patiṭṭhāpitattā tesam gaham gehabhūtantipi **Rājagaham**. Ārakkhasampatti-ādinā anathuppattihetutāya upagatānam paṭirājūnam gaham gehabhūtantipi² **Rājagaham**, āramarāmaṇīyakādīhi rājate, nivāsasukhatādinā sattehi mamattavasena gayhati, pariggayhatīti vā **rājagahanti** evamādike pakāre. **Buddhakāle ca cakkavattikāle cāti** idam yebhuyyavasena vuttam. **Veḷūhi parikkhittam ahoṣi**, na pana kevalam kaṭṭhakaṇṭhavanameva. Rañño uyyānakāle patiṭṭhāpita aṭṭālakavasena **aṭṭālakayuttam**.

Jananam jāti, jātiyā bhūmi jātibhūmam³, jāyi vā mahābodhisatto etthāti jāti, sā eva bhūmīti jātibhūmam, sā imesam nivāsoti **jātibhūmakāti** āha “**jātibhūmakāti jātibhū mivāsino**”ti. Kassa panāyaṃ jātibhūmīti āha “**taṃ kho panā**”ti-ādi. Tena anaññasādhāraṇāya jātiyā adhippetattā sadevake loke supākaṭṭabhāvato visesanena vināpi visiṭṭhavisayova idha jāti-saddo viññāyatīti dasseti. Tenāha “**sabbaññubodhisattassa jātaṭṭhānasākiyajanaṇapado**”ti. Tatthapi kapilavattthusannissayo padesoti āha “**Kapilavattthāhāro**”ti.

1. Pariggahitabhāvūpalakkhaṇam (Sārattha-Ṭī 2. 112 piṭṭhe.)

2. Gehabhūtantipi (Dī-Ṭī 1. 208 piṭṭhe.)

3. Jātibhūmi (Ka)

Garudhammabhāvavaṇṇanā

Sākiyamaṇḍalassāti sākiyarājasamūhassa. Dasannaṃ appicchakathādīnaṃ vatthu dasakathāvatthu, appicchatādi. Tattha suppatiṭṭhitatāya tassa lābhī **dasakathāvatthulābhī**. Tatthāti dasakathāvatthusmiṃ.

Garukaraṇīyatāya dhammo garu etassāti dhammagaru, tassa bhāvo **dhammagarutā**, tāya. “**Ajjhāsayena¹ veditabbo**”ti vatvā na kevalaṃ ajjhāsayeneva, atha kho kāyavacīpayogehipi veditabboti dassento “**dhammagarutāyeva hī**”ti-ādimāha. **Tiyāmarattim dhammakathaṃ katvāti** ettha “kumbhakārassa nivesane tiyāmarattim vasanto dhammakathaṃ katvā”ti evaṃ vacanasavasena attho veditabbo. Aññathā yathālābhavasena atthe gayhamāne tiyāmarattim dhammakathā katāti āpajjati, na ca taṃ atthi. Vakkhati hi “bahudeva rattinti diyaḍḍhayāmatan”ti. Dasabalādiguṇavisesā viya dhammagāravahetukā parahitapaṭipattipi sabbabuddhānaṃ majjhe bhinnasuvaṇṇaṃ viya sadisā evāti imassa bhagavato dhammagāravakittane “**kassapopi bhagavā**”ti-ādinā kassapabhagavato dhammagāraṃ dasseti.

Cārikaṃ nikkhamīti janapadacārikaṃ caritum nikkhami. Janapadacārikāya akāle nikkhantattā kosalarājādayo vāretum ārabhimṃsu. Pavāretvā hi caraṇaṃ buddhāciṇṇaṃ. Puṇṇāya sammāpaṭipattim paccāsīsanto bhagavā “**kiṃ me karissasī**”ti āha.

Anahātovāti dhammasavanussukkena sāyanhe buddhāciṇṇaṃ nhānaṃ akatvāva. Attahitaparahitapaṭipattīsu ekissā dvinnaṅca atthitāsiddhā² catubbidhatā paṭipattikatā eva nāma hotīti vuttaṃ “**paṭipannako ca nāma -pa- catubbidho hotī**”ti. Paṭikkhepapubbakopi hi paṭipanno atthato paṭipannattho evāti. Kāmaṃ attahitāya paṭipanno tāya sammāpaṭipattiyā sāsanaṃ sobheti, na pana sāsanaṃ vaḍḍheti appossukkabhāvato, na ca kāruṇikassa bhagavato sabbathā manorathaṃ pūreti. Tathā hi bhagavā paṭhamabodhiyaṃ ekasaṭṭhiyā ca arahantesu

1. Uppannaajjhāsayena (Aṭṭhakathāyaṃ.)

2. Atthitānatthitāsiddhā (?)

jātesu “caratha bhikkhave bahujanahitāyā”ti-ādinā¹ bhikkhū parahitapaṭipattiyāṃ niyojesi. Tena vuttamā **“evarūpaṃ bhikkhum bhagavā na pucchati, kasmā? Na mayham sāsanaṃsa vuḍḍhipakkhe ṭhito”**ti.

Samudāyo appakena ūnopi anūno viya hotīti bākulattheraṃ catuttharāsito bahi katvāpi **“asītimahātherā viyā”**ti vuttamā. Asītimahātherasamaññā vā avayavepi² aṭṭhasamāpattisāmaññā viya daṭṭhabbā. Īdise ṭhāne bahūnaṃ ekato kathanam mahatā kaṇṭhena ca kathanam satthu cittārādhanamevāti tehi bhikkhūhi tathā paṭipannanti dassento **“te bhikkhū meghasaddam sutvā”**ti-ādimāha. **Guṇasambhāvanāyāti** vakkhamānaguṇahetukāya sambhāvanāya sambhāvito, na yena kenaci kiccasamatthatādinā.

Garudhamabhāvavaṇṇanā niṭṭhitā.

Appicchatādivaṇṇanā

Appa-saddassa parittapariyāyataṃ manasi katvā āha **“byañjanam sāvasesaṃ viyā”**ti. Tenāha **“na hi tassā”**ti-ādi. Appa-saddo panettha abhāvattthoti sakkā viññāturā **“appābādhattāca sañjānāmī”**ti-ādīsu³ viya.

Attricchatā nāma⁴ atra atra icchāti katvā. **Asantaḡuṇasambhāvanatāti** attani avijjamaṇaṃ guṇānaṃ vijjamaṇānaṃ viya paresaṃ pakāsaṇā. **Saddhoti maṃ jano jānātūti** vattapaṭipattikāra-kavisesalābhīti jānātu **“vattapaṭipatti-āpāthakajjhāyitā”**ti evamaḍina. **Santaḡuṇasambhāvanāti** icchācāre ṭhattvā attani vijjamaṇasīladhutadhammādiguṇavibhāvaṇā. Tādisassa hi paṭiggahaṇe amattaññutāpi hoti.

Gaṇhantoyeva ummujji añṇesaṃ aḡānantānaṃyevāti adhippāyo.

Appicchatāpadhānaṃ puggalādhiṭṭhānaṇa catubbidham icchāpabhedaṃ dassetvā punapi puggalādhiṭṭhānaṇa catubbidham icchāpabhedaṃ dassento **“aparopi**

1. Dī 2. 39, 40, 41; Vi 3. 27 piṭṭhesu.

3. Ma 1. 175; Ma 2. 100 piṭṭhesu.

2. Sattapi, Sattasupi (Ka)

4. Am-Ṭī 1. 112 piṭṭhādīsipi passitabbaṃ.

catubbidho appiccho”ti-ādimāha. **Dāyakassa vasanti** dāyakassa cittavasam. **Deyyadhammassa vasanti** deyyadhammassa appabahubhāvaṃ. **Attano thāmanti** attano yāpanamattakathāmaṃ.

Ekabhikkhupi na aññāsi sosānikavatte sammadeva vuttittā. **Abbokiṇṇanti** avicchedaṃ. **Dutiyo maṃ na jāneyyāti** dutiyo saḥāyabhūtopi yathā maṃ jānitum na sakkuṇeyya, tathā saṭṭhi vassāni nirantaraṃ susāne vasāmi, tasmā **ahaṃ aho sosānikuttamo**.

Dhammakathāya janataṃ khobhetvāti
lomahaṃsanāsādhukārādānacelukkhepādivasena sannipatitaṃ itarañca “kathaṃ nu kho ayyassa santikeva dhammaṃ sossāmā”ti kolāhalavasena mahājanaṃ khobhetvā. **Gatoti** “ayaṃ so, yena rattiyaṃ dhammakathā katā”ti jānanabhayena pariyatti-appicchatāya pariveṇaṃ gato.

Tayo kulaputtā viyāti pācīnavaṃsadāye samaggavāsaṃ vutthā tayo kulaputtā viya. **Pahāyāti** pubbabhāge tadaṅgādivasena pacchā aggamaggeneva pajahitvā.

Appicchatādivaṇṇanā niṭṭhitā.

Dvādasavidhasantosavaṇṇanā

Pakatidubbalādīnaṃ garucīvarādīni naphāsabhāvāvahāni sarīrakhedāvahāni ca hontīti payojanavasena na-atricchatādivasena tāni parivattetvā lahukacīvaraparibhogo na santosavirodhīti āha “**lahukena yāpentopi santuṭṭhova hotī**”ti. Mahagghacīvaraṃ, bahūni vā cīvarāni labhitvāpi tāni vissajjetvā tadaññassa gahaṇaṃ yathāsāruppanaye ṭhitattā na santosavirodhīti āha “**tesaṃ -pa- dhārentopi santuṭṭhova hotī**”ti. Evaṃ sesapaccayesupi yathābalayathāsāruppasantosaniddhesu apisaddaggahaṇe adhippāyo vedītabbo. **Yathāsāruppasantosoyeva aggo** alobhajjhāsayaṃsa ukkaṃsanato.

Dvādasavidhasantosavaṇṇanā niṭṭhitā.

Tividhapavivekavaṇṇanā

Ekoti ekākī. **Gacchatīti** cuṇṇika-iriyāpathavasena vuttam, **caratīti** vihārato bahi sañcāravasena, **viharatīti** divāvihārādivasena. **Kāyavivekoti** ca nekkhammādhimuttassa bhāvanānuyogavasena vivekaṭṭhakāyatā, na jhānavivekamattam. Tenāha “**nekkhammābhiratānan**”ti.

Parisuddhacittānanti nīvaraṇādisamkilesato visuddhacittānam.

Paramavodānappattānanti vitakkāditamtamjhānapaṭipakkhavigamena paramam uttamam vodānam pattānam. **Nirupadhīnanti** kilesupadhi-ādīnam vigamena nirupadhīnam.

Tividhapavivekavaṇṇanā niṭṭhitā.

Pañcavidhasamsaggavaṇṇanā

Samsīdati etenāti samsaggo, rāgo. Savanahetuko, savanavasena vā pavatto samsaggo **savanasamsaggo**. Esa nayo sesesupi. **Kāyasamsaggo** pana kāyaparāmāso. **Itthī vāti** vadhū, yuvatī vā. **Sandhānetunti**¹ pubbenāparam ghaṭetum. **Sotaviññānavīthivasenāti** idam mūlabhūtam savanam sandhāya vuttam, tassa piṭṭhivattakamanodvārikajavanavīthīsu uppannopi rāgo savanasamsaggoyeva. **Dassanasamsaggepi** eseva nayo. **Anitthigandha-abodhisatto** parehi kathiyamānavasena pavattasavanasamsaggassa nidassanam. **Tissadaharo** attanā suyyamānavasena. Tattha paṭhamam jātake veditabbanti itaram dassento “**aharo kirā**”ti-ādīmāha. **Kāmarāgena viddhoti** rāgasallena hadaye appito anto anuviddho.

Soti dassanasamsaggo. **Evam veditabboti** vatthivasena pākaṭam karoti. Tasmim kira gāme yebhuyyena itthiyo abhirūpā dassanīyā pāsādikā, tasmā thero “**sace antogāme na carissasī**”ti āha. Kālasseva pavīṭṭhattā yāgum adāsī, tasmā yāgumeva gahetvā gacchantam “**nivattatha bhante, bhikkham ganhāhi**”ti āhamsu. **Yācitvāti** “na mayam bhante bhikkham dātukamā nivattema, apica idam bhante kāraṇam”ti yācitvā.

1. Sandhāretunti (Ka) Am-Ṭī 3. 160 piṭṭhe pana passitabbam.

Ādito lapanā **ālāpo**, vacanapaṭivacanasena pavatto lāpo **sallāpo**. **Bhikkhuniyā**ti idaṃ nidassanamattaṃ. Yāya kāyacipi itthiyā santakaparibhogavasena uppannarāgopi **sambhogasaṃsaggova**.

Pañcavidhasaṃsaggavaṇṇanā niṭṭhitā.

Gāhagāhakādivaṇṇanā

Bhikkhuno bhikkhuhi kāyaparāmāso kāyasambāhanādivasena. **Kāyasaṃsagganti** kāyaparāmāsasaṃsaggaṃ. **Gāhagāhakoti** gaṇhanakānaṃ gaṇhanakoti attho. **Gāhamuttakoti** ayoniso āmisehi saṅgaṇhanakehi sayāṃ muccanako. **Muttagāhakoti** yathāvuttasaṅgahato muttānaṃ saṅgaṇhanako. **Muttamuttakoti** muccanakehi sayampi muccanako. **Gahaṇavasena** saṅgaṇhanavasena. **Upasaṅkamanti** tato kiñci lokāmisāṃ paccāsīsantā, na dakkhiṇeyyavasena. Bhikkhupakkhe **gahaṇavasenā**ti paccayalābhāya saṅgaṇhanavasenāti yojetabbaṃ. **Vuttanayenā**ti “āmisenā”ti-ādinā vuttanayena.

Ṭhānanti attano ṭhānāvattaṃ. **Pāpuṇitum na deti** uppannameva taṃ paṭisaṅkhānabalena nīharanto vikkhambheti. Tenāha “**mantenā**”ti-ādi. Yathā jīvitukāmo puriso kaṇhasappena, amittena vā saha na saṃvasati, evaṃ khaṇamattampi kilesehi saha na saṃvasatīti attho.

Catupārisuddhisīlam lokiyāṃ lokuttarañca. Tathā **samādhipi**. Vipassanāya pādakā **vipassanāpādakā**ti aṭṭhasamāpattiggahaṇena yathā lokiyasamādhi gahito, evaṃ vipassanāpādakā etesanti **vipassanāpādakā**ti aṭṭhasamāpattiggahaṇeneva lokuttaro samādhi gahito. Yathā hi cattāri rūpajjhānāni adhiṭṭhānaṃ katvā pavatto maggasamādhi vipassanāpādako, evaṃ cattāri arūpajjhānāni adhiṭṭhānaṃ katvā pavattopi. Samāpattipariyāyo pana pubbavohārena veditabbo. Paṭipakkhasamucchedanena sammā āpajjanato vā yathā “**soṭāpattimaggo**”ti. Evamettha sīlasamādhīnampi missakabhāvo veditabbo, na paññāya eva. **Vimuttīti ariyaphalanti** vuttaṃ “**vimuttisampanno**”ti vuttattā. Taṃ hi nipphādanaṭṭhena sampādetabbaṃ, na nibbānanti.

Ettha ca appicchatāya laddhapaccayena paritussati, santuṭṭhatāya laddhā te agadhito amucchito ādīnavadassī nissaraṇapañño paribhuñjati, evambhūto ca katthaci alaggamānasatāya pavivekaṃ paribrūhento kenaci asaṃsaṭṭho viharati gahaṭṭhena vā pabbajitena vā. So evaṃ ajjhāsayasampanno vīriyaṃ ārabhati appattassa pattiyā, anadhigamassa adhigamāya. Ārabhanto ca yathāsamādinnaṃ attano sīlaṃ paccavekkhati, tassa sīlassa suparisuddhataṃ nissāya uppajjati avippaṭisāro, ayamassa **sīlasampadā**. Tassa avippaṭisāramūlakehi pāmojjapītipassaddhisukhehi sammā brūhitaṃ cittaṃ sammadeva sammādhiyati, ayamassa **samādhisampadā**. Tato yathābhūtaṃ jānaṃ passaṃ nibbindati, nibbindaṃ virajjati, virāgā vimuccati, ayamassa **paññāsampadā**. Vimuttacittatā panassa **vimuttisampadā**, tato vimuttito **ñāṇadassananti** etesaṃ dasannaṃ kathāvatthūnaṃ anupubbī veditabbā. Tassa yo dasahi kathāvatthūhi samannāgamo, yaṃ **attahitāya paṭipatti**. Yā nesaṃ paresaṃ saṃkittanaṃ, yaṃ **parahitāya paṭipatti**. Tāsu purimā ñāṇapubbaṅgamā ñāṇasampayuttā ca, itarā karuṇāpubbaṅgamā karuṇāsampayuttā cāti sabbāṃ ñāṇakaruṇākaṇḍaṃ vattabbaṃ.

Dasahi kathāvatthūhi karaṇabhūtehi bhikkhūnaṃ ovādaṃ deti, “bhikkhunā nāma atricchatādike dūrato vajjetvā sammadeva appicchena bhavitabbaṃ”ti-ādīnā taṃ taṃ kathāvatthūṃ bhikkhūnaṃ upadisatīti attho. Upadisanto hi tāni “tehi bhikkhū ovadatī”ti vutto. **Ovadatiyeva** sarūpadassanamattena. **Sukhumaṃ atthaṃ parivattetvāti** evampi appicchatā hoti evampīti appicchatādivasena aparāparaṃ appicchatāvuttiṃ dassetvā tattha sukhumanipuṇaṃ appicchatāsaṅkhātaṃ atthaṃ jānāpetuṃ na sakkoti. **Viññāpetīti** yathāvattehi visesehi viññāpeti. **Kāraṇanti** yena kāraṇena appicchatā ijjhati, taṃ pana “mahicchātādīsu ete dosā, appicchatāya ayamānisaṃso”ti ādīnavānisaṃsadassanaṃ daṭṭhabbaṃ. Sammā hetunā appicchataṃ dassetīti **sandassako**. **Gāhetunti** yathā gaṇhanti, tathā kātuṃ, tattha paṭṭhapetunti attho. **Ussāhajanavasesāti** yathā taṃ samādānaṃ niccalaṃ hoti, evaṃ ussoḷhiyā uppādanavasena sammadeva uttejetīti **samuttejako**. **Ussāhajātetī** appicchatāya jātussāhe. **Vaṇṇaṃvatvā** tattha sampattiṃ āyatiṃca labbhamānaguṇaṃ kittetvā **sampahaṃseti** sammadeva pakārehi

tosetīti **sampahaṃsako**. Evaṃ santuṭṭhi-ādīsu yathārahaṃ yojanā kātabbā.

Gāhagāhakādivaṇṇanā niṭṭhitā.

Pañcalābhavaṇṇanā

253. **Satthu sammukhā evaṃ vaṇṇo abbhuggatoti** iminā tassa vaṇṇassa yathābhūtaguṇasamuṭṭhitataṃ dasseti. **Mandamando viyāti** ati viya acheko viya. **Abalabalo viyāti** ati viya abalo viya. **Bhakuṭṭikabhākuṭṭiko viyāti** ati viya dummukho viya. **Anumassāti** anumasiṭvā, dasa kathāvatthūni sarūpato viśesato ca anupariggahetvāti attho. Pariggaṇhanaṃ pana nesam anupavisanaṃ viya hotīti vuttaṃ “**anupavisitvā**”ti. Sabrahmacārīhi vaṇṇabhāsaṇaṃ eko lābhoti yojanā. Evaṃ sesesupi. **Patthayamāno evamāha** dhammagarutāyāti adhippāyo.

Pañcalābhavaṇṇanā niṭṭhitā.

Cārikādivaṇṇanā

254. Abhiramaṇaṃ abhirataṃ, tadeva anuṇāsikalopaṃ akatvā vuttaṃ “**abhirantaṃ**”ti. Bhāvanapumsakañcetam. **Anabhirati nāma natthi, abhiramitvā ciravīhāropi natthi** sammadeva pariññātavattukattā. Sabbasahā hi buddhā bhagavanto asayhalābhino.

Pubbe dhammagarutākittanapasaṅgena gahitaṃ aggahitañca Mahākassapapaccuggaṇādim ekadesena dassetvā vanavāsītissasāmaṇerassa vatthum vitthāretvā janapadacārikaṃ kathetum “**bhagavā hī**”ti-ādi āraddhaṃ. Ākāsagāmīhi saddhim gantukāmo “**chalaḥhiññānaṃ ārocehi**”ti āha. Saṃghakamma¹ sījhamānāpi upasampadā satthu āṇavaseneva sījhanato “**buddhadāyajjaṃ te dassāmi**”ti vuttanti vadanti. Apara “aparipuṇṇavāsativassasseva tassa upasampadaṃ anujānanto satthā ‘**buddhadāyajjaṃ**

1. Saṃghakammavasena (Dī-Ṭī 1. 287 piṭṭhe.)

te **dassāmi**’ti avocā”ti vadanti. **Upasampādetvā**ti dhammasenāpatinā upajjhāyena upasampādetvā.

Navayojanasatikam majjhimadesapariyāpannameva, tato param nādhippetam dandhatāvasena gamanato. **Samantā**ti gatagataṭṭhānassa catūsu passesu. **Aññenapi kāraṇenā**ti bhikkhūnam samāthavipassanātaruṇabhāvato aññenapi majjhimamaṇḍale veneyyānam ñāṇaparipākādikāraṇena nikkhamati, antomaṇḍalam otarati. **Sattahi vā**ti-ādi “**ekam māsam vā**”ti-ādinā vuttānukkamena yojetabban.

Sarīraphāsukatthāyāti ekasmiṃyeva ṭhāne nibaddhavāsena ussannadhātukassa sarīrassa virecanena¹ phāsubhāvattāyā.

Aṭṭhuppattikālābhikaṅkhanattāyāti

Aggikkhandhūpamasutta²maghadevajātakādidesanānam³ viya dhammadesanāya aṭṭhuppattikālassa ākaṅkhanena.

Surāpānasikkhāpadapaññāpane⁴ viya **sikkhāpadapaññāpanattāyā**.

Bodhaneyyasatte aṅgulimālādike **bodhanattāyā**. Nibaddhavāsaṅca puggalam uddissa cārikā **nibaddhacārikā**.

255. Apariggahabhāvaṃ katthaci alaggabhāvaṃ dassetuṃ “**yūtham pahāya -pa- mattahatthī viyā**”ti vuttam. **Asahāyakiccoti** sahāyakiccarahito sīho viya. Tenassa ekavihāritam tejavantataṅca dasseti. **Tadā pana kāyaviveko na sakkā laddhanti** idamettha kāraṇam daṭṭhabbam. **Bahūhī**ti-ādi pana sabhāvadassanavasena vuttam, therassa parisā suvinītā ciṇṇagaruvāsā garuno icchānurūpameva vattati.

Vuttakāraṇayutte addhānagamane cārikānam vohāro sāsane niruḷhoti āha “**kiñcāpi**”ti-ādi. Kenacideva nimittena kismiñci atthe pavattāya saññāya tannimittarahitepi aññasmiṃ pavatti **ruḷi** nāma. Vijitamārattā **saṅgāma vijayamahāyodho viya**. **Aññam sevitvā**ti⁵ “mama āgatabhāvaṃ satthu ārocchī”ti ārocanattham aññam bhikkhum sevitvā⁶.

1. Vicaraṇena (Dī-Ṭī 1. 287 piṭṭhe.)

2. Am 2. 495 piṭṭhe.

3. Khu 5. 3 piṭṭhe.

4. Vi 2. 144 piṭṭhe.

5. Pesitvāti (Ka)

6. Pesitvā (Ka)

Bhagavā dhammaṃ desento taṃtaṃpuggalajjhāsayānurūpaṃ
 tadanucchavikameva dhammiṃ kathaṃ karotīti dassento
 “**cūlagosiṅgasutte**”ti-ādimāha. Tattha **sāmaggirasānisamsanti** “kacci pana vo
 Anuruddhā samaggā sammodamānā”ti-ādinā¹ sāmaggirasānisamsaṃ
 kathesi. **Āvasathānisamsanti** “sītaṃ uṇhaṃ paṭihanatī”ti-ādinā²
 āvasathapaṭisaṃyuttaṃ ānisamsaṃ. **Satipaṭilābhikanti** Jotipālatthere
 lāmakam ṭhānaṃ oṭṭṇamatte mahābodhipallaṅke pana sabbaññutaṃ
 paṭivijjhitaṃ patthanaṃ katvā pāramiyo pūrento āgato. Tādisassa nāma
 pamādavihāro na yuttoti yathā kassapo bhagavā bodhisattassa satim
 paṭilabhitum dhammiṃ kathaṃ kathesi, tathā ayaṃ bhagavā tameva
pubbenivāsapaṭisaṃyuttakathaṃ bhikkhūnaṃ ghaṭikārasuttam³ kathesi.
Cattāro dhammuddeseti “upaniyati loko addhuvo, atāṇo loko anabhissaro,
 assako loko sabbaṃ pahāya gamanīyaṃ, ūno loko atitto taṇhādāso cā”ti⁴
 ime cattāro dhammuddesse kathesi. Kāmañcete dhammuddesā
raṭṭhapālasutte⁴ āyasmataṃ raṭṭhapālattherena rañño korabyassa kathitā, te
 pana bhagavato eva āharitvā therena tattha kathitāti vuttaṃ
 “**raṭṭhapālasutte**”ti-ādi. Tathā hi vuttaṃ sutte “atthi kho mahārāja tena
 bhagavatā jānatā passatā arahatā sammāsambuddhena cattāro dhammuddesā
 uddiṭṭhā”ti-ādi⁴. **Pānakānisamsakathanti** “aggihuttaṃ mukhaṃ yaññā”ti-
 ādinā⁵ ānumodanaṃ vatvā puna pakiṇṇakakathāvasena
 pānakapaṭisaṃyuttaṃ ānisamsakathaṃ kathesi. **Ekībhāve ānisamsaṃ**
kathesi, yaṃ sandhāya vuttaṃ “atha kho bhagavā Āyasmantaṃ Bhaguṃ
 dhammiyā kathāya sandassesī”ti-ādi⁶. **Anantanayanti**
 aparimāñadesanāyayaṃ appicchatādipaṭisaṃyuttaṃ dhammiṃ kathaṃ.
 Tenāha “**puṇṇa ayampi appicchakathāyevā**”ti-ādi. Bahūhi pariyāyehi
 nānāyayaṃ deseti, kathaṃ tathā desitaṃ thero aññāsīti āha
 “**paṭisambhidāpattassa -pa- ahoṣī**”ti.

Cārikādivaṇṇanā niṭṭhitā.

1. Ma 1. 266 piṭṭhe.

2. Vi 4. 291, 314 piṭṭhesu.

3. Ma 2. 236 piṭṭhe.

4. Ma 2. 256 piṭṭhe.

5. Ma 2. 353; Khu 1. 370 piṭṭhesu.

6. Ma 3. 193 piṭṭhe.

Sattavisuddhipañhavaṇṇanā

256. **Tato paṭṭhāyāti** yadā jātibhūmakā bhikkhū satthu sammukhā therassa vaṇṇaṃ bhāsimsu, tato paṭṭhāya. Sīsānulokī hutvā piṭṭhito piṭṭhito anubandhanaṃ therena samāgame ādaravasena katanti daṭṭhabbaṃ. Tathā hi vuttaṃ pāṭhe “appeva nāmā”ti-ādi, “taramānarūpo”ti ca. Yaṃ pana vuttaṃ aṭṭhakathāyaṃ “**ekasmiṃ thāne nilīnan**”ti-ādi, taṃ akāraṇaṃ. Na hi dhammasenāpati tassa therassa nisinnaṭṭhānaṃ abhiññāññāṇena jānitum na sakkoti. “Kacci nu kho maṃ adisvāva gamissatī”ti ayampi cintā ādaravasenevāti vuttaṃ. Na hi satthāraṃ daṭṭhum āgato sāvako api āyasmā aññātaḥkoṇḍaṇṇo satthukappaṃ dhammasenāpatiṃ tattha vasantaṃ adisvāva gacchanako nāma atthi. **Divāvihārenti** sampadāne upayogavacananti āha “**divāvihāratthāyā**”ti.

257. **Purimakathāyāti** paṭhamālāpe. **Appatitṭhitāyāti** nappavattitāya. **Pacchimakathā na jāyatīti** pacchā vattabbakathāya avasaro na hoti. **Satta visuddhiyo pucchi** diṭṭhasaṃsandanavasena. **Ñānadassanavisuddhi** nāma ariyamaggo. Yasmā tato uttarimpi pattabbaṃ attheva, tasmā “**catupārisuddhisīlādīsu tṭhitassapi brahmacariyavāso matthakaṃ na pāpuṇāti**”ti vuttaṃ. **Tasmāti** brahmacariya vāsassa matthakaṃ appattattā. **Sabbaṃ paṭikkhipīti** sattamampi pañhaṃ paṭikkhipi, itaresu vattabbameva natthi.

Appaccayapariniḥṅanti anupādīsesanibbānamāha. Idāni pakārantarenapī anupādāpariniḥṅanaṃ dassetuṃ “**dvedhā**”ti-ādi vuttaṃ. Tattha **gahaṇūpādānanti** daḥhaggahaṇabhūtaṃ upādānaṃ. Tenāha “**kāmupādānādikan**”ti. **Paccayūpādānanti** yaṃ kiñci paccayamāha. So hi attano phalaṃ upādiyati upādānavasena gaṇhatīti **upādānanti** vuccati. Tenāha “**paccayūpādānaṃ nāma -pa- paccayā**”ti. “Anupādāya āsavehi cittaṃ vimuccatī”ti vacanato¹ **arahattaphalaṃ anupādāpariniḥṅanti kathenti**. Na ca upādāna sampayuttanti upādānehi etaṃ na sahitaṃ nāpi upādānehi saha pavatti hutvā. Na ca kañci dhammaṃ upādiyati kassaci dhammassa ārammaṇakaraṇavasena na

1. Vi 3. 24, 26 piṭṭhesu.

upādiyati. **Parinibbutanteti** aggamaggena
 kātabbakilesaparinibbānapariyosānante jātattā. **Amatadhātumeva**
anupādāparinibbānaṃ kathenti, kathentānañca yathā tassa koci paccayo
 nāma natthi, evaṃ adhigatopi yathā koci paccayo nāma na hoti, tathā
 parinibbānaṃ apaccayaparinibbānanti dassento “**ayam anto**”ti-ādimāha.
Puna puccham ārabhi anupādāparinibbānaṃ sarūpato patiṭṭhāpetukāmo.

258. **Sabbaparivattesūti** sabbesu pañhaparivattanesu, pañhavāresūti
 attho. **Sagahaṇadhamamevāti** “etaṃ mamā”ti-ādinā gaṇhatīti gahaṇaṃ,
 saha gahaṇenāti sagahaṇaṃ, upādāniyanti attho. Vivaṭṭasannissitassa
 abhāvato vaṭṭameva anugatoti **vaṭṭanugato**. Tenāha
 “**catupārisuddhisīlamattassapi abhāvato**”ti. Yo pana catubbidhe
 vivaṭṭūpanissaye sīle ṭhito, sopi “**aññatra imehi dhammehi**”ti vattabbaṃ
 arahati.

Sattavisuddhipañhavaṇṇanā niṭṭhitā.

Sattarathavinītavāṇṇanā

259. **Nissakkavacanametam** “yāva heṭṭhimasopānakaḷevārā”ti-ādīsu
 viya. **Atthoti** payojanaṃ. Cittavisuddhi heṭṭha sīlavisuddhiṃ payojeti tassa
 tadatthattā. **Sīlavisuddhikkiccam katham nāma hoti** samādhisaṃvattanato.
 Samādhisaṃvattanikā hi sīlavisuddhi nāma. **Sabbapadesūti** “cittavisuddhi
 yāvadeva diṭṭhivisuddhatthā”ti-ādīsu sabbapadesu, diṭṭhivisuddhiyaṃ
 ṭhitassa cittavisuddhikkiccam katham nāma hotīti-ādinā yojetabbaṃ.

Sāvattinagaraṃ viya sakkāyanagaraṃ atikkamitabbattā.
Sāketanagaraṃ viya nibbānanagaraṃ pāpuṇitabbattā. **Accāyikassa kiccassa**
uppādakālo viya navameneva khaṇena pattabbassa abhisamayakiccassa
 uppādakālo. Yathārañño sattamena rathavinītena sākete antepuradvāre
 oruḷhassa na tāva kiccam niṭṭhitaṃ nāma hoti, samvidhātabbasaṃvidhānaṃ
 ñātimittagaṇaparivutassa surasabhojanaparibhoge niṭṭhitaṃ nāma siyā,
 evametam ñāṇadassanavisuddhiyā kilese khepetvā tesamyeva
 paṭippassaddhipahānasādhaka-ariyaphalasamaṅgikāle abhisamayakiccam
 niṭṭhitaṃ nāma hoti.

Tenāha “**yogino -pa- kālo daṭṭhabbo**”ti. Tattha **paropaññāsa kusaladhammā nāma** cittuppādapariyāpannā phassādayo paropaññāsa anavajjadhammā. **Nirodhasayaneti** nibbānasayane.

“Visuddhiyo”ti vā “kathāvatthūnī”ti vā atthato ekaṃ, byañjanameva nānanti tesam atthato anaññabhāvaṃ dassetuṃ “**itī**”ti āradham. **Āyasmā puṇṇo dasa kathāvatthūni vissajjesīti** satta visuddhiyo nāma vissajjantopi dasa kathāvatthūni vissajjesi tesam atthato anaññattā. Eteneva dhammasenāpati Sāriputtatthero satta visuddhiyo pucchanto dasa kathāvatthūni pucchīti ayampi attho vuttovāti veditabbo. **Tanti pañham. Kim jānitvā pucchīti** visuddhipariyāyena kathāvatthūni pucchāmīti kim jānitvā pucchi. Dasakathāvatthulābhinaṃ theram visuddhiyo pucchanto pucchitaṭṭhāneyeva pucchanena kim titthakusalo vā pana hutvā visayasmiṃ pucchi, udāhu pānīyattikamatitthehi chinnataṭehi pātentō viya atitthakusalo hutvā apucchitabbaṭṭhāne avisayasmiṃ pucchīti yojanā. Iminā nayena vissajjanapakkhepi atthayojanā veditabbā. Yadatthamassa vicāraṇā āradhā, tam dassentena “**titthakusalo hutvā**”ti-ādim vatvā visuddhikathāvatthūnam atthato anaññattepi ayam viseso veditabboti dassetuṃ “**yam hī**”ti-ādi vuttam. **Tadamināti** yam “saṅkhittam, vitthiṇṇan”ti ca vuttam, tam iminā idāni vuccamānena nayena vidhinā veditabbam.

Ekā sīlavisuddhīti visuddhīsu visum ekā sīlavisuddhi. Dasasu kathāvatthūsu **cattāri kathāvatthūni hutvā āgatā** appicchatādīhi vinā sīlavisuddhiyā asambhavato. **Appicchakathāti**-ādīsu kathāsīsena dasakathāvatthu gahitam, kathetabbattā vā vatthu **kathāvatthūti** vuttam. Evañca upakārato, sabhāvato vā catunnam kathāvatthūnam sīlavisuddhisāṅgaho daṭṭhabbo. Tiṇṇam kathāvatthūnam cittavisuddhisāṅgahepi eseva nayo. **Pañca visuddhiyoti** nāmarūpaparicchedo ditthivisuddhi, sappaccayanāmarūpadassanam kaṅkhāvitaraṇavisuddhi, vipassanupakkilese pahāya uppannam vipassanāñāṇam maggāmaggañāṇadassanavisuddhi, udayabbayañāṇādi navavidhañāṇam paṭipadāñāṇadassanavisuddhi, ariyamaggañāṇam ñāṇadassanavisuddhīti imā pañca visuddhiyo.

Sattarathavinītavāṇṇanā niṭṭhitā.

260. **Sammodituntī** anantaraṃ vuccamānena sammoditum.
Aṭṭhānaparikappenāti akāraṇassa vatthuno parikappanena tadā
 asambhavantaṃ atthaṃ parikappetvā vacanena. **Abhiṇhadassanassā**ti
 niccadassanassa, niyatadassanassāti attho.

Ukkhipīti guṇato kathitabhāvena ukkamseti. **Therassā**ti Āyasmato
 Puṇṇattherassa. **Imasmim̐ thāne** imasmim̐ kāraṇe ekapadeneva sāvaka-visaye
 anaññasādhāraṇaguṇāvikaṇaṇanimittaṃ. Idāni tamevatthaṃ pākaṭataraṃ
 kātum̐ “**amaccam̐ hī**”ti-ādi vuttaṃ. **Apacāyamā**noti pūjayanto.

“Anumassa anumassa pucchitā”ti vuttattā vicāraṇavasenāha “**kiṃ pana
 pañhassa pucchanaṃ bhāriyaṃ udāhu vissajjanaṃ**”ti. **Sahetukam̐ katvā**ti
 yuttāyuttaṃ katvā. **Sakāraṇanti** tasseva vevacanaṃ. **Pucchanampī**ti evaṃ
 sahadhammena pucchitabbamatthaṃ sayam̐ sampādetvā pucchanampi
 bhāriyaṃ dukkaraṃ. **Vissajjanampī**ti sahadhammena vissajjanampi
 dukkaraṃ. Evaṃ hi vissajjento viññūnaṃ cittaṃ ārādhetīti.
Yathānusandhināva desanā niṭṭhitā ādito sapaṛikkhāraṃ silaṃ, majjhe
 samādhim̐, ante vasībhāvappattaṃ paññaṃ dassetvā desanāya niṭṭhāpitattāti.

Rathavinītasuttavaṇṇanāya līnatthappakāsanā samattā.

5. Nivāpasuttavaṇṇanā

261. Nivappatīti nivāpo, nivāpaṃ vatteti, nivāpabhojanaṃ vā etassāti
nevāpiko, nivāpena mige palobhetvā gaṇhanakamāgaviko. **Tiṇabijānī**ti
 nivāpatīṇabījāni. **Vappanti** sassam̐ viya vapitabbaṭṭhena vappaṃ. “Mayam̐
 viya aññe ke īdisam̐ labhissanti”ti **mānamadaṃ āpajjissanti**.
Vissatṭhasatibhāvanti anussāṅkitapaṛisaṅkitabhāvaṃ. Tiracchānā hi
 vijātiyabalavatiracchānavasanaṭṭhānesu sāsāṅkā ubbiggahadayā appamattā
 honti visesato māgavikādīmanussūpacāre, rasataṇhāya pana baddhā
 pamādaṃ āpajjissanti. Nivapati etthāti **nivāpo**, nivāpabhūmi nivāpaṭṭhānaṃ.
 Tenāha “**nivāpaṭṭhāne**”ti. “Yathākāmakaraṇīyā”ti vuttamatthaṃ vivaritum̐
 “**ekam̐**

kirā”ti-ādi vuttaṃ. Tattha **nīvāravanam viyāti** nīvārassa samūho viya. **Nīvāro** nāma araṇṇe sayamjātavīhijāti. **Meghamālā viyāti** meghaghaṭā viya. **Ekagghananti** ekajjham viya aviraḷam. **Pakkamantīti** āsaṅkapaṛisaṅkā hutvā pakkamanti. **Kaṇṇe cālayamānāti** anāsaṅkantānaṃ pahaṭṭhākāradassanaṃ. **Maṇḍalagumbanti** maṇḍalakākārena ṭhitaṃ gumbaṃ.

262. **Kappetvāti** upamābhāvena parikappetvā. Mige attano vase vattāpanaṃ **vasībhāvo**. So eva ijjhanaṭṭhena **iddhi**, pabhāvanaṭṭhena¹ **ānubhāvo**.

263. **Bhayena bhogatoti** bhayena saha sabhayaṃ nivāpaparibhogato. **Balavīriyanti** kāyabalaṅca uṭṭhānavīriyaṅca. Aṭṭhakathāyaṃ pana balameva vīriyaṃ. **Balanti** ca sarīrabalaṃ, taṅca atthato manasikāramaggehi aparāparaṃ saṅcaraṇakavātoti vuttaṃ “**aparāparaṃ saṅcaraṇavāyodhātū**”ti.

264. **Sikkhitakerāṭikāti** paricitaṣaṭṭheyyā, vaṅcakāti attho. **Iddhimanto viya** ānubhāvavanto viya. Pacurajanehi parabhūtā jātāti **parajanā**, mahābhūtā. Tenāha “**yakkhā**”ti. **Samantā sappadesanti** samantato padesavantaṃ vipulokāsasannivāsaṭṭhānaṃ. Tassa pana sappadesatā mahā-okaṣatāyāti vuttaṃ “**mahantaṃ okaṣan**”ti.

265. **Ghaṭṭessantīti** “sabhayasamuṭṭhānaṃ”ti saññādānavasena cittaṃ cetessanti, tāsessantīti attho. **Pariccajissantīti**² nibbisissanti³. **Mahallakoti jātīyā** mahallako jiṇṇo. **Dubbaloti** byādhivasena, pakatiyā vā balavirahito.

267. Nivāpasadisatāya **nivāpoti vā**. Lokapariyāpannaṃ hutvā kilesehi āmasitabbatāya **lokāmisānīti vā**. Vaṭṭe āmisabhūtattā **vattāmisabhūtānaṃ**. **Vasaṃ vattetīti** kāmaguṇehi kāmaguṇe giddhe satte tasseva gedhassa vasena attano vase vattetīti. Tenāha—

1. Pakāsaṇaṭṭhena (Ka)

2. Riñcissantīti (Ka)

3. Nivajjessanti (?)

“Antalikkhacaro pāso, yvāyaṃ carati mānaso.

Tena taṃ bādhayissāmi, na me samaṇa mokkhasī”¹ti.

Ayanti paṭhamamigajātūpamā. Vānapatthassa satova papañcaparadattikā²disaputtadāranikkhamanaṃ sandhāyāha “**saputtabhariyapabbajjāyā**”ti.

268. Kāmato cittassa vimutti idha cetovimuttīti adhippetāti āha “**cetovimutti nāma -pa- uppanna-ajjhāsayo**”ti. Kāme vissajjetvā puna tattha nimuggatāya dutiyasamaṇabrāhmaṇā dutiyamigajātūpamā vuttā.

269. Tatiyasamaṇabrāhmaṇā yathāpariccatte kāme pariccajitvā evaṃ tṭhitā, na dutiyā viya tattha nimuggāti adhippāyena “**kiṃ pana te akaṃsū**”ti pucchati. Itare kāmaṃ ujukaṃ kāmaguṇesu na nimuggā, pariyāyena pana nimuggā diṭṭhijālena ca ajjhotthaṭāti dassento “**gāmanigamajanapadarājadhāniyo**”ti-ādimāha. Diṭṭhijālampi taṇhājālānugatamevāti āha “**mārassa pāpimato diṭṭhijālena parikkhipivā**”ti.

271. Khandhakilesābhisaṅkhāramārā vā idha **māra**ggahaṇena gahitāti daṭṭhabbaṃ. **Akkhīni bhindi** daṭṭhumaṃ asamatthabhāvāpādanena. Tenāha “**vipassanāpādakajjhānaṃ**”ti-ādi. Kiñcāpi Māro yaṃ kiñci jhānaṃ samāpannassapi bhikkhuno cittaṃ imaṃ nāma ārammaṇaṃ nissāya vattatīti na jānāti, idhādhippetassa pana bhikkhuno vasena “**vipassanāpādakajjhānaṃ**”ti vuttaṃ. **Teneva pariyāyenāti** “na māraṃ akkhīni bhindi”ti evamādinā yathāvuttapariyāyena. **Adassanaṃ gatoti** etthāpi eseva nayo. Cakkhussa padaṃ patiṭṭhāti ca idha ārammaṇaṃ adhippetam taṃ pariggayha pavattanatoti āha “**appatiṭṭham nirārammaṇaṃ**”ti. **Soti Māro. Disvāti** dassanahetu. Yasmā maggena catusaccadassanahetu āsavā na parikkhīṇā. Phalakkhaṇe hi te khīṇāti vuccantīti.

Loketi sattaloke saṅkhāraloke ca. **Sattavisattabhāvenāti** laggabhāvena ceva savisesaṃ āsattabhāvena ca. **Atha vāti-ādinā niddesanayavasena**³ visattikāpadaṃ niddisati. **Visatāti**

1. Saṃ 1. 113; Vi 3. 28 piṭṭhesu.

2. Pañcamarattikā (Ka)

3. Khu 7. 7; Khu 8. 76, 242 piṭṭhesu.

vitthaṭṭā rūpādīsu tebhūmakadhammesu byāpanavasena. **Visaṭṭā**ti purimavacanameva takārassa ṭakāraṃ katvā vuttaṃ. **Visālā**ti vipulā. **Visakkatī**ti parisakkati sahati. Ratto hi rāgavatthunā pādena¹ tāliyamānopi sahati. Osakkanāṃ, vipphandanāṃ vā **visakkanantipi** vadanti. **Visarṇharatī**ti yathā tathā kāmesu ānisaṃsaṃ dassentī vividhehi ākārehi nekkhammābhimukhappavattito cittaṃ saṃharati saṅkhipati, visaṃ vā dukkhaṃ, taṃ harati upanetīti attho. **Visarṇvādikā**ti aniccādiṃ niccādito gaṇhāpentī visaṃvādikā hoti. Dukkhanibbattakassa kammassa hetubhāvato **visamūlā**, visaṃ vā dukkhadukkhādibhūtā vedanā mūlaṃ etissāti **visamūlā**. Dukkhasamudayattā visaṃ phalaṃ etissāti **visaphalā**. Taṇhāya rūpādikassa dukkhasseva paribhogo hoti, na amatassāti sā “**visaparibhoga**”ti vuttā. Sabbattha niruttivasena saddasiddhi veditabbā. Yo panettha padhāno attho, taṃ dassetuṃ puna “**visālā vā panā**”ti-ādi vuttaṃ. **Nittiṇṇo uttiṇṇoti** upasaggavasena padaṃ vaḍḍhitāṃ, niravasesato vā tiṇṇo **nittiṇṇo**, tena tena maggena uddhamuddhaṃ tiṇṇo **uttiṇṇo**, yaṃ panettha atthato avibhattaṃ, taṃ suviññeyyameva.

Nivāpasuttavaṇṇanāya līnatthappakāsanā samattā.

6. Pāsārāsisuttavaṇṇanā

272. **Sādhu mayanti** ettha **sādhu**-saddo āyācanattho, na “sādhāvuso”ti-ādīsu² viya abhinandanādi-atthoti āha “**āyācantā**”ti. Tenāha pālīyaṃ “labheyyamā”ti-ādi vuttaṃ. **Na sakkonti**, kasmā? **Buddhā hi garū honti**, paramagarū uttamaṃ gāravaṭṭhānaṃ, na yathā tathā upasaṅkamanīyā. Tenāha “**ekacāriko sīho**”ti-ādi.

“**Pakaṭakiriyāyā**”ti saṅkhepena vuttaṃ vivarituṃ “**yaṃ hi**”ti-ādi vuttaṃ. bhagavā sabbakālaṃ kimevamakāsīti? Na sabbakālamevamakāsi. Yadā pana akāsi, taṃ dassetuṃ “**bhagavā paṭhamabodhiyan**”ti-ādi vuttaṃ. **Manussattabhāveti** iminā purisattabhāvaṃ ulliṅgeti. **Dhanapariccāgo kato nāma natthi** bhagavato dharamānakāleti adhippāyo.

1. Parena (Am-Ṭī 2. 383 piṭṭhe.)

2. Saṃ 1. 216; Khu 1. 306 piṭṭhesu.

Mālākacavaranti milātamālākacavaram. **Rajojallam na upalimpati** acchatarachavibhāvato. Vuttam hetam “sukhumattā chaviyā kāye rajojallam na limpatī”ti. Yadi evam kasmā bhagavā nahāyatīti āha “**utuggahaṇatthan**”ti.

Vihāroti jetavanavihāro. **Vīsati-usabham** gāvutassa catuttho bhāgoti vadanti. **Kadācīti** kasmiñci buddhuppāde. **Acalamevāti** aparivattameva anaññabhāvato, mañcānam pana appamahantatāhi pādānam patiṭṭhitatṭhānassa hānivaḍḍhiyo hontiyeva.

Yantanālikāhi paripuṇṇasuvaṇṇarasadhārāhi. **Nhānavattanti** “pabbajitena nāma evam nhāyibhabban”ti nahānacārittam dassetvā. Yasmā bhagavato sarīram sudhantacāmīkarasamānavāṇṇam suparisodhitapavālarucirakaracaraṇāvaram suvisuddhanīlaratanāvaḷisadisakesatanuruham, tasmā taḥam taḥam vinissatajātihigulakarasūpasobhitam upari mahaggharatanāvaḷisañchāditaṃ jaṅgamamiva kanakagirisikharam virocittha. Tasmim ca samaye dasabalassa sarīrato nikkhamitvā chabbaṇṇarasmiyo samantato asītiatthappamāṇe padese ādhāvanti vidhāvanti ratanāvaḷiratanadāmaratanacuṇṇavippakiṇṇam viya pasāritaratanacittakañcanapaṭṭamiva āsiñcamānalākhārasadhārācitamiva ukkāsataniḷipātasamākulamiva nirantaram vippakiṇṇakanīkārakiñkiṇīkapupphamiva vāyuvegasamuddhatacinapiṭṭhacuṇṇarañjitamiva indadhanuvijjulātāvitānasanthatamiva gaganatalam tam ṭhānam pavanañca sammā pharanti. Tena vuttam “**vaṇṇabhūmi nāmesā**”ti-ādi. **Atthanti** upameyyattham. **Upamāyoti** “īdiso ca hotī”ti yathāraḥam tadanucchavikā upamā. **Kāraṇānīti** upamupameyyasambandhavibhāvanāni kāraṇāni. **Pūretvāti** vaṇṇanam paripuṇṇam katvā. **Thāmo veditabbo** “atitthe pakkhando”ti avattabbattā.

273. **Kaṇṇikāti** sarīragatabindukatāni maṇḍalāni. **Parikkhārabhaṇḍanti** uttarāsaṅgam saṅghāṭiñca sandhāya vadati. Kim panāyam nayo buddhānampi sarīre hotīti? Na hoti, vattadassanattam panetam katanti dassetum “**buddhānam panā**”ti-ādi vuttam. Gamanavasena kāyassābhiniharaṇam **gamanābhihāro**. Yathādhippāyāvattanam **adhippāyakopanam**.

Aññatarāya pāramiyāti nekkhammapāramiyā. Vīriyapāramiyāti apare. **Mahābhiniikkhamanassāti** mahantassa carimabhava abhinikkhamanassa. Tam hi

mahantaṃ bhogakkhandhaṃ mahantañca ñātiparivaṭṭaṃ mahantañca cakkavattisiriṃ pajahitvā sadevakassa lokassa samārakassa ca acinteyyāparimeyyabhedassa mahato atthāya hitāya sukhāya pavattatā mahaniyātāya ca mahantaṃ abhinikkhamaṇanti vuccati.

Purimoti “katamāya nu kathāya sannisinnā bhavathā”ti evaṃ vutta-attho. **Kā ca pana voti** ettha ca-saddo byatireke. Tena yathāpucchitāya kathāya vakkhamānaṃ vippakatabhāvaṃ joteti. **Panasaddo** vacanālaṅkāre. Yāya hi kathāya te bhikkhū sannisinnā, sā eva antarākathābhūtā vippakatā visesena puna pucchīyati. **Aññāti** antarā-saddassa atthamāha. Aññattho hi ayaṃ antarā-saddo “bhūmantaraṃ¹ samayantaran”ti-ādīsu viya, **antarāti** vā vemajjheti attho. **Dasakathāvatthunissitāti** “kiṃ sīlaṃ nāma, kathañca pūretabbaṃ, kāni cassa saṃkilesavodānānī”ti-ādinā appicchādinissitā sīlādinissitā ca kathā. **Ariyoti** niddoso. Atha vā atthakāmehi araṇīyoti **ariyo**, ariyānaṃ ayanti vā **ariyoti**. Bhāvanāmanasikāravasena **tuṇhī** bhavanti, na ekaccabāhirakapabbajitā viya mūgabbatasamādānena. **Dutiyajjhānampi ariyo tuṇhībhāvo** vacīsaṅkhārapahānato. **Mūlakammaṭṭhānanti** pārihāriyakammaṭṭhānampi. **Jhānanti** dutiyajjhānaṃ.

274. “Sannipatibhānaṃ vo bhikkhave dvayan”ti² aṭṭhuppattivasena desanā pavattāti tassā uparidesanāya sambandhaṃ dassetuṃ “**dvemā bhikkhave pariyesanāti ko anusandhī**”ti anusandhiṃ pucchati. **Ayaṃ tumhākaṃ pariyesanāti** yā mahābhinikkhamaṇapaṭibaddhā dhammī kathā, sā tumhākaṃ dhammapariyesanā dhammavicāraṇā ariyapariyesanā nāma. **Apāyamagganti** anattābhavaṃ maggaṃ. **Uddesānukkamaṃ bhinditvāti** uddesānupubbim laṅghitvā. **Dhamma**-saddo “amosadhammaṃ nibbānaṃ”ti-ādīsu viya pakatipariyāyo. **Jāyanasabhāvoti** jāyanapakatikoti attho. Sesapadesupi eseva nayo.

Sabbatthāti yathā “puttabhariyaṃ”ti dvandasamāsavasena ekattaṃ, esa nayo sabbattha “dāsīdāsaṃ”ti-ādīsu sabbapadesu. Parato vikāraṃ

1. Abhi-Ṭṭha 1. 4 piṭṭhe.

2. Ma 1. 217; Khu 1. 89, 113, 114 piṭṭhesu.

anāpajjitvā sabbadā jātarūpameva hotīti **jātarūpaṃ**, suvaṇṇaṃ.
 Dhavalasabhāvatāya rañjīyatīti **rajataṃ**, rūpiyaṃ. Idha pana suvaṇṇaṃ
 ṭhapetvā yaṃ kiñci yaṃ kiñci upabhogaparibhogārahaṃ rajataṃteva
 gahitaṃ. Upadhīyati ettha dukkhanti **upadhayo**. **Cutisaṅkhātaṃ maraṇanti**
 ekabhavapariyāpannaṃ khandhanirodhasaṅkhātaṃ maraṇamāha.
 Khaṇikanirodho pana khaṇe khaṇe. Tenāha “**sattānaṃ viyā**”ti. **Samkilissatīti**
 dūsavisena viya attānaṃ¹ dūsissati. Tenāha bhagavā “pañcime bhikkhave
 jātarūpassa upakkilesā ayo lohan”ti-ādi². **Malaṃ gahetvā**ti yehi sahayogato
 malinaṃ hoti, tesāṃ malinabhāvapaccayānaṃ vasena malaṃ gahetvā.
 Jīraṇato jarādhammavāre jātarūpaṃ gahitanti yojanā. Ye pana
 jātidhammavārepi jātarūpaṃ na paṭhanti, tesāṃ itaresāṃ viya
 jīraṇadhammavāre sarūpato anāgatampi upadhiggahaṇena gahitamevāti
 daṭṭhabbaṃ. Pariggahe ṭhitānaṃ pana vasena vuccamāne apākaṭānampi
 jātijarāmaraṇānaṃ vasena yojanā labbhateva. Jātarūpasīsenā cettha
 sabbassapi anindriyabaddhassa gahaṇaṃ daṭṭhabbaṃ,
 puttabhariyādiggahaṇena viya mittāmaccādiggahaṇaṃ.

275. Ariyehi pariyesanā, ariyānaṃ pariyesanāti vā **ariyapariyesanāti**
 samāsadvayaṃ dasseti “**ayaṃ bhikkhave**”ti-ādinā.

276. **Mūlato paṭṭhāyāti** yaṃ mahābhinikkhamaṇassa mūlabhāvesu
 ādīnavadassanaṃ, tato paṭṭhāya. Yasmā te bhikkhū tattha
 mahābhinikkhamaṇakathāya sannisinnā, sā ca nesaṃ antarākathā vippakatā,
 tasmā bhagavā tesāṃ mūlato paṭṭhāya mahābhinikkhamaṇakathaṃ kathetum
 ārabhi. **Ahampi pubbeti** visesavacanaṃ aparipakkañāṇena sayāṃ
 carimabhava tīsu pāsādesu tividhanāṭakaparivārassa dibbasampattisadisāya
 mahāsampattiyā anubhavanaṃ, abhinikkhamitvā padhānapadahanavasena
 attakilamathānuyogañca sandhāyāha. **Anariyapariyesanaṃ pariyesinti**
 etthāpi eseva nayo. **Pañcavaggiyāpīti** yathāsakaṃ gihibhogāṃ anuyuttā taṃ
 pahāya pabbajitvā attakilamathānuyoge ṭhitā satthu
 dhammacakkapavattanadesanāya³ tampi pahāya ariyapariyesanaṃ
 pariyesimsūti.

1. Sattānaṃ sarīraṃ (Ka)

2. Am 2. 13 piṭṭhe.

3. Saṃ 3. 368; Vi 3. 14; Khu 9. 329 piṭṭhesu.

277. Kāmaṃ **dahara**-saddo “daharaṃ kumāraṃ mandam̐ uttānaseyyakan”¹ti ettha bāladārake āgato, “bhadrena yobbanena samannāgato”ti pana vakkhamānattā yuvāvattā idha dahara-saddena vuttāti āha “**taruṇova samāno**”ti. **Paṭhamavayena** ekūnatimsavayattā. Jātiyā hi yāva tettimsavayā paṭhamavayo. **Anādaratthe sāmivacanaṃ** yathā “devadattassa rudantassa pabbajī”ti. Kāmaṃ assumuccanaṃ rodanaṃ, taṃ **assumukhānanti** iminā pakāsitaṃ, taṃ pana vatvā “**rudantānan**”ti vacanaṃ balavasokasamuṭṭhānaṃ ārodanavatturuṃ pakāsetīti āha “**kanditvā rodamānānan**”ti. **Kim kusalanti gavesamānoti** kinti sabbaso avajjarahitaṃ ekantaniyyānikaṃ pariyesamāno. **Varapadanti** vaṭṭadukkhaniissaraṇatthikehi ekantena varaṇiyatṭhena varam, pajjitabbaṭṭhena padam. Tuṅgasarīratāya dīgho, piṅgalacakkhutāya piṅgaloti **dīghapiṅgalo**. **Dhammoti** vinayo, समयoti attho. **Sutvāva uggaṇhinti** tena vuccamānassa savanamatteneva uggaṇhim vācuggataṃ akāsim.

Paṭilapanamattakenāti puna lapanamattakena. Jānātīti nāṇo, nāṇoti vādo nāṇavādo, taṃ **nāṇavādam**. “Vadāmi”ti āgatattā aṭṭhakathāyaṃ “**jānāmi**”ti uttamapurisavasena attho vutto. **Aññepi bahūti** aññepi bahū mama tathābhāvaṃ jānanta “ayaṃ imaṃ dhammaṃ jānāti”ti, “akampaniyatāya thiro”ti vā evaṃ vadanti. **Lābhīti aññāsīti** dhammassa uddisanena mahāpaññatāya “ayaṃ attanā gatamaggaṃ pavedeti, na anussutiko”ti aññāsī. **Assāti** bodhisattassa. **Etadahosīti** etaṃ “na kho āḷāro kālāmo”ti-ādi manasi ahoṣi, cintesīti attho.

Heṭṭhimasamāpattīhi vinā uparimasamāpattīnaṃ sampādanassa asambhavato “**satta samāpattiyo maṃ jānāpesī**”ti āha. **Payogaṃ kareyyanti** bhāvanam̐ anuyuñjeyyanti attho. **Evamāhāti** evaṃ “ahaṃ āvuso”ti-ādimāha, sattannaṃ samāpattīnaṃ adhigamaṃ paccaññāsīti attho.

Anusūyakoti anissukī. Tena mahāpurise pasādam̐ pavedesi. Bodhisattassa tā samāpattiyo nibbattetvā ṭhitassa purimajātiparicayena nāṇassa ca mahantatāya tāsam̐ gati ca abhisamparāyo ca

upaṭṭhāsi. Tena “vaṭṭapariyāpannā evetā”ti nicchayo udapādi. Tenāha “**nāyaṃ dhammo nibbidāya**”ti-ādi. Ekaccānaṃ virāgabhāvanāsamatikkamāvahopi¹ neva tesampi accantāya samatikkamāvaho, sayañca vaṭṭapariyāpannoyeva, tasmā neva vaṭṭe nibbindanattāya, yadaggena na nibbidāya, tadaggena na virajjanattāya, rāgādīnaṃ pāpadhammānaṃ na nirujjanattāya, na upasamattāya, tasmā taṃ abhiññeyyadhammaṃ na abhijānanattāya -pa- samvattatīti yojanā.

Yāvadeva ākiñcaññāyatanupapattiyāti sattasu samāpattīsu ukkaṭṭhaṃ gaheṭvā vadati. Uṭṭhāya samuṭṭhāya acutidhammaṃ pariyesitum yuttattā tañca anatikkantajātidhammamevāti mahāsatto pajahatīti āha “**yañca ṭhānaṃ pāpeti**”ti-ādi. **Tato paṭṭhāyāti** yadā samāpattidhammassa gatiñca abhisamparāyañca abbhaññāsi, tato paṭṭhāya. **Makkhikāvasenāti** bhojanassa makkhikāmissatāvasena **manaṃ na uppādeti** bhuñjitunti adhippāyo. **Mahantena ussāhenāti** idaṃ katipāhaṃ tattha bhāvanānuyogamattam sandhāya vuttam, na aññesaṃ viya kaṣiṇaparikkammādikaraṇaṃ. Na hi antimabhavikabodhisattānaṃ samāpattinibbattane bhāriyaṃ nāma. **Analañkaritvāti** anu anu alaṃkatvā punappunaṃ “Iminā na kiñci payojanan”ti katvā.

278. **Vācāya uggahitamattovāti** ettha pubbe vuttanayānusārena attho veditabbo.

279. Mahāvelā viya **mahāvelā**, vipulavālikapuñjatāya mahanto velātaṭṭo viyāti attho. Tenāha “**mahāvālikarāsīti attho**”ti. Uru maru sikaṭā vālukā vaṇṇu vālikāti ime saddā samānatthā, byañjanaṃeva nānaṃ.

Senā nigacchi nivisi etthāti **senānigamo**, senāya nivīṭṭhatṭhānaṃ. **Senānigāmoti** pana ayaṃ samaññā aparakālikā. Gocaragāmanidassanaṃ cetam. **Uparisuttasminti** mahāsaccakasutte². **Idha pana bodhipallaṅko adhippeto** ariyapariyesanāya vuccamānattā.

1. Ekaccānaṃ bhāvanāsamatikkamāvahopi (Ka)

2. Ma 1. 307 piṭṭhe.

280. “Ñānadassanan”ti ca ekajjhaṃ gahitapadadvayavisayavisesassa anāmaṭṭhattā “me”ti ca gahitattā anavasesaṇe yyāvabodhanasamatthameva ñāṇavisesaṃ bodheti, na ñāṇamattam, na dassanamattanti āha “**sabbadhammadassanasamatthaṇca me sabbaññutaññāṇaṃ udapādī**”ti. **Akuppatāyā**ti vimokkhantatāya sabbaso paṭipakkhadhammehi asaṅkhobhanīyatāya. Tenāha “**rāgādīhi na kuppātī**”ti. Ārammaṇasantatāyapi tadārammaṇānaṃ atthi viseso yathā taṃ “āneñjavihāre”ti āha “**akuppārammaṇatāya cā**”ti. **Paccavekkhaṇaṇāṇampi**ti na kevalaṃ sabbaññutaññāṇameva, atha kho yathādhigate paṭivedhasaddhamme ekūnavīsatividhapaccavekkhaṇaṇāṇampi.

281. **Paṭividdhoti**¹ sayambhuñāṇena “idaṃ dukkhan”ti-ādinā paṭimukhaṃ nibbijhanavasena patto, yathābhūtaṃ avabuddhoti attho. **Gambhīro**ti mahāsamuddo viya makasatuṇḍasūciyā aññatra samupacitaparipakkañāṇasambhārehi aññesaṃ ñāṇena alabbhaneyyapaṭiṭṭho. Tenāha “**uttānabhāvapaṭikkhepavacanametān**”ti. Yo alabbhaneyyapaṭiṭṭho, so ogāhitumasakkuṇeyyatāya sarūpato ca passitum na sakkāti āha “**gambhīrattāva duddaso**”ti. **Dukkheṇa daṭṭhabboti** kicchena kenacideva daṭṭhabbo. Yaṃ pana daṭṭhumeva na sakkā, tassa ogāhetvā anu anu bujjhane kathā eva natthīti āha “**duddasattāva duranubodho**”ti. **Dukkheṇa avabujjhitaḥ** avabodhassa dukkarabhāvato. Imasmiṃ ṭhāne “taṃ kim maññatha bhikkhave, katamaṃ nu kho dukkarataraṃ vā durabhisambhavataraṃ vā”ti **suttapadam**² vattabbaṃ. Santārammaṇatāya vā **santo**. Nibbutasabbapariḷāhatāya **nibbuto**. Padhānabhāvaṃ nītoti vā **paṇīto**. Atittikaraṭṭhena **atappako** sādurasabhojanaṃ viya. Ettha ca nirodhasaccaṃ santaṃ ārammaṇanti **santārammaṇaṃ**, maggasaccaṃ santaṃ santārammaṇaṇcāti **santārammaṇaṃ**. Anupasantasabhāvānaṃ kilesānaṃ saṅkhārānaṃ abhāvato nibbutasabbapariḷāhatāya santapaṇītabhāveneva ca asecanakatāya atappakatā daṭṭhabbā. Tenāha “**idaṃ dvayaṃ lokuttarameva sandhāya vuttan**”ti. Uttamañāṇavisayattā **na takkena avacaritaḥ**, tato eva nipuṇaṇāṇagocaratāya ca **saṇho**. Sukhumasabhāvattā ca **nipuṇo**, bālānaṃ

1. Dī-Ṭī 2. 57; Saṃ-Ṭī 1. 229; Sārattha-Ṭī 3. 151 piṭṭhādīsupi passitabbaṃ.

2. Saṃ 3. 395 piṭṭhe.

avisayattā paṇḍitehi¹ eva veditabboti **paṇḍitavedanīyo**. Ālīyanti abhiramitabbaṭṭhena sevīyantīti **ālayā**, pañca kāmaguṇā. Ālayanti allīyanti abhiramaṇavasena sevantīti **ālayā**, taṇhāvicarītāni. **Ramantīti** ratim vindanti kīḷanti laḷanti. **Ālayaratāti** ālayaniratā.

Thānaṃ sandhāyāti thāna-saddaṃ sandhāya. Atthato pana **thānanti** ca paṭiccasamuppādo eva adhippeto. Tiṭṭhati phalaṃ tadāyattavuttitāyāti **thānaṃ**, saṅkhārādīnaṃ paccayabhūtā avijjādayo. Imesaṃ saṅkhārādīnaṃ paccayāti idappaccayā, avijjādayova. Idappaccayā eva **idappaccayatā** yathā “devo eva devatā”ti, idappaccayānaṃ vā avijjādīnaṃ attano phalaṃ pati paccayabhāvo² uppādanasamatthata **idappaccayatā**. Tena samatthapaccayalakkhaṇo³ paṭiccasamuppādo dassito hoti. Paṭicca samuppajjati phalaṃ etasmāti **paṭiccasamuppādo**. Padadvayenapi dhammānaṃ paccayattho eva vibhāvito. Tenāha “**saṅkhārādipaccayānaṃ etaṃ adhivacanaṃ**”ti. Ayamettha saṅkhepo, vitthāro pana **visuddhimaggasaṃvaṇṇanāyaṃ**⁴ vuttanayena veditabbo.

Sabbasaṅkhārasamatho-ādi sabbanti

sabbasaṅkhārasamathādisaddābhidheyyaṃ sabbaṃ atthato **nibbānameva**. Idāni tassa nibbānabhāvaṃ dassetuṃ “**yasmā hī**”ti-ādi vuttaṃ. **Tanti** nibbānaṃ. **Āgammāti** paṭicca ariyamaggassa āramaṇapaccayabhāvahetu. **Sammantīti** appaṭisandhikūpasamavasena⁵ sammanti. Tathā santā savisesaṃ upasanta nāma hontīti āha “**vūpasammantī**”ti. Etena “sabbe saṅkhārā sammanti etthāti **sabbasaṅkhārasamatho**, nibbānaṃ”ti dasseti. Sabbasaṅkhatavisamīyutte ca nibbāne sabbasaṅkhāravūpasamapariyāyo heṭṭhā vuttanayeneva veditabbo. Sesapadesupi eseva nayo. **Paṭinissaṭṭhāti** samucchadavasena pariccattā hontī. **Sabbā taṇhāti** aṭṭhasatappabhedā sabbāpi taṇhā. **Sabbe kilesarāgāti** kāmarāgarūparāgādibhedā sabbepi kilesabhūtā rāgā, sabbepi vā kilesā idha “kilesarāgā”ti veditabbā, na lobhavesā eva cittassa

1. Avisayattā yathāvuttehi paṇḍitehi (Ka)

2. Paccayabhāve (Ka)

3. Paramatthapaccayalakkhaṇo (Dī-Ṭī 2. 59; Saṃ-Ṭī 1. 230 piṭṭhesu.)

4. Visuddhi-Ṭī 2. 228 piṭṭhe.

5. Paṭipassaddhi vūpasamavasena (Saṃ-Ṭī 1. 230 piṭṭhe.)

vipariṇatabhāvāpādanato¹. Yathāha “rattampi cittaṃ vipariṇataṃ, duṭṭhampi cittaṃ vipariṇataṃ, mūḷhampi cittaṃ vipariṇatan”ti². **Virajjantī**ti palujjanti.

Ciranisajjācirabhāsanēhi piṭṭhi-āgilāyanatālugalasosādivasena **kāyakilamatho** ceva **kāyavihesā** ca veditabbā. Sā ca kho desanāya atthaṃ ajānantānaṃ vasena vuttā, jānantānaṃ pana desanāya kāyaparissamopi satthu aparissamova. Tenāha bhagavā “na ca maṃ dhammādhikaraṇaṃ vihesesī”ti³. Tenevāha “**yā ajānantānaṃ desanā nāma, so mama kilamatho assā**”ti. **Ubhayanti** cittakilamatho ceva cittavihesā cāti ubhayampetaṃ **buddhānaṃ natthi** bodhimūleyeva samucchinnatā.

Anubrūhanaṃ sampiṇḍanaṃ. **Soti** “apissū”ti nipāto. **Manti** paṭi-saddayogena sāmī-atthe upayogavacananti āha “**mamā**”ti. Vuddhippattā vā acchariyā **anacchariyā**. Vuddhi-atthopi hi a-kāro hoti yathā “asekkhā dhammā”ti⁴. Kappānaṃ satahassaṃ cattāri ca asaṅkhyeyyāni sadevakassa lokassa dhammasaṃvibhāgakarāṇatthameva pāramiyo pūretvā idāni adhigatadhammarajjassa tattha apposukkatāpattidīpanatā⁵, gāthātthassa acchariyatā, tassa vuddhippatti cāti veditabbā. Atthadvārena hi gāthānaṃ anacchariyatā. **Gocarā ahesunti** upaṭṭhaheṣuṃ. Upaṭṭhānañca vitakketabbatāti āha “**parivittakkayitabbataṃ pāpuṇimsū**”ti.

Yadi sukhāpaṭipadāva, kathaṃ kicchātāti āha “**pāramipūraṇakāle panā**”ti-ādi. **Evamādīni** duppariccajāni **dentassa**. **Ha**-iti vā “byattan”ti etasmim atthe nipāto. Ekamsattheti keci. Ha byattaṃ, ekamsena vā alaṃ nippayojanaṃ evaṃ kicchena adhigatassa dhammassa desitunti yojanā. **Halanti** vā “alan”ti iminā samānatthaṃ padaṃ “halanti vadāmī”ti-ādīsu⁶ viya. **Rāgadosapariphuṭṭhehī**ti phuṭṭhavisena viya sappena rāgena dosena ca samphuṭṭhehi abhibhūtehi. **Rāgadosānugatehī**ti rāgena ca dosena ca anubandhehi.

1. Pariḷāhabhāvāpādanato (Saṃ-Ṭī 1. 231 piṭṭhe.)

3. Khu 1. 86 piṭṭhe Udāne.

5. Apposukkatāpattidīpanatā (Sārattha-Ṭī 3. 153 piṭṭhe.)

6. Dī-Ṭī 2. 60; Saṃ-Ṭī 1. 232 piṭṭhesupi.

2. Vi 1. 174 piṭṭhe.

4. Abhi 1. 2 piṭṭhe.

Kāmarāgarattā bhavarāgarattā ca nīvaraṇehi nivutatāya, diṭṭhirāgarattā viparītābhinivesena. **Na dakkhantī**ti yāthāvato dhammaṃ na paṭivijjhissanti. **Evam gāhāpetunti** “anicca”ti-ādinā sabhāvena yāthāvato dhammaṃ jānāpetuṃ. Rāgadosaparetatāpi nesaṃ sammūlhabhāvenevāti āha “**tamokhandhena āvuṭā**”ti.

282. Dhammadesanāya appossukatāpattiyā kāraṇaṃ vibhāvetuṃ “**kasmā panā**”ti-ādinā sayameva codanaṃ samuṭṭhāpeti. Tattha **aññātaveseṇā**ti imassa bhagavato sāvaka bhāvūpagamanena aññātarūpena. Tāpasaveseṇāti keci. So pana arahattādhigameneva vigaccheyya. Tividhaṃ kāraṇaṃ appossukatāpattiyā paṭipakkhassa balavabhāvo, dhammassa gambhīratā, tattha ca sātisaṃ gāravanti, taṃ dassetuṃ “**tassa hī**”ti-ādi āradhaṃ. (Tattha **paṭipakkhā** nāma rāgādayo kilesā sammāpaṭipattiyā antarāyakarattā. Tesāṃ balavabhāvato ciraparibhāvanāya sattasantānato dubbisodhiyatāya te satte mattahatthino viya dubbalapurisaṃ adhibhavitvā ajjhottharivā anayabyasanaṃ āpādentā anekasatayojanāyā mavitthāraṃ sunivitaṃ ghanasannivesaṃ kaṇṭakaduggampi adhisenti. Dūrappahedaducchejjatāhi dubbisodhiyataṃ pana dassetuṃ “**athassā**”ti-ādi vuttaṃ. Tattha ca anto amaṭṭhatāya **kiñjiyapunnā lābu**, ciraparivāsikatāya **takkabharitā cāṭi**, snehatintadubbalabhāvena **vasāpītapilotikā**, telamissitatāya **añjanamakkhitahattho** dubbisodhanīyā vuttā, hīnūpamā cetā rūpapabandhabhāvato acirakālikattā ca malīnatāya, kilesasaṃkilesa eva pana dubbisodhanīyataro anādikālikattā anusayitattā ca. Tenāha “**atisaṃkiliṭṭhā**”ti. Yathā ca dubbisodhanīyataratāya, evaṃ gambhīraduddasaduranubodhānampi vutta-upamā hīnūpamāva.)¹

Paṭipakkhavigamanena gambhīropi dhammo supākaṭo bhaveyya, paṭipakkhavigamaṇaṃ pana sammāpaṭipattipaṭibaddhaṃ, sā saddhammassavanādhīnā, taṃ sathari dhamme ca pasādāyattaṃ, so garuṭṭhāniyānaṃ ajjhesanahetukoti panālikāya sattānaṃ dhammasampaṭipattiyā brahmayācanānimittanti taṃ dassento “**apicā**”ti-ādimāha.

1. () Etthantare pāṭho porāṇapothake na dissati. Dī-Ṭī 2. 61; Saṃ-Ṭī 1. 232 piṭṭhesuyeva dissati.

Upakkilesabhūtaṃ appaṃ rāgādirajaṃ etassāti apparajaṃ, apparajaṃ akkhi paññācakkhu yesaṃ te taṃsabhāvāti katvā **apparajakkhajātikāti** ayamatto vibhāvito “**paññāmaye**”ti-ādinā. Appaṃ rāgādirajaṃ yesaṃ taṃsabhāvā **apparajakkhajātikāti** evampi saddattho sambhavati. Dānādidasapuññakiriyavatthūni saraṇagamanaparāhitapariṇāmanehi saddhiṃ (dvādasa hontīti)¹ “**dvādasapuññakiriyavasenā**”ti vuttaṃ.

Rāgādimalena **samalehi** pūraṇādīhi **chahi satthārehi** satthupaṭiññehi kabbaracanāvasena cintākavi-ādibhāve ṭhatvā takkapariyāhataṃ vīmaṃsānucaritaṃ sayāṃ paṭibhānaṃ **cintito**. Te kira buddhakoḷāhalānussavena sañjātakutūhalaṃ lokaṃ vañcetaṃ kohaññe ṭhatvā sabbaññutaṃ paṭijānantaṃ yaṃ kiñci adhammaṃyeva dhammoti dīpesuṃ. Tenāha “**te hi puretaraṃ uppajjitvā**”ti-ādi. **Apāpuretanti** etaṃ kassapassa bhagavato sāsānantaradhānato pabhuti pihitaṃ nibbānanagarassa mahādvāraṃ ariyamaggaṃ saddhammadesanāhatthena apāpura vivara.

Selapabbato ucco hoti thiro ca, na paṃsupabbato missakapabbato cāti āha “**sele yathā pabbatamuddhanī**”ti. **Dhammamayaṃ pāsādanti** lokuttaradhammāha. So hi sabbaso pasādāvaho, sabbadhamme atikkamma abbhuggataṭṭhena pāsādasadiso ca. Paññāpariyāyo vā idha **dhamma-saddo**. Sā hi abbhuggataṭṭhena “pāsādo”ti **abhidhamme**² niddiṭṭhā. Tathā cāha—

“Paññāpāsādamāruya, asoko sokiniṃ paṃjaṃ.

Pabbataṭṭhova bhūmaṭṭhe, dhīro bāle avekkhati”ti³.

Uṭṭhehīti vā dhammadesanāya appossukkatāsaṅkhātasaṅkocāpattito kilāsubhāvato uṭṭhaha.

283. Garuṭṭhāniyaṃ payirupāsivā garutaraṃ payojanaṃ uddissa abhipatthanā ajjhesanā, sāpi atthato yācanāva hotīti āha “**ajjhesananti yācanan**”ti. Padesavisayaṃ ñāṇadassanaṃ ahutvā

1. () Osānasodhakehi pakkhittapāṭho.

2. Abhi-Ṭṭha 1. 192 piṭṭhe.

3. Khu 1. 17 piṭṭhe Dhammapade.

buddhānamyeva āveṇikabhāvato idaṃ nāṇadvayaṃ “buddhacakkhū”ti vuccatīti āha “imesaṃ hi dvinnaṃ nāṇānaṃ buddhacakkhūti nāmaṃ”ti. **Tiṇṇaṃ maggañāṇānanti** heṭṭhimānaṃ tiṇṇaṃ maggañāṇānaṃ “**dhammacakkhū**”ti nāmaṃ catusaccadhammadassanamattabhāvato¹. Yato tāni nāṇāni vijjūpamabhāvena vuttāni, aggamaḡgañānaṃ pana nāṇakiccassa sikhāppattiyā na dassanamattaṃ hotīti “dhammacakkhū”ti na vuccati, tato taṃ vajirūpamabhāvena vuttaṃ. **Vuttanayenāti** “apparajakkhā”ti ettha vuttanayena. Yasmā mandakilesā “**apparajakkhā**”ti vuttā, tasmā bahalakilesā “**mahārajakkhā**”ti veditabbā. Paṭipakkhavidhamanasamatthatāya **tikkhāni** sūrāni visadāni, vuttavipariyāyena **mudūni**. **Saddhādayo ākārāti** saddahanādippakāre vadati. **Sundarāti** kalyāṇā. **Sammohavinodaniyaṃ**² pana “yesaṃ āsayādayo koṭṭhāsā sundarā, te svākārā, viparītā dvākārā”ti vuttaṃ, taṃ imāya atthavaṇṇanāya aññadatthu saṃsandati sameṭīti daṭṭhabbaṃ. **Kāraṇaṃ** nāma paccayākāro, saccāni vā.

Ayaṃ panettha pālīti ettha apparajakkhādīpadānaṃ atthavibhāvane ayaṃ tassatthassa vibhāvanī pālī. **Saddhādīnaṃ** vimutti-paripācaka-dhammānaṃ balavabhāvo tappaṭipakkhānaṃ pāpadhammānaṃ dubbalabhāveneva hoti, tesaṃca balavabhāvo saddhādīnaṃ dubbalabhāvenāti vimutti-paripācaka-dhammānaṃ atthitānathitāvasena apparajakkhamahārajakkhatādayo pālīyaṃ vibhajitvā dassitā. **Khandhādayo** eva lujjanapalujjanaṭṭhena **loko**. **Sampattibhavabhūto loko sampattibhavaloko**, sugatisaṅkhāto upapattibhavo. **Sampatti sambhavati** etenāti **sampattisambhavaloko**. **Sugatisaṃvattaniyo kammabhavo**. **Duggatisaṅkhāta-upapattibhavaduggatisaṃvattaniyakammabhavā vipattibhavalokavipattisambhavalokā**.

Puna ekakadukādivasena lokaṃ vibhajitvā dassetuṃ “**eko loko**”ti-ādi vuttaṃ. **Āhārādayo** viya hi āhāraṭṭhitikā saṅkhārā lujjanapalujjanaṭṭhena lokoti. Ettha **eko loko sabbe sattā āhāraṭṭhitikāti** yāyaṃ puggalādhiṭṭhānāya kathāya sabbasaṅkhārānaṃ paccayāyattavutti, tāya sabbe saṅkhārā ekova loko ekavidho pakārantarassa abhāvato. **Dve lokāti-ādīsupi**

1. Catusaccammedassananti katvā dassanamattabhāvato (Dī-Ṭī 2. 62 piṭṭhe.)

2. Abhi-Ṭītha 2. 440 piṭṭhe.

iminā nayena attho veditabbo. Nāmaggaṇena cettha nibbānassa aggahaṇaṃ tassa alokasabhāvattā. Nanu ca **āhāraṭṭhitikā**ti ettha paccayāyattavuttitāya maggaphalānampi lokatā āpajjatīti? Nāpajjati pariññeyyānaṃ dukkhasaccadhammānaṃ idha “loko”ti adhippetattā. Atha vā na lujjati na palujjatīti yo gahito tathā na hoti, so lokoti taṃgahaṇarahitānaṃ lokuttarānaṃ natthi lokatā. Upādānaṃ ārammaṇabhūtā khandhā **upādānakkhandhā**. **Dasāyatanā**ti dasa rūpāyatanāni. Sesamettha suviññeyyameva.

Vivaṭṭajjhāsayaassa adhippetattā tassa ca sabbaṃ tebhūmakakammaṃ garahitabbaṃ vajjitabbaṃca hutvā upaṭṭhātīti vuttaṃ “**sabbe abhisankhārā vajjaṃ, sabbe bhavagāmikammā vajjan**”ti. Apparajakkhamahārajakkhādīsu pañcasu dukesu ekekaṃ dasa dasa katvā “**paññāsāya ākārehi imāni pañcindriyāni jānāti**”ti vuttaṃ. Atha vā anvayato byatirekato ca saddhādīnaṃ indriyānaṃ paropariyattaṃ jānātīti katvā tathā vuttaṃ. Ettha ca apparajakkhādibhādivasena āvajjentassa bhagavato te satta puñjapuñjāva hutvā upaṭṭhahanti, na ekekā.

Uppalāni ettha¹ santīti **uppalinī**, gacchopi jalāsayopi, idha pana jalāsayo adhippetoti āha “**uppalavane**”ti. Yāni udakassa anto nimuggāneva hutvā pusanti vaḍḍhanti, tāni **antonimuggaposīni**. **Dīpitāni**ti aṭṭhakathāyaṃ pakāsītāni, idheva vā “**aññānipī**”ti-ādīnā bhāsītāni².

Ugghaṭṭitaññūti ugghaṭṭitaṃ nāma ñāṇugghaṭṭanaṃ, ñāṇe ugghaṭṭitamatte eva jānātīti attho. Vipañcitaṃ vitthāritameva atthaṃ jānātīti **vipañcitanñū**. Uddesādīhi netabboti **neyyo**. **Saha udāhaṭṭavelāyāti** udāhāre udāhaṭṭamattēveva. **Dhammābhisamayoti** catusaccadhammassa ñāṇena saddhīm abhisamayo. **Ayaṃ vuccatīti** ayaṃ “cattāro satipaṭṭhānā”ti-ādīnā nayena saṃkhittena mātīkāya ṭhapiyamānāya desanānusāreṇa ñāṇaṃ pesetvā arahattaṃ gaṇhituṃ samattho puggalo “**ugghaṭṭitaññū**”ti vuccati. **Ayaṃ vuccatīti** ayaṃ saṃkhittena mātīkaṃ ṭhapetvā vitthāreṇa

1. Etissā (Ka)

2. Dīpitāni (Dī-Ṭī 2. 64 piṭṭhe.)

atthe vibhajyamāne arahattaṃ pāpuṇituṃ samattho puggalo “vipañcitanīṇū”ti vuccati. **Uddesatoti** uddesahetu, uddisantassa, uddisāpentassa vāti attho. **Paripucchatoti** atthaṃ paripucchantaṃ. **Anupubbena dhammābhisamayo hotīti** anukkamena arahattappatti hoti. **Na tāya jātiyā dhammābhisamayo hotīti** tena attabhāvena maggaṃ vā phalaṃ vā antamaso jhānaṃ vā vipassanaṃ vā nibbattetuṃ na sakkoti. **Ayaṃ vuccati puggalo padaparamoti** ayaṃ puggalo byañjanapadameva paramaṃ assāti padaparamoti vuccati.

Kammāvaraṇenāti¹ pañcavidhena ānantariyakammaena. **Vipākāvaraṇenāti** ahetukaṇṭhaṃ sandhiyā. Yasmā pana duhetukānampi ariyamaggapaṭivedho natthi, tasmā duhetukā paṭisandhipi “vipākāvaraṇamevā”ti veditabbā. **Kilesāvaraṇenāti** niyatamicchādīṭṭhiyā. **Assaddhāti** buddhādīsu saddhārahitā. **Acchandikāti** kattukamyatākusalacchandarahitā. Uttarakurukā manussā acchandikaṭṭhānaṃ pavīṭṭhā. **Duppaññāti** bhavaṅgapaññāya parihīnā. Bhavaṅgapaññāya pana paripuṇṇāyapi yassa bhavaṅgaṃ lokuttarassa paccayo na hoti, sopi duppañño eva nāma. **Abhabbā niyāmaṃ okkamituṃ kusalesu dhammesu sammattanti** kusalesu dhammesu sammattaniyāmasaṅkhātaṃ maggaṃ okkamituṃ adhigantuṃ abhabbā. **Na kammāvaraṇenāti**-ādīni vuttavipariyāyena veditabbāni.

Nibbānassa dvāraṃ pavisaṇamaggo. **Vivaritvā ṭhapito** mahākaruṇūpanissayena sayambhuññaṇena adhigatattā. **Saddhaṃ pamuñcantūti** attano saddhaṃ pavesentu, saddahanākāraṃ upaṭṭhapentūti attho. Sukhena akicchena pavattaniyatāya **suppavattitaṃ**. **Na bhāsiraṃ** na bhāsissāmīti cintesiraṃ.

284. Dhammaṃ desessāmīti evaṃ pavattitadhammadesanāpaṭisaṃyuttassa³ vitakkassa sattamasattāhato paraṃ aṭṭhamasattāheyeva uppannattā vuttaṃ “**aṭṭhame sattāhe**”ti. Na itarasattāhāni viya paṭiniyatakiccalakkhitassa aṭṭhamasattāhassa nāma pavattitassa sabbhāvā.

1. Abhi-Ṭṭha 2. 442 piṭṭhepi passitabbam.

2. Paventū (Dī-Ṭṭi 2. 66 piṭṭhe.)

3. ...paṭisaṃyutto (Ka)

Vivaṭanti devatāviggahena vivaṭa-aṅgapaccaṅganiddāya janānaṃ pākaṭaṃ vippakāraṇti attho. “Buddhattaṃ anadhigantvā na paccāgamissāmi”ti uppannavitakkātisayahetukena **pathavīparivattanacetiyam**¹ **nāma dassetvā**. Sākiyakoliyamallarajjavasena **tīpi rajjāni**. **Rukkhamūleti** nigrodhamūle. **Vatvā pakkāmi**, pakkamantiyā cassā mahāsatto ākāraṃ dassesi suvaṇṇathālaggahaṇāya, sā “tumahākaṃ taṃ pariccattamevā”ti pakkāmi.

Divāvihāraṃ katvāti nānāsamāpattiyo samāpajjanena divāvihāraṃ viharitvā. “Kāmaṃ taco ca nhāru ca, aṭṭhi ca avasissatu, upasussabhu sarīre maṃsalohitan”ti-ādinā **sutte**² āgatanayena **caturaṅgavīriyaṃ adhiṭṭhahitvā**.

Navayojananti ubbedhato vuttaṃ, puthulato dvādasayojanā, dīghato yāva cakkavāḷā āyatāti vadanti. Ajjhottharanto upasaṅkamtivā “uṭṭhehi bho siddhattha, ahaṃ imassa pallaṅkassa anucchaviko”ti vatvā tattha sakkhiṃ otārento attano parisāṃ niddisi. Ekappahāreneva “ayameva anucchaviko, ayameva anucchaviko”ti kolāhalamakāsi, taṃ sutvā **mahāsatto -pa- hatthaṃ pasāreti**. Yaṃ sandhāya vuttaṃ—

“Acetanāyaṃ pathavī, aviññāya sukhaṃ dukhaṃ.

Sāpi dānabalā mayhaṃ, sattakkhattuṃ pakampathā”ti³.

Pubbenivāsañānaṃ visodhetvāti ānetvā sambandho sīhāvalokanañāyena. **Vatṭavivaṭtaṃ sammasitvāti** catusaccamanasikāraṃ sandhāyāha. **Imassa pallaṅkassa atthāyāti** pallaṅkasīsena adhigatavisesaṃ dasseti. Tattha hi sikhāppattavimuttisukhaṃ avijahanto antarantarā ca paṭiccasamuppādaṅgaṃ manasikaronto ekapallaṅkena nisīdi. **Ekaccānanti** yā adhigatamaggā sacchikatanirodhā ekadesena ca buddhaguṇe jānanti, tā ṭhapetvā tadaññesaṃ devatānaṃ. **Aññepi buddhattakarāti** visākhāpuṇṇamato paṭṭhāya rattindivaṃ evaṃ niccasamāhitabhāvahetukānaṃ buddhaguṇānaṃ upari

1. Kaṇḍakanivattanacetiyam (Aṭṭhakathāyaṃ, buddhavaṃsa-Ṭṭha 332 piṭṭhepi.)

2. Ma 2. 146; Saṃ 1. 266, 464; Aṃ 1. 52; Aṃ 3. 33; Khu 7. 50, 379 piṭṭhesu.

3. Khu 4. 396 piṭṭhe Cariyāpiṭṭake.

aññepi buddhattasādhakā, “ayaṃ buddho”ti buddhabhāvassa paresaṃ vibhāvanā dhammā kiṃ nu kho atthīti yojanā.

Animisehīti dhammapītivipphāravasena pasādavikasitaniccalatāya nimesarahitehi. **Ratanacaṅkameti** devatāhi māpīte ratanamayacaṅkame. Ratanabhūtānaṃ sattannaṃ pakaraṇānaṃ tattha ca anantanayassa dhammaratanassa sammasanena **taṃ ṭhānaṃ ratanagharacetiyāṃ nāma jātantipi** vadanti. **Evanti** vakkhamānākārena. Chabbaṇṇānaṃ rasmīnaṃ dantehi nikkhamanato **chaddantanāgakulaṃ viyāti** nidassanaṃ vuttaṃ.

Heṭṭhā lohapāsādappamaṇoti navabhūmakassa sabbapaṭhamassa lohapāsādassa heṭṭhā lohapāsādappamaṇo. **Khandhakatṭhakathāyaṃ**¹ pana tattha “bhaṇḍāgāragabbhappamaṇan”ti vuttaṃ.

Paccaggheti abhinave. Paccekāṃ mahagghatāya **paccaggheti** keci, taṃ na sundaraṃ. Na hi buddhā bhagavanto **mahagghaṃ paṭiggaṇhanti** paribhuñjanti vā. **Piṇḍapātanti** ettha manthaṅca madhupiṇḍikaṅca sandhāya vadati. **Ayaṃ vitakkoti** “kassa nu kho ahaṃ paṭhamāṃ dhammaṃ deseyyan”ti ayaṃ parivitakko.

Paṇḍiccenāti samāpattipaṭilābhasaṃsiddhena adhigamaabāhusaccasaṅkhātena paṇḍitabhāvena. **Veyyattiyenāti** samāpattipaṭilābhapaccayena pārihāriyapaññāsaṅkhātena byattabhāvena. **Medhāvīti** tihetukapaṭisandhipaññāsaṅkhātāya taṃtaṃitikkatṭabbatāpaññāsaṅkhātāya ca medhāya samannāgatoti evampettha attho daṭṭhabbo. **Mahājāniyoti** mahāparihāniko. **Āgamanapādāpi natthīti** idaṃ paṭhamāṃ vattabbaṃ, athāhaṃ tattha gaccheyyaṃ, gantvā desiyamānaṃ dhammampissa sotuṃ sotapasādopi natthīti yojanā. Kiṃ pana bhagavatā attano buddhānubhāvena te dhammaṃ ñāpetuṃ na sakkāti? Āma na sakkā. Na hi paratoghosaṃ antarena sāvakānaṃ dhammābhisamayo sambhavati, aññathā itarapaccayarahitassapi dhammābhisamayena bhavitabbaṃ, na ca taṃ atthi. Vuttaṃ hetuṃ “dveme bhikkhave paccayā sammādiṭṭhiyā uppādāya parato ca ghoso ajjhataṅca yonisomanasikāro”ti². Pāḷiyāṃ rāmasseva samāpattilābhītā āgatā, na udakassa, taṃ tassa bodhisattena samāgatakālavasena

1. Vi-Ṭṭha 3. 240 piṭṭhe.

2. Am 1. 86 piṭṭhe.

vuttaṃ. So hi pubbepi tattha yuttappayutto viharanto mahāpurisena khippaññaeva samāpattīnaṃ nibbattitabhāvaṃ sutvā samvegajāto mahāsatte tato nibbijja pakkante ghaṭento vāyamanto nacirasseva aṭṭha samāpattiyo nibbattesi. Tena vuttaṃ “**nevasaññānāsaññāyatane nibbattoti addasā**”ti. Ete aṭṭha brāhmaṇāti sambandho. **Chalaṅgavā**ti chalaṅgaviduno. **Mantanti** mantapadam. “Nijjhāyitvā”ti vacanaseso, mantetvāti attho. **Viyākarimsūti** kathesum.

Yathāmantapadanti lakkhaṇamantasaṅkhāta vedavacanānurūpaṃ. **Gatī** paṭipannā. “Dveva gatiyo bhavanti anañña”¹ti vuttaniyāmena nicchinitum asakkontā brāhmaṇā vuttameva paṭipajjimsu, na mahāpurisassa buddhabhāvappattiṃ paccāsīsimsu. **Ime pana** koṇḍaññādayo **pañca** “ekaṃsato buddho bhavissati”ti jātanicchayattā **mantapadam atikkantā**. **Puñṇapattanti** tuṭṭhidānaṃ. **Nibbitakkāti** nibbikappā, na dvedhā takkā.

Vappakāleti vapanakāle. Vapanattham bījāni nīharaṇantena tattha aggaṃ gahetvā dānaṃ **bījaggadānaṃ** nāma. **Lāyanaggādisupi** eseva nayo. Dhaññaphalassa nātipariṇatakāle **puthukakāle**. **Lāyaneti** sassalāyane. Yathā lūnaṃ hatthakaṃ katvā veṇivasena bandhanaṃ **veṇikaraṇam**. Veṇiyo pana purisabhāravasena bandhanaṃ **kalāpo**. Khale kalāpānaṃ ṭhapanadivase aggaṃ gahetvā dānaṃ **khalaggam**. Madditvā vihīnaṃ rāsikaraṇadivase aggaṃ gahetvā dānaṃ **bhaṇḍaggam**. Koṭṭhāgāre dhaññassa pakkhipanadivase dānaṃ **koṭṭhaggam**. **Uddharitvāti** khalato dhaññassa uddharitvā. **Navannaṃ aggadānānaṃ dinnattāti** idaṃ tassa rattaññūnaṃ aggabhāvattāya katābhinihārānurūpaṃ pavattitasāvakaṇāramiyā ciṇṇante pavattitattā vuttaṃ. Tiṇṇampi hi bodhisattānaṃ taṃtampāramiyā sikhāppattakāle pavattitaṃ puññaṃ apuññaṃ vā garutaravipākameva hoti, dhammassa ca sabbapaṭhamam sacchikiriyāya vinā katham rattaññūnaṃ aggabhāvasiddhīti. **Bahukārā kho ime pañcavaggiyāti** idaṃ pana upakārānussaraṇamattakameva paricayavasena ālārudakānussaraṇam viya.

285. **Vivareti** majjhe. Tenāha “**tiḡāvutantare ṭhāne**”ti. **Ayojyamāne upayogavacanam na pāpuṇāti** sāmivacanassa pasaṅge

1. Dī 1. 83; Dī 2. 14; Dī 3. 117, 118; Ma 2. 335, 350 piṭṭhesu.

antarā-saddayogena upayogavacanassa icchitattā. Tenāha “**antarāsaddena pana yuttattā upayogavacanaṃ katan**”ti.

Sabbaṃ tebhūmakadhammaṃ abhibhavivā pariññābhisamayavasena atikkamivā. **Catubhūmakadhammaṃ** anavasesaṃ ñeyyaṃ sabbaso ñeyyāvaraṇassa pahīnattā sabbaññutaññāṇena **avedim**.

Rajjanadussanamuyhanādinā **kilesena**. Appahātabbampi kusalābyākataṃ tappaṭibaddhakilesamathanena pahīnattā na hotīti āha “**sabbaṃ tebhūmakadhammaṃ jahivā ṭhito**”ti. **Ārammaṇatoti** ārammaṇakaraṇavasena.

Kiñcāpi lokiyadhammānampi yādiso lokanāthassa adhigamo, na tādiso adhigamo parūpadeso atthi, lokuttaradhamme panassa lesopi natthīti āha “**lokuttaradhamme mayhaṃ ācariyo nāma natthī**”ti. **Paṭibhāgapuggaloti** sīlādīhi guṇehi paṭinidhibhūto puggalo. **Sahetunāti** sahadhammena sapāṭihīrakatāya. **Nayenāti** abhijānanatādividhinā. **Cattāri saccānīti** idaṃ tabbinimuttassa ñeyyassa abhāvato vuttaṃ. **Sayaṃ buddhoti** sayameva sayambhuñāṇena buddho. Vigatapariḷahatāya **sītibhūto**. Tato eva **nibbuto**. **Āhañchanti** āhanissāmi. Veneyyānaṃ amatādhigamāya ugghosanādim katvā satthu dhammadesanā **amatadundubhīti** vuttā.

Anantañāṇo jitakilesoti **anantajino**. **Evampi nāma bhaveyyāti** evaṃvidhe nāma rūparatane īdisena ñāṇena bhavitabbanti adhippāyo. Ayaṃ hissa pabbajjāya paccayo jāto, katādhikāro cesa. Tathā hi bhagavā tena samāgamatthaṃ padasāva taṃ maggaṃ paṭipajji.

Koṭṭhāsasampannāti aṅgapaccaṅgasāṅkhāta-avayavasampannā. **Aṭṭiyatīti** aṭṭo hoti, domanassaṃ āpajjatīti attho.

Avihaṃ upapannāseti avihesu nibbattā. **Vimuttāti** aggaphalavimuttīlā vimuttā. **Te hitvā mānusaṃ dehaṃ, dibbayogaṃ upajjhagunti** te upakādayo mānusaṃ attabhāvaṃ jahivā orambhāgiyasaṃyojanappahānena avihesu nibbattamattāva aggamaggādhigamena dibbayogaṃ uddhambhāgiyasaṃyojanaṃ samatikkamimsu.

286. **Sanṭhapesunti** “neva abhivādetabbo”¹ti-ādinā¹ sanṭhaṃ kiriyākāraṃ akāmsu. Tenāha “**katikaṃ akāmsū**”ti. **Padhānatoti** pubbe anuṭṭhitadukkaracaraṇato. **Pabhāvanti** vācāsamuṭṭhānaṃ, vacīnicchāraṇanti attho. “Ayaṃ na kiñci visesaṃ adhigamissatī”ti **anukkaṇṭhanatthaṃ**. “Mayaṃ yattha katthaci gamissāmā”ti **mā vitakkayittha**. **Obhāsoti** vipassanobhāso. **Nimittanti** kammaṭṭhānamittam. **ekapadenevāti** ekavacaneneva. “Anena pubbepi na kiñci micchā² vuttapubban”ti **satim labhitvā**. Yathābhūtavādīti **uppannagāravā**.

Antovihāreyeva ahosi daharakumāro viya tehi bhikkhūhi pariharito. **Maleti** saṃkilese. Gāmato bhikkhūhi nīhaṭaṃ upanītaṃ bhattaṃ etassāti nīhaṭabhatto, tena **nīhaṭabhattena** bhagavatā. **Ettakaṃ kathāmagganti** “dvemā bhikkhave pariyesanā”ti ārabhitvā yāva “natthi dāni punabbhavo”ti padaṃ, ettakaṃ desanāmaggaṃ. Kāmañcetha “tumhepi mamañceva pañcavaggiyānañca maggaṃ āruḷhā, ariyapariyesanā tumhākaṃ pariyesanā”ti aṭṭhakathāvacanaṃ, tena pana “so kho ahaṃ bhikkhave attanā jātidhammo samāno -pa- asaṃkiliṭṭhaṃ anuttaraṃ yogakkhemaṃ nibbānaṃ ajjhagamanti, atha kho bhikkhave pañcavaggiyā bhikkhū mayā evaṃ ovadiyamānā -pa- Anuttaraṃ yogakkhemaṃ nibbānaṃ ajjhagamaṃsu -pa- natthi dāni punabbhavo”ti imasseva suttapadassa attho vibhāvitoti katvā vuttaṃ “**bhagavā yaṃ pubbe avaca tumhepi mamañceva pañcavaggiyānañca maggaṃ āruḷhā, ariyapariyesanā tumhākaṃ pariyesanāti**. Imaṃ ekameva anusandhiṃ dassento āharī”ti.

287. **Anagāriyānampīti** pabbajitānampi. **Pañcakāmaguṇavasena anariyapariyesanā hoti** gadhitādibhāvena paribhuñjanato. Micchājīvavasenapī anariyapariyesanā hotīti tato visesanatthaṃ “**pañcakāmaguṇavasenā**”ti vuttaṃ sacchandarāgaparibhogassa adhippetattā. Idāni catūsu paccayesu kāmaguṇe niddhāretum “**tatthā**”ti-ādi vuttaṃ. **Paribhogarasoti** paribhogapaccayapītisomanassaṃ. Ayaṃ pana rasasamānatāvasena gahaṇaṃ upādāya “raso”ti vutto, na sabhāvato. Sabhāvena gahaṇaṃ

1. Vi 3. 12 piṭṭhe.

2. Musā (?)

upādāya pītisomanassaṃ dhammārammaṇaṃ siyā, na rasārammaṇaṃ.
Appaccavekkhaṇaparibhogoti paccavekkhaṇarahito paribhogo,
 idamatthitaṃ¹ anissāya gadhitādibhāvena paribhogoti attho. **Gadhitāti**
 taṇhāya baddhā. **Mucchitāti** mucchaṃ mohaṃ pamādaṃ āpannā.
Ajjhogālhāti adhi-ogālhā, taṃ taṃ ārammaṇaṃ anupavisitvā ṭhitā.
Ādīnavaraṃ apassantāti sacchandarāgaparibhoge dosaṃ ajānantā.
 Apaccavekkhitaparibhogahetu-ādīnavaraṃ nissarati atikkamati etenāti
nissaraṇaṃ, paccavekkhaṇañāṇaṃ.

Pāsaraṣinti pāsasamudāyaṃ. Luddako hi pāsaṃ oḍḍento na ekaṃyeva,
 na ca ekasmimyeva ṭhāne oḍḍeti. Atha kho taṃtaṃmigānaṃ
 āgamanamaggaṃ sallakkhetvā tathā tathā oḍḍento bahūyeva oḍḍeti, tasmā
 te cittaṇa ekato gahetvā “**pāsaraṣi**”ti vuttaṃ, vāgurassa vā pāsapadesānaṃ
 bahubhāvato “**pāsaraṣi**”ti vuttaṃ.

Pāsaraṣisuttavaṇṇanāya līnatthappakāsanā samattā.

7. Cūlahatthipadopamasuttavaṇṇanā

288. **Setaparivāroti** setapaṭicchado, setavaṇṇālaṅkāroti attho. Pubbe
 pana “setālaṅkāra”ti assālaṅkāro gahito, idha
 cakkapañjarakubbarādirathāvayavesu kātabbā laṅkāro. **Evaṃ vuttenāti** evaṃ
 “setāya sudan”ti-ādīnā pakārena saṃyuttamahāvagge² vuttana. **Nātimahā**
 yuddhamaṇḍale sañcārasukhatthaṃ. Yodho sārathīti **dvinnam**,
 paharaṇadāyakena saddhim **tiṇṇam vā**.

Nagaraṃ padakkhiṇaṃ karoti nagarasobhanatthaṃ. Idaṃ kira tassa
 brāhmaṇassa jāṇussoṇiṭṭhānantaraṃ jātisiddhaṃ paramparāgataṃ cārittaṃ.
 Tenāha “**ito ettakehi divasehī**”ti-ādi. Cārittavasena nagaravāsinopi tathā
 tathā paṭipajjanti. Puññavādimaṅgalakathane niyuttā **maṅgalikā**.
 Suvatthipatthanāya **sovattikā**. **Ādi**-saddena vandī-ādīnaṃ³ saṅgaho.
Yasasirisampattiyāti yasasampattiyā sirisampattiyā ca, parivārasampattiyā
 ceva vibhavasobhāsampattiyā cāti attho.

1. Imatthaṃ (Ka)

2. Saṃ 3. 4 piṭṭhe.

3. Vandanādīnaṃ (Ka), ettha pana vandīti thutipāṭhako.

Nagarābhīmuḥho pāyāsi attano bhikkhācāraṇelāya. **Paṇḍito maññeti** ettha **maññeti** idaṃ “maññati”ti iminā samānatthaṃ nipātapadaṃ. Tassa iti-saddaṃ ānetvā atthaṃ dassento “**paṇḍitoti maññati**”ti āha. Anumatipucchāvasena cetam vuttam. Tenevāha “**udāhu no**”ti. “Tam kim maññati bhavaṃ vacchāyano samaṇassa gotamassa paññāveyyattiyā”ti hi vuttamevatthaṃ puna gaṇhanto “**paṇḍito maññe**”ti āha. Tasmā vuttam “**bhavaṃ vacchāyano samaṇaṃ gotamaṃ paṇḍitoti maññati, udāhu no**”ti, yathā te khameyya, tathā naṃ kathehīti adhippāyo.

Ahaṃ ko nāma, mama avisayo esoti dasseti. **Ko cāti** hetunissakke paccattavacananti āha “**kuto cā**”ti. Tathā cāha “**kena kāraṇena jānissāmi**”ti, yena kāraṇena samaṇassa gotamassa paññāveyyattiyā jāneyyā, taṃ kāraṇaṃ mayi natthīti adhippāyo. **Buddhoyeva bhaveyya**, abuddhassa sabbathā buddhañāṇanubhāvaṃ jānituṃ na sakkāti. Vuttam hetam “appamattakaṃ khoti panetaṃ bhikkhave oramattakaṃ sīlamattakaṃ, yena puthujjano Tathāgatassa vaṇṇaṃ vadamāno vadeyya¹, atthi bhikkhave aññeva dhammā gambhīrā duddasā duranubodhā -pa- yehi tathāgatassa yathābhuccaṃ vaṇṇaṃ sammā vadamāno vadeyyā”ti² ca. **Etthāti** “sopi nūnassa tādisovā”ti etasmim pade. **Pasatthapasatthoti** pasatthehi attano guṇheva so pasattho, na tassa kittinā³, pasamsāsabhāveneva pāsamsoti attho. Tenāha “**sabbaguṇānaṃ**”ti-ādi. **Maṇiratananti** cakkavattino maṇiratanam. Sadevake loke pāsamsānampi pāsamsoti dassetuṃ “**pasatthehi vā**”ti dutiyavikappo gahito.

Araṇīyato attho, so eva vasatīti vasoti **atthavaso**, tassa tassa payogassa ānisaṃsabhūtaṃ phalanti āha “**atthavasanti atthānisaṃsaṃ**”ti. Attho vā vuttalakkhaṇo⁴ vaso etassāti **atthavaso**, kāraṇam. **Nāgavanavāsikoti** hatthināgānaṃ vicaraṇavane tesam gahaṇatthaṃ vasanako.

Anuggahitasippoti asikkhitahatthisippo

1. Dī 1. 3 piṭṭhe.

2. Dī 1. 11 piṭṭhe.

3. Kittimā (Ka) Am-Ṭī 3. 60 piṭṭhe pana passitabbaṃ.

4. Atha vā attho phalaṃ tadadhīnavuttitāya (Sārattha-Ṭī 2. 33 piṭṭhe), attho vā phalaṃ tadadhīnavuttitāya (Am-Ṭī 3. 60 piṭṭhe.)

āyatavittatassa padamattassa dassanena “mahā vata bho nāgo”ti
niṭṭhāgamanato. **Parato pana** bhagavatā vuttaṭṭhāne. **Uggahitasippo puriso**
nāgavanikoti āgato āyatavittatassa padassa uccassa ca nisevitassa
byaticārabhāvaṃ ñatvā tattakena niṭṭham agantvā mahāhatthim disvāva
niṭṭhāgamanato. Ñāṇam pajjati etthāti **ñāṇapadāni**, khattiyapaṇḍitādīnam
dhammavinaye vinītattā vinayehi adhigatajjhānādīni. Tāni hi
tathāgatagandhahatthino desanāñāṇena akkantaṭṭhānāni. **Cattārīti** pana
vineyyānam idha khattiyapaṇḍitādivasena catubbidhānamyeva gahitattā.

289. Puggalesu paññāya ca nipuṇatā paṇḍitasamaññā nipuṇatthassa
dassanasamatthātāvasenevāti āha “**sukhuma-**
atthantarapaṭivijjhanasamatthe”ti. **Kata-saddo** idha nipphannapariyāyo. Pare
pavadanti ettha, etenāti **parappavādo**, parasamayo. Parehi pavadanam
parappavādo, viggāhikakathāya paravādamaddanam. Tadubhayampi ekato
katvā pāliyam vuttanti āha “**viññātaparappavāde ceva parehi saddhim**
katavādaparicaye cā”ti, parasamayesu paravādamaddanesu ca nipphaneti
attho. **Vālavedhirūpeti** vālavedhipatirūpe. Tenāha
“**vālavedhidhanuggahasadise**”ti. **Vālanti** anekadhā bhinnassa vālassa
amsusaṅkhātāṃ vālaṃ. **Bhindantā viyāti** ghaṭādim saviggaham muggarādīnā
bhindantā viya, diṭṭhigatāni ekamsato bhindantāti adhippāyo. “Attham
guyham paṭicchannam katvā pucchissāmā”ti saṅkhatam padapañham
pucchantīti dassetum “**dupadampi**”ti-ādi vuttam. Vadanti etenāti **vādo**, doso.
Pucchīyatīti **pañho**, attho. Pucchati etenāti **pañho**, saddo. Tadubhayam ekato
gahetvā āha “**evārūpe pañhe**”ti-ādi. “**Evam puccheyya, evam vissajjeyyā**”ti
ca pucchāvissajjanānam sikhāvagamanaṃ dasseti. **Seyyoti** uttamo, paramo
lābhoti adhippāyo.

Evam attano vādaavidhamanabhayenapi pare bhagavantam pañham
pucchitum na visahantīti vatvā idāni vādaavidhamanena vināpi na visahanti
evāti dassetum “**apicā**”ti-ādi āradham. **Cittam pasīdati** pare attano
atthabhāvampi vissattham¹ niyyādetukāmā hontī
odhisakamettāpharaṇasadisattā tassa mettāyanassa. **Dassanasampannāti**
daṭṭhabbatāya sampannā dassanānuttariyabhāvato, ativiya dassaniyāti attho.

Saraṇagamanavasena sāvakāti lokiyasaraṇagamanena sāvakā, lokuttarasaraṇagamanena pana sāvakattaṃ parato āgamissati, tañca pabbajitavasena vuccati, idha gahaṭṭhavasena, ubhayatthāpi saraṇagamanena sāvakattaṃ veditabbaṃ. Te hi paralokavajjabhayadassāvino kulaputtā, ācārakulaputtāpi tādisā bhavanti. **Thokenā**ti iminā “manam anassāmā”ti padassattham vadati.

290. Udāharīyati ubbegapītivasenāti, tathā vā udāharaṇam **udānam**. Tenāha “**udāharam udāharī**”ti. **Assa dhammassāti** assa paṭipattisaddhammapubbakassa paṭivedhasaddhammassa. **Soti** hatthipadopamo hatthipadopamabhāvena vuccamāno dhammo. **Ettāvatāti** ettakena paribbā jakena vuttakathāmaggamattena. Kāmaṃ tena vuttakathāmaggenapi hatthipadopamabhāvena vuccamāno dhammo paripuṇṇova arahattaṃ pāpetvā paveditattā, so ca kho saṅkhepato, na vitthāratoti āha “**na ettāvatā vitthārena paripūro hoti**”ti. Yadi yathā vitthārena hatthipadopamo paripūro hoti, tathā desanā āradhā, **atha kasmā kusaloti na vuttoti** codanā.

291. **Āyāmatopīti pi**-saddena ubbedhenapi rassāti dasseti. Nīcakāyā hi tā honti. **Uccāti** uccakā. Nisevanam, nisevati etthāti vā **nisevitam**. Nisevanañcetta kaṇḍuyitavinodanattam ghaṃsanam. Tenāha “**khandhappadese ghaṃsitatthānan**”ti. **Uccāti** anīcā, ubbedhavantiyoti attho. **Kālārikāti** virāḍantā, viṣaṅgatadantāti attho. Tenāha “**dantānan**”ti-ādi. **Kaḷāratāyāti** virāḍatāya. **Ārañjitanīti** rañjitāni, vilikhitānīti attho. **Kaṇerutāyāti** kuṭumalasaṅghānatāya. **Ayam vāti**¹ ettha **vā**-saddo saṃsayitanicchayattho² yathā aññatthāpi “ayam vā imesam samaṇabrāhmaṇānam sabbabālo sabbamūḷho”ti-ādīsu³.

Nāgavanam viyāti mahāhatthino vāmanikādīnañca padadassanaṭṭhānabhūtam nāgavanam viya. **Ādito paṭṭhāya yāva nīvaraṇappahānā dhammadesanā**

1. “Ayamevā”ti pāḷiyam aṭṭhakathāyañca dissati. 2. Vibhāvanatthoti aññattha vutto.
3. Dī 1. 55 piṭṭhe.

tathāgatassa bāhiraparibbājakādīnañca padadassanabhāvato. **Ādito paṭṭhāyāti** ca “taṃ suṇāhī”ti padato paṭṭhāya. **Kusalo nāgavaniko viya yogāvacarō** pariyesanavasena pamāṇaggahaṇato. **Matthake ṭhatvāti** imassa suttassa pariyoṣāne ṭhatvā. **Imasmimpi ṭhāneti** “evameva kho brāhmaṇā”ti-ādinā upameyyassa atthassa upaññāsaṇaṭṭhānepi.

Svāyanti¹ idha-saddamattaṃ gaṇhāti, na yathāvisesitabbaṃ idha-saddaṃ. Tathā hi vakkhati “katthaci padapūraṇamattamevā”ti. **Lokaṃ upādāya vuccati** loka-saddena samānādhikaraṇabhāvena vuttattā. Sesapadadvaye pana saddantarasaṇṇidhānamattena taṃ taṃ upādāya vuttatā daṭṭhabbā. **Okāsanti** kañci padesaṃ indasālaguhāya adhippetattā. **Padapūraṇamattameva** okāsāpadisaṇṇasapi asambhavato.

Tathāgata-saddādīnaṃ atthaviseso **mūlapariyāyattakathā**² **Visuddhimaggasaṃvaṇṇanāsu** vutto eva. Tathāgatassa sattanikāyantogadhatāya “**idha pana sattaloko adhippeto**”ti vatvā tatthāyaṃ yasmiṃ sattanikāye, yasmiṃ ca okāse uppajjati, taṃ dassetuṃ “**sattaloke uppajjamānopi cā**”ti-ādi vuttaṃ. Tattha **imasmiṃyeva cakkavāḷeti** imissā eva lokadhātuyā. “Aṭṭhānametaṃ bhikkhave anavakāso, yaṃ ekissā lokadhātuyā dve arahanto sammāsambuddhā apubbaṃ acarimaṃ uppajjeyyun”ti³ ettha jātikhettabhūtā dasasahassilokadhātu “ekissālokadhātuyā”ti vuttā, idha pana imaṃyeva lokadhātuṃ sandhāya “imasmiṃyeva cakkavāḷe”ti vuttaṃ. Tisso hi saṅgītiyo āruḷhe tepiṭake buddhavacane visayakhettaṃ aṇākhettaṃ jātikhettaṃ tividhe khetto ṭhapetvā imaṃ cakkavāḷaṃ aññasmiṃ cakkavāḷe buddhā uppajjantīti suttaṃ natthi, na uppajjantīti pana atthi. Kathaṃ? “Na me ācariyo atthi, sadiso me na vijjati⁴, ekomhi sammāsambuddho”ti⁵ evamādīni imissā lokadhātuyā ṭhatvā vadantena bhagavatā, “kiṃ paṇāvuso Sāriputta

1. Dī-Ṭī 1. 234 piṭṭhādīsopi passitabbaṃ.

2. Ma-Ṭṭha 1. 47 piṭṭhe.

3. Dī 3. 95; Ma 3. 110; Aṃ 1. 29; Abhi 2. 348; Khu 10. 78; Khu 11. 231 piṭṭhesu.

4. Ma 1. 227; Ma 2. 295; Vi 3. 12; Abhi 4. 218; Khu 11. 228, 230 piṭṭhesu.

5. Ma 1. 227; Ma 2. 295; Abhi 4. 218 piṭṭhesu.

atthetarahi añño samaṇo vā brāhmaṇo vā bhagavatā samasamo sambodhiyanti evaṃ puṭṭhāhaṃ bhante noti vadeyyan”¹ ti¹ vatvā tassa kāraṇaṃ dassetuṃ “aṭṭhānametaṃ anavakāso, yaṃ ekissā lokadhātuyā dve arahanto sammāsambuddhā”¹ ti¹ imaṃ suttaṃ dassentena dhammasenāpatinā ca buddhānaṃ uppattiṭṭhānabhūtaṃ imaṃ lokadhātuṃ ṭhapetvā aññattha anuppatti vuttā hotīti.

Sujātāyāti-ādinā vuttesu catūsu vikappesu paṭhamo vikappo buddhabhāvāya āsannatarapaṭipattidassanavasena vutto. Āsannatarāya hi paṭipattiyāṃ ṭhito “**uppajjati**”² ti vuccati uppādassa ekantikattā, pageva paṭipattiyā matthake ṭhito. Dutiyo buddhabhāvāvahapabbajjato paṭṭhāya āsannatarapaṭipattidassanavasena, tatiyo buddhakaradhammapāripūrito paṭṭhāya buddhabhāvāya paṭipattidassanavasena. Na hi mahāsattānaṃ tusitabhavūpapattito² paṭṭhāya bodhisambhārasambharaṇaṃ nāma atthi. Catuttho buddhakaradhammasamārambhato paṭṭhāya. Bodhiyā niyatabhāvāpattito pabhuti hi viññūhi “**buddho uppajjati**”² ti vattuṃ sakkā uppādassa-ekantikattā, yathā pana “tiṭṭhanti pabbatā, sandanti nadiyo”² ti tiṭṭhanasandanakiriyānaṃ avicchedamupādāya vattamānapayogo, evaṃ uppādattāya paṭipajjanakiriyāya avicchedamupādāya catūsu vikappesu “**uppajjati nāmā**”² ti vuttaṃ. **Sabbapaṭhamāṃ uppannabhāvanti** sabbehi upari vuccamānehi visesehi paṭhamāṃ tathāgatassa uppannatāsaṅkhātāṃ atthitāvisesaṃ.

So bhagavāti³ yo “tathāgato arahan”³ ti-ādinā kittitagaṇo, so bhagavā. **Imaṃ lokanti** nayidaṃ mahājanassa sammukhāmatāṃ lokaṃ sandhāya vuttaṃ, atha kho anavasesaṃ pariyādāyāti dassetuṃ “**sadevakan**”³ ti-ādi vuttaṃ. Tenāha “**idāni vattabbaṃ nidasseti**”³ ti. **Pajātattāti** yathāsakaṃ kammakilesehi nibbattattā. **Pañcakāmāvacaradevaggahaṇaṃ** pārisesañāyena itaresaṃ padantarehi saṅgahitattā. **Sadevakanti** ca avayavena viggaho samudāyo samāsatto. **Chaṭṭhakāmāvacaradevaggahaṇaṃ** paccāsattiñāyena. Tattha hi so jāto tannivāsī ca. **Brahmakāyikādibrahmaggaṇanti** etthāpi eseva nayo.

1. Dī 3. 94 piṭṭhe.

2. Uppattibhavūpapattito (Ka)

3. Sārattha-Ṭī 2. 321; Am-Ṭī 2. 152 piṭṭhādīsūpi passitabbaṃ.

Paccatthikapaccāmittasamaṇabrāhmaṇaggahaṇanti nidassanamattametam apaccatthikānam asamitābāhitapāpānañca samaṇabrāhmaṇānam sassamaṇabrāhmaṇivacanena gahitattā. Kāmaṃ “sadevakan”ti-ādivisesanānam vasena sattavisayo loka-saddoti viññāyati tulyayogavisayattā tesam, “salomako sapakkhako”ti-ādīsu pana atulyayogepi ayam samāso labbhatīti byabhicāradassanato pajāgahaṇanti āha “**pajāvacanena sattalokaggahaṇan**”ti.

Arūpino sattā attano āneñjavihārena viharantā “dibbantīti **devā**”ti imam nibbacanam labhantīti āha “**sadevakaggahaṇena arūpāvacaradevaloko gahito**”ti. Tenevāha “ākāsānañcāyatanūpagānam devānam sahyātan”ti¹. **Samārakaggahaṇena chakāmāvacaradevaloko gahito** tassa savisesam mārassa vase vattanato. **Rūpī brahmaloko gahito** arūpībrahmalokassa visum gahitattā. **Catuparisavasenāti** khattiyādicatuparisavasena. Itarā pana catasso parisā samārakādiggahaṇena gahitā evāti. **Avasesasabbasattaloko** nāgagaruḷādibhedo.

Ettāvatā bhāgaso lokam gahetvā yojanam dassetvā idāni tena tena visesena abhāgasova lokam gahetvā yojanam dassetuṃ “**apicetthā**”ti-ādi vuttam. Tattha **ukkaṭṭhaparicchedatoti** ukkamsagativijānanena. Pañcasu hi gatīsu devalokova seṭṭho². Tatthāpi arūpino “dūrasamussāritakilesadukkhātāya, santapaṇīta-āneñjavihārasamaṅgitāya, ativiya dīghāyukatāyā”ti evamādīhi visesehi ativiya itarehi ukkaṭṭhā. **Brahmā mahānubhāvoti**-ādiṃ dasasahassiyam mahābrahmuno vasena vadati. “Ukkaṭṭhaparicchedato”ti hi vuttam. **Anuttaranti seṭṭham** navalokuttaram. **Bhāvānukkamo** bhāvavasena paresam ajjhāsayavasena “sadevakan”ti-ādīnam padānam anukkamo. **Tihākārehīti** devamārabrahmasahitatāsaṅkhātehi tīhi pakārehi. **Tīsu padesūti** “sadevakan”ti-ādīsu tīsu padesu. **Tena tenākārenāti** sadevakattādinā tena tena pakārena. Tedhātukameva pariyādinanti porāṇā panāhūti yojanā.

1. Am 1. 270 piṭṭhe.

2. Deva gatipariyāpannāva seṭṭhā (Sārattha-Ṭī 1. 323; Dī-Ṭī 1. 236 piṭṭhesu.)

Abhiññāti ya-kāralopenāyaṃ niddeso, abhiññātivāti ayamettha atthoti āha “**abhiññāya, adhikena ñāṇena ñatvā**”ti. **Anumānādipaṭikkhepoti** anumāna-upamāna-atthāpatti-ādipaṭikkhepo ekappamañattā. Sabbattha appaṭihataññācāratāya hi sabbapaccakkhā buddhā bhagavanto. **Anuttaraṃ vivekasukhanti** phalasaṃpattisukhaṃ. Tena vītimissāpi¹ kadāci bhagavato dhammaḍḍesaṇā hotīti āha “**hitvāpi**”ti. Bhagavā hi dhammaṃ desento yasmim̄ khaṇe parisā sādhu-kāraṃ vā deti, yathāsutaṃ vā dhammaṃ paccavekkhati, taṃ khaṇaṃ pubbabhāgena paricchinditvā phalasaṃpattim̄ saṃpajjati, yathāparicchedaṇca saṃpattito vuṭṭhāya ṭhitaṭṭhānato paṭṭhāyaṃ dhammaṃ deseti.

Desakāyattena āṇādividhinā atisaṃjjanāṃ pabodhanaṃ **desanāti** sā pariyattidhammavasena veditabbāti āha “**desanāya tāva catuppādikāyapi gāthāyā**”ti-ādi. Sāsitaḍḍapaṃṣālagatena yathāparādhādisāsitaḍḍabhabhāvena anusāsaṇaṃ tadaṅgavinayādivasena vinayaṇaṃ **sāsaṇanti** taṃ paṭipattidhammavasena veditabbanti āha “**sīlasaṃmādhivipassanā**”ti-ādi. **Kusalāṇanti** maggakuṣalāṇaṃ, **kusalāṇanti** vā anavajjāṇaṃ. Tena phaladhammānampi saṅgaho siddho hoti. **Ādibhāvo** sīladiṭṭhīnaṃ tammūlakattā uttarimaṇussaḍḍhammāṇaṃ. Tasmim̄ tasmim̄ atthe kathāvadhisaddappabandho gāthāvasena suttavasena ca vavatthito pariyattidhammo, yo idheva “desanā”ti vutto, tassa pana attho viṣesaṇa sīlādi evāti āha “**bhagavā hi dhammaṃ desento -pa- nibbānaṃ dasseti**”ti. Tatha **sīlaṃ dassetvāti** sīlaggahaṇeṇa sasambhāraṃ sīlaṃ gahitaṃ. Tathā maggaggahaṇeṇa sasambhāro maggoti tadubhayaṇa anavaṣeṣato pariyatti-atthaṃ pariyādiyati. **Tenāti** sīlādidassaṇeṇa. Atthavasena hi idha desanāya ādikalyāṇādividhāvo adhippeto. **Kathikaṣaṇṭhitīti** kathikaṣaṇṭhāṇaṃ kathanavasena saṃvattāṇaṃ.

Na so sātthaṃ deseti niyyānatthaviraḥato tassā desanāya. **Ekabyañjanādiyuttā vāti** sithilādividhedeṣu byañjaṇeṣu ekappaḍḍāreṇeva, dvippaḍḍāreṇeva vā byañjaṇeṇa yuttā vā dāmiḍḍabhāsā viya. Sabbattha nirotṭhaṃ katvā vattabbaṭāya **sabbaniroṭṭhabyañjanā vā** kirātabhāsā viya. Sabbattheva

1. Dhitimissāpi (Ka), ṭhitimissāpi (Dī-Ṭī 1. 237 piṭṭhe), vimissāpi (Am-Ṭī 2. 154 piṭṭhe.)

vissajjanīyayuttatāya **sabbavissatṭhabyañjanā vā** yavanabhāsā¹ viya. Sabbattheva sānusāratāya **sabbaniggahitabyañjanā vā** pārasikādīmilakkhabhāsā² viya. Sabbāpesā ekadesabyañjanavaseneva³ pavattiyā aparipuṇṇabyañjanāti katvā “**abyañjanā**”ti vuttā. **Amakkhetvāti** apalicchetvā⁴ avināsetvā, ahāpetvāti vā attho.

Bhagavā yamatthaṃ nāpetuṃ ekagāthampi ekavākyampi deseti, tamatthaṃ tāya desanāya sabbaso paripuṇṇameva katvā deseti, evaṃ sabbatthāti āha “**ekadesanāpi aparipuṇṇā natthi**”ti.

Ullumpanasabhāvasaṅghitenāti saṃkilesapakkhato vaṭṭadukkhato ca uddharaṇasabhāvavaṭṭhitena cittena. **Tasmāti** yasmā sikkhāttayasaṅgahaṃ sakalaṃ sāsaṇaṃ idha “brahmacariyaṃ”ti adhippetāṃ, tasmā.

Brahmacariyanti iminā samānādhikaraṇāni sabbapadāni yojetvā atthaṃ dassento “**so dhammaṃ deseti -pa- pakāsetīti evamettha attho daṭṭhabbo**”ti āha.

Dūrasamussāritamānasseva sāsaṇe sammāpaṭipatti sambhavati, na mānajātikassāti āha “**nihatamānattā**”ti. **Ussannattāti** bahulabhāvabho. Bhogārogyādivatthukā madā suppaheyyā honti nimittassa anavaṭṭhānato, na tathā kulavijjāmadāti khattiyabrāhmaṇakulīnānaṃ pabbajitānampi jātivijjā nissāya mānajappanaṃ duppajahanti āha “**yebhuyyena hi -pa- mānaṃ karontī**”ti. **Vijātitāyāti** nihīnajātitāya. **Paṭiṭṭhātum na sakkontīti** suvisuddhiṃ katvā sīlaṃ rakkhitum na sakkonti. Sīlavasena hi sāsaṇe paṭiṭṭhāti. **Paṭiṭṭhātunti** vā saccapaṭivedhena lokuttarāya paṭiṭṭhāya paṭiṭṭhātum. Yebhuyyena hi upanissayasampannā sujātā eva honti, na dujjātā.

Parisuddhanti rāgādīnaṃ accantameva pahānadīpanato nirupakkilesatāya sabbaso visuddhaṃ. **Saddhaṃ paṭilabhatīti** pothujjanikasaddhāvasena saddahati. Viññujātikānaṃ hi dhammasampattigahaṇapubbikā saddhāsiddhi⁵ dhammapamāṇadhammappasannabhāvato. **Jāyampatikā vasantīti** kāmaṃ “jāyampatikā”ti vutte gharasāmikagharasāminivasena dvinnāmyeva gahaṇaṃ viññāyati, yassa

1. Savarabhāsā (Dī-Ṭī 1. 238 piṭṭhe.)

2. Pādasikādīmilakkhubhāsā (Ka), Sārattha-Ṭī 1. 327 piṭṭhepi.

3. Byañjanekadesavasena (Dī-Ṭī 1. 238; Am-Ṭī 2. 156 Sārattha-Ṭī 1. 327 piṭṭhesu.)

4. Amilecchetvā (Dī-Ṭī 1. 238; Am-Ṭī 2. 156 piṭṭhesu.)

5. Sattthusiddhi (Ka)

pana purisassa anekā pajāpatiyo honti, tattha kim vattabbaṃ. Ekāyapi tāya vāso¹ sambādhoti dassanatthaṃ “**dve**”ti vuttaṃ. Rāgādinā **sakiñcanaṭṭhena**, khettavatthu-ādinā **sapalibodhaṭṭhena**. Rāgarajādīnaṃ āgamanapathatāpi uppajjanaṭṭhānatā evāti dvepi vaṇṇanā ekatthā, byañjanaṃeva nānaṃ. **Alaggaṇaṭṭhenā**ti asajjanaṭṭhena appaṭibaddhabhāvena. Evaṃ akusalakusalappavattīnaṃ ṭhānabhāvena gharāvāsapabbajjānaṃ sambādhabbhokāsataṃ dassetvā idāni kusalappavattiyā eva aṭṭhānaṭṭhānabhāvena tesāṃ taṃ dassetuṃ “**apicā**”ti-ādi vuttaṃ.

San̄khepakathāti visuṃ visuṃ paduddhāraṃ akatvā san̄khepato atthavaṇṇanā. **Ekampi divasanti** ekadivasamattampi. **Akhaṇḍaṃ katvāti** dukkaṭamattassapi anāpajjanena akhaṇḍitaṃ katvā. **Kilesamalena amalīnanti** taṇhāsāṃkilesādivasena asaṃkiliṭṭhaṃ katvā. **Paridahitvāti** nivāsetvā ceva pārūpitvā ca. Agāravāso agāraṃ uttarapadalopena, tassa vaḍḍhi-āvahaṃ **agārassa hitaṃ**. **Bhogakkhandhoti** bhogarāsi bhogasamudāyo. **Ābandhanaṭṭhenā**ti “putto nattā”ti-ādinā pemavasena sapaṛicchedaṃ sambandhanaṭṭhena. “Amhākamete”ti nāyantīti **nāti**. Pitāmahapituputtādivasena parivattanaṭṭhena **parivaṭṭo**.

292. Sāmaññavācīpi **sikkhā**-saddo sājīva-saddasannidhānato upari vuccamānavisesāpekkhāya ca visesaniviṭṭhova hotīti vuttaṃ “**yā bhikkhūnaṃ adhisīlasaṅkhātā sikkhā**”ti. Sikkhitabbaṭṭhena **sikkhā**. Saha ājīvanti etthāti **sājīvo**. **Sikkhanabhāvenāti** sikkhāya sājīve ca sikkhanabhāvena. **Sikkhaṃ paripūrentoti** sīlasaṃvaram̄ paripūrento. **Sājīvañca avītikkamantoti** “nāmakāyo padakāyo niruttikāyo byañjanakāyo”ti² vuttasikkhāpadaṃ bhagavato vacanaṃ avītikkamanto hutvāti attho. Idameva ca dvayaṃ “sikkhanan”ti vuttaṃ. Tattha sājīvanatikkamo sikkhāpāripūriyā paccayo. Tato hi yāva maggā sikkhāpāripūrī hotīti.

Pajahitvāti samādānavasena pariccajitvā. **Pahīnakālato paṭṭhāya -paviratovāti** etena pahānassa viratīyā ca samānakālatam̄

1. Ekāyapi saṃvāso (Dī-Ṭī 1. 240; Am-Ṭī 2. 370 piṭṭhesu.) 2. Vi-Ṭṭha 1. 187 piṭṭhepi.

dasseti¹. Yadi evaṃ “pahāyā”ti kathaṃ purimakālaniddesoti? Tathā gahetabbataṃ upādāya. Dhammānaṃ hi paccayapaccayuppannabhāve apekkhite sahaḷātānampi paccayapaccayuppannabhāvena gahaṇaṃ purimapacchimabhāveneva hotīti gahaṇapavatti-ākāravasena paccayabhūtesu hirottappañāṇādīsu pahānakiriyāya purimakālavohāro, paccayuppannāsu ca viratīsu viramaṇakiriyāya aparakālavohāro ca hotīti “pahāya paṭivirato hoti”ti vuttaṃ. **Pahāyāti** vā samādānakālavasena vuttaṃ, pacchā vītikkamitabbavatthusamāyogavasena **paṭiviratoti**. **Pahāyāti** vā—

“Nihantvāna tamokhandhaṃ, uditoyaṃ divākaro.

Vaṇṇapabhāya² bhāseti, obhāsetvā samuggato”ti³ ca—

evamādīsu viya samānakālavasena veditabbo. Atha vā pāṇo atipātīyati etenāti **pāṇātipāto**, pāṇaghātahetubhūto ahirikānottappadosamohavihimsādiko cetanāpadhāno saṃkilesadhammo, taṃ samādānavasena pahāya. **Tato -pa- viratova hotīti** avadhāraṇena tassā viratīyā kālādivasena apaniyantataṃ dasseti. Yathā hi aññe samādinnaviratikāpi anavaṭṭhitacittatāya lābhajīvikādihetu samādānaṃ bhindanteva, na evamayaṃ. Ayaṃ pana pahīnakālato paṭṭhāya orato viratoti. **Adinnādānaṃ pahāyāti**-ādīsupi iminā nayena attho veditabbo.

Daṇḍanaṃ daṇḍanipātanaṃ **daṇḍo**. Muggarādipaharaṇavisesopi idha paharaṇavisesoti adhippeto. Tenāha “**ṭhapetvā daṇḍaṃ sabbampi avasesaṃ upakaraṇaṃ**”ti. Daṇḍanasāṅkhātassa paraviheṭṭhanassa parivajjitabhāvadīpanatthaṃ daṇḍasatthānaṃ nikkhepavacananti āha “**parūpaghātattāyā**”ti-ādi. **Vihimsanabhāvatoti** vibādhanabhāvato. **Lajjīti** ettha vuttalajjāya ottappampi vuttanti daṭṭhabbaṃ. Na hi pāpajigucchanaṇaputtāsarahitaṃ, pāpabhayaṃ vā alajjanaṃ atthi. Yassa vā dhammagarutāya dhammassa ca attādhīnattā attādhīpatibhūtā lajjākiccakārī, tassa lokādhīpatibhūtaṃ ottappaṃ kicckakaranti vattabbameva natthīti “lajjī”icceva vuttaṃ. **Dayaṃ mettacittataṃ āpannoti** kasmā vuttaṃ,

1. Etena pahānahetukā idhādhīppetā samucchadaviratīti dasseti. (Dī-Ṭī 1. 114; Am-Ṭī 2. 175 piṭṭhesu.)

2. Vaṇṇapaññāya (Ka)

3. Visuddhi-Ṭī 2. 238 piṭṭhepi.

nanu **dayā**-saddo “adayāpanno”ti-ādīsu karuṇāya vattatīti? Saccametaṃ, ayaṃ pana dayā-saddo anurakkhaṇatthaṃ antonītaṃ katvā pavattamāno mettāya ca karuṇāya ca pavattatīti idha mettāya pavattamāno vutto. Mijjati siniyhatīti mettā, sā etassa atthīti mettaṃ, mettaṃ cittaṃ etassa atthīti mettacitto, tassa bhāvo **mettacittatā**, mettā-icceva attho.

Sabbapāṇabhūtahitānukampīti etena tassā viratīyā sattavasena¹ apariyantataṃ dasseti. **Pāṇabhūte**ti pāṇajāte. **Anukampako**ti karuṇāyanako. Yasmā pana mettā karuṇāya visesapaccayo hoti, tasmā vuttaṃ “**tāya eva dayāpannatāyā**”ti. Evaṃ yehi dhammehi pāṇātipātā virati sampajjati, tehi lajjāmettākaruṇādhammehi samaṅgibhāvo dassito saddhim piṭṭhivaṭṭakadhammehīti daṭṭhabbaṃ. Etthāha—kasmā “pāṇātipātaṃ pahāyā”ti ekavacananiddeso kato, nanu niravasesānaṃ pāṇānaṃ atipātato virati idhādhippetā. Tathā hi vuttaṃ “sabbapāṇabhūtahitānukampī viharatī”ti. Teneva hi aṭṭhakathāyaṃ “sabbe pāṇabhūte hitena anukampako”ti puthuvacananiddesoti? Saccametaṃ, pāṇabhāvasāmaññavasena panettha pāḷiyaṃ ādito ekavacananiddeso kato, sabbasaddasannidhānena puthuttaṃ viññāyamānamevāti sāmaññaniddesaṃ akatvā bhedavacanicchāvasena dassetuṃ aṭṭhakathāyaṃ bahuvacananavasena attho vutto. Kiñca bhīyyo—sāmaññato saṃvarasamādānaṃ, tabbisesato saṃvarabhedoti imassa visesassa dassanatthaṃ ayaṃ vacanabhedo katoti veditabbaṃ. **Viharatī**ti vuttappakāro hutvā ekasmiṃ iriyāpathe uppannaṃ dukkhaṃ aññena iriyāpathena vicchinditvā attabhāvaṃ harati pavattetīti attho. Tenāha “**iriyati pāleti**”ti.

Na kevalaṃ kāyavacīpayogavasena ādānameva, atha kho ākaṅkhāpissa pariccattavattuvisayāvāti dassetuṃ “**cittenapī**”ti-ādi vuttaṃ. Theneti theyyaṃ karotīti **theno**, coro. **Sucibhūtenā**ti ettha sucibhāvo adhikārato saddantarasannidhānato ca theyyasamkilesaviramaṇanti āha “**athenattāyeva sucibhūtenā**”ti. Kāmañcetta

1. Pavattavasena (Aṃ-Ṭī 2. 176 piṭṭhe.)

“lajjī dayāpanno”ti-ādi na vuttaṃ, adhikāravasena pana atthato vā vuttamevāti veditabbaṃ. Yathā hi lajjādayo paṇātipātapahānassa viśesapaccayo, evaṃ adinnādānapahānassapīti, tasmā sāpi pāli ānetvā vattabbā. Esa nayo ito paresupi. Atha vā **sucibhūtenā**ti etena hirottappādīhi samannāgamo, ahirikādīnañca pahānaṃ vuttamevāti “lajjī”ti-ādi na vuttanti daṭṭhabbaṃ.

Aseṭṭhacariyanti aseṭṭhānaṃ cariyāṃ, aseṭṭhaṃ vā cariyāṃ. Mithunānaṃ vuttākārena sadisabhūtānaṃ ayanti **mithuno**, yathāvutto durācāro. **Ārācārī methunā**ti etena “idha brāhmaṇa ekacco -pa- na heva kho mātuḡāmena saddhiṃ dvayaṃdvayasamāpattim samāpajjati, apica kho mātuḡāmassa ucchādanaparimaddananhāpanasambāhanaṃ sādīyati, so tadassādeti, taṃ nikāmeti, tena ca vittim āpajjati”ti-ādinā¹ vuttā sattavidhamethunasamyogāpi paṭivirati dassitāti daṭṭhabbaṃ.

Saccena saccanti purimena vacīsaccena pacchimaṃ vacīsaccaṃ **sandahati** asaccena anantarikattā. Tenāha “**yo hī**”ti-ādi. **Haliddirāgo viya na thirakato hotīti** ettha kathāya anavaṭṭhitabhāvena haliddirāgasadisatā veditabbā, na puggalassa. **Pāsāṇalekhā viyāti** etthāpi eseva nayo. Saddhā ayati pavattati etthāti saddhāyo, saddhāyo eva **saddhāyiko** yathā “venayiko”ti², saddhāya vā ayitabbo **saddhāyiko**, saddheyyoti attho. **Vattabbaṃ āpajjati** viśamvādanatoti adhippāyo.

Anuppadātī³ anubalappadātā, anuvattanavasena vā padātā. Kassa pana anuvattanaṃ padānañcāti? “Sahitānaṃ”ti vuttattā sandhānassāti viññāyati. Tenāha “**sandhānānuppadātā**”ti. Yasmā pana anuvattanavasena sandhānassa padānaṃ ādhānaṃ, rakkhaṇaṃ vā daḷhīkaraṇaṃ hoti. Tena vuttaṃ “**dve jane samagge disvā**”ti-ādi. Āramanti etthāti **ārāmo**, ramitabbaṭṭhānaṃ. Yasmā pana ā-kārena vināpi ayamattho labbhati, tasmā vuttaṃ “**samaggarāmotipi pāli, ayamevettha attho**”ti.

1. Am 2. 438 piṭṭhe.

2. Ma 1. 193; Am 3. 20; Vi 1. 3 piṭṭhesu.

3. Dī-Ṭī 1. 120; Am-Ṭī 2. 371 piṭṭhādīsupi passitabbaṃ.

Etthāti—

“Nelaṅgo setapacchādo, ekāro vattatī ratho.

Anīghaṃ passa āyantaṃ, chinnaṣotaṃ abandhanaṃ”¹—

imissā gāthāya. Sīlaṃ hettha “nelaṅgaṃ”²ti vuttaṃ. Tenevāha citto gahapati “nelaṅganti kho bhante sīlānametaṃ adhivacanaṃ”³ti². **Sukumārāti** aphaṛusatāya mudukā. **Purassa esāti** ettha **pura**-saddo tannivāsīvācako daṭṭhabbo “gāmo āgato”³ti-ādīsu³ viya. Tenevāha “**nagaravāsīnaṃ**”³ti. Manam apāyati vaḍḍhetīti **manāpā**. Tena vuttaṃ “**cittavuddhikarā**”³ti.

Kālavādīti-ādi samphappalāpā paṭiviratassa paṭipattidassanaṃ. Atthasamhitāpi hi vācā ayuttakālapayogena atthāvahā na siyāti anathaviññāpanavācaṃ anulometi, tasmā samphappalāpaṃ pajahantena akālavādītā pariharitabbāti vuttaṃ “**kālavādī**”³ti. Kāle vadantenapi ubhayānatthasādhanato abhūtaṃ parivajjetabbanti āha “**bhūtavādī**”³ti. Bhūtañca vadantena yaṃ idhalokaparalokahitasampādakaṃ, tadeva vattabbanti dassetuṃ “**atthavādī**”³ti vuttaṃ. Atthaṃ vadantenapi lokiyadhammasannissitameva avatvā lokuttaradhammasannissitaṃ katvā vattabbanti dassanatthaṃ “**dhammavādī**”³ti vuttaṃ. Yathā **ca** attho lokuttaradhammasannissito hoti, taṃdassanatthaṃ “**vinayavādī**”³ti vuttaṃ. Pañcannaṃ hi saṃvaravinayānaṃ, pañcannañca pahānavinayānaṃ vasena vuccamāno attho nibbānādhigama hetubhāvato lokuttaradhammasannissito hotīti. Evaṃ guṇavisesayuttova attho vuccamāno desanākosalle sati sobhati, kiccakaro ca hoti, na aññathāti dassetuṃ “**nidhānavatim vācaṃ bhāsita**”³ti vuttaṃ. Idāni taṃ desanākosallaṃ vibhāvetuṃ “**kālenā**”³ti-ādīmāha. Pucchādivasena hi otiṇṇavācāvattusmiṃ ekamsādibyākaraṇavibhāgaṃ sallakkhetvā ṭhapanāhetu-udāharaṇasaṃsandanaṃ taṃtaṃkālanurūpaṃ vibhāventiyā parimitaparicchinnarūpāya vipulataragambhīrodāraparamattha⁴ vitthārasaṅgāhikāya kathāya nāṇabalānurūpaṃ pare yāthāvato dhamme paṭiṭṭhāpentō “desanākusalo”³ti vuccatīti evamettha atthayojanā veditabbā.

1. Saṃ 2. 482; Khu 1. 173; Khu 10. 202 piṭṭhesu.

2. Saṃ 2. 482 piṭṭhe.

3. Dī-Ṭī 1. 121 piṭṭhepi.

4. ...pahūtatta (Dī-Ṭī 1. 121 piṭṭhe.)

293. Evaṃ paṭipāṭiyā satta mūlasikkhāpadāni vibhāvetvā satipi abhijjhānipahāna-indriyasamvarasatisampajaññajāgariyānuyogādike uttaradesanāyaṃ vibhāvetuṃ taṃ pariharitvā ācārasīlasseva vibhajanavasena pāḷi pavattāti tadatthaṃ vivarituṃ “**bījagāmabhūtagāmasamārambhā**”ti-ādi vuttaṃ. Tattha bījānaṃ gāmo samūho **bījagāmo**. Bhūtānaṃ jātānaṃ nibbattānaṃ rukkhagacchalatādīnaṃ samūho **bhūtagāmo**. Nanu ca rukkhādayo cittarahitatāya na jīvā, cittarahitatā ca paripphandābhāvato chinne viruhanato visadisajātikabhāvato catuyoni-apariyāpannato ca veditabbā, vuḍḍhi pana pavāḷasilālavaṇānampi vijjatīti na tesāṃ jīvabhāve kāraṇaṃ, visayaggahaṇaṅca nesāṃ parikappanāmattaṃ supanaṃ viya ciñcādīnaṃ, tathā dohaḷādayo, tattha¹ kasmā bījagāmabhūbhagāmasamārambhā paṭivirati icchi tāti? Samaṇasārūppato tannivāsisattānurakkhaṇato ca. Tenevāha “jīvasaṅgīno hi moghapurisa manussā rukkhasmin”ti-ādi².

Mūlameva bījaṃ **mūlabījaṃ**, mūlabījaṃ etassātipi **mūlabījaṃ**. Sesesupi eeva nayo. **Phalubījanti** pabbabījaṃ. Paccayantarasamavāye sadisaphaluppattiyā visesakāraṇabhāvato viruḥaṇasamatthe sārāphale nirulho bījasaddo tadatthasāmsiddhiyā mūlādīsipi kesuci pavattatīti mūlādīto nivattanatthaṃ ekena bīja-saddena visesetvā vuttaṃ “**bījabījan**”ti “rūparūpaṃ³, dukkhadukkhaṃ”ti⁴ ca yathā. Kasmā panettha bījagāmabhūtagāmaṃ uddharitvā bījagāmo eva niddiṭṭhoti? Na kho panetaṃ evaṃ daṭṭhabbaṃ, nanu avocumha “mūlameva bījaṃ mūlabījaṃ, mūlabījaṃ etassātipi mūlabījan”ti. Tattha purimena bījagāmo niddiṭṭho, dutiyena bhūtagāmo, duvidhopesa mūlabījaṅca mūlabījaṅca **mūlabījanti** sāmaññaniddesena, ekasesanayena vā uddiṭṭhoti veditabbo. Tenevāha “**pañcavidhassā**”ti-ādi. **Nīlatiṇarukkhādikassā**ti allatiṇassa ceva allarukkhādikassa ca. **Ādi**-saddena osadhigacchalatādīnaṃ saṅgaho.

Ekam bhattaṃ ekabhattaṃ, taṃ assa atthīti **ekabhattiko**. So pana rattibhojanenapi siyāti tannivattanatthaṃ āha “**rattūparato**”ti. Evampi aparāṇhabhojīpi siyā ekabhattikoti tannivattanatthaṃ “**virato**

1. Atha (Aṃ-Ṭī 2. 373 piṭṭhe.)

2. Vi 2. 51 piṭṭhe.

3. Visuddhi 2. 81 piṭṭhe.

4. Saṃ 2. 453; Saṃ 3. 52; Khu 10. 12 piṭṭhesu.

vikālabhojanā”ti vuttam. Aruṇuggamanakālato paṭṭhāya yāva majjhanhikā ayam buddhādīnam ariyānam āciṇṇasamāciṇṇo bhojanassa kālo nāma, tadañño **vikālo**. Aṭṭhakathāyam pana dutiyapadena rattibhojanassa paṭikkhittattā **“atikkante majjhanhike yāva sūriyatthaṅgamanā bhojanam vikālabhojanam nāmā**”ti vuttam.

“Sabbapāpassa akaraṇan”ti-ādinayappavattam¹ bhagavato sāsanam accantarāguppattiyā² naccādidassanam na anulometīti āha **“sāsanassa ananulomattā**”ti. Attanā payojiyamānam, parehi payojāpiyamānañca naccam naccabhāvasāmaññena pāliyam ekeneva **nacca**-saddena gahitam, tathā gītavādita-saddena cāti āha **“naccanaccāpanādivasenā**”ti. **Ādi**-saddena gāyanagāyāpanavādanavādāpanāni saṅgayhanti. Dassanena cettha savanampi saṅgahitam virūpekasesanayena. Yathāsakam visayassa ālocanasabhāvatāya vā pañcannam viññāṇanam savanakiriyāyapi dassanasāṅkhepasabbhāvato **“dassanā**” icceva vuttam. Tenāha “pañcahi viññāṇehi na kañci dhammam paṭivijānāti aññatra abhinipātamattā”ti. Avisūkabhūtassa gītassa savanam kadāci vaṭṭatīti āha **“visūkabhūtā dassanā**”ti. Tathā hi vuttam paramatthajotikāyam **Khuddakaṭṭhakathāyam**³ “dhammūpasamhitam gītam vaṭṭati, gītūpasamhito dhammo na vaṭṭati”ti. **Yam kiñcīti** ganthitam vā aganthitam vā yam kiñci puppham. **Gandhajātanti** gandhajātikam. Tassapi “yam kiñci”ti vacanato pisitassa apisitassapi yassa kassaci vilepanādi na vaṭṭatīti dasseti.

Uccāti ucca-saddena samānattham ekam saddantaram. Seti etthāti **sayanam**. Uccāsayanam mahāsayanañca samaṇasārupperahitam adhippetanti āha **“pamāṇātikkantaṃ akappiyattharaṇan**”ti. Āsanam⁴ cettha sayaneneva saṅgahitanti daṭṭhabbam. Yasmā pana ādhāre paṭikkhitte tadādhārā kiriyā paṭikkhittāva hoti, tasmā **“uccāsayanamahāsayanā**” icceva vuttam,

1. Dī 2. 42; Khu 1. 41; Khu 10. 37, 68, 148, 161 piṭṭhesu.

2. Sacchandarāgapavattito (Am-Ṭī 2. 177 piṭṭhe), accantachandarāgapavattito (Dī-Ṭī 1. 123; Sam-Ṭī 2. 547 piṭṭhesu.)

3. Khuddakapāṭha-Ṭītha 26 piṭṭhe.

4. Āsandādi-āsanam (Dī-Ṭī 1. 124; Sam-Ṭī 2. 548; Am-Ṭī 2. 178 piṭṭhesu.)

atthato pana tadupabhogabhūtanisajjānipajjanehi virati dassitāti daṭṭhabbam.
Atha vā uccāsayanamahāsayanañca uccāsayanamahāsayanañca
uccāsayanamahāsayananti etasmim atthe ekasesena ayam niddeso kato
yathā “nāmarūpapaccayā saḷāyatanan”¹, āsanakiriyaṇṇapubbakattā vā
sayanakiriyaṇṇa sayanaggahaṇena āsanampi gahitanti veditabbam.

Dārumāsakoti ye vohāraṃ gacchantīti iti-saddena evaṃpakāre dasseti.
Aññehi gāhāpane upanikkhittasādiyane ca paṭiggahaṇattho labbhatīti āha
“**neva naṃ uggaṇhāti, na uggaṇhāpeti, na upanikkhittaṃ sādīyati**”²ti. Atha
vā tividham paṭiggahaṇaṃ kāyena vācāya manasāti. Tattha kāyena
paṭiggahaṇaṃ **uggaṇhanaṃ**, vācāya paṭiggahaṇaṃ **uggahāpanaṃ**, manasā
paṭiggahaṇaṃ **sādīyananti** tividhampi paṭiggahaṇaṃ ekajjhaṃ gahetvā
“paṭiggahaṇā”³ti vuttanti āha “**neva naṃ uggaṇhāti**”⁴ti-ādi. Esa nayo
āmakadhaññapaṭiggahaṇā-ādisupi. Nivārādi-upadhaññassa sāli-
ādimūladhaññantogadhattā vuttaṃ “**sattavidhassā**”⁵ti. “Anujānāmi bhikkhave
pañca vasāni bhesajjāni acchavasāni macchavasāni susukāvasāni
sūkaravasāni² gadrabhavasāni³ vuttattā idaṃ odissa anuññātaṃ nāma,
tassa pana “kāle paṭiggahitaṃ”⁴ vuttattā paṭiggahaṇaṃ vaṭṭati sati paccayeti
āha “**aññatra odissa anuññātā**”⁵ti.

Sarūpena⁵ vañcanaṃ **rūpakūṭaṃ**, patirūpena vañcanaṃ attho. Aṅgena
attano sarīrāvayavena vañcanaṃ **aṅgakūṭaṃ**. Gahaṇavasena vañcanaṃ
gahaṇakūṭaṃ. Paṭicchannaṃ katvā vañcanaṃ **paṭicchannakūṭaṃ**. **Akkamatīti**
nippīleti, pubbabhāge akkamatīti sambandho.

Hadayanti nāli-ādīnaṃ mānabhājanānaṃ abbhantaraṃ. Tilādīnaṃ nāli-
ādīhi minanakāle ussāpitasikhāyeva sikhā. **Sikhābhedo** tassā hāpanaṃ.

1. Ma 3. 109; Saṃ 1. 243; Khu 1. 77 piṭṭhesu.

2. Vi 3. 291 piṭṭhe.

3. Sārūpena (Ka) Saṃ-Ṭī 2. 549 piṭṭhe passitabbam.

2. Saṃsumāravasāni (Ka)

4. Vi 3. 292 piṭṭhe.

Kecīti sārasamāsācariyā, uttaravihāravāsino ca. **Vadhoti** muṭṭhipahāraśātālanādīhi vihesanaṃ, vibāḍhananti attho. Viheṭhanatthopi hi vadha-saddo dīssati “attānaṃ vadhitvā vadhitvā rodati”ti-ādīsu¹. Yathā hi apariggahabhāvasāmaññe satipi pabbajitehi appaṭiggahitabbavatthuvibhāgasandassanattamaṃ itthikumāridāsīdāsādayo vibhāgena vuttā, evaṃ parassa haraṇabhāvato adinnādānabhāvasāmaññe satipi tulākūṭādayo adinnādānavisesabhāvadassanattamaṃ vibhāgena vuttā, na evaṃ pāṇātipātapariyāyassa vadhassa puna gahaṇe payojanaṃ atthi, tattha sayamkāro, idha paramkāroti ca na sakkā vattum “kāyavacīpayogasamuṭṭhāpikā cetanā chappayogā”ti vacanato, tasmā yathāvutto evettha attho yutto. Aṭṭhakathāyaṃ pana “**vadhoti māraṇan**”ti vuttaṃ, tampi pothanameva sandhāyāti ca sakkā viññātum māraṇa-saddassapi vihimsane dīssanato.

294. Cīvarapiṇḍapātānaṃ yathākkamaṃ kāyakucchipariharaṇamattajotanāyaṃ avisesato aṭṭhannaṃ parikkhārānaṃ antare tappayojanāta sambhavatīti dassento “**te sabbepī**”ti-ādīmāha. **Etepīti** navaparikkhārikādayopi appicchāva santuṭṭhāva. Na hi tattakena mahicchatā, asantuṭṭhitā vā hotīti.

Catūsu disāsu sukhaṃ viharati, tato eva sukhavihāraṭṭhānabhūtā catasso disā assa santīti vā **cātuddiso**. Tattha cāyaṃ satte vā saṅkhāre vā bhayena na paṭihaññatīti **appaṭigho**. Dvādasavidhassa santosassa vasena santussanako **santussamāno**. **Itarītarenāti** uccāvacena. **Parissayānaṃ** bāhirānaṃ sīhabyagghādīnaṃ, abhantarānaṃ kāmaccchandādīnaṃ kāyacittupaddavānaṃ abhibhavanato parissayānaṃ **sahitā**. Thaddhabhāvakarabhayābhāvena² **acchambhī**. **Eko** asahāyo. Tato eva khaggamigasiṅgasadisatāya **khaggavisāṇakappo** careyyāti attho.

Chinnapakkho, asaṅjātapakkho vā sakuṇo gantum na sakkotīti “**pakkhī sakuṇo**”ti pakkhi-saddena visesetvā sakuṇo pāliyaṃ

1. Vi 2. 364; 365 piṭṭhesu.

2. Baddhabhāvakarabhayābhāvena (Ka) Suttanipāta-Ṭṭha 1. 78 piṭṭhe pana passitabbaṃ.

vuttoti āha “**pakkhayutto sakuṇo**”ti. Yassa sannidhikāraparibhogo kiñci ṭhapetabbaṃ sāpekkhāya ṭhapanañca natthi, tādiso ayaṃ bhikkhūti dassento “**ayaṃ panettha saṅkhepattho**”ti-ādimāha. Ariyanti apenti tato dosā, tehi vā ārakāti ariyoti āha “**ariyenāti niddosenā**”ti. **Ajjhattanti** attani. **Niddosasukhanti** nirāmisasukhaṃ kilesavajjarahitattā.

295. Yathāvutte sīlasaṃvare patiṭṭhitasseva indriyasaṃvare icchitabbo tadadhiṭṭhānato, tassa ca paripālakabhāvatoti vuttaṃ “**so iminā ariyena sīlakkhandhena samannāgato bhikkhū**”ti. **Sesapadesūti** “na nimittaggāhī hoti”ti-ādīsu padesu. Yasmā **Visuddhimagge**¹ vuttaṃ, tasmā tassa **līnatthappakāsiniyaṃ saṃvaṇṇanāyaṃ**² vuttanayeneva veditabbaṃ. Rūpādīsu nimittādigghāparivajjanalakkhaṇattā indriyasaṃvarassa kilesehi anavasittasukhatā avikiṇṇasukhatā cassa vuttā.

296. **Paccayasampattinti** paccayapāripūrim. **Ime cattāro**ti sīlasaṃvare santoso indriyasaṃvare satisampajaññanti ime cattāro araññavāsassa sambhārā. **Tiracchānagatehi vattabbaṃ āpajjati** isisīngassa pitu-ādayo viya. **Vanacarakehīti** vanacarakamātugāmehi. **Bheravasaddaṃ sāventi**, tāvatā apalāyantānaṃ **hattheti sīsaṃ -pa- karonti**. Paṇḍattivītikamasāṅkhātā **kālakāṃ vā**. Micchāvitakkasāṅkhātā **tilakāṃ vā**. **Tanti** pītiṃ vibhūtabhāvena upaṭṭhānato **khayato sammasanto**.

Vivittanti janavivittaṃ. Tenāha “**suññan**”ti. Sā ca vivittatā nissaddabhāvena lakkhitabbāti āha “**appasaddaṃ appanigghosan**”ti. Āvasathabhūtaṃ senāsanāṃ viharitabbaṭṭhena **vihārasenāsanāṃ**. Masārakādi mañcapīṭhaṃ tattha attharitabbaṃ bhisi-upadhānañca mañcapīṭhasambandhito **mañcapīṭhasenāsanāṃ**. Cimilikādi bhūmiyaṃ santharitabbaṭṭhena **santhatsenāsanāṃ**. Rukkhamūlādi paṭikkamitabbaṭṭhānaṃ caṅkamanādīnaṃ okāsabhāvato **okāsasenāsanāṃ**.

Anucchavikaṃ dassento”ti vatvā tameva anucchavikabhāvaṃ vibhāvetuṃ “**tattha hī**”ti-ādi vuttaṃ. **Acchannanti** iṭṭhakachadanādīnā antamaso rukkhasākhāhipi na channaṃ.

1. Visuddhi 1. 20 piṭṭhe.

2. Visuddhi-Ṭī 1. 47 piṭṭhe.

Bhattassa pacchatoti bhattabhuñjanassa pacchato. **Ūrubaddhāsananti** ūrūnaṃ adhobandhanavasena nisajjam. Heṭṭhimakāyassa anujukaṭṭhapanam nisajjāvacaneneva bodhitanti. **Ujum kāyanti** ettha **kāya-saddo** uparimakāyavisayoti āha “**uparimaṃ sarīraṃ ujukaṃ ṭhapetvā**”ti. Tam pana ujukaṭṭhapanam sarūpato payojanato ca dasseturam “**aṭṭhārasā**”ti-ādi vuttam. **Na paṇamantīti** na oṇamanti. **Na paripatatīti** na vigacchati, vīthim na vilaṅgheti. Tato eva pubbenāparam visesappattiyā kammaṭṭhānam **vuddhim phātim upagacchati**. **Mukhasamīpeti** mukhassa samīpe nāsikagge vā uttarotṭhe vā. Idha **pari-saddo** abhi-saddena samānatthoti āha “**kammaṭṭhānābhimukhan**”ti, bahiddhā puthuttārammaṇato nivāretvā kammaṭṭhānamyeva purakkhatvāti attho. **Parīti pariggahaṭṭho** “pariṇāyikā”ti-ādīsu¹ viya. **Niyyānaṭṭho** paṭipakkhato niggamanaṭṭho, tasmā **pariggahitaniyyānasatinti** sabbathā gahitāsammosam pariccattasammosam satim katvā, paramam satinepakkaṃ upaṭṭhapetvāti attho.

Vikkhambhanavasenati ettha vikkhambhanam anuppādanam appavattanam na paṭipakkhena suppahīnatā. **Pahīnattāti** ca pahīnasadisatam sandhāya vuttam jhānassa anadhigatattā. Tathāpi nayidam cakkhuvīññānam viya sabhāvato vigatābhijjam, atha kho bhāvanāvasena. Tenāha “**na cakkhuvīññānasadisena**”ti. **Eseva nayoti** yathā cakkhuvīññānam sabhāvena vigatābhijjam abyāpannaṃ, na bhāvanāya vikkhambhitattā, na evamidam. Idam pana cittam bhāvanāya parisodhitattā abyāpannam vigatathinamidham anuddhatam nibbicikicchañcāti attho. **Idam ubhayanti** satisampajaññamāha.

297. **Ucchinditvā pātentīti** ettha ucchindanam pātanaṃ tāsam paññānam anuppannānam uppajjituram appadānameva. Iti mahaggatānuttarapaññānam ekaccāya ca parittapaññāya anuppattihetubhūtā nīvaraṇā dhammā itarāya ca samatthataṃ vihanantiyevāti **paññāya dubbalīkaraṇā** vuttā. Idampi paṭhamajjhānam veneyyasantāne patiṭṭhāpiyamānam ñānam pajjati etthāti **ñānapadam**. Ñānam vaḷaṅjeti etthāti **ñānavalaṅjam**.

299. **Na tāva niṭṭham gato** bāhirakānam ñānena akkantaṭṭhānānīpi siyunti. Yadi evam anaññasādhāraṇe maggañānapade katham na niṭṭhaṅgatoti

1. Abhi 1. 20 piṭṭhe.

āha “**maggakkhaṇepī**”ti-ādi. **Tīsu ratanesu niṭṭham gata hotīti** buddhasubuddhataṃ dhammasudhammataṃ saṃghasuppaṭipattitaṅca ārabha nāṇena niṭṭham nicchayaṃ upagato hoti. Kāmaṃ cettha paṭhamamaggeneva sabbaso vicikicchāya pahīnattā sabbassapi ariyasāvakaṃsa kaṅkhā vā vimati vā natthi, tattha pana yathā paññāvepullappattassa arahato savisaye nāṇaṃ savisesaṃ ogāhati, na tathā anāgāmi-ādīnanti ratanattaye sātisaṃsa nāṇanicchayaḡamaṃ sandhāya “aggamaggavasena tattha niṭṭhāḡamaṃ vuttaṃ”ti vuttaṃ. Yaṃ panettha avibhattaṃ, taṃ suviññeyyamevāti.

Cūḡahatthipadopamasuttavaṇṇanāya līnatthappakāsanā samattā.

8. Mahāhatthipadopamasuttavaṇṇanā

300. **Jaṅgalānanti** ettha yo nipicchalena amuduko nirudakatāya thaddhalūkhabhūmippadeso, so “jaṅgalo”ti vuccati, tabbahulatāya pana idha sabbo bhūmippadeso jaṅgalo, tasmīṃ jaṅgale jātā, bhavāti vā jaṅgalā, tesāṃ jaṅgalānaṃ. Evaṃ hi nadīcarānampi hatthīnaṃ saṅgaho kato hoti. Samodhātābbānaṃ viya hi samodhāyakānampi jaṅgalaggahaṇena gahetabbato. **Pathavītalacārīnanti** iminā jalacārīno ca nivatteti adissamānapādattā. **Pāṇānanti** sādharāṇavacanampi “padajātānī”ti saddantarasaṇnidhānena viṣesaṇivīṭṭhameva hotīti āha “**sapāḡadakaḡāṇānaṃ**”ti. “Muttagataṃ”ti-ādīsu¹ gata-saddo anattantaro viya **jāta**-saddo anattantaroti āha “**padajātānīti padānī**”ti. **Samodhānanti** samavarodhaṃ, antogaṃaṃ vā. **Mahantattenāti** vipulabhāvena.

Kusalā dhammāti anavaḡḡasukhavipākā dhammā, na anavaḡḡamattadhammā. Kusalattike āḡatanayena hi idha kusalā dhammā gahetabbā, na bāhitikasutte āḡatanayena. **Catubbidho saṅgahoti** kasmā vuttaṃ, nanu ekavidhovettha saṅgaho adhippetoti? Na, atthaṃ aggaḡetvā aniddhāritatthassa saddasseva gahitattā. Saṅgaha-saddo tāva attano

1. Ma 2. 87; Am 3. 181 piṭṭhesu.

atthavasena catubbidhoti ayaṃ hettha attho, atthopi vā aniddhāritaviseso sāmāññaena gahetabbataṃ patto “saṅgahaṃ gacchatī”ti ettha saṅgaha-saddena vacanīyataṃ gatoti na koci doso, niddhārite visese tassa ekavidhatā siyā, na tato pubbeti. **Sajātisaṅgahoti** samānajātiyā, samānajātikānaṃ vā saṅgaho. Dhātukathavaṇṇanāyaṃ pana “**jātisaṅgaho**” icceva vuttaṃ, taṃ jāti-saddassa sāpekkhasaddattā jātiyā saṅgahoti vutte attano jātiyāti viññāyati sambandhārahassa aññaassa avuttattāti katvā vuttaṃ. Idha pana **rūpakaṇḍavaṇṇanāyaṃ**¹ viya pākaṭaṃ katvā dassetuṃ “**sajātisaṅgaho**” icceva vuttaṃ. Sañjāyanti etthāti sañjāti, sañjātiyā saṅgaho **sañjātisaṅgaho**, sañjātidetasvasena saṅgahoti attho. “Sabbe rathikā”ti vutte sabbe rathayodhā rathena yujjhanakiriyāya ekasaṅgahoti, “sabbe dhanuggahā”ti vutte sabbe issāsā dhanunā vijjhanakiriyāya ekasaṅgahoti āha “**evaṃ kiriyavasena saṅgaho**”ti. **Rūpakkhandhena saṅgahitanti** rūpakkhandhena ekasaṅgahaṃ rūpakkhandhoteva gaṇitaṃ, gahaṇaṃ gatanti attho.

Diyaḍḍhameva saccaṃ bhajati maggasaccadukkhasaccakadesabhāvato. Saccekadesantogadhampi saccantogadhameva hotīti āha “**saccānaṃ antogadhattā**”ti. Idāni tamatthaṃ sāsanaṭo ca lokato ca upamaṃ āharitvā dīpetuṃ “**yathā hī**”ti-ādi vuttaṃ. Tattha **sādhikamidaṃ bhikkhave diyaḍḍhasikkhāpadasatanti** idaṃ yasmim kāle taṃ suttaṃ desitaṃ, tadā paññattasikkhāpadavasena vuttaṃ, tato paraṃ pana sādhikāni dvesatāni sikkhāpadānīti. **Sikkhānaṃ antogadhattā** adhisīlasikkhāya. Ettha ca “sīlaṃ sikkhantopi tisso sikkhā sikkhatī”ti visamoyaṃ upaññāso. Tattha hi yo pahātabbaṃ pajahahi, saṃvaritabbato saṃvaram āpajjati, ayamassa **adhisīlasikkhā**. Yo tattha cetaso avikkhepo, ayamassa **adhicittasikkhā**. Yā tattha vīmaṃsā, ayamassa **adhipaññāsikkhā**. Iti so kulaputto sarūpato labbhamānā eva tisso sikkhā sikkhatīti dīpito, na sikkhānaṃ antogadhataṃmattena. Tenāha aṭṭhakathāyaṃ “yo tathābhūtaṃ saṃvaro, ayamettha adhisīlasikkhā, yo

1. Abhi-Ṭṭha 1. 343 piṭṭhe.

tathābhūtaṃ samādhī, ayamettha adhicittasikkhā, yā tathābhūtaṃ paññā, ayamādhīpaññāsikkhā, imā tisso sikkhā tasmimārammaṇe tāya satiyā tena manasikārena sikkhati āsevati bhāveti bahulīkaroti”ti. Idha pana saccānaṃ antogadhattā sacca-saddābhidheyyatāmattena catūsu saccesu gaṇanaṃ antogadhā hontīti? Na, tatthāpi hi nippariyāyato adhisīlasikkhāva labbhati, itarā pariyāyatoti katvā “**sikkhānaṃ antogadhattā**”ti vuttaṃ.

Catūsu ariyasaccesu saṅgahaṃ gacchantīti ca tato amuccitvā tasveva antogadhataṃ sandhāya vuttaṃ. Evañca katvā “yathā ca ekassa hatthipadassā”ti-ādinā dassitā hatthipadopamā samatthitā daṭṭhabbā. **Ekasmimpi dvīsupi tīsupi saccesu gaṇanaṃ gatā dhammā**ti idaṃ na kusalattikavaseneva veditabbaṃ, atha kho tikadukesu yathārahaṃ labbhamānapadavasena veditabbaṃ. Tattha ekasmimā saccesu gaṇanaṃ gato dhammo asaṅkhatadhammo daṭṭhabbo, dvīsusu saccesu gaṇanaṃ gatā kusalā dhammā, tathā akusalā dhammā abyākatā ca dhammā, tīsusu saccesu gaṇanaṃ gatā saṅkhatā dhammā, evaṃ aññesampi tikadukapadānaṃ vasena ayamatto yathārahaṃ vibhajitvā vattabbo. Tenāha “**ekasmimpi -pa- gatāva hontī**”ti. Ekadeso hi samudāyantogadhattā vireso viya sāmāññena samūhena saṅgahaṃ labhati. Tenāha “**saccānaṃ antogadhattā**”ti. **Desanānukkamoti** ariyasaccāni uddisitvā dukkhasaccaniddesavasena pañcannaṃ upādānakkhandhānaṃ vibhajaṇaṃ. Tattha ca rūpakkhandhaniddesavasena ādito ajjhattikāya pathavīdhātuyā vibhajaṇanti ayamā imissā desanāya anukkamo.

301. Tam panetaṃ upamāhi vibhāvetuṃ “yathā hī”ti-ādi vuttaṃ. Tattha **sujātanti** sundaraṃ, susaṅghitaṃ supariṇatañcāti adhippāyo. **Pesiyoti** vilīve. Mudubhāvato **kucchibhāgaṃ ādāya**. **Itare ca cattāro koṭṭhāseti** pañcadhā bhinnakoṭṭhāsesu itare ca cattāro koṭṭhāse. **Itare ca tayo koṭṭhāseti-ādito** catudhā bhinnakoṭṭhāsesu itare ca tayo koṭṭhāse.

Rājaputtūpamāyāti rañño jeṭṭhaputta-upamāya. **Tanti** piḷandhanaṃ. Ure vāyāmajanita-ariyajātiyā **oraso**. **Mukhato jātoti** mukhato

niggatadhammadesanāya jāto, buddhānaṃ vā dhammakāyassa mukhabhūta-ariyadhammato jāto. Tato eva **dhammajo dhammanimmito**. Satthu dhammadāyādasessa gahitattā **dhammadāyādo**. Tenāha “no āmisadāyādo”ti. **Tanti** “bagavato putto”ti-ādivacanaṃ. Mahāpaññatādiguṇehi sātisayaṃ anupubbabhāve ʒhitattā **sammā** yathābhūtaṃ **vadamāno** vattuṃ sakkonto **vadeyya**.

Akutobhayaṃ nibbānaṃ nibbānagāminiṅca. Rāgarajādīnaṃ vigamena vigatarajaṃ dhammaṃ desentaṃ sugataṃ sammāsambuddhaṃ bhikkhūnaṃ parosahassaṃ payirupāsātīti yojanā.

“**Sevetha bhajathā**”ti vatvā tattha kāraṇamāha “**paṇḍitā bhikkhū anuggāhakā**”ti. Paṇḍitāpi samānā na appassutā, atha kho ovādānusāsanihi anuggāhakāti purimā upamā therasseva vasena udāhaṭā dutiyā pana bagavato bhikkhusaṃghassapi vasena udāhaṭā.

302. **Ajjhattikāti** sattasantānapariyāpannā. **Ajjhattaṃ paccattaṃ** padadvayenapi taṃtaṃpāṭipuggalikadhammā vuccantīti āha “**ubhayampetaṃ niyakādhivacanamevā**”ti. Sasantatipariyāpannatāya pana attāti¹ gahetabbabhāvūpagamanavasena attānaṃ adhikicca uddissa pavattaṃ **ajjhattaṃ**, taṃtaṃsattasantānapariyāpannatāya **paccattaṃ**. Tenāha **aṭṭhakathāyam**² “attani pavattattā ajjhattaṃ, attānaṃ paṭicca paṭicca pavattattā paccattaṃ”ti. **Kakkhaḷanti** kathinaṃ. Yasmā taṃ thaddhabhāvena sahaṭānaṃ paṭiṭṭhā hoti, tasmā “**thaddhan**”ti vuttaṃ. **Kharigatanti** kharasabhāvesu gataṃ tappariyāpannaṃ, kharasabhāvamevāti attho. Yasmā pana kharasabhāvaṃ pharusākārena upaṭṭhānato pharusākāraṃ hoti, tasmā vuttaṃ “**pharusan**”ti. **Upādinnaṃ** nāma sarīraṭṭhakaṃ. Tattha yaṃ kammasamuṭṭhānaṃ, taṃ nippariyāyato “**upādinnan**”ti vuccati, itaraṃ **anupādinnaṃ**. Tadubhayampi idha taṃhādīhi ādinnagahitaparāmaṭṭhavasena upādinnamevāti dassetuṃ “**sarīraṭṭhakaṃhi**”ti-ādi vuttaṃ. Tattha **ādinnanti** abhiniviṭṭhaṃ. Mamanti **gahitaṃ**. Ahanti **parāmaṭṭhaṃ**. **Dhātukammaṭṭhānikassāti** catudhātuvavatthānavasena dhātukammaṭṭhānaṃ pariharantassa.

1. Attani (Visuddhi-Ṭī 1. 429 piṭṭhe.)

2. Visuddhi 1. 344 piṭṭhe.

Etthāti etasmim dhātukammaṭṭhāne. **Tīsu koṭṭhāsesūti** tippakāresu koṭṭhāsesu. Na hi te tayo cattāro koṭṭhāsā.

Vuttappakārāti “kesā lomā”ti-ādinā vuttappakārā. **Nānāsabhāvatoti** satipi kakkhaḷabhāvasāmaññe sasambhāravibhattito pana kesādisaṅghātagatanānāsabhāvato. **Ālayoti** apekkhā. **Nikantīti** nikāmanā. **Patthanā**ti taṇhāpatthanā. **Pariyuṭṭhānanti** taṇhāpariyuṭṭhānam. **Gahaṇanti** kāmupādānam. **Parāmāsoti** parato āmasanā micchābhiniveso. **Na balavā** ālayādi. Yadi evaṃ kasmā vibhaṅge bāhirāpi pathavīdhātu vitthāreneva vibhattāti? Yathādharmadesanattā tatha vitthāreneva desanā pavattā, yathānulomadesanattā panettha vuttanayena desanā saṃkhittā.

Yojetvā dassetīti ekajjham katvā dasseti. **Sāti** ajjhantikā pathavīdhātu. **Sukhapariggaho hoti** “na me so attā”ti. Siddhe hi anattalakkhaṇe dukkhalakkhaṇam aniccalakkhaṇaṅca siddhameva hoti saṅkhatadhammesu tadavinābhāvatoti. **Visūkāyatīti** visūkam virūpakiriyaṃ pavatteti. Sā pana atthato vipphananamevāti āha “**vipphanatī**”ti. **Assāti** ajjhantikāya pathavīdhātuyā. **Acetanābhāvo pākato hoti** dhātumattatāya dassanato. **Tam ubhayampīti** tam pathavīdhātudvayampi.

Tato visesatarenāti tato bāhiramahāpathavito visesavantatarena, lahutarenāti attho. **Kuppatīti** luppati. **Vilīyamānāti** pakati-udake loṇam viya vilayaṃ gacchantī. **Udakānugatāti** udakam anugatā udakagatikā. Tenāha “**udakameva hotī**”ti. Abhāvo eva **abhāvatā**, na bhavatīti vā abhāvo, tathāsabhāvo dhammo. Tassa bhāvo **abhāvatā**. Vayo vināso dhammo sabhāvo etassāti vayadhammo, tassa bhāvo **vayadhammatā**, atthato khayō eva. Sesapadesupi eseva nayo. Tenāha “**sabbehipi imehi padehi aniccalakkhaṇameva vuttan**”ti. Viddhamsanabhāvassa pana paveditabbattā kāmam aniccalakkhaṇameva vuttam sarūpato, itarānīpi atthato vuttānevāti dassento āha “**yam panā**”ti-ādi.

Mattaṃ khaṇamattaṃ tiṭṭhatīti mattaṭṭho, appamattaṭṭho **mattaṭṭhako**, ati-ittarakhaṇikoti attho. Tenāha “**parittaṭṭhitikassā**”ti. **Ṭhitiparittatāyā**ti ekacittapavattimattatāṭṭhānalakkhaṇassa itarabhāvena. Ekassa cittaṣṣa pavattikkhaṇamatteneva hi sattānaṃ paramatthato jīvanakkhaṇo paricchinno. Tenāha “**ayaṃ hī**”ti-ādi.

Jīvanti jīvitindriyaṃ. **Sukhadukkhā**ti sukhadukkhā vedanā. Upekkhāpi hi sukhadukkhāsveva antogadhā iṭṭhāniṭṭhabhāvato. **Attabhāvoti** jīvitavedanāviññāṇāni ṭhapetvā avasiṭṭhadhammā vuttā. **Kevalā**ti attaniccabhāvena avomissā. **Ekacittasamāyuttā**ti ekena cittaṇa sahitā ekacittakkhaṇikā. **Lahuso vattate khaṇoti** tāya eva ekakkhaṇikatāya lahuko ati-ittaro jīvitādīnaṃ khaṇo vattati vītivattaṭṭhi attho. **Idanti** gāthāvacanaṃ.

Yasmā sattānaṃ jīvitaṃ assāsapassāsānaṃ aparāparasañcaraṇaṃ labhamānameva pavattati, na alabhamānaṃ, tasmā **assāsapassāsūpanibaddhaṃ**. Tathā mahābhūtānaṃ samavuttitaṃ labhamānameva pavattati. Pathavīdhātuyāhi āpodhātu-ādīnaṃ vā aññatarapakopena balasampannopi puriso patthaddhakāyo vā, atisārādivasena kilinnapūtikāyo vā, mahāḍāhapareto vā, sañchijjamānasandhibandhano vā hutvā jīvitakkhayaṃ pāpuṇāti. Kabaḷikārāhārānaṃ yuttakāle labhantasseva jīvitaṃ pavattati, alabhantassa parikkhayaṃ gacchati, viññāṇe pavattamāneyeva ca jīvitaṃ pavattati, na tasmim appavattamāne. **Jīvanti** ettha **iti**-saddena iriyāpathūpanibaddhatāsītuṇhūpanibaddhatādīnaṃ saṅgaho. Catunnaṃ hi iriyāpathānaṃ samavuttitaṃ labhamānameva jīvitaṃ pavattati, aññatarassa pana adhimattatāya āyusaṅkhārā upacchijjanti, sītuṇhānampi samavuttitaṃ labhamānameva pavattati, atisītena pana ati-uṇhena vā abhibhūtassa vipajjati.

Taṇhupādinnasāti iminā hi paccayuppannatākittanena sarasapabhaṅgutāmyeva vibhāveti. Dukkhanupassanāya taṇhāggāhassa aniccānupassanāya mānaggāhassa anattānupassanāya diṭṭhiggāhassa ujuvipaccanīkabhāvato ekaṃseneva tīhi anupassanāhi gāhāpi vigacchantīti āha “**noteva hotī**”ti. **Ekāmyeva āgataṃ** bāhirāya pathavīdhātuyā antaradhānadassanapavattajotanāya.

Pariggahanti dhātupariggahaṇaṃ. **Paṭṭhapentoti** ārabhanto desento. Sotadvāre balaṃ dassetīti yojanā. Kammaṭṭhānikassa baladassanāpadesena kammaṭṭhānassa ānubhāvaṃ dasseti. **Vācāya ghaṭṭanameva vuttaṃ** sotadvāre baladassanabhāvato. **Balanti** ca bāhirāya viya ajjhattikāyapi pathavīdhātuyā acetanābhāvadassanena rukkhassa viya akkosantepi paharantepi nibbikāratā. **Sampativattamānuppannabhāvenāti** tadā paccuppannabhāvena. **Samudācāruppannabhāvenāti** āpāthagate tasmim̐ anitṭhe saddārammaṇe ārammaṇakaraṇasaṅkhāta-uppattivāsena sotadvāre javanavedanā dukkhāti vacanato. Tathā hi “**upanissayavasenā**”ti vuttaṃ. **Vedanādayopīti** “vedanā aniccā”ti ettha vuttavedanā ceva saññādayo ca. Te hi phassena samānabhūmikā na pubbe vuttavedanā. **Dhātusaṅkhātameva ārammaṇanti** yathāpariggahitaṃ pathavīdhātusaṅkhātameva visayaṃ. **Pakkhandatīti** vipassanācittaṃ aniccantipi dukkhantipi anattātipi sammasanavasena anupavisatī. Etena bahiddhāvikkhepābhāvamāha, **pasīdatīti** pana iminā kammaṭṭhānassa vīthipaṭipannataṃ. **Santiṭṭhatīti** iminā uparūpari visesāvahabhāvena avatthānaṃ paṭipakkhābhāvavāna niccalabhāvato. **Vimuccatīti** iminā taṇhāmānadiṭṭhiggāhato visesena muccanaṃ. Aṭṭhakathāyaṃ pana samuṭṭhānavasena attho vutto “**adhimokkhaṃ labhati**”ti. **Sotadvāramhi ārammaṇe āpāthagateti** idaṃ mūlapariññāya mūladassanaṃ. Sotadvārehi āvajjanavoṭṭhabbanānaṃ ayoniso āvajjayato voṭṭhabbanavasena itṭhe ārammaṇe lobho, anitṭhe ca paṭigho uppajjati, manodvāre pana “itthī, puriso”ti rajjanādi hoti, tassa pañcadvārajavanaṃ **mūlaṃ**, sabbaṃ vā bhavaṅgādi. Evaṃ manodvārajavanassa mūlavasena **pariññā**. **Āgantukatāvakālikapariññā** pana pañcadvārajavanasseva apubbabhāvavasena itarabhāvavasena ca veditabbā. Ayamettha saṅkhepo, vitthāro pana satipaṭṭhānasamvaṇṇanāyaṃ vutto eva.

Yāthāvato dhātūnaṃ pariggaṇhanavasena katapariggahassapi anādikālabhāvanāvasena **ayoniso āvajjanaṃ sacepi uppajjati**. **Voṭṭhabbanam patvāti** voṭṭhabbanakiccataṃ patvā. **Ekaṃ dve vāre āsevanam labhitvā**, na āsevanapaccayaṃ. Na hi upekkhāsahagatāhetukacittaṃ āsevanapaccayabhūtaṃ atthi. Yadi siyā, paṭṭhāne kusallatike

paṭiccavārādīsu “na maggapaccayā āsevane dve, āsevanapaccayā na magge dve”ti ca vattabbaṃ siyā, “na maggapaccayā āsevane ekaṃ”¹, āsevanapaccayā na magge ekaṃ”ti² ca pana vuttaṃ. **Ekaṃ dve vāreti** ettha ca ekaggahaṇaṃ vacanasiliṭṭhatāya vasena vuttaṃ. Na hi dutiye moghavāre ekavārameva voṭṭhabbaṇaṃ pavattati. Dvikkhattuṃ vā tassa pavattim sandhāya ekavāraggahaṇaṃ, tikkhattuṃ pavattim sandhāya dvevāraggahaṇaṃ. Tattha dutiyaṃ tatiyaṃca pavattamaṇaṃ laddhāsevanam viya hoti. Yasmā pana “voṭṭhabbaṇaṃ patvā ekaṃ dve vāre āsevanam labhitvā cittaṃ bhavaṅgameva otarati”ti idaṃ dutiyamoghavāravasena vuttaṃ bhaveyya, so ca ārammaṇadubbalatāya eva hotīti abhidhammaṭṭhakathāyaṃ niyamito, idha pana tikkhānupassanānubhāvena akusaluppattiyā asambhavavasena ayoniso vā vajjato ayoniso vavatthānaṃ siyā, na yoniso, tasmim ca pavatte mahati atimahati vā ārammaṇe javanaṃ na uppajjeyyāti ayamatto vicāretvā gahetabbo.

Etasseva vā satipi duvidhatāparikkappane so ca yadi anulome vedanāttike paṭiccavārādīsu “āsevanapaccayā na magge dve, na maggapaccayā āsevane dve”ti ca vuttaṃ siyā, (labbheyya), na ca vuttaṃ. Yadi pana voṭṭhabbaṇampi āsevanapaccayo siyā, kusalākusalānaṃpi siyā. Na hi āsevanapaccayaṃ laddhuṃ yuttassa āsevanapaccayatāpi dhammo āsevanapaccayo hotīti avutto atthi, voṭṭhabbaṇassa pana kusalākusalānaṃ āsevanapaccayabhāvo avutto “kusalaṃ dhammaṃ paṭicca kusalo dhammo uppajjati nāsevanapaccayā. Akusalaṃ -pa- nāsevanapaccayā”ti³ vacanato paṭikkhitto ca. Athāpi siyā asamānavedanānaṃ vaseneva vuttanti ca, evamapi yathā “āvajjanā kusalānaṃ khandhānaṃ akusalānaṃ khandhānaṃ anantarapaccayena paccayo”ti⁴ vuttaṃ, evaṃ “āsevanapaccayena paccayo”tipi vattabbaṃ siyā. Taṃ jātibhedā na vuttanti ce? Bhūmibhinnassa kāmāvacarassa rūpāvacarādīnaṃ āsevanapaccayabhāvo viya jātibhinnassapi bhaveyyāti vattabbo eva siyā, abhinna-jātikassa ca vasena yathā “āvajjanā sahetukānaṃ khandhānaṃ anantarapaccayena

1. Abhi 8. 63 piṭṭhe. 2. Abhi 8. 49 piṭṭhe. 3. Abhi 8. 36 piṭṭhe. 4. Abhi 8. 138 piṭṭhe.

paccayo”ti vuttaṃ, evaṃ “āsevanapaccayena paccayo”tipi vattabbaṃ siyā, na ca vuttaṃ, tasmā vedanāttikepi “āsevanapaccayā na magge ekaṃ, na maggapaccayā āsevane ekaṃ”ti evaṃ gaṇanāya niddhāriyamānāya voṭṭhabbanassa āsevanapaccayattassa abhāvā ayaṃ moghavāro upaparikkhitvā gahetabbo.

Voṭṭhabbanam pana vīthivipākasantatiyā āvaṭṭanato āvajjanā, tato visadisassa javanassa karanato manasikāroti ca vattabbatam labheyya, evañca katvā **paṭṭhāne** “voṭṭhabbanam kusalānam khandhānam anantarapaccayena paccayo”ti-ādi na vuttaṃ, “āvajjanā” icceva¹ vuttaṃ, tampi voṭṭhabbanato param catunnam pañcannam vā javanānam ārammaṇapurejātam bhavitum asakkontam rūpādim ārabba pavattamānam voṭṭhabbanam javanaṭṭhāneṭhatvā bhavaṅgam otarati. **Javanaṭṭhāne ṭhatvāti** ca javanassa uppajjanaṭṭhāne dvikkhattum pavattitvāti attho, na javanabhāvenāti. **Āsevanam labhitvāti** cettha āsevanam viya āsevananti vuttovāyamatto. Vipphārikattā cassa dvikkhattum vā tikkhattum vā pavattiyeva cettha āsevanasadisatā. Vipphārikatāya hi viññattisamuṭṭhāpakatā cassa vuccati, vipphārikampi javanam viya anekakkhattum appavattiyā asuppatiṭṭhitatāya ca na nipariyāyato āsevanabhāvena vattatīti na imassa āsevanattham vuttaṃ. Aṭṭhakathāyam pana phalacittesu maggapariyāyo viya pariyaṅgasena vuttaṃ.

Ayanti “sacepi”ti-ādinā vutto ekavārampi rāgādīnam anuppādanavasena vipassanāya kammaṃ karonto yogāvacaro. **Koṭippattoti** matthakam patto. Paṭipakkhehi anabhibhūtattā visadavipassanāññānatāya **tikkhavipassako**. **Ārammaṇam pariggahitameva hoti** “evaṃ me javanam javitan”ti sārammaṇassa javanassa hutvā abhāvavavavattāpanassa kammaṭṭhānabhāvato, tathā āvajjanavasena vā tam ārammaṇam vissajjevā tāvadeva mūlakammaṭṭhānabhūtam ārammaṇam pariggahitameva hoti. **Dutiyaṃ pana vasenāti** “aparassa rāgādivasena ekavāram javanam javati”ti-ādinā vuttassa nātitikkhavipassakassa vasena “tassa dhātārammaṇameva cittam pakkhandati”ti-ādinā imasmim sutte āgatattā. “Tamenam upadhipahānāya paṭipannaṃ upadhipaṭinissaggāya kadāci karahaci satisammosā upadhipaṭisamyuttā sarasaṅkappā samudācaranti. Dandho udāyi satuppādo, atha

1. Abhi 8. 138 piṭṭhe.

kho nañ khippameva pajahati vinodeti byantīkaroti anabhāvañ gametī”ti **laṭṭukikopame**¹. Tassa hi **aṭṭhakathāya**² “sotāpannādayo tāva pajahantu, puthujjano kathañ pajahatī”ti codanañ paṭṭhapetvā “āraddhavipassako hi satisammosena sahasā kilese uppanne “mādisassa nāma bhikkhuno kileso uppanno”ti samvegam katvā vīriyañ paggayha vipassanañ vaḍḍhetvā maggena kilese samugghātetī, iti so pajahati nāma”ti attho vutto. Tena vuttañ “tassa dhātārammaṇameva cittañ pakkhandatīti-ādinā imasmimsutte āgatattā”ti-ādi. **Indriyabhāvane ca** majjhimassa vasena **ayamattho veditabbo**.

Pariggahavasenāti dhātupariggahavasena. Mammacchedanādivasena pavatta-akkosanādiñ aniṭṭhañ ārammaṇaṃ patvā **sotadvāre kilamati** puggalo, tathā pothanapaharaṇādikañ aniṭṭhañ ārammaṇaṃ patvā **kāyadvāre kilamati**.

Samudācarantīti sabbaso uddhañ ācaranti. Tayidañ amanāpehi samudācaraṇaṃ nāma pothanapaharaṇādivasena upakkamanaevāti āha “**upakkamantī**”ti, bādhanāti attho. **Tathāsabhāvoti** yathā pañippahārādīhi ghaṭṭitamatto vikārañ āpajjati, tathāsabhāvo. “Ubhatodaṇḍakena cepi bhikkhave kakacenā”ti-ādinā³ ovādādānañ nāma anaññasādhāraṇaṃ buddhānañyeva āveṇikanti āha “**vuttañ kho panetañ bagavatāti anussarantopi -pa- kakacūpamovādañ anussarantopi**”ti vuttañ. Tassapi pariyattidhammabhāvatoti keci. Yañ pana kakacokantakesupi manussesu appadussanañ nibbikārañ, tañ satthusāsaṇañ anussarantopi sammāpaṭipattilakkhaṇañ dhammañ anussaratiyevāti evaṃ vā ettha attho veditabbo. **Bhikkhuno guṇanti** ariyadhammādhigamanaśiddhañ guṇamāha. So ca sabbesampi ariyānañ guṇoti tañ anussarantopi saṅghañ anussarati evāti vuttañ.

Vipassanupekkhā adhippetā, tasmā upekkhā kusalanissitā na sañṭhātīti vipassanāvasena sabbasmimpi saṅkhāragate ajjupekkhanañ na labhatīti attho. **Chalaṅgupekkhā**ti chalaṅgupekkhā viya chalaṅgupekkhā itthāniṭṭhesu

1. Ma 2. 117 piṭṭhe.

2. Ma-Ṭṭha 3. 119 piṭṭhe.

3. Ma 1. 181 piṭṭhe.

nibbikāratāsāmañña. Tenāha “**sā panesā**”ti-ādi. **Chalaṅgupekkhāṭhāne ṭhapeti** “lābhā vata me, suladdham vata me”ti-ādinā attamanatam āpajjanto.

303. **Āpogatanti** ābandhanavasena āpo, tadeva āposabhāvaṃ gatattā āpogataṃ, sabhāveneva āpobhāvaṃ vā pattanti attho. Yasmā pana so āpobhāvasaṅkhāto allayūsabhāvo sasambhārapathavāsasambhāra-udakādigate sabbasmimpi āpasmim vijjati, tasmā vuttam “**sabba-āpesu gataṃ allayūsabhāvalakkhaṇaṃ**”ti, dravabhāvalakkhaṇanti attho. “Pakuppati”ti pākatikapakopaṃ sandhāyāha “**oghavasena vaḍḍhati**”ti. Tenāha “**ayamassa pākatiko pakopo**”ti. Itaram pana dassetuṃ “**āposamvattakāle panā**”ti-ādi vuttam. **Ogacchantī**ti ettha ogamananti pariyādānam adhippetam, na adhogamanamattanti āha “**uddhane -pāpuṇanti**”ti.

304. **Sabbatejesu gatanti** indhanādivasena anekabhedesu sabbesu tejokotṭhāsesu gataṃ pavattam. Yathā pīti eva pītigataṃ, evam **tejo eva tejogataṃ**, tejanavasena pavattimattanti attho. Evam āpogataṃ vāyogatañca veditabbanti āha “**purime**”ti-ādi. **Ekāhikajarādibhāvenā**ti ekāhikādi jarābhedenā. **Usumajātoti** usmābhibhūto. **Jīratī**ti jinno hoti. Tejodhātuvasena labbhamānā imasmim kāye jarāpavatti pākaṭajarāvasena veditabbāti dassetuṃ “**indriyavekallattan**”ti-ādi vuttam. **Valipalitādibhāvanti** valitapalitabhāvaṃ, aṅgapaccaṅgānam sithilabhāvañca. **Kuppitenā**ti khubhitena. Satakkhattuṃ tāpetvā tāpetvā sītūdake pakkhipitvā uddhaṭasappi **satadhotasappī**ti vadanti. Sarīre pakati-usumam atikkamitvā uṇhabhāvo **santāpo**, sarīrassa dahanavasena pavatto mahādāho **paridāhoti** ayameva tesam viseso. **Asitanti** bhuttam. **Khāyitanti** khāditaṃ. **Sāyitanti** assāditaṃ. **Sammā paripākam gacchatī**ti samavepākiniyā gahaṇiyā vasena vuttam. Asammāparipākopi visamapākiniyā gahaṇiyā vasena veditabbo. **Rasādibhāvenā**ti rasarudhiramaṃsamedanhāru-aṭṭhi-aṭṭhiminjasukkabhāvena. **Vivekanti** puthubhāvaṃ aññamaññaṃ visadisabhāvaṃ.

Asitādibhedassa āhārassa pariṇāme raso hoti, taṃ paṭicca rasadhātu uppajjatīti attho. Evaṃ rasassa pariṇāme “rudhiraṇ”ti-ādinā sabbam netabbaṃ.

Haritantanti haritameva, anta-saddena padavaḍḍhanaṃ kataṃ yathā “vanantaṃ suttantaṇ”ti. **Cammanillekhanam** cammaṃ likhitvā chaḍḍitakasaṭaṃ.

305. **Uggārahikkārādīti** ettha **ādi**-saddena uddekakhīpanādipavattakavātānaṃ saṅgaho daṭṭhabbo. **Uccārapassāvādīti** **ādi**-saddena pittaśemhalasikādinīharaṇavātassa ceva usumavātassa ca saṅgaho vedītabbo. Yadi **kucchi**-saddo udarapariyāyo, koṭṭha-saddena pana abbhantarassa vuccamānattā tadavasīṭṭho udarapadeso idha icchi-saddena vuccatīti āha “**kucchisayā vātāti antānaṃ bahivātā**”ti. **Samiñjanapasāraṇādīni** **ādi**-saddena ālokanavilokana-uddharaṇādikā sabbā kāyikakiriya saṅgahitā. Avasavati udakaṃ etasmāti **ossavanam**, chadananto. **Idhāti** imasmim ṭhāne.

306. **Nissattabhāvanti** anattakataṃ. Yathādassitā hi catasso dhātuyo anattaniyaṃ kevalaṃ dhātumattā nissattanijjīvāti imamatthaṃ dasseti. **Parivāritoti** parivāritabhāvena ṭhito parivuto. Tenāha “**etāni**”ti-ādi, kaṭṭhādīni sannivesavisesavasena ṭhapitāni adhippāyo. Aññāthā agārasamaññāya bhāvato. Tenāha “**kaṭṭhādīsu panā**”ti-ādi. Yadatthaṃ pāliyaṃ “seyyathāpi āvuso”ti-ādi āraddhaṃ, tamatthaṃ pākaṭaṃ katvā dassetuṃ “**yathā kaṭṭhādīni**”ti-ādi vuttaṃ.

Kāmaṃ heṭṭhā “mattaṭṭhakassa kāyassā”ti-ādinā¹ avibhāgena ekadesena ca upādārūpampi kathitaṃ, tathā vedanādayo khandhabhāvena pariggahetvā na kathitā, tathā taṇhāpi samudayasaccabhāvena. Itarāni pana saccāni sabbena sabbam na kathitāni. Tenevāha “**heṭṭhā -pa- na kathitāni**”ti. **Cakkhupasāde niruddheti** cakkhupasāde vinaṭṭhe. **Upahateti** pubbakimi-ādīhi upaddute. **Palibuddheti** pubbādi-uppattiyā vinā paṭicchādite. **Tajjoti** tassānurūpo, cakkhuviññāṇupattiyā anurūpoti attho.

1. Ma 1. 243 piṭṭhe.

Cakkhussa rūpārammaṇe āpāthagate uppajjanamanasikāro hadayasannissayopi cakkhumhi sati hoti, asati na hotīti katvā “**cakkhum paṭicca uppajjanamanasikāro**”ti vutto. Bhavaṅgāvaṭṭanaṃ tassa yathā ārammaṇapaccaye, evaṃ pasādapaccayepi hotīti vuttaṃ “**cakkuṃca rūpe ca paṭiccā**”ti. **Tanti** cakkhudvāre kiriyamanodhātucittāṃ. **Aññavihitassāti** aññārammaṇapasutassa. **Tadanurūpassāti** tesāṃ cakkhurūpatadābhogānaṃ anurūpassa.

Cattāri saccāni dasseti sarūpato atthāpattito cāti adhippāyo. Tappakāro bhūto, tappakāraṃ vā patto **tathābhūto**, tassa, yathā cakkhuviññānaṃ uppajjati, tādisassa paccayākārasamavetassāti attho. **Tisamuṭṭhānarūpanti** utukammāhārasamuṭṭhānarūpaṃ. Idañca satipi tadā bhavaṅgāvaṭṭanacittasamuṭṭhānarūpe kevalaṃ cakkhuviññānasamuṭṭhitarūpassa abhāvamattaṃ gahetvā vuttaṃ. **Saṅghaṃ gacchatīti** nagaraṃ viya rajje rūpakkhandaṃ saṅghetabbataṃ gahetabbataṃ gacchati. “Tathābhūtaṃ”ti vuttattā **vedanādayo cakkhuviññānasampayuttāva, viññānampi cakkhuviññānameva. Saṅkhārāti cetanāva vuttā** cetanāpadhānattā saṅkhārakkhandhassāti adhippāyo. Tattha pana phassaṃvitindriyamanasikāraccittatṭhitiyopi saṅkhārakkhandhadhammāva. **Ekato saṅgho** “pañcakkhandhā”ti ekato gaṇaṇā. **Samāgamoti** yathāsakaṃ paccayasena samodhānaṃ. **Samavāyoti** aññamaññaṃ paccayabhāvena samavetatāya samuditabhāvo.

Paccayuppannadhammo paṭicca samuppajjati etasmāti **paṭiccasamuppādo**, paccayākāro. Paccayadhamme passantopi paccayuppannadhamme passati, te passantopi paccayadhamme passatīti vuttaṃ “**yo paṭiccasamuppādan**”ti-ādi. **Chandakaraṇavasenāti** taṇhāyanavasena. **Ālayakaraṇavasenāti** apekkhākaraṇavasena. **Anunayakaraṇavasenāti** anurajjanavasena. **Ajjhogāhitvāti** ārammaṇaṃ anupavisitvā viya gilivā viya niṭṭhapetvā viya dalhaggahaṇavasena. Chandarāgo vinayati pahīyati etthāti **chandarāgavinayo chandarāgapahānañcāti** vuccati nibbānaṃ. **Āharitvāti** pāḷiyaṃ sarūpato anāgatampi atthato ānetvā saṅgaṇhanavasena gahetabbāṃ. Āharaṇavidhiṃ pana dassento “**yā imesū**”ti-ādimāha. **Imesu tīsu ṭhānesūti** yathāvuttesu sukhadukkhādīsu tīsu abhisamayatṭhānesu. **Diṭṭhīti** pariññābhisamayādivasena pavattā sammādiṭṭhi yāthāvadassanaṃ. Evam

saṅkappādayopi yathārahaṃ veditabbā. **Bhāvanāpaṭivedho** bhāvanāvasena paṭivedho, na ārammaṇakaraṇamattena. **Ayaṃ maggoti** ayaṃ catunnaṃ ariyasaccānaṃ paṭivijjhanavasena pavatto aṭṭhaṅgiko maggo. **Ettāvatāpīti** evaṃ ekasmiṃ cakkhudvāre vatthu pariggahamukhenapi catusaccakammaṭṭhānassa matthakaṃ pāpanena **bahuṃ** vipulaṃ paripuṇṇameva **bagavato sāsanaṃ kataṃ** anuṭṭhitaṃ **hoti**.

Uppajjitvā niruddhameva bhavaṅgacittaṃ āvajjanacittassa paccayo bhavatīti vuttaṃ “**taṃ niruddhampī**”ti. **Mandathāmagatamevāti** mahatiyā niddāya abhibhūtassa vasena vuttaṃ, kapimiddhaparetassa pana bhavaṅgacittaṃ kadāci āvajjanassa paccayo bhaveyyāti. **Bhavaṅgasamayenevāti** bhavaṅgasseva pavattanasamayena paguṇajjhānapaguṇakammaṭṭhānapaguṇaganthesu tesāṃ paguṇabhāveneva ābhogena vināpi manasikāro pavattati. Tathā hi paguṇaṃ ganthaṃ paguṇabhāveneva nirantaraṃ viya ajjhayamāne aññavihitatāya “ettako gantho gato, ettako avasiṭṭho”ti sallakkhaṇā na hoti. **Catusamuṭṭhānampīti** sabbaṃ catusamuṭṭhānarūpaṃ, na pubbe viya tisamuṭṭhānamevāti adhippāyo. Pubbaṅgamattā oḷārikattā ca phassacetanāva saṅkhārakkhandhoti gahitā, na aññesaṃ abhāvā. **Ekadesameva sammasantoti** yathā-uddiṭṭhaṃ atthaṃ heṭṭhā anavasesato aniddisitivā ekadesameva niddisanavasena desanāya āmasanto. **Imasmim ṭhāneti** yathā-uddiṭṭhassa atthassa “ajjhattikañceva āvuso cakkhun”ti-ādinā¹ chadvārasena niddisanaṭṭhāne. **Heṭṭhā parihīnadesananti** “yaṃ upādārūpaṃ cattāro arūpino khandhā upari tīṇi ariyasaccānī”ti niddesavasena parihīnaṃ atthajātaṃ sabbaṃ. **Taṃtaṃdvāravasenāti** cakkhudvārādikaṃ taṃtaṃdvāravasena. Catusaccavasena āradhā desanā catusaccaneva pariyosāpitāti āha “**yathānusandhināva suttantaṃ niṭṭhapesī**”ti.

Mahāhatthipadopamasuttavaṇṇanāya līnatthappakāsanā samattā.

1. Ma 1. 248 piṭṭhe.

9. Mahāsāropamasuttavaṇṇanā

307. **Nacirapakkanteti** na ciram̐ pakkante, pakkantassa sato na cirasseva. **Salīṅgenevāti** muṇḍiyakāsāyaggahaṇādinā attano purimalīṅgeneva. **Pāṭiyekke jāteti** vipannācāradiṭṭhitāya pakāsaniyakammakaraṇato param̐ aññatitthiyasadise visum̐ bhūte. **Kulaputtoti** jātimattena kulaputto. **Asambhinnāyāti** sambhedarahitāya, jātiṣaṅkaravirahitāyāti attho. Jātiṣisena idha jātivatthukam̐ dukkham̐ vuttanti āha “**otiṇṇoti yassa jāti anto anupaviṭṭhā**”ti. Jāto hi satto jātakālato paṭṭhāya jātinimittena dukkhena anto anupaviṭṭho viya vibādhiyati. **Jarāyāti**-ādīsupi esseva nayo. Cattāro paccayā labbhantīti lābhā, catunnam̐ paccayānam̐ labbhamānānam̐ sukatabhāvo suṭṭhu abhisāṅkhatabhāvo. **Vaṇṇabhaṇananti** guṇakittanam̐. **Apaññātāti** sambhāvanāvasena na paññātā. Lābhādinibbattiyābhāvadassanañhetam̐. Tenāha “**ghāsacchādanamattampi na labhanti**”ti. **Appesakkhāti** appānubhāvā. Sā pana appesakkhatā adhipateyyasampattiyā ca parivārasampattiyā ca abhāvena pākāṭā hoti. Tattha parivārasampattiyā abhāvam̐ dassento “**appaparivārā**”ti āha.

Sārenapi keci ajānanena aññālābhena vā asārabhūtampi kattabbam̐ karontīti tato visesanattham̐ “sārena sārakaraṇīyan”ti vuttanti tam̐ dassento “**akkhacakkayuganaṅgalādikan**”ti āha. **Brahmacariyassāti** sikkhāttayasaṅgahassa sāsana brahmacariyassa. Mahārukkhassa maggaphalasārassa ñāṇadassanapheggukassa samādhitacassa sīlapapaṭṭikassa cañcalasabhāvā samsappacārīti ca **cattāro paccayā sākāpalāsam̐ nāma**. **Tenevāti** lābhasakkārasilokanibbattaneneva. **Sāro me pattoti** imasmim̐ sāsane adhigantabbasāro nāma iminā lābhādinibbattanena anuppattoti vosānam̐ niṭṭhitakiccam̐ āpanno.

310. **Ñāṇadassananti** ñāṇabhūtam̐ dassanam̐ visayassa sacchikaraṇavasena pavattam̐ abhiññāñāṇam̐. **Sukhumam̐ rūpanti** devādīnam̐, aññampi vā sukhumasabhāvam̐ rūpam̐. Tenāha “**antamaso -pa-viharanti**”ti, dibbacakkhu hi idha ukkaṭṭhaniddesena “ñāṇadassananti”ti gahitam̐.

311. **Asamayavimokkhaṃ ārādheti**ti ettha adhippetam̐ asamayavimokkhaṃ pāḷiyā eva dassetuṃ “**katamo asamayavimokkho**”ti-ādi vuttaṃ. Aṭṭhannaṃ hi samāpajjanasamayopi atthi asamayopi, maggavimokkhena pana vimuccanassa samayo vā asamayo vā natthi. Yassa saddhā balavatī, vipassanā ca āraddhā, tassa gacchantassa tiṭṭhantassa nisīdantassa bhuñjantassa ca maggaphalapaṭivedho nāma na hotīti na vattabbaṃ, iti maggavimokkhena vimuccantassa samayo vā asamayo vā natthīti so **asamayavimokkho**. Tenāha “**lokiyasamāpattiyo hī**”ti-ādi.

Na kuppati na nassatīti **akuppā**, kadācipi aparihānasabhāvā. Sabbasaṃkileschi paṭippassaddhivasena cetaso vimuttīti **cetovimutti**. Tenāha “**arahattaphalavimutti**”ti. Ayamatto payojanaṃ etassāti **etadattamaṃ**, sāsana brahmacariyaṃ, tassa **esā** paramakoṭi. Yathā raddhassa sārōpamena phalena desanā niṭṭhāpitāti āha “**yathānusandhināva desanaṃ niṭṭhapesī**”ti. Yaṃ panettha atthato avibhattaṃ, taṃ suviññeyyameva.

Mahāsārōpamasuttavaṇṇanāya līnatthappakāsanā samattā.

10. Cūḷasārōpamasuttavaṇṇanā

312. **Piṅgaladhātukoti** piṅgalasabhāvo piṅgalacchaviko, piṅgalakkhoti vā attho. **Pabbajitasamūhasaṅkhāto saṅgho**, na sīlādiguṇehi saṅgahitabbabhāvena. Saṅgho etesaṃ atthi parivārabhūtōti **saṅghino**. **Svevāti** so eva pabbajitasamūhasaṅkhāto. **Ācārasikkhāpanavasena**ti attanā parikappita-acelavatādi-ācārasikkhāpanavasena. **Paññātāti** yathāsakaṃ samādinnavatavasena ceva viññātaladdhivasena ca paññātā. **Laddhikarāti** tassā micchādiṭṭhiyā uppādakā. **Bahujaṇassāti** puthujanassa, tassa pana āgamasampadāpi nāma natthi, kuto adhigamoti ekaṃsato andhaputhujjano evāti āha “**assutavato andhabālaputhujjanassā**”ti. Na hi viññū appasādanīye pasīdanti. Maṅgalesu kātabbadāsakiccakaro dāso **maṅgaladāso**.

Tantāvutānanti tante pasāretvā vītānaṃ. **Gaṇṭhanakilesoti** saṃsāre bandhanakilesa. **Evam vāditāyāti** evaṃ paṭiññatāya, evaṃ diṭṭhitāya vā. **Niyyānikāti** niyyānagatisappaṭihirakā anupārambhabhūtattāti adhippāyo. No ce niyyānikāti ānetvā yojanā. ¹Tesaṃ sabbaññupaṭiññāya abhūtattā tassā abhūtabhāvakathanena¹ tassa brāhmaṇassa na kāci atthasiddhīti āha “**nesaṃ aniyyānikabhāvakathanena atthābhāvato**”ti.

318. Nihīnalokāmise² līno ajjhāsayo etassa, na pana nibbāneti³ līnajjhāsayo. **Sāsanam sithilam katvā gaṇhāti** sikkhāya na tibbagāravattā.

323. **Heṭṭhāti** anantarātītasutte mahāsāropame. **Paṭhamajjhānādidhammā vipassanāpādakāti** vipassanāya padaṭṭhānabhūtā. **Idhāti** imasmim cūlasāropame āgatā. **Nirodhapādakāti** anāgāmino, arahanto vā nirodhasamāpattiṃ samāpajjituṃ samatthā. **Tasmāti** nirodhapādakattā. Paṭhamajjhānādidhammā ñāṇadassanato **uttaritarāti** veditabbā.

Cūlasāropamasuttavaṇṇanāya līnatthappakāsānā samattā.

Niṭṭhitā ca opammavaggavaṇṇanā.

1-1. Yasmā sabbaññupaṭiññāto sā ca abhūtattābhāvakathanena (Ka)

2. Nihīnalokāmisena (Ka)

3. Na pana so nibbānenāti (Ka)

4. Mahāyamakavagga

1. Cūḷagosīngasuttavaṇṇanā

325. Ñātīnam¹ nivāsaṭṭhānabhūto gāmo ñātiko, so eva **nātiko**. So kira gāmo yesaṃ santako, tesam pubbapurisena attano ñātīnam sādḥāraṇabhāvena nivesito, tena “nātiko”ti paññāyittha. Atha pacchā tattha dvīhi dāyādehi dvidhā vibhajitvā paribhutto. Tenāha “**dvinnam cūḷapitimahāpituttānam dve gāmā**”ti. Giṅjakā vuccanti iṭṭhakā, giṅjakāhiyeva kato āvasatho **giṅjakāvasatho**. Tasmim kira padese mattikā sakkharamarumbavālikādīhi asammissā akaṭṭhinā saṅḥā sukhumā, tāya katāni kulālabhājanānīpi silāmayāni viya daḥhāni, tasmā te upāsakā tāya mattikāya dīghaputhula-iṭṭhakā kāretvā tāhi ṭhapetvā dvārabāhavātapānakavāṭatulāyo² sesam sabbam dabbasambhārena vinā iṭṭhakāhi eva pāsādam kāresum. Tenāha “**iṭṭhakāhevā**”ti-ādi.

Gosiṅgasālavanadāyanti gosiṅgasālavananti laddhanāmaṃ rakkhitam araṇṇam. **Jeṭṭhakarukkhassāti** vanappatibhūtassa sālarukkhassa. **Sāmaggirasanti** samaggabhāvādiguṇam vivekasukham. **Uparipañṇāsake** upakkilesasutte³ puthujjanakālo kathito, **idha** cūḷagosīngasutte **khīṇāsavakālo kathito**. Katakiccāpi hi te mahātherā attano diṭṭhadhammasukhavihāram paresam diṭṭhānugatiṃ āpajjanañca sampassantā paramaṇca vivekam anubrūhantā sāmaggirasam anubhavamānā tattha viharanti. **Tadāti** tasmim upakkilesasuttadesanākāle. **Teti** anuruddhappamukhā kulaputtā. **Laddhassādāti** vipassanāya vīthipaṭipattiyā⁴ adhigatassādā. Vipassanā hi pubbenāparam visesam āvahantī pavattamānā sātisayam pītisomanassam āvahati. Tenāha bagavā—

“Yato yato sammasati, khandhānam udayabbayam.

Labhati pītīpāmojjam, amataṃ taṃ vijānatan”ti⁵.

1. Am-Ṭī 3. 98 piṭṭhādīsopi passitabbari.

2. Dvāravātapānakavāṭatulāyo (Am-Ṭī 3. 98 piṭṭhe.)

3. Ma 3. 193 piṭṭhe. 4. Vidhipaṭipattiyā (Ka) 5. Khu 1. 67 piṭṭhe Dhammapade.

Laddhapatiṭṭhā maggaphalādhigamanena. Sati hi maggaphalādhigame sāsane patiṭṭhā laddhā nāma hoti, no aññathā.

Kāmaṃ Sāriputtamoggallānāpi mahāsāvaka-pariyāpannāva, aggasāvaka-bhāvena pana nesam visesadassanattam “**dhammasenāpatimahāMoggallānattheresu vā**”ti visum gahaṇam. Satipi hi sāmāññayoge visesavanto visum gayhanti yathā “brāhmaṇā āgatā, vāsīṭṭhopi āgato”ti. Tesu pana visum gahitesupi “**asītimahāsāvakesū**”ti **asīti**ggahaṇam appakam unamadhikam vā gaṇanupagam na hotīti. **Antamasoti** idam dhammabhaṇḍāgārikassa upaṭṭhākabhāvena āsannacāritāya vuttam. **Anīkāti** hatthānikā, hatthānikato hatthisamūhatoti attho. Kālasīho yebhuyyena yūthacaroti katvā vuttam “**yūthā nissaṭṭo kālasīho viyā**”ti. Kesarī pana ekacarova. **Vātacchinno valāhako viyāti** vātacchinno pabbatakūṭappamāṇo valāhakacchedo viya. **Tesam paggaṇhanatoti** yathā nāma jighacchitassa bhojane, pipāsitassa pānīye, sītena phuṭṭhassa uṇhe, uṇhena phuṭṭhassa sīte, dukkhitassa sukhe abhiruci uppajjati, evamevaṃ bagavato kosambake bhikkhū aññamaññam vivādāpanne disvā apare samaggāvāsam vasante āvajjitassa ime tayo kulaputtā āpātham āgamimsu, atha ne paggaṇhitukāmo upasaṅkami, evāyam paṭipatti-anukkamena kosambakānam bhikkhūnam vinayanupāyo hotīti. Tenāha “tesam paggaṇhanato”ti. Eteneva **pacchima-janataṃ anukampanatoti** idampi kāraṇam ekadesena samvaṇṇitanti daṭṭhabbam. **Ukkamsitvāti** yathābhūtehi guṇehi sampahaṃsanena visesetvā viṣiṭṭhe katvā pasamsāvasena cetam āmedītavacanam.

Tam araññam rakkhati vanasāminā aṇatto. Rakkhitagopitam vanasaṇḍam, na mahāvanādi viya apariggahitam. Sīlādippabhedāya attatthāya paṭipannā **attakāmā**, na apariccattasinehāti āha “**attano hitam kāmayamānā**”ti. Tenāha “**yo hī**”ti-ādi. **Bhindeyyāti** vināseyya.

Dubbalamanussāti paññāya dubbalā aviddasuno manussā. **Tānīti** abhijāti-ādīsu uppannapaṭihāriyāni. **Cīvaragabbhena paṭicchādetvāti** cīvarasaṅkhāte ovarake nigūhitvā viya. Na hi cīvarapārupanamattena buddhānubhāvo paṭicchanno hoti. “Mā Sudha kocimam buddhānubhāvam aññāsī”ti

pana tathārūpena iddhābhisankhārena taṃ chādetvā gato bagavā tathā vutto. Tenāha “**aññātakavesena agamāsi**”ti.

Abhikkamathāti padaṃ abhimukhabhāvena vidhimukhena vadatīti āha “**ito āgacchathā**”ti. Buddhānaṃ kāyo nāma suvisuddhajātimaṇi viya sobhano, kiñci malaṃ apanetabbaṃ natthi, kimatthaṃ bagavā pāde pakkhālesīti āha “**buddhānan**”ti-ādi.

326. **Anuruddhā**ti vā ekasesanayena vuttaṃ virūpekasesassapi icchitabbattā, evañca katvā bahuvacananiddesopi samatthito hoti. **Iriyāpatho khamatī**ti sarīrassa lahuṭṭhānatāya catubbidhopi iriyāpatho sukhappavattiko. **Jīvitam yāpetī**ti yāpanālakkhaṇaṃ jīvitam imaṃ sarīrayantaṃ yāpeti sukhena pavatteti. **Uḷūṅkayāgum vā kaṭacchubhikkham vā**ti idaṃ makaravuttiyā¹ missakabhattena yāpanaṃ vattanti katvā vuttaṃ. Tenāha “**bhikkhācāravattaṃ pucchatī**”ti.

Aññamaññaṃ saṃsandatīti satipi ubhayesaṃ kalāpānaṃ paramatthato bhede pacurajanehi duviññeyyanānattaṃ khīrodakasammoditaṃ accantameva saṃsaṭṭhaṃ viya hutvā tiṭṭhati. Tenāha “**visuṃ na hoti, ekattaṃ viya upetī**”ti. Piyabhāvadīpanāni cakkhūni **piyacakkhūni**. Piyāyati, piyāyitabboti vā **piyoti**. Samaggavāsassa yaṃ ekantakāraṇaṃ, taṃ pucchanto bagavā “**yathā kathaṃ panā**”ti-ādimāhāti “**kathanti kāraṇapucchā**”ti vuttaṃ. Yo nesaṃ mettāsahitānaṃyeva kammādīnaṃ aññamaññasmiṃ paccupaṭṭhānākāro, taṃ sandhāya “**kathan**”ti pucchā. Tathā hi parato “evaṃ kho mayaṃ bhante”ti-ādinā therehi vissajjanaṃ kathitaṃ.

Mittaṃ etassa atthīti **mettaṃ**, kāyakammaṃ. **Āvī**ti pakāsaṃ. **Rahoti** appakāsaṃ. Yaṃ hi uddissa mettaṃ kāyakammaṃ paccupaṭṭhapeti, taṃ tassa sammukhā ce, pakāsaṃ hoti, parammukhā ce, appakāsaṃ. Tenāha “**āvi ceva raho cāti sammukhā ceva parammukhā cā**”ti. **Itarānī**ti parammukhā kāyavacīkammāni. “**Tatthā**”ti-ādinā saṅkhepato vuttamatthaṃ vivaritaṃ “**yaṃ hī**”ti-ādi vuttaṃ. Sammajjanādivasena **paṭijaggitabbayuttaṃ ṭhānaṃ vā**. **Tathevā**ti yathā sammukhā kate mettākāyakamme vuttaṃ,

1. Saṅkaravuttiyā (?)

tatheva. “Kacci khamaṇīyan”ti evamādikā kathā **sammodanīyakathā**. Yathā parehi saddhim attano chiddam na hoti, tathā paṭisanthāravasena pavattā kathā **paṭisanthārakathā**. “Aho tadā therena mayham dinno ovādo, dinnā anusāsani”ti evam kālantare saritabbayuttā, chasāraṇīyapaṭisaṃyuttā vā kathā **sāraṇīyakathā**. Suttapadam nikkhipitvā tassa atthaniddesavasena sīlādiddhammapaṭisaṃyuttā kathā **dhammīkathā**. Sarena suttassa uccāraṇam **sarabhaññam**. Pañhassa ñātum icchitassa atthassa pucchanam **pañhapucchanam**. Tassa yathāpucchitassa ādisanam **pañhavissajjanam**. **Evam samannāharatoti** evam manasikaroto, evam mettam upasamharatoti attho.

Ekato kātum na sakkā, tasmā **nānā**. **Hitatthenāti** attano viya aññamaññassa hitabhāvena. **Nirantaratthenāti** antarābhāvena bhedābhāvena. **Aviggahatthenāti** avirodhabhāvena. **Samaggaṭthenāti** sahitabhāvena. **Paribhaṇḍam katvāti** bahalatanumattikālepehi limpetvā. **Cīvaram vā dhovantī**ti attano cīvaram vā dhovanti. **Paribhaṇḍam vāti** attano paṇṇasālāya paribhaṇḍam vā karonti.

327. **Paṭiviruddhā evāti** etthāpi “yebhuyyenā”ti padam ānetvā sambandhitabbam. **Tesam appamādalakkhaṇanti** tesam appamajjanasabhāvam. **Kacci pana vo anuruddhā samaggāti** etthāpi voti nipātamattam, paccattavacanam vā, kacci tumheti evamattho veditabbo. **Samuggapātinti** samuggapuṭasadisam pātim.

Paṇṇasālāyam anto bahi ca sammajjanena sodhitaṅgaṇatā **vattapaṭipatti**. **Paṭivisamattamevāti** attano yāpanapaṭivisamattameva. **Osāpetvāti** pakkhipitvā. **Pamāṇamevāti** attano yāpanapamāṇameva. **Vuttanayena jahitvāti** pāliyam vuttanayena jahitvā.

Hatthena hattham saṃsibbantāti attano hatthena itarassa hattham daḷhaggahaṇavasena bandhantā. Vilaṅgheti desantaram pāpeti etenāti vilaṅghako, hattho. Hattho eva vilaṅghako hatthavilaṅghako, tena **hatthavilaṅghakena**.

Tam akhaṇḍam katvāti tam tīsupi divasesu dhammassavanam pavattanavasena akhaṇḍikam katvā. **Etanti** “pañcāhikam kho panā”ti-ādivacanam. Pañcame

pañcame ahani bhavatīti **pañcāhikaṃ. Bhagavatā pucchitena** anuruddhattherena. **Pamādaṭṭhānesuyevā**ti aññesaṃ pamādaṭṭhānesuyeva. **“Pamādaṭṭhānesuyevā”**ti vuttamevatthaṃ pākaṭataraṃ kātum **“aññesañhi”**ti-ādi vuttaṃ. **Papañcakaraṇaṭṭhānāni**ti kathāpapañcassa karaṇaṭṭhānāni viassaṭṭhakathāpavattanena kammaṭṭhāne pamajjanaṭṭhānāni. Tatthāpi **“mayam bhante kammaṭṭhānaviruddham na paṭipajjāmā”**ti sikhāpattaṃ attano appamādalakkhaṇaṃ thero dasseti. **Ettakaṃ ṭhānaṃ muñcivā**ti pana idaṃ tadā vihārasamāpattīnaṃ vaḷaṅjābhāvena vuttaṃ.

328. Jhānassa adhippetattā **“alamariyañāṇadassanaviseso”**icceva vuttaṃ. Attano sammāpaṭipannaṭṭāya satthu cittārādhanatthaṃ tassa ca viśesādhigamaṃ satthu paccakkhabhāvato thero **“kiṃ hi no siyā bhante”**ti āha. **Yāvadevā**ti yattakaṃ kālaṃ ekaṃ divasabhāgaṃ vā sakalarattim vā yāva satta vā divase.

329. **Samatikkamāyā**ti sammadeva atikkamanāya. Sati hi upari viśesādhigame heṭṭhimajjhānaṃ samatikkantaṃ nāma hoti paṭippassaddhi ca. Tenāha **“paṭippassaddhiyā”**ti. **Ñāṇadassanavisesoti** karaṇūpacārena vuttoti veditabbo. **Vedayitasukhatoti** vedanāsahitajjhānasukhato vā phalasukhato vā. **Avedayitasukhanti** nibbānasukhaṃ viya vedanārahitaṃ sukhaṃ. **Avedayitasukhanti** ca nidassanamattametaṃ, taṃ pana aphaṣsaṃ asaññaṃ acetananti sabbacittacetasaikarahitameva. Tato ca satipi rūpadhammappavattiyam tassa acetanattā sabbaso saṅkhāradukkhavirahitaṭṭāya santatarā paṇītatarā ca nirodhasamāpattīti vuccate. Tenāha **“avedayitasukhaṃ santataraṃ paṇītatarā hoti”**ti. Tena vuttaṃ **“imamhā cā”**ti-ādi.

330. **Sāmaggirasānisamsameva nesaṃ bagavā kathesi** ajjhāsayaṇukūlattā tassa. **Anusāvetvā**¹ anupagamanavasena sammadeva ārocetvā. **“Anusāvetvā”**ti vā pāṭho, so evattho. **Tato paṭinivattitvā**ti etarahi bagavato ekavihāre ajjhāsayoti satthu manaṃ gaṇhantā **“idheva tiṭṭhathā”**ti viśajjitaṭṭhānato

1. Anusamyāyitvāti (Pāliyaṃ aṭṭhakathāyaṅca)

nivattitvā. **Pabbajjādīnīti ādi-saddena**
 upasampadāvisuddhidhutakammaṭṭhānānuyoga
 jhānavimokkhasamāpattiñānadassanamaggabhāvanāphalāsacchikiriyādike
 saṅgaṇhāti, **adhigantvāpīti pi-saddena** yathādhigatānampi. **Attano**
guṇakathāya aṭṭiyamānāti bagavantam nissāya adhigantvāpi
 dhammādhikaraṇam satthuvihesābhāvādīpane bagavato pākātaguṇānam
 kathāya aṭṭiyamānāpīti yojanā. **Devatāti** taṃtaṃsamāpattilābhiniyo devatā.
Mukhaṃ me sajjanti mukhaṃ me kathane samattham, kathane yogyanti
 attho.

331. **Evaṃ āgatoti** evaṃ āṅānāṭṭiyasutte āgato. **Paliveṭṭheteti** codente.
Maccharāyantīti attano guṇānam bagavatopi ārocanaṃ asahamānā
 maccharāyantīti so cintetīti katvā vuttam.

Tesaṃ lābhāti tesaṃ vajjirājūnaṃ vajjiratṭhavāsīnaṅca manussattam,
 patirūpadesavāsādiko, bagavato tiṅṅaṅca kulaputtānam
 dassanavandanādānadhammassavanādayo lābhā. Suladdhā lābhāti yojanā.
Pasannacittam anussareyyāti taṃ kulaṃ tesaṃ sīlādiguṇe cittam pasādetvā
 anussareyya. Vuttam hetam “anussaraṇampāham bhikkhave tesaṃ
 bhikkhūnaṃ bahūpakāraṃ vadāmi”¹.

Cūḷagosīṅgasuttavaṇṇanāya līnatthappakāsanā samattā.

2. Mahāgosīṅgasuttavaṇṇanā

332. **Kocidevāti** gosīṅgasālavanāsāmantato nivīṭṭhesu yo koci gāmo
 gocaragāmo bhavissati, tasmā anibaddhabhāvato gocaragāmo na gahito,
 vasanaṭṭhānameva paridīpitaṃ, tato eva araṅṅānidānakam nāmetam.
Sabbatthāti devaloke manussaloke ca. **Thirakārakehīti** sāsane
 thirabhāvakarakehi. **Savanante jātattāti** catusaccagabbhassa
 dhammassavanassa pariyoṣāne ariyāya jātiyā jātatā. Yathā
 paṭivedhabāhusaccaṃ ijjhati, tathā dhammassa savanato

1. Khu 1. 267; Saṃ 3. 61 piṭṭhesu.

sāvakā. **Sūriyo viya** bhāsuraguṇaraṁsitāya mohandhakāraavidhamanato. **Cando viya** ramaṇīyamanoharasītalaguṇatāya kilesapariḷāhavūpasamato. **Sāgaro viya** gambhīrathiravipulānekaguṇatāya ṭhitadhammasabhāvato. Guṇamahantatāya therassa abhiññātātā, guṇamahantatā ca suttesu āgatanayeneva ñātābbāti taṁ vitthārato dassetuṁ “**na kevalan**”ti-ādi vuttaṁ. **Sīhanādasuttanti** majjhimanikāye āgataṁ mahāsīhanādasuttaṁ¹. **Therapañhasuttanti** suttanipāte aṭṭhakavagge āgataṁ Sāriputtasuttaṁ². **Therasīhanādasuttanti** imassa ca therassa janapadacārikāya satthu sammukhā sīhanādasuttaṁ. **Abhinikkhamananti** therasseva mahatā ñātiparivaṭṭena mahatā ca bhogaparivaṭṭena saha gharāvāsapariccāgo abhinikkhamanaṁ. Esa nayo ito paresupi. **Yadidanti** nipāto, yo ayanti attho.

Mahāpaññe bhikkhū gahetvāti āyasmato kira Sāriputtattherassa parivārabhikkhūpi mahāpaññā eva ahesuṁ. Dhātuso hi sattā saṁsandanti. **Sayam iddhimāti-ādīsupi** eseva nayo. Ayaṁ panattho **dhātusaṁyuttena**³ dīpetabbo—gijjhakūṭapabbate gilānaseyyāya nisinno bagavā ārakkhatthāya parivāretvā vasantesu Sāriputtamoggallānādīsū ekamekaṁ attano parisāya saddhiṁ caṅkamantaṁ voloketvā bhikkhū āmantesi “passatha no tumhe bhikkhave Sāriputtaṁ sambahulehi bhikkhūhi saddhiṁ caṅkamantanti. Evaṁ bhante. Sabbe kho ete bhikkhave bhikkhū mahāpaññā”ti³ sabbaṁ vitthāretabbaṁ.

Vananteti upavanante. **Meghavannāyāti** nīlābhāya. Samuddakucchito uggacchantassa viya upaṭṭhānaṁ sandhāya vuttaṁ. Cakkavāḷapabbatamatthakasamīpe ābhāpharaṇavasena pavattiyā “**pācīnacakkavāḷapabbatamatthake**”ti vuttaṁ, na cakkavāḷapabbatamatthake candamaṇḍalassa vicaraṇato. Tathā sati lokantarikanirayesupi candimasūriyānaṁ ābhā phareyya. Ubbedhavasena hi cakkavāḷapabbatassa vemajjhato candimasūriyā vicaranti. Sālakusumapabhānaṁ atirattatāya vuttaṁ “**lākhārasena siṅcamānaṁ viyā**”ti. **Upagāyamānā viyāti** payirupāsanavasena upecca gāyamānā

1. Ma 1. 97 piṭṭhe.

2. Khu 1. 426 piṭṭhe.

3. Saṁ 1. 368, 369 piṭṭhesu.

viya. **Kāya nu kho ajja ratiyāti** ajja jhānasamāpattiratiyā eva nu kho, udāhu dhammasākacchāratiyā dhammadesanāratiyāti cintesi.

Dve candamaṇḍalāni viya paramasobhaggappattāya kantiyā. **Dve sūriyamaṇḍalāni viya** ativiya suvisuddhasamuḍḍalāya guṇavibhūtiyā. **Dve chaddantanāgarājāno viya** mahānubhāvatāya. **Dve sīhā viya** tejussadatāya. **Dve byagghā viya** anolīnavuttitāya. **Sabbapāliphullamevāti** sabbameva samantato vikasitaṃ.

333. Kathā upacarati pavattati etthāti kathā-upacāro, savanūpacāro padeso, taṃ **kathā-upacāraṃ**. Ramaṇīyameva **rāmaṇeyyakaraṃ**. **Ujjaṅgaleti** lūkhapadese kaṭhinapadese. Dosehi itā apagatāti **dosinā** ta-kārassa na-kāraṃ katvā. **Dibbā maññe gandhāti** devaloke gandhā viya. Divi bhavāti **dibbā**. **Dve therāti** sārīputtatthera-ānandattherā. Ānandatthero tāva mamāyatu akhīṇāsavabhāvato, sārīputtatthero kathanti? Na idaṃ mamāyanaṃ gehassitapemavasena, atha kho guṇabhattivasenāti nāyaṃ doso.

Anumatiyā pucchā **anumatipucchā**, anumatiḅḅaḅḅatthaṃ pucchanaṃ. Tattha yasmā adhammikampi¹ vuddhassa anumatiṃ itaro paṭikkhipituṃ na labhati, tena sā anujānitabbāva hoti, tasmā saṅghakhuddakato paṭṭhāya anumati pucchitabbā. Tenāha “**anumatipucchā nāmesā**”ti-ādi. **Khuddakato paṭṭhāyāti** kaṇiṭṭhato paṭṭhāya. Paṭibhāti upaṭṭhātīti paṭibhānaṃ, yathādhippeto attho, taṃ **paṭibhānaṃ**. **Sikhāppattā vepullappattā na bhavissati** padesaññe ṭhitehi bhāsītattā. **Sikhāppattā vepullappattābhavissati** sabbaññutaññāṇena saṃsanditattā. Vuttamevatthaṃ upamāya vibhāvetuṃ “**yathā hī**”ti-ādi vuttaṃ. Tattha paccatthikā aṭṭiyanti dukkhāyanti etenāti **aṭṭo**, vinicchitabbavohāro. **Gāmabhojakanti** yasmim gāme so uppanno, taṃ gāmabhojakaṃ. **Janapadabhojakanti** yasmim janapade so uppanno, taṃ janapadabhojakaṃ. **Mahāvinicchaya-amaccanti** yasmim rajje so janapado², tassa³ rājadhāniyaṃ mahāvinicchaya-amaccaraṃ. **Senāpatinti** yassa rañño so amacco, tassa senāpatiṃ. Tathā

1. Dhammikaṃ (Ka)

2. Uppanno (Ka)

3. Tassaṃ (Ka)

uparājanti. Idam panettha pakaticārittavasena vuttam upameyyatthānurūpatoti daṭṭhabbam. **Aparāparam na sañcarati** vinicchayanārahena vinicchitabhāvato.

Pakaṭṭhānam¹ ukkaṭṭhānam sīlādi-atthānam bodhanato, sabhāvaniruttivasena buddhādīhi bhāsittā ca pakaṭṭhānam vacanappabandhānam ālīti **pāli**, pariyattidhammo. Purimassa atthassa pacchimena atthena anusandhānam **anusandhi**. Atthamukhena pana pālīpadesānampi anusandhi hotiyeva, so ca pubbāparānusandhipucchānusandhi-ajjhāsayānusandhiyathānusandhivasena catubbidho. Tamtamdesanānam pana pubbāparasamsandanam **pubbāparam**. Pālīvasena anusandhivasena pubbāparavasenāti paccekam yojetabbam. **Uggahitanti** byañjanaso atthaso ca uddham uddham gahitam, pariyāpuṇanavasena ceva paripucchāvasena ca hadayena gahitanti attho. Vaṭṭadukkhanissaraṇatthikehi sotabbato sutam, pariyattidhammo, tam dhāretīti **sutadharo**. Yo hi sutadharo, sutam tasmim patiṭṭhitam hoti suppatiṭṭhitam, tasmā vuttam “**sutassa ādhārabhūto**”ti. Tenāha “**yassa hī**”ti-ādi. Ekapadam ekakkharampi avinaṭṭham hutvā sannicīyatīti sannicayo, sutam sannicayo etasminti **sutasannicayo**. **Ajjhosāyāti** anupavisitvā. **Tiṭṭhatīti** na mussati.

Ṭhitā paguṇāti paguṇā vācugatā. **Niccalitanti** aparivattitam. **Samsanditvāti** aññehi samsanditvā. **Samanuggāhitvāti** paripucchāvasena attham ogāhetvā. Pabandhassa vibandhābhāvato² **Gaṅgāsotasadisam**, “bhavaṅgasotasadisam”ti vā pāṭho, akittimam sukhappavattīti attho. Suttekaadesassa suttassa ca vacasā paricayo idha nādhippeto, vaggādivasena pana adhippetoti āha “**suttadasaka -pa- sajjhāyitā**”ti. “Dasa suttāni gatāni, dasa vaggā gatā”ti-ādinā sallakkhetvā vācāya sajjhāyitāti attho. Manasā anu anu pekkhitā bhāgaso nijjhāyitā cintitā **manasānupekkhitā**. **Rūpagatam viya paññāyatīti** rūpagatam viya cakkhussa vibhūtam hutvā paññāyati. **Suppaṭividdhāti** nijjaṭam niggumbam katvā suṭṭhu yāthāvato paṭividdhā.

Pajjati attho ñāyati etenāti **padam**, tadeva attham byañjetīti **byañjananti** āha “**padameva atthassa byañjanato padabyañjanan**”ti. Akkharapāripūriyā

1. Am-Ṭī 2. 247 piṭṭhādīsopi passitabbam.

2. Vicchedābhāvato (Am-Ṭī 2. 247; Sārattha-Ṭī 3. 39 piṭṭhesu.)

padabyañjanassa parimaṇḍalatā, sā pana pāripūrī evaṃ veditabbāti āha “**dasavidhabyañjanabuddhiyo aparihāpetvā**”ti. **Aññam upārambhakaranti** yathānikkhittasuttato aññam tassa ananulomakam suttam āharati. **Tadattham otāretīti** tassa āhaṭasuttasseva attham vicāreti. **Tassa kathā parimaṇḍalā nāma hoti** atthassa aparipuṇṇabhāvato. Yathānikkhittassa suttassa atthasaṃvaṇṇanāvaseneva suttantarampi ānento **bahi ekapadampi na gacchati nāma. Amakkhentoti** avināsento. Tam tam attham suṭṭhu vavattthitam katvā dassento **tulikāya paricchindanto viya.** Gambhīrataramattham gamento **gambhīramātikāya udakam pesento viya.** Uttānamātikāya hi mariyādam ottharivā udakam aññathā gaccheyya. Ekaṃyeva padam anekehi pariyāyehi punappunam saṃvaṇṇento **padam koṭṭento sindhavajāniyo viya.** So hi vaggitāya gatiyā pade padam koṭṭento gacchati. Kathāmaggena **tassa kathā parimaṇḍalā nāma hoti** dhammato atthato anusandhito pubbāparato ācariyuggahatoti sabbaso paripuṇṇabhāvato.

Anuppabandhehīti vissaṭṭhehi āsajjamānehi. Nātisīgham nātisaṇikam nīrantaram ekarasaṇca katvā parisāya ajjhāsayaṇurūpaṃ dhammam kathento vissaṭṭhāya kathāya katheti nāma, na aññathāti dassento “**yo bhikkhū**”ti-ādimāha. **Araṇim manthento viya, uṇhakhādaniyam khādanto viyāti** sīgham sīgham kathanassa udāharaṇam, **gahitam gahitamevāti**-ādi laṅghetvā kathanassa. Purāṇapaṇṇantaresu hi paripātiyamānagodhā kadāci dissati, evamekaccassa atthavaṇṇanā katthaci na dissati. **Ohāyāti** ṭhapetvā. **Yopīti**-ādinā ekarūpena kathāya akathanam dasseti. **Petaggi** nijjhāmatanḥikapetassa mukhato niccharaṇaka-aggi. **Vitthāyatīti** appaṭibhānatamāpajjati. Kenaci rogena dukkham patto viya **nitthunanto. Kandanto viyāti** ukkuṭṭhim karonto viya. **Appabandhā nāma hoti** sukhena appavattabhāvato. **Ācariyehi dinnanaye ṭhitoti** ācariyuggaham amuñcanto, yathā ca ācariyā tam tam suttam saṃvaṇṇesum, teneva nayena saṃvaṇṇentoti attho. **Acchinnadhāram katvāti** “nātisīgham nātisaṇikan”ti-ādinā heṭṭhā vuttanayena avicchinnam kathāpabandham katvā. **Anusayasamugghātāyāti** iminā tassā kathāya arahattapariyosānatam

dasseti. **Evarūpenā**ti nayidaṃ ekavacanaṃ tattakavasena¹ gaḥetabbaṃ, atha kho lakkhaṇe pavattanti dassento “**tathārūpeneva bhikkhusatena bhikkhusahassena vā**”ti vuttaṃ. **Pallaṅkenā**ti pallaṅkapadesena, allaṅkāsanantenāti attho. **Iminā nayanā**ti vārantarasādhāraṇaṃ atthaṃ atidisati, asādhāraṇaṃ pana vakkhatevāti.

334. **Āramati** etenāti **ārāmo**.

335. **Dhuvasevananti** niyatasevitaṃ. **Pāsādapariveneti** pāsādaṅgaṇe. **Nābhiyā paṭiṭṭhitānanti** nābhiyā bhūmiyaṃ paṭiṭṭhitānaṃ. **Arantarānī**ti aravivarāni taṃtaṃarānaṃ vemajjhaṭṭhānāni.

336. **Samādinna-araññadhutaṅgo araññiko**, na araññavāsamattena.

337. **Na osādentī**ti na avasādenti, na avasādanāpekkhā aññamaññaṃ pañhaṃ pucchantīti attho. **Pavattinī**ti paṅṇā.

338. **Lokuttarā vihārasamāpatti** nāma therassa arahattaphalasangāhāyāya, pariyāyato pana nirodhasamāpattipi veditabbā.

339. **Sādhukāro ānandattherassa dinno**. Tenāha bagavā “yathā taṃ ānandova sammā byākaramāno byākareyyā”ti-ādi. **Sammā**ti suṭṭhu, yathā-ajjhāsayaṃti adhippāyo. Yena hi yaṃ yathācittaṃ kathitaṃ, taṃ sammā kathitaṃ nāma hoti. Sampattavasena hi yathākārī tathāvādī sobhati. Tenāha “**attano anucchavikamevā**”ti-ādi. Bahussuto bhikkhu tattha tattha sutte sīlādīnaṃ āgataṭṭhāne tesāṃ suviditattā yathānusiṭṭhaṃ paṭipajjamāno tāni paripūretīti āha “**sīlassa āgataṭṭhāne**”ti-ādi. Maggādipasavanāya **vipassanāgabbhaṃ gaṇhāpetvā** paripākaṃ gametvāti attho.

340. “Eseva nayo”ti atidesavasena saṅkhepato vuttamatthaṃ vivaranto “**āyasmā hi revato**”ti-ādimāha.

1. Tatravasena (Ka)

342. **Aparepi nānappakāre kileseti** aparepi nānappakāre dosamohādikilese. **Dhunitvāti** vidhametvā.

343. Āyasmā mahāmoggallāno evaṃ byākāsīti sambandho. Sakalampi cakkhuvīññānavīthigataṃ cittaṃ cakkhuvīññānanti aggahetvā cakkhusannissitameva pana vīññāṇaṃ cakkhuvīññāṇaṃ, tadanantaraṃ sampañcchanāṃ, tadanantaraṃ santīraṇanti-ādinā saṅghaṃ sukhumaṃ atittarakhaṇavantaṃ **cittantaraṃ** cittaṇānattaṃ. Khandhādīnaṃ nānattasaṅkhātāṃ **khandhantarādi**. Pathavīkasiṇe paṭhamajjhānaṃ samāpajjitvā tatheva tatiyaṃ jhānanti-ādinā ārammaṇaṃ anukkamitvā jhānasseva ekantarikabhāvena ukkamaṇaṃ **jhānokkantikaṃ** nāma. Pathavīkasiṇe paṭhamaṃ jhānaṃ samāpajjitvā puna tadeva tejokasiṇeti-ādinā jhānaṃ anukkamitvā ārammaṇasseva ekantarikabhāvena ukkamaṇaṃ **ārammaṇokkantikaṃ** nāma. “Paṭhamajjhānaṃ pañcaṅgikaṃ”ti-ādinā yāva nevasaññānāsaññāyatanāṃ duvaṅgikanti jhānaṅgamattasseva vavatthāpanaṃ **aṅgavavatthānaṃ**. “Idaṃ pathavīkasiṇaṃ -pa- idaṃ odātakasiṇaṃ”ti ārammaṇamattasseva vavatthāpanaṃ **ārammaṇavavatthānaṃ**. Pathavīkasiṇe paṭhamaṃ jhānaṃ samāpajjitvā tattheva itaresampi samāpajjanaṃ **aṅgasaṅkanti**. Pathavīkasiṇe paṭhamaṃ jhānaṃ samāpajjitvā tadeva āpokasiṇeti evaṃ sabbakasiṇesu ekasseva jhānassa samāpajjanaṃ **ārammaṇasaṅkanti**. **Ekatovaḍḍhanaṃ ubhatovaḍḍhananti** idaṃ khandhādidesanāyaṃ labbhati. Abhidhammabhājanīye hi vedanākkhandhaṃ bhājento bagavā tike gahetvā dukesu pakkhipi, duke gahetvā tikesu pakkhipi, idaṃ **ekatovaḍḍhanaṃ**. Tike ca duke ca ubhatovaḍḍhananīhārena kathesi, idaṃ **ubhatovaḍḍhanaṃ**. Evaṃ sesakhandhesu dhātāyatanādīsu ca yathārahaṃ **vibhaṅgappakaraṇe**¹ abhidhammabhājanīye āgatanayena veditabbaṃ. Tenāha “**ābhidhammikadhammakathikasaveva pākāṭaṇ**”ti. Khandhādīsu sabhāvadhamesu tīsu lakkhaṇesu paññattiyaṃ samayantaresu ca kosallābhāvato **ayaṃ sakavādo ayaṃ paravādoti na jānāti**. Tato eva **sakavādaṃ -pa- dhammantaraṃ visamvādeti**. Khandhādīsu pana kusalatāya **ābhidhammiko sakavādaṃ -pa- na visamvādeti**.

1. Abhi 2. 13, 69, 89 piṭṭhesu.

344. **Cittam attano vase vattetum sakkoti** paṭisaṅkhānabhāvanābalehi pariggaṇhanasamatthattā. Idāni tamattham byatirekato anvayato ca vibhāvetum “**duppañño hī**”ti-ādimāha. Tattha **sabbānassāti** sabbāni assa. **Visevitavipphanditānī**ti kilesavisūkāyikāni ceva duccharitavipphanditāni ca. **Bhañjitvāti** madditvā. **Bahī**ti kammaṭṭhānato bahi puthuttārammaṇe.

345. **Pariyāyenāti** ettha **pariyāya**-saddo “atthi khvesa brāhmaṇapariyāyo”ti-ādīsu¹ viya kāraṇatthoti āha “**sobhanakāraṇam atthī**”ti. Yadi bagavā “idha Sāriputta bhikkhu pacchābhattam piṇḍapāṭapaṭikkanto”ti-ādinā attano mahābodhipallāṅkam sandhāyāha, evam sante sammāsambuddheveva saṅghārāmo sobhetabbo, na aññehīti āpannanti āha “**apica pacchimaṃ janatan**”ti-ādi. Nibbānatthāya paṭipattisāram etassāti paṭipattisāro, tam **paṭipattisāram**. **Nippariyāyenevāti** kenaci pariyāyena lesena vinā mukhyena nayeneva. Yo “arahattam appatvā na vuṭṭhahissāmī”ti daḥhasamādānam katvā nisinno tam adhigantvāva uṭṭhahati, evarūpena idaṃ gosiṅgasālavanam sobhati sāsane sabbārambhānam tadatthattāti attho. Āsavakkhayāvaham paṭipattim ārabhitvā āsavakkhayeneva desanāya pariyosāpitattā **yathānusandhināva desanam niṭṭhapesī**ti.

Mahāgosīṅgasuttavaṇṇanāya līnatthappakāsanā samattā.

3. Mahāgopālakasuttavaṇṇanā

346. **Tatthāti** gopālakasutte. **Tisso kathāti**² tisso aṭṭhakathā, tividhā suttassa atthavaṇṇanāti attho. Ekekaṃ padam nālam mūlam etissāti evaṃsaññitā **ekanālikā**, ekekaṃ vā padam nālam atthaniggamanamaggo etissāti **ekanālikā**. Tenāha “**ekekapadassa atthakathanan**”ti. Cattāro aṃsā bhāgā atthasallakhaṇūpāyā etissāti **caturassā**. Tenāha “**catukkam bandhitvā kathanan**”ti. Niyamato nisinnassa

1. Am 3. 19, 20; Vi 1. 2, 3 piṭṭhesu.

2. Am-Ṭī 3. 363 piṭṭhādīsupi passitabbam.

āraddhassa vatto samvatto etissā atthīti **nisinnavattikā**, yathāraddhassa atthassa visum visum pariyoṣāpikāti kattho. Tenāha “**paṇḍitaṃ gopālakam dassetvā**”ti-ādi. **Ekekapadassāti** piṇḍatthadassanavasena bahunnam padānam ekajjhaṃ atthaṃ akathetvā ekamekassa padassa atthavaṇṇanā. Ayaṃ sabbattheva labbhati. **Catukkaṃ bandhitvāti** kaṇhapakkhe upamūpameyyadvayaṃ, tathā sukkapakkheti idaṃ catukkaṃ yojetvā. Ayaṃ īdisesu eva suttesu labbhati. **Pariyoṣānagamananti** keci tāva āhu “kaṇhapakkhe upamaṃ dassetvā upamā ca nāma yāvadeva upameyyasampaññidānatthāti upameyyatthaṃ āharitvā samkilesapakkhaniddeso ca vodānapakkhavibhāvanatthāyāti sukkapakkhampi upamūpameyyavibhāgena āharitvā suttatthassa pariyoṣāpanan”ti. Kaṇhapakkhe upameyyaṃ dassetvā pariyoṣānagamanādīsipi eseva nayo. Apare pana “kaṇhapakkhe sukkapakkhe ca taṃtaṃupamūpameyyatthānaṃ visum visum pariyoṣāpetvāva kathanam pariyoṣānagamanan”ti vadanti. **Ayanti** nisinnavattikā. **Idhāti** imasmim gopālakasutte. **Sabbācariyānaṃ āciṇṇāti** sabbehipi pubbācariyehi ācaritā samvaṇṇitā, tathā ceva pāli pavattāti.

Āṅgiyanti avayavabhāvena nāyantīti **aṅgāni**, bhāgā. Tāni panettha yasmā sāvajjasabhāvāni, tasmā āha “**aṅgehīti aguṇakoṭṭhāsehi**”ti. **Gomaṇḍalanti** gosamūhaṃ. **Pariharitunti** rakkhitum. Taṃ pana parihaṇaṃ pariggahetvā vicaraṇanti āha “**pariggahetvā vicaritun**”ti. **Vaḍḍhinti** gunnaṃ bahubhāvaṃ bahugorasatāsaṅkhātaṃ parivuddhiṃ. “Ettakamidan”ti rūpīyatīti **rūpaṃ**, parimānaparicchedopi sarīrarūpampīti āha “**gaṇanato vā vaṇṇato vā**”ti. **Na pariyesati** vinaṭṭhabhāvasseva ajānanato. **Nilāti** ettha **iti-saddo** ādi-attho. Tena setasabalādivaṇṇaṃ saṅgaṇhāti.

Dhanusattisūlādīti ettha issāsācariyānaṃ gāvīsu kataṃ **dhanulakkhaṇaṃ**. Kumārabhattigaṇānaṃ gāvīsu kataṃ **sattilakkhaṇaṃ**. Issarabhattigaṇānaṃ gāvīsu kataṃ **sūlalakkhaṇanti** yojanā. **Ādi-saddena** rāmavāsudevagaṇādīnaṃ gāvīsu kataṃ pharasucakkādīlakkhaṇaṃ saṅgaṇhāti.

Nilamakkhikāti piṅgalamakkhikā, khuddamakkhikā eva vā. Saṭati rujati etāyāti sāṭikā, samvaddhā sāṭikāti **āsāṭikā**. Tenāha “**vaḍḍhanti**”ti-ādi.

Vākenāti vākapattena. **Cīra**kenāti pilotikena. **Antovasseti** vassakālassa abbhantare. **Niggāhanti** susumārādiggāharahitam. **Pī**tanti pānīyassa pītabhāvaṃ. Sīhabyagghādīparissayena **sāsaṅko sappaṭibhayo**.

Pañca ahāni bhūtāni etassāti pañcāhiko, so eva vāroti **pañcāhikavāro**. Evaṃ **sattāhikavāro**pi veditabbo. **Cinṇaṭṭhānanti** caritaṭṭhānaṃ gocaraggahitaṭṭhānaṃ.

Pitutuṭṭhānanti pitarā kātabbaṭṭhānaṃ, pitarā kātabbakaraṇanti attho. **Yathārucim gahetvā gacchantī**ti gunnaṃ ruci-anurūpaṃ gocarabhūmiyaṃ vā nadipāraṃ vā gahetvā gacchanti. **Gobhattanti** kappāsattāhikādīmissaṃ gobhuñjitabbaṃ bhattaṃ, bhattaggahaṇeneva yāgupi gahitā.

347. “**Dvīhākārehi**”ti vuttaṃ ākāradvayaṃ dassetuṃ “**gaṇanato vā samutuṭṭhānato vā**”ti vuttaṃ. **Evaṃ pāliyaṃ āgatā**ti “upacayo santatī”ti jātim dvidhā bhinditvā hadayavatthum aggahetvā “dasa āyatanāni pañcadasa sukhumarūpāni”ti evaṃ rūpakaṇḍapāliyaṃ¹ āgatā. **Pañca vīsati rūpakoṭṭhāsā**ti salakkhaṇato aññaṃaññaṃsaṅkarābhāvato rūpabhāgā. **Rūpakoṭṭhāsā**ti vā visum visum appavattitvā kalāpabhāveṇeva pavattanato rūpakalāpā. **Koṭṭhāsā**ti ca aṃsā, avayavāti attho. **Koṭṭhanti** vā sarīraṃ, tassa aṃsā kesādayo koṭṭhāsāti aññepi avayavā koṭṭhāsā viya **koṭṭhāsā**. **Seyyathāpī**ti upamāsaṃsandanaṃ. Tattha **rūpaṃ pariggahetvā**ti yathāvuttaṃ rūpaṃ salakkhaṇato ñāṇena pariggaṇhitvā. **Arūpaṃ vavatthapetvā**ti taṃ rūpaṃ nissāya ārammaṇaṅca katvā pavattamāne vedanādike cattāro khandhe “arūpaṃ”ti vavatthapetvā. **Rūpārūpaṃ pariggahetvā**ti puna tattha yaṃ ruppanalakkhaṇaṃ, taṃ rūpaṃ, tadaññaṃ arūpaṃ, ubhayavinimuttaṃ kiñci natthi attā vā attaniyaṃ vāti evaṃ rūpārūpaṃ pariggahetvā. Tadubhayaṅca avijjādinā paccayena sappaccayanti **paccayaṃ sallakkhetvā** aniccādīlakkhanaṃ **āropetvā** yo kalāpasammasanādīkkamena kammaṭṭhānaṃ matthakaṃ pāpetuṃ na sakkoti, so na vaḍḍhatīti yojanā.

1. Abhi 1. 171 piṭṭhādīsu.

Ettakaṃ rūpaṃ ekasamuṭṭhānanti cakkhāyatanaṃ, sota, ghāna, jivhā, kāyāyatanaṃ itthindriyaṃ purisindriyaṃ jīvitindriyanti aṭṭhavidhaṃ kammavasena, kāyaviññattivacīviññattīti idaṃ dvayaṃ cittavasenāti ettakaṃ rūpaṃ ekasamuṭṭhānaṃ. Saddāyatanaṃekaṃ utucittavasena **dvisamuṭṭhānaṃ**. Rūpassa lahutā mudutā kammaññatāti ettakaṃ rūpaṃ utucittāhāravasena **tisamuṭṭhānaṃ**. Rūpa, gandha, rasa, phoṭṭhabbāyatanaṃ ākāśadhātu āpodhātu kabalīkāro āhāroti ettakaṃ rūpaṃ utucittāhārakammavasena **catusamuṭṭhānaṃ**. Upacayo santati jaratā rūpassa aniccatāti **ettakaṃ rūpaṃ na kutoci samuṭṭhātīti na jānāti**. **Samuṭṭhānato rūpaṃ ajānantoti**-ādīsu vattabbaṃ “gaṇanato rūpaṃ ajānanto”ti-ādīsu vuttanayeneva veditabbaṃ.

Kammalakkhaṇoti attanā kataṃ duccharitakammaṃ lakkhaṇaṃ etassāti kammalakkhaṇo, bālo. Vuttaṃ hetam “tīṇimāni bhikkhave bālassa bālalakkhaṇāni. Katamāni tīṇi? Duccintitacintī hoti dubbhāsītabhāsī dukkaṭṭakammakārī. Imāni kho -pa- lakkhaṇāni”ti¹. Attanā kataṃ sucaritakammaṃ lakkhaṇaṃ etassāti **kammalakkhaṇo**, paṇḍito. Vuttampi cetam “tīṇimāni bhikkhave paṇḍitassa paṇḍitalakkhaṇāni. Katamāni tīṇi? Sucintitacintī hoti subhāsītabhāsī sukatakammakārī. Imāni kho -pa- paṇḍitalakkhaṇāni”ti². Tenāha “**kusalākusalaṃ kammaṃ paṇḍitabālalakkhaṇaṃ**”ti. **Bāle vajjetvā paṇḍite na sevātīti** yaṃ bālapuggale vajjetvā paṇḍitasevanaṃ atthakāmena kātābbaṃ, taṃ na karoti. Tathābhūtaṃ ayamādīnavoti dassetuṃ puna “**bāle vajjetvā**”ti-ādi vuttaṃ. Tattha yaṃ bagavatā “idaṃ vo kappatī”ti anuññātaṃ, tadanulomañce, taṃ **kappiyaṃ**. Yaṃ “idaṃ vo na kappatī”ti paṭikkhittaṃ, tadanulomañce, taṃ **akappiyaṃ**. Yaṃ kosallasambhūtaṃ, taṃ **kusalaṃ**, tappaṭipakkhaṃ **akusalaṃ**. Tadeva **sāvajjaṃ**, kusalaṃ **anavajjaṃ**. Āpattito ādito dve āpattikkhandhā **garukaṃ**, tadaññaṃ **lahukaṃ**. Dhammato mahāsāvajjaṃ **garukaṃ**, appasāvajjaṃ **lahukaṃ**. Sappaṭikāraṃ **satekicchaṃ**, appaṭikāraṃ **atekicchaṃ**. Dhammatānugataṃ **kāraṇaṃ**, itaraṃ **akāraṇaṃ**. **Tam ajānantoti** kappiyākappiyaṃ garukalahukaṃ satekicchātekecchaṃ ajānanto suvisuddhaṃ katvā sīlaṃ rakkhituṃ na sakkoti, kusalākusalaṃ sāvajjānavajjaṃ kāraṇākāraṇaṃ ajānanto

1. Ma 3. 201; Am 1. 100; Khu 10. 148, 210 piṭṭhesu.

2. Ma 3. 208; Am 1. 101; Khu 10. 148 piṭṭhesu.

khandhādīsu akusalatāya rūpārūpapariggahampi kātum na sakkoti, kuto tassa kammaṭṭhānaṃ gahetvā vaḍḍhanā. Tenāha “**kammaṭṭhānaṃ gahetvā vaḍḍhetum na sakkoti**”ti.

Govaṇasadise attabhāve uppajjitvā tattha dukkhuppattihetuto micchāvitakkā āsāṭikā viyāti **āsāṭikā**ti āha “**akusalavitakkaṃ āsāṭikaṃ ahāretvā**”ti.

“Gaṇḍoti kho bhikkhave pañcannetaṃ upādānakkhandhānaṃ adhivacanan”ti vacanato¹ chahi vaṇamukhehi vissandamānayūso gaṇḍo viya pilotikakhaṇḍena chahi dvārehi vissandamānakilesāsuci attabhāvavaṇo satisamvarena pidahitabbo, ayaṃ pana evaṃ na karotīti āha “**yathā so gopālako vaṇaṃ na paṭicchādeti, evaṃ samvaraṃ na sampādeti**”ti.

Yathā dhūmo indhanaṃ nissāya uppajjamāno saṅho sukhumo taṃ taṃ vivaraṃ anupavissa byāpento sattānaṃ ḍaṃsamakāsādīparissayaṃ vinodeti, aggijālasamuṭṭhānassa pubbaṅgamo hoti, evaṃ dhammadesanāññāssa indhanabhūtaṃ rūpārūpadhammajātaṃ nissāya uppajjamānā saṅhā sukhumā taṃ taṃ khandhantaraṃ āyatanantarañca anupavissa byāpeti, sattānaṃ micchāvitakkādīparissayaṃ vinodeti, ñāṇaggijālasamuṭṭhānassa pubbaṅgamoti dhūmo viyāti **dhūmoti** āha “**gopālako dhūmaṃ viya dhammadesanādhūmaṃ na karoti**”ti. Attano santikaṃ upagantvā nisinnassa kātabbā tadanucchavikā dhammakathā **upanisinnakathā**. Katassa dānādīpuññassa anumodanakathā **anumodanā**. Tatoti dhammakathādīnaṃ akaraṇato. “**Bhussuto guṇavā**”ti na jānantīti kasmā vuttaṃ, nanu attano jānāpanatthaṃ dhammakathādi na kātabbamevāti? Saccaṃ na kātabbameva, suddhāsayaena pana dhamme kathite tassa guṇajānanataṃ sandhāyetaṃ vuttaṃ. Tenāha bagavā—

“Nābhāsamānaṃ jānanti, missaṃ bālehi paṇḍitaṃ.

Bhāsaye jotaye dhammaṃ, paggaṇhe isinaṃ dhajan”ti².

Taranti etthāti **titthaṃ**, nadītaḷākādīnaṃ nahānādi-atthaṃ otaraṇaṭṭhānaṃ. Yathā pana taṃ udakena otiṇṇasattānaṃ sarīramalaṃ pavāheti, parissamaṃ vinodeti, visuddhiṃ uppādeti, evaṃ bahussutā attano samīpaṃ

1. Saṃ 2. 304; Aṃ 3. 114 piṭṭhesu. (Atthato samānaṃ.)

2. Saṃ 1. 468 piṭṭhe.

otiṇṇasattānaṃ dhammūdakena cittamalaṃ pavāhenti, parissamaṃ vinodenti, visuddhiṃ uppādentī, tasmā te titthaṃ viyāti **titthaṃ**. Tenāha “**titthabhūte bahussutabhikkhū**”ti. **Byañjanaṃ kathaṃ ropetabbanti** bhante idaṃ byañjanaṃ ayaṃ saddo kathaṃ imasmim atthe ropetabbo, kena pakārena imassa atthassa vācako jāto. “Nirūpetabban”ti vā pāṭho, nirūpetabbaṃ ayaṃ sabhāvanirutti kathamettha niruḷhāti adhippāyo. **Imassa bhāsitaṃ ko atthoti** saddatthaṃ pucchati. **Imasmim thāneti** imasmim pālīpadese. **Pāḷi kiṃ vadetīti** bhāvatthaṃ pucchati, **attho kiṃ dīpetīti** bhāvatthaṃ vā saṅketatthaṃ vā. **Na paripucchatīti** vimaticchedanapucchāvasena sabbaso pucchaṃ na karoti. **Na paripaṇhatīti** pari pari attano nātuṃ icchaṃ na ācikkhati na vibhāveti. Tenāha “**na jānāpetī**”ti. **Teti bahussutabhikkhū. Vivaraṇaṃ nāma** atthassa vibhajitvā kathananti āha “**bhājetvā na dassentī**”ti¹. **Anuttānikatanti** nāṇena apākaṭikataṃ guyhaṃ paṭicchannaṃ. **Na uttānikarontīti** sinerumūlakaṃ vālikaṃ uddharanto viya pathavīsandhārodakaṃ vivaritvā dassento viya ca uttānaṃ na karonti. Evaṃ yassa dhammassa vasena bahussutā “titthan”ti vuttā pariyāyato, idāni tameva dhammaṃ nipariyāyato titthanti dassetuṃ “**yathā cā**”ti-ādi vuttaṃ. Dhammo hi taranti etena nibbānaṃ nāma taḷākanti “**titthan**”ti vuccati. Tenāha bagavā sumedhabhūto—

“Evaṃ kilesamaladhovaṃ, vijjante amatantaḷe.

Na gavesati taṃ taḷākaṃ, na doso amatantaḷe”ti².

Dhammasseva nibbānassotaraṇatitthabhūtassa otaraṇapakāraṃ ajānanto “**dhammatitthaṃ na jānātī**”ti vutto.

Pītāpītanti gogaṇe pītaṃ apītaṃca gorūpaṃ na jānāti na vindati. Avindanto hi na labhatīti vutto. “**Ānisaṃsaṃ na vindatī**”ti vatvā tassa avindanākāraṃ dassento “**dhammassavanaggaraṃ gantvā**”ti-ādīmāha.

Ayaṃ lokuttaroti padaṃ sandhāyāha “**ariyaṃ**”ti. Paccāsattiñāyena anantaravidhippaṭisedho vā, ariya-saddo vā niddosapariyāyo daṭṭhabbo. **Aṭṭhaṅgikanti** ca visuṃ ekajjhaṅca aṭṭhaṅgikaṃ upādāya gahetabbaṃ,

1. Na desentīti (Ka)

2. Khu 4. 307 piṭṭhe Buddhavaṃse.

aṭṭhaṅgatā bāhullato ca. Evañca katvā sattaṅgassapi ariyamaggassa saṅgaho siddho hoti.

Cattāro satipaṭṭhāneti-ādīsu avisesena satipaṭṭhānā vuttā. Tattha kāyavedanācittadhammārammaṇā satipaṭṭhānā lokiyā, tattha sammohavidhamsanavasena pavattā nibbānārammaṇā lokuttarāti evaṃ **ime lokiyā, ime lokuttarāti yathābhūtaṃ na pajānāti.**

Anavasesaṃ duhatīti paṭiggahaṇe mattaṃ ajānanto kismiñci dāyake saddhāhāniyā kismiñci paccayahāniyā anavasesaṃ duhati. Vācāya abhihāro **vācābhihāro**. Paccayānaṃ abhihāro **paccayābhihāro**.

Ime amhesu garucittikāraṃ na karontīti iminā navakānaṃ bhikkhūnaṃ dhammasampaṭipattiyā abhāvaṃ dasseti ācariyupajjhāyesu pitupemassa anupaṭṭhāpanato. Tena ca sikkhāgāravatābhāvādīpanena saṅgahassa abhājanabhāvaṃ, tena therānaṃ tesu anuggahābhāvaṃ. Na hi sīlādiguṇehi sāsane thirabhāvappattā ananuggahetabbe sabrahmacārī anuggaṇhanti, niraṭṭhakaṃ vā anuggahaṃ karonti. Tenāha **“navake bhikkhū”**ti. **Dhammakathābandhanti** paveṇi-āgataṃ¹ pakiṇṇakadhammakathāmaggaṃ. Saccasattapaṭisaṃdhipaccayākārapaṭisaṃyuttaṃ suññatādīpanaṃ **guyhaganthaṃ**. **Vuttavipallāsavaseṇāti** “na rūpaññū”ti-ādīsu vuttassa paṭisedhassa paṭikkhepavesena aggahaṇavasena. **Yojetvāti** “rūpaññū hotīti gaṇaṇāto vā vaṇṇato vā rūpaṃ jānāti”ti-ādinā, “tassa gogaṇopi na parihāyati, pañcagorasaparibhogatopi na paribāhiro hotī”ti-ādinā ca atthaṃ yojetvā. **Veditabboti** tasmim tasmim padese yathārahaṃ attho veditabbo.

Mahāgopālakasuttavaṇṇanāya līnatthappakāsanā samattā.

4. Cūlagopālakasuttavaṇṇanā

350. **Celukkāhīti** celamayāhi ukkāhi. Ukkabhūtāni celāni etthāti **ukkacelā**, nagaraṃ. **Sabbā gaṅgā pākāṭā hutvā paññāyatīti**

1. Sabbaso āgataṃ (Ka)

pakaticakkhussa pākaṭā hutvā upaṭṭhāti, dibbacakkhussa pana samantacakkhussa vā yattha katthaci nisinnassapi bagavato pākaṭā hutvā paññāyateva. **Sotthī**ti anupaddavo. **Vaḍḍhī**ti aparihāni. **Ārogyanti** arogatā ābādhābhāvo.

Magadho janapado nivāso etassāti māgadho, māgadhova **māgadhiko**. Paññāya nāma duṭṭhubhāvo natthi ekantānavajjatāya, tasmā **du**-saddo abhāvavācī “dussilo”ti-ādīsu viya, **jāti**-saddo ca sabhāvattthoti āha “**nippaññasabhāvo**”ti. **Pa**-saddo ārambhatthoti āha “**patāresīti tāretum ārabhī**”ti paratīraṃ gāvīnaṃ appattattā. **Suvidēhānanti** sundaravidehānaṃ. Videharatṭhaṃ kira bhūmibhāgadassanasampattiyā ca vanarāmaṇeyyakādīnā ca sundaraṃ. **Āmaṇḍalikaṃ karitvāti** āvatte patitā temaṇḍalākārena paribbhamitvā. Katipayāpi gāvīyo asēsvā nadīsotena vūḷhattā vuttaṃ “**avaḍḍhim vināsaṃ pāpuṇisū**”ti. Katipayāsupi hi avasiṭṭhāsu gāvīsu anukkamenapi siyā gopaṇassa vaḍḍhīti. **Vissamaṭṭhānanti** parissamavinodanaṭṭhānaṃ. **Titthā bhaṭṭhāti** gahetum asamatṭhatāya titthaṃ appattā. **Arogo nāma nāhosīti**¹ lomamattampi asēsvā sabbā gāvīyo nadīsote vinaṭṭhāti attho.

Yesu khandhāyatanadhātūsu idha lokasamaññā, te a jānanā “akusalā imassa lokassā”ti vuttāti āha “**idhaloke khandhadhātāyatanesu akusalā achekā**”ti. Ayameva nayo “akusalā parassa lokassā”ti etthāpīti āha “**paralokepi eseva nayo**”ti. Māro ettha dhīyatīti **māradheyyaṃ**. **Māro**ti cettha kilesaMāro veditabbo. Khandhābhisaṅkhārā hi tassa pavattanabhāvena gahitā, maccuMāro visum gahito eva, kilesamāravaseneva ca devaputtamārassa kāmabhāve ādhipaccanti. **Tesanti** ye idhalokādīsu achekā, tesam. Te pana ukkaṭṭhaniddesena dassento āha “**iminā cha satthāro dassitā**”ti.

351. **Balavagāvoti** balavante gorūpe. Te pana dammataṃ upagatagonā ceva dhenuyo cāti āha “**dantagonē ceva dhenuyo**

1. Ārogyaṃ nāhosīti (Ka)

cā”ti. **Avijātagāvoti** na vijātagāviyo. **Vacchaketi** khuddakavacche. Appattho hi ayaṃ ka-saddo. Tenāha “**taruṇavacchake**”ti. **Kisābalaketi** dubbale.

352. Mārassa taṇhāsotaṃ chetvāti

khandhamārasambandhītaṇhāsāṅkhātāṃ sotaṃ samucchinditvā. **Tayo koṭṭhāse khepetvā ṭhitāti** anāgāmino sandhāyāha. **Sabbavāresūti** sakadāgāmisotāpanna-aṭṭhamakavāresu. Tattha pana yathākkamaṃ catumaggavajjhānaṃ kilesānaṃ dve koṭṭhāse khepetvā ṭhitā, ekakoṭṭhāsaṃ khepetvā ṭhitā, paṭhamaṃ koṭṭhāsaṃ khepetoti vattabbaṃ. Dhammaṃ anussaranti, dhammassa vā anussaraṇasīlāti **dhammānusārino**. **Dhammoti** cettha paññā adhippetā. Saddhaṃ anussaranti, saddhāya vā anussaraṇasīlāti **saddhānusārino**.

Jānatāti ettha jānanakiriyāvisayassa avisesitattā adhikāravasena anavasesañeyyavisesā adhippetāti āha “**sabbadhamme jānantenā**”ti. Antosāravirahato abbhuggataṭṭhena ca naḷo viyāti **naḷo**, mānoti āha “**vigatamānanaḷaṃ katan**”ti. **Khemaṃ patthethāti** ettha catūhi yogehi anupaddavattā “**khemaṃ**”ti arahattaṃ adhippetāṃ. **Patthanā** ca chandapatthanā, na taṇhāpatthanāti āha “**katthukamyatāchandena arahattaṃ patthethā**”ti. **Pattāyeva nāma** tassa pattiyā na koci antarāyo. Sotthinā pāragamaṇaṃ uddissa desanaṃ ārabhitvā khemappattiyā desanāya pariyosāpitattā **yathānusandhināva desanaṃ niṭṭhāpesīti**.

Cūḷagopālakasuttavaṇṇanāya līnatthappakāsanaṃ samattā.

5. Cūḷasaccakasuttavaṇṇanā

353. **Hāmsavaṭṭakacchannenāti** hāmsavaṭṭakapaṭicchannena, hāmsamaṇḍalākārenāti attho.

Vadanti etenāti vādo, maggo, kim vadanti? Uttaraṃ. Vādānaṃ satāni **vādasatāni**. “Nigaṇṭho pañcavādasatāni, nigaṇṭhī pañcavādasatāni”ti evaṃ

nigaṇṭho ca nigaṇṭhī ca pañca pañca vādasatāni uggahetvā vicarantā. Kiriyaṭo te **pucchimsu**, liṅgato pana nigaṇṭhabhāvo ñāto. Tenāha “**ahaṃ vādam āropessāmi**”ti.

Jagganto sammajjanādivasena. **Divātaranti** atidivam. “Kassa pucchā, kassa vissajjanam hotū”ti paribbājikāhi vutte thero āha “**pucchā nāma amhākaṃ pattā**”ti. Pucchā vādānam pubbapakkho, yasmā tumhe vādapasutā vādābhiratā dhajam paggayha vicaratha, tasmā vādānam pubbapakkho amhākaṃ patto, evaṃ santepi tumhākaṃ mātugāmabhāvato pubbapakkhā demāti āha “**tumhe pana mātugāmā nāma paṭhamam pucchathā**”ti. **Tā** paribbājikā ekekā aḍḍhateyyasatavādamaggaṃ pucchantiyo **vādasahassam pucchimsu**. Yathā nisitassa khaggassa kumudanālacchedane kimatthi bhāriyam, evaṃ paṭisambhidāppattassa sāvakesu paññavantānam aggabhāve ṭhitassa dhammasenāpatino puthujjanaparikkappitapañhavissajjane kimatthi bhāriyam. Tenāha “**thero khaggenā**”ti-ādi. Tattha **nijjaṭam niggaṇṭhim katvāti** yathā tā puna tattha jaṭam gaṇṭhim kātum na visahanti, tathā vijaṭetvā kathesi. Ayam thero caturaṅgasamannāgate andhakāre sahasavaṭṭikam dīpento viya aññesam avisaye andhakārabhūte pañhe pucchitamatteyeva vissajjesīti therassa paññāveyyattiyam disvā sayañca antimabhavikatāya kohaññe ṭhātum asakkontiyo “**ettakameva bhante mayam jānāmā**”ti āhamsu. **Therassa visayanti** therassa paññāvisayam.

Neva antam na koṭim addasamsūti ekanti vattabbassa bahubhāvato tassā pucchāya attho evamanto evamavasānakoṭīti na passimsu na jānimsu. Thero tāsam ajjhāsayam olokento pabbajjārucim disvā āha “**idāni kim karissathā**”ti. **Uttaritarapaññoti** vādamaggaparicayena modhāvitāya ca yādisā tāsam paññā, tato uttaritarapañño.

Kathāmaggoti vādamaggo. Tasmā tehi tehi parappavādādāhi bhassam vādamaggaṃ pakārehi vadetīti **bhassappavādako**. **Paṇḍitavādoti** aham paṇḍito nipuṇo bahussutoti evamvādī. **Yam Yam nakkhattācārena ādisatīti** nakkhattagatiyā kālañāṇena “asukadivase candaggāho bhavissati, sūriyaggāho bhavissati”ti-ādinā yam yam ādesam bhaṇati. **Sādhuladdhiko** ñāṇasampattiyā sundaro. **Āropitoti**

paṭiññāhetunidassanādidosam upari āropito vādo svāropito. Dosapadam āropentena vādinā paravādimhi abhibhuyya tassa dhātukkhopi siyā, cittavikkhepena yena doso tena saṅkappito sampavedhitoti. **Thūṇanti** sarīram khobhitanti katvā. **Thūṇanti** hi lohitapittasemhānam adhivacanam sabbaṅgasarīradhāraṇato. Apica thūṇapado nāma atthi kathāmaggo vādamaggaṃ gaṇhantānam. Saccako pana kohaññe ṭhatvā attano vādappabhedavasena pare vimhāpento “**thūṇam cepāhan**”ti-ādimāha. Sāvakanam vinayam nāma sikkhāpadam, tañca dhammadesanā hotīti esā eva cassa anusāsanīti vinayanādimukhena sammāsambuddhassa mataṃ sāsanam pucchanto saccako “**katham pana bho assajī**”ti-ādimāha. Athassa thero “lakkaṇattayakathā nāma anaññasādhāraṇā buddhāveṇikā dhammadesanā, tatra ca mayā aniccakathāya samuṭṭhāpitāya taṃ asahanto saccako tucchamānena paṭapaṭāyanto kurumāno licchavī gahetvā bagavato santikaṃ āgamissati, athassa bagavā vadam madditvā aniccanti paṭiṭṭhapento dhammam kathessati, tadā bhavissati vijahitavādo sammāpaṭipattiyā paṭiṭṭhito”ti cintetvā aniccāntalakkhaṇapaṭisaṃyuttam bagavato anusāsanam dassento “**evam bho aggivessanā**”ti-ādimāha.

Kasmā panettha dukkhalakkhaṇam aggahitanti āha “**thero panā**”ti-ādi. “**Upārambhassa okāso hotī**”ti saṅkhepato vuttam vivarituṃ “**maggaphalānī**”ti-ādi vuttam. Tattha **pariyāyenāti** saṅkhāradukkhatāpariyāyena. **Ayanti** saccako. **Nayidam tumhākam sāsanam nāmāti** yattha tumhe avaṭṭhitā, idam tumhākam sabbaññusāsanam nāma na hoti dukkhato anissaraṇattā, atha kho **mahā-āghātanam nāmetam**, mahādukkhaniddiṭṭhattā pana **nirayussado nāma** ussanirayo nāma, tasmā **natthi** nāma **tumhākam sukhāsā**. **Uṭṭhāyutṭhāyāti** ussukkam katvā **dukkhameva jīrāpentā** sabbaso dukkhameva anubhavatā **āhiṇḍatha** vicarathāti. Sabbamidam tassa micchāparikkappimeva. Kasmā? Dukkhasaccūpasañhitāyeva hettha nipariyāyakathā nāma. Tassa hi pariññattham bagavati brahmacariyam vussati. Maggaphalānī saṅkhārabhāvena “yadaniccām, taṃ dukkham”ti pariyāyato dukkham, na nipariyāyato. Tenāha “**tasmā**”ti-ādi. **Sotum ayuttam** micchāvādattāti adhippāyo.

354. Saha atthānusāsanam agāranti santhāgāram¹, rājakulānam santhāpana-agāranti santhāgāram, tasmim **santhāgāreti** attho. Ekasmim kāle tādise kāle rājakiccānam santhānamettha² vicārentīti santhāgāram, tasmim **santhāgāreti** attho. **Patitthitanti** “aniccam anattā”ti ca paṭiññātam. **Idāneva piṭṭhim parivattenti** bagavato nalātam anoloketvā vimukhabhāvam āpajjanto. **Surāghareti** surāsampādakagehe. **Piṭṭhakilañjanti** piṭṭhaṭṭapanakilañjam. **Vālanti**³ caṅgavāram. **Sāṇasāṭakakaraṇatthanti** sāṇasāṭakam karonti etenāti **sāṇasāṭakakaraṇam**, suttam, tadattham. Sāṇavākā etesu santīti **sāṇavākā**, sāṇadaṇḍā. Te gahetvā sāṇānam dhovanasadisaṃ kīlītajātam yathā “uddālapupphabhañjikā⁴, sāṇabhañjikā”ti ca. **Kim so bhavamānoti** kīdiso hutvā so bhavamāno, kim honto loke aggapuggalassa sammāsambuddhassa vādāropanam nāma tato uttaritarasūraguṇo eva yakkhādibhāvena so bhavamāno abhisambhuṇeyya, ayam pana appānubhāvātāya pisācarūpo kim ettakam kālam niddāyanto ajja pabujjhivā evam vadatīti adhippāyo. Tenāha “**kim yakkho**”ti-ādi.

355. **Mahāmajjhnikasamayeti** mahati majjhnikakāle, gaganamajjhe sūriyagatavelāya. **Divāpadhānikā** padhānānuyūñjakā. **Vattam dassetvāti** pacchābhattam divāvihārūpagamanato pubbe kātabbavattam dassetvā paṭipajjitvā. **Bhagavantam dassenti** bagavati gāravabahumānam vibhāvento ubho hatthe kamalamakulākāre katvā ukkhippa bagavantam dassento.

Tam sandhāyāti tam aparicchinnagaṇanam sandhāya evam “mahatiyā licchaviparisāyā”ti vuttam. Kim sīsena bhūmim paharanteneva vandanā katā hoti. **Kerātikāti** saṭhā. **Mocentāti** bhikkhādānato mocentā. **Avakkhittamattikāpiṇḍo viyāti** heṭṭhākhittamattikāpiṇḍo viya. **Yattha katthacīti** attano anurūpam vacanam asallapento yattha katthaci.

1. Sandhāgāram (Ka) evamuparipi idisesu thānesu.

3. Thālanti (Ka)

2. Sandhānamettha (Ka)

4. Udakapuñjikā (Ka)

356. Dissati “idaṃ imassa phalaṃ”ti apadissati etenāti **deso**, kāraṇaṃ, tadeva tassa pavattiṭṭhānatāya okāso ti āha “**kañcideva desanti kañci okāsaṃ kiñci kāraṇaṃ**”ti. Okāso ṭhānanti ca kāraṇaṃ vuccati “atṭhānametaṃ anavakāso”ti-ādīsu¹. **Yadākañkhasīti na vadanti** anavasesadhammavisayattā paṭiññāya. **Tumhanti** tumhākaṃ. **Yakkha -pa- paribbājakānanti** ettha “pucchāvuso yadākañkhasī”ti-ādīni² pucchāvacaṇāni yathākkamaṃ yojetabbāni.

Ñatvā sayam lokamimaṃ parañcāti idaṃ mahāsatto nirayaṃ saggañca tesam paccakkhato dassetvā āha.

Taggha te ahamakkhissam, yathāpi kusalo tathāti yathā pakārena sukusalo sabbaññū jānāti katheti, tathā ahaṃ kathessāmi. Tassa pana kāraṇaṃ akāraṇaṃca avijānanto rājānaṃ karotu vā mā vā, ahaṃ pana te akkhissāmīti āha “**rājā ca kho -pa- na vā**”ti.

Kathitaniyāmeneva kathentoti teparivaṭṭakathāya dukkhalakkhaṇampesa kathessati, idha pana aññathā sāvakena assajinā kathitaṃ, aññathā samaṇena gotamenāti vacanokāsapariharaṇatthaṃ dukkhalakkhaṇaṃ anāmasitvā therena kathitaniyāmeneva aniccānattalakkhaṇameva kathentena bagavatā “rūpaṃ anattā yāva viññāṇaṃ anattā”ti vutte saccako taṃ asampaṭicchanto upamāya atthañāpane upamāpamāṇaṃ yathā “go viya gavayo”ti attānaṃ upameyyaṃ katvā upamāpamāṇena paṭiṭṭhāpetukāmo āha “**upamā maṃ bho gotama paṭibhātī**”ti, upamaṃ te karissāmi, upamāyapidhekacce viññū purisā bhāsitaṃ atthaṃ ājānantīti adhippāyo. Bhagavā upamāsatena, aññena vāpi pamāṇena tava attā paṭiṭṭhāpetuṃ na labbhā attano viya pamāṇassapi anupalabbhanatoti āha “**paṭibhātu taṃ aggivessanā**”ti. Yathā hi attā nāma koci paramatthato na upalabbhati ekaṃsena anupaladdhito, evassa ñāpakapuggalaṃ pamāṇampi na upalabbhati. Tenāha “**āhara**

1. Dī 3. 95; Ma 3. 110; Am 1. 29; Abhi 2. 349 piṭṭhesu.

2. Saṃ 1. 216; Khu 1. 306 piṭṭhesu.

taṃ upamaṃ viṣattho”ti, na tena tava attavādo patiṭṭhaṃ labhatī adhippāyo.

Yaṃ diṭṭhaṃ kāyikaṃ vā puññāpuññaṃ purisa-puggale upalabbhati, tena viññāyati **rūpattāyaṃ purisa-puggalo**, tathā yaṃ diṭṭhaṃ sukhadukkha-ṭisaṃvedanaṃ purisa-puggale upalabbhati, yaṃ diṭṭhaṃ nīlādisañjānanaṃ, yaṃ diṭṭhaṃ rajjanadussanādi, yaṃ diṭṭhaṃ ārammaṇa-ṭivijānanaṃ purisa-puggale upalabbhati, tena viññāyati **viññānattāyaṃ purisa-puggaloti**. Evaṃ rūpādilakkhaṇo attā tattha tattha kāye kalyāṇa-pāpakānaṃ kammānaṃ vipākaṃ sukhadukkaṃ ṭisaṃvedeti, evañcetaṃ sampaṭicchitabbaṃ, aññathā kammaphalasambandho na yujjeyyāti imamatthaṃ dassento **“iminā kiṃ dīpetī**”ti-ādimāha. Tattha **teti** sattā. **Patitṭhāyāti** nissāya. “Rūpattāyaṃ purisa-puggalo”ti-ādinā rūpādiddhamme “attā”ti vatvā puna “rūpe patiṭṭhāyā”ti-ādim vadanto ayam nigaṇṭho attano vādaṃ bhindati patiṭṭhānassa¹, patiṭṭhāyakassa ca abhedadīpanato. Rūpādayo vedanādisabhāvā attā² tannissayena puññādikiriya-samupaladdhito idha³ yaṃ nissāya puññādikiriya-samupalabbhati, te rūpādayo sattasaññitā attasabhāvā diṭṭhā yathā taṃ devatādīsu, ye pana sattasaññitā tato aññe asattasabhāvā diṭṭhā yathā taṃ kaṭṭhakaliṅgarādīsūti evaṃ sādhetabbaṃ atthaṃ sahetuṃ katvā dassento nigaṇṭho nidassanaṃ ānesīti āha **“ativiya sakāraṇaṃ katvā upamaṃ āharī**”ti. Tassa pana “balakaraṇīyā”ti vuttapurisa-pappayogā viya bīja-gāma-bhūtagāmāpi sajjivā evāti laddhīti te sadisūdāharaṇabhāvena vuttāti daṭṭhabbaṃ. Sace pana ye jīvassa ādhāraṇabhāvena sahitena pavattetabbabhāvena sallakkhetabbā, te sajjivāti icchitā, na kevalena pavattetabbabhāvena, evaṃ sati **“balakaraṇīyā kammantā**”ti vadantena visadisūdāharaṇabhāvena upanītanti daṭṭhabbaṃ.

Samattho nāma natthi attavādabhañjanassa anattatā-patiṭṭhāpanassa ca sugatā-venikattā. Yaṃ panetarahi sāsanikā yathāsatti tadubhayaṃ karonti, taṃ buddhehi dinnanaye ṭhatvā tesāṃ desanānusārato.

1. Patiṭṭhāya (Ka)

2. Vedanādisabhāvo attānaṃ (Ka), vedakādisabhāvo attā (?)

3. Iti (?)

Nivattetvāti nīharitvā, visum katvāti attho. **Sakalam vesā**līnti sabbavesālivāsīnam janam nissayūpacārena nissitam vadati yathā “gāmo āgato”ti. **Samvattitvā**ti sampiṇḍitvā, ekajjham gahe tvāti attho.

357. **Paṭiṭṭhapetvā**ti yathā tam vadam na avajānāti, evam paṭiññam kāretvāti attho. **Ghāti**-saddo himsanattho, tato ca saddavidū arahattham tāya-saddam uppādetvā ghātetāyanti rūpasiddhim icchantīti āha “**ghātārahan**”ti. **Jāpetāyanti**-ādīsūpi ese va nayo. **Vattituñca mara**hatīti ma-kāro padasandhikaro. **Visesetvā dī**petīti “vattati” icce va avatvā “vattituñca mara hatī”ti dutiyena padena bagavatā vuttam visesetvā dīpeti.

Pāsādikam abhirūpanti abhimatarūpasampannam sabbāvayavam. Tato eva susajjitam sabbakālam suṭṭhu sajjitākārameva. **Evaṃvidhanti** yādisam sandhāya vuttam, tam dasseti “**dubbaṇṇan**”ti-ādīnā. **Imasmim ṭhā**neti “vattati te tasmim rūpe vaso”ti etasmim kāraṇaggahaṇe. Kāraṇam hetam bagavatā¹ gahitam “vattati -pa- mā aho sī”ti. Tenetam dasseti rūpam anattā avasavattanato, yañhi vase na vattati, tam anattakameva diṭṭham yathā tam sampatti. **Vādanti** dosam niggaham āropessati. **Sattadhā muddhā phal**atīti sahadhammikasākacchāhi tathāgate pucchante abyākaraṇena vihesāya kayiramānattā tatiye vāre dhammatāvasena vihesakassa sattadhā muddhā phalati yathā tam sabbaññupaṭiññāya bagavato sammukhabhāvūpagamane. Vajirapāṇi pana kasmā ṭhito hotīti? Bhagavā viya anukampamāno mahantam bhayānakam rūpam māpetvā tāsetvā imam diṭṭhim vissajjāpemīti tassa purato ākāse vajiram āharanto tiṭṭhati, na muddham phāletukāmo. Na hi bagavato purato kassaci anattho nāma hoti. Yasmā pana bagavā ekaṃsato sahadhammikameva pañham pucchati, tasmā aṭṭhakathāyam “**pucchite**” icce va vuttam.

Ādittanti dippamānam. **Akkhināsādī**nīti ādi-saddena eḷakasīsasadisakesamassu-ādīnam saṅgaṇhāti. “**Diṭṭhivissajjā**panatthan”ti vatvā nayidam

1. Bhagavā (Ka)

yadicchāvasena āgamanam, atha kho ādito mahābrahmānam purato katvā attanā katapaṭiññāvasenāti dassento “**apicā**”ti-ādimāha. **Tanti** vajirapāṇim. **Tam** saccakassa paṭiññāya parivattanakāraṇam. **Aññepi nu khoti**-ādi saccakassa vīmaṃsakabhāvadassanam. Avīmaṃsakena hi tam disvā mahāyakkhoti vadeyya, tenassa asāruppaṃ siyā, ayaṃ pana aññesaṃ abhītabhāvaṃ upadhāretvā “addhāme yakkham na passanti, tasmā mayhameva bhayaṃ uppannaṃ”ti tīretvā yuttappattavasena paṭipajji.

358. **Upadhāretvāti** byākātabbamatthaṃ sallakkhetvā. **Eseva nayoti** saṅkhāravīññāṇesupi saññāya viya nayoti attho. **Vuttavipariyāyenāti** “akusalā dukkhā vedanā mā ahoṣi, akusalā domanassasampayuttā saññā mā ahoṣi”ti-ādinā nayena attho veditabbo. **Sappadaṭṭhavisanti** sabbasattānaṃ sappadaṭṭhaṭṭhāne sarīrapadese patitaṃ visaṃ. **Allīnoti** saṃsiliṭṭho. **Upagatoti** na apagato. **Ajjhositoti** gilitvā pariniṭṭhapetvā ṭhito. **Parito jāneyyāti** samantato sabbaso kiñcipi asetvā jāneyya. **Parikkhepetvāti** āyatim anuppattidhammatāpādanavasena sabbaso khepetvā. Tathābhūto cassa khayavayaṃ upaneti nāmāti āha “**khayaṃ vayaṃ anuppādaṃ upanetvā**”ti.

359. Attano vādassa asārabhāvato, yathāparikkappitassa vā sārassa abhāvato antosāravirahito **ritto**. **Vippakāranti** diṭṭhiyā silācārassa ca vasena virūpatam sāparādhataṃ sāvajjataṃ tesam upari āropetvā. **Sinnapattoti** tanukapatto. **Viphāritanti** vipphāḷitaṃ¹.

Asārarukkhapāricitoti palāsādi-asārarukkhakoṭṭane kataparicayo. **Thaddhabhāvanti** vipakkabhāvaṃ, tikkhabhāvanti attho. **Natthīti** sadā natthīti na vattabbaṃ. **Parisatīti** catuparisamajjhe. Tathā hi “**gaṇṭhikam paṭimuñcitvā paṭicchannasarīrā**”ti vuttaṃ. **Yantāruḷhassa** viyāti byākaraṇatthaṃ vāyamayantaṃ āruḷhassa viya.

1. Uttamaṅgam vibhijjanti sīsam bhinnaṃ (Jātaka-Ṭṭha 2. 149 piṭṭhe.)

360. **Diṭṭhivisūkānī**ti diṭṭhikiñcakāni. **Diṭṭhisañcaritānī**ti diṭṭhitālanāni. **Diṭṭhivipphanditānī**ti diṭṭhi-iñjitāni. **Tesaṃ adhippāyaṃ** ñatvāti tesaṃ licchavikumārānaṃ iñjiteneva ajjhāsayaṃ jānitvā. Tenāha “**ime**”ti-ādi.

361. Yasmiṃ adhigate puggalo satthusāsane visārado hoti parehi asaṃhāriyo, taṃ ñāṇaṃ visāradassa bhāvoti katvā **vesārajanti** āha “**vesārajappattoti ñāṇappatto**”ti. Tato evamassa na paro paccetabbo etassa atthīti **aparappaccayo**. Na paro pattiyo saddahātabbo etassa atthīti **aparappattiyo**. Kāmaṃ saccako sekkhabhūmi asekkhabhūmīti idaṃ sāsanaṃ vohāraṃ na jānāti. Passatīti pana dassanakiriyāya vippakatabhāvassa vuttattā “na ettāvataṃ bhikkhukiccaṃ pariyositaṃ”ti aññāsi, tasmā puna “kittāvataṃ panā”ti puccaṃ ārabhi. Tena vuttaṃ “**passatīti vuttattā**”ti-ādi.

Yathābhūtaṃ passatīti dassanaṃ, viṣiṭṭhaṭṭhena anuttariyaṃ, dassanameva anuttariyanti **dassanānuttariyaṃ**, dassanesu vā anuttariyaṃ **dassanānuttariyaṃ**. **Lokiyapaññāti** cettha vipassanāpaññā veditabbā. Sā hi sabbalokiyapaññāhi viṣiṭṭhaṭṭhena “anuttarā”ti vuttā. Lokiyapaṭipadānuttariyesupī eseva nayo. Idāni nippariyāyatova tividhampi anuttariyaṃ dassetaṃ “**suddhalokuttaramevā**”ti-ādi vuttaṃ. Satipi sabbesampi lokuttaradhammaṃ anuttarabhāve ukkaṭṭhaniddesena aggamaggapaññā tato uttaritarassa abhāvato **dassanānuttariyaṃ**. Tenāha “**arahattamaggasammādiṭṭhi**”ti. **Sesāni maggaṅgānī**ti sesāni arahattamaggaṅgāni. Tāni hi matthakappattāni nibbānagāminī paṭipadāti. **Aggaphalavimuttī**ti aggamaggassa phalavimutti arahattaphalaṃ. **Khīṇāsavassāti** sabbaso khīyamānāsavassa. **Nibbānadassananti** aggamaggasammādiṭṭhiyā sacchikiriyābhisamayamāha. Tattha **maggaṅgānī**ti aṭṭha maggaṅgāni. Catusaccantogadhattā sabbassa ñeyyadhammassa “**cattāri saccāni buddho**”ti vuttaṃ. Saccānugatasammohavidhammaneneva hi bagavato sabbaso ñeyyāvaraṇappahānaṃ. **Nibbisevanoti** niruddhakilesavisevano¹.

362. **Dhamāsīti** anuddhammanasīlā. **Anupahatanti** avikkhittaṃ. **Sakalanti** anūnaṃ. **Kāyaṅganti** kāyameva aṅganti vadanti, kāyasaṅkhātaṃ aṅgaṃ

1. Viruddhakilesanisevano (Ka)

sīsādi-avayavanti attho. Tathā¹ “hotu, sādhu”ti evamidam vācāya avayavo vācaṅganti.

363. **Āharantī**ti abhiharanti. **Puññanti** puññaphalasaṅkhāto ānubhāvo. Puññaphalampi hi uttarapadalopena “puññan”ti vuccati “kusalānaṃ bhikkhave dhammānaṃ samādānāhetu evamidam puññam pavaḍḍhatī”ti-ādīsu². Tenāha “**āyatim vipākakkhandhā**”ti. **Puññamahī**ti mahati puññaphalavibhūti setacchattamakūṭacāmarādi. Tena vuttam “**vipākakkhandhānaṃyeva parivāro**”ti. Licchavīhi pesitena khādanīyabhojanīyena samaṇo gotamo sasāvakaśaṅgho mayā parivisito, tasmā licchavīnameva taṃ puññam hotīti. Tenāha “**taṃ dāyakānaṃ sukhāya hotū**”ti. Yasmā pana bagavato bhikkhusaṅghassa ca saccakena dānaṃ dinnam, na licchavīhi, tasmā bagavā saccakassa satim parivattento “**yaṃ kho**”ti-ādīmāha. Tena vuttam “**iti bagavā**”ti-ādi. **Nigaṇṭhassa matena vināyevā**ti saccakassa cittenā vinā eva tassa dakkhiṇam khettagatam katvā dasseti. Tenāha “**attano dinnam dakkhiṇam -pa- niyyātesī**”ti.

Cūlasaccakasuttavaṇṇanāya līnatthappakāsanā samattā.

6. Mahāsaccakasuttavaṇṇanā

364. **Ekam samayam bagavā vesāliyam viharatī**ti iminā tadā bagavato vesāliyam nivāsaparicchinnō pubbaṅhādībhedo sabbo samayo sādharmaṇato gahito, tathā **tena kho pana samayenā**ti ca iminā. **Pubbaṅhasamayanti** pana iminā tabbiseso, yo bhikkhācārathāya paccavekkhaṇakālo³. Aṭṭhakathāyaṃ pana “**tīhi padehi ekova samayo vutto**”ti vuttam visesassa sāmāññantogadhattā. Mukhadhovanassa pubbakālakiriyābhāvasāmāññato vuttam “**mukham dhovitvā**”ti. Mukham dhovitvā eva hi vāsadhuro ce, velam sallakkhetvā yathāciṇṇam bhāvanānuyogaṃ, ganthadhuro ce, ganthaparicaye katipaye nisajjavāre anuyuñjitvā pattacīvaram ādāya vitakkamāḷam upagacchati.

1. Yathā (Ka)

2. Dī 3. 48 piṭṭhe.

3. Paccanakālo (Ka)

Kāraṇaṃ yuttam, anucchavikanti attho. Pubbe yathācintitaṃ pañhaṃ apucchitvā aññaṃ pucchanto maggaṃ ṭhapetvā ummagato parivattento viya hotīti āha “**passena tāva pariharanto**”ti.

365. **Ūrukkhambhopi nāma bhavissatīti** ettha **nāma**-saddo vimhayatthoti katvā vuttam “**vimhayatthavasenā**”ti-ādi. “Andho nāma pabbataṃ abhiruhissatī”ti-ādīsu viya vimhayavācīsaddayogena hi “bhavissatī”ti anāgatavacanam. **Kāyanvayanti** kāyānugataṃ. “Ayampi kho kāyo evaṃdhammo evaṃbhāvī evaṃmanatīto”ti-ādinā¹ kāyassa asubhāniccādītāya anupassanā kāyabhāvanāti āha “**kāyabhāvanāti pana vipassanā vuccatī**”ti. **Anāgatarūpanti** atīte atthe anāgatasaddāropanam anāgatappayogo² na sameti. **Atthopīti** “ūrukkhambhopi nāma bhavissatī”ti vutta-atthopi na sameti. **Ayanti** attakilamathānuyogo. **Tesanti** nigaṇṭhānam.

366. Attano adhippetakāyabhāvanam vitthārento vitthārato dassento ye tam anuyuttā, te nāmagottato vibhāvento “**nando vaccho**”ti-ādimāha. **Kiliṭṭhatapānanti** kāyassa kilesanatapānam puggalānam. **Jātamedanti** medabhāvāpattivāsena uppannamedam. **Purimaṃ pahāyāti** kālaparicchadena anāhāra-appāhāratādivāsena kāyassa apacinanam khedanam pariccajivā. **Kāyabhāvanā pana na paññāyatīti** niyamaṃ paramatthato kāyabhāvanāpi tava nāṇena na nāyati, sesatopi³ na dissati.

367. **Imasmim pana ṭhāneti** “kāyabhāvanampi kho tvam aggivessana na aññāsi, kuto pana tvam cittabhāvanam jānissasi”ti imasmim ṭhāne. Tathā “yo tvam evam oḷārikaṃ dubbalam kāyabhāvanam na jānāsi, so tvam kuto santasukhumaṃ cittabhāvanam jānissasi”ti etasmim atthavaṇṇanāṭhāne. **Abuddhavacanam nāmetaṃ padanti** kāyabhāvanāsaññitavipassanāto cittabhāvanā santā, vipassanā pana pādakajjhānato oḷārikā ceva dubbalā cāti ayañca etassa padassa attho. “Abuddhavacanam nāmetaṃ

1. Dī 2. 235; Ma 1. 74; Ma 3. 133 piṭṭhesu.

2. Anāgatappayogena (Ka)

3. Lesatopi (?)

vacanaṃ siyā”ti vatvā thero pakkamituṃ ārabhati. Atha naṃ mahāsīvatthero “vipassanā nāmesā na ādito subrūhitā balavatī tikkhā visadā hoti, tasmā taruṇavasenāyamatto¹ veditabbo”ti dassento “**dissati bhikkhave**”ti suttapadam² āhari. Tattha **ādānanti** paṭisandhi. **Nikkhepananti** cuti. **Oḷārikanti** arūpadhammehi duṭṭhullabhāvattā oḷārikaṃ. **Kāyanti** catusantatirūpasamūhabhūtaṃ kāyaṃ. **Oḷārikanti** bhāvanapuṃsakaniddeso, oḷārikākārenāti attho. Teneva vuttaṃ “**ādānampi nikkhepanampi**”ti.

368. **Sukhasārāgena samannāgatoti** sukhavedanāya balavatararāgena samaṅgībhūto. **Paṭṭhāne paṭisiddhā** avacaneneva. **Tasmāti** sukhe ṭhite eva dukkhassānuppajjanato. **Evam vuttanti** “sukhāya vedanāya nirodhā uppajjati dukkhā vedanā”ti evaṃ vuttaṃ, na anantarāva uppajjanato. **Khepetvāti** kusalāni khepetvā. **Gaṇhitvā** attano eva okāsaṃ gahetvā. **Ubhatopakkhaṃ hutvāti** “kadāci sukhavedanā, kadāci dukkhavedanā”ti pakkhadvayavasena pi vedanā cittaassa pariyādāya hoti yathākkamaṃ abhāvitakāyassa abhāvitacittaassa.

369. **Vipassanā ca sukhasa paccaṇīkāti** sukkhavipassakassa ādikammikassa mahābhūtapariggahādīkāle bahi citta-cāraṃ nisedhetvā kammaṭṭhāne eva satīṃ saṃharantassa aladdhassādaṃ kāyasukhaṃ na vindati, sambādhe vaje sanniruddho gogaṇo viya vihaññati vipphandati, accāsannahetukañca sarīre dukkhaṃ uppajjateva. Tena vuttaṃ “**dukkhasa āsannā**”ti. Tenāha “**vipassanaṃ paṭṭhapetvā**”ti-ādi. **Addhāne gacchente gacchanteti** mahābhūtapariggahādivasena kāle gacchante. **Tattha tatthāti** tasmīṃ tasmīṃ sarīrapadeso. **Dukkhaṃ dūrāpagataṃ hoti** samāpattibalena vikkhambhitattā appanābhāvato. **Anappakaṃ** vipulaṃ. **Sukhanti** jhānasukhaṃ. **Okkamatīti** jhānasamuṭṭhānapañītarūpavasena rūpakāyaṃ anupavisati, nāmakāyokkamane vattabbameva natthi. Kāyapassaddhikammikassapi sammasanabhāvanā paṭṭhapetvā nisinnassa kassaci āditova kāyakilamatha cittupaghātāpi sambhavanti, samādhissa pana apaccaṇīkattā siniddhabhāvato

1. Karuṇavasenāyamatto (Ka)

2. Saṃ 1. 320 piṭṭhe.

ca na sukkhavipassanā viya sukhassa vipaccanīko, anukkamena ca dukkhaṃ vikkhambhetīti āha “**yathā samādhi**”ti. Yathā samādhi, vipassanāya panetaṃ natthīti āha “**na ca tathā vipassanā**”ti. **Tena vuttanti** yasmā vipassanā sukhassa paccanīkā, sā ca kāyabhāvanā, tena vuttaṃ “**uppannāpi sukhā vedanā cittaṃ na pariyādāya tiṭṭhati, bhāvitattā kāyassā**”ti. Tathā yasmā samādhi dukkhassa paccanīko, so ca cittabhāvanā, tena vuttaṃ “**uppannāpi dukkhā vedanā cittaṃ na pariyādāya tiṭṭhati, bhāvitattā cittassā**”ti yojanā.

370. **Guṇe ghaṭṭetvā**ti apadesena vinā samīpameva netvā. Taṃ vata mama cittaṃ uppannā sukhā vedanā pariyādāya ṭhassatīti netam ṭhānam vijjatīti yojanā.

371. **Kim na bhavissati**, sukhāpi dukkhāpi vedanā yathāpaccayaṃ uppajjatevāti attho. **Tamatthanti** sukhadukkhavedanānam uppattiyā attano cittassa anabhibhavanīyatāsāṅkhātāṃ atthaṃ. **Tattha** tāva pāsarāsīsutte **bodhipallaṅke nisajjā** “tattheva nisīdin”ti vuttā, **idha** mahāsaccakasutte **dukkarakārikāya** dukkaracaraṇe **nisajjā** “tattheva nisīdin”ti vuttā.

374. **Chandakaraṇavasenā**ti taṇhāyanavasenāti attho. **Sinehakarāṇavasenā**ti sinehanavasena. **Mucchākaraṇavasenā**ti mohanavasena pamādāpādanena. **Pipāsākaraṇavasenā**ti pātukamyatāvasena. **Anudahanavasenā**ti rāgagginā anudahanavasena. **Lokuttaramaggavevacanameva** vaṭṭanissaraṇassa adhippetattā.

Allaggahaṇena kilesānaṃ asamucchinnabhāvaṃ dasseti, sasnehaggahaṇena avikkhambhitabhāvaṃ, uduke pakkhittabhāvaggahaṇena samudācārāvattaṃ, udumbarakaṭṭhaggahaṇena attabhāvassa asārakattaṃ. **Imināva nayanā**ti “allaṃ udumbarakaṭṭhan”ti-ādinā vuttanayena. **Saputtabhariyapabbajjāyāti**¹ puttabhariyehi saddhim kataparibbājakapabbajjāvasena veditabbā. Kuṭīcakabahūdakahaṃsaparamahaṃsādibhedā **brahmaṇapabbajjā**.

1. Saputtabhariyapabbajjāvasenāti (Ka)

376. Kutopi imassa āposineho natthīti **koḷāpaṃ**. Tenāha “**chinnasinehaṃ nirāpan**”ti. **Koḷanti** vā sukkhakalīṅgaram vuccati, koḷaṃ koḷabhāvaṃ āpananti **koḷāpaṃ**. Paṭipannassa upakkamamahattanissitatā pakatiyā kilesehi anabhibhūtatāya. **Atintatā** paṭipakkhabhāvanāya. Tathā hi sukkhakoḷāpabhāvo, ārakā udakā thale nikkhattabhāvo ca nidassito. **Opakkamikāhīti** kilesa-abhiniggaṇhanupakkamappabhavāhi. **Vedanāhīti** paṭipattivedanāhi. Dukkhaṃ paṭipadā hi idhādhippetā.

377. **Kim pana na samattho**, yato evaṃ parehi cintitumpi asakkuṇeyyaṃ dukkaracariyaṃ chabbassāni akāsīti adhippāyo. **Katvāpi akatvāpi samatthova** kāraṇassa nipphannatā. “Yathāpi sabbesampi kho bodhisattānaṃ carimabhava antamaso sattāhamattampi dhammatāvasena dukkaracariyā hotiyeva, evaṃ bagavā samattho dukkaracariyaṃ kātuṃ, evañca naṃ akāsi, na pana tāya buddho jāto, atha kho majjhimāya eva paṭipattiyā”ti tassā byatirekamukhena sadevakassa lokassa bodhāya amaggabhāvadīpanatthaṃ, imassa pana bagavato kammavipākavasena chabbassāni dukkaracariyā ahoṣi. Vuttaṃ hetam—

“Avacāhaṃ jotipālo, kassapaṃ sugataṃ tadā.

Kuto nu bodhi muṇḍassa, bodhi paramadullabhā.

Tena kammavipākena, acarim dukkaram bahuṃ.

Chabbassānuruvelāyaṃ, tato bodhimapāpuṇim.

Nāhaṃ etena maggena, pāpuṇim bodhimuttamaṃ.

Kumaggena gavesissaṃ, pubbakammena vārito”ti¹.

Dukkaracariyāya bodhāya amaggabhāvadassanatthaṃ dukkaracariyaṃ akāsīti keci. Atha vā lokanāthassa attano parakkamasampattidassanatthāya dukkaracariyā. Paṇītādhimuttiyā hi paramukkaṃsagatābhāvato abhinīhārānurūpaṃ sambodhiyaṃ tibbachandatāya sikhāppattiyā tadatthaṃ īdisampi nāma dukkaracariyaṃ akāsīti loke attano vīriyānubhāvaṃ vibhāvetuṃ “so ca me pacchā pītisomanassāvaho bhavissatī”ti lokanātho

1. Coditoti (Ka) Khu 3. 349, 350 piṭṭhesu pana passitabbaṃ.

dukkaracariyaṃ akāsi. Tenāha “**sadevakassa lokassā**”ti-ādi. Tattha **vīriyanimmathanaguṇoti** vīriyassa saṃvaḍḍhanasampādanaguṇo. Yathāvuttamattham upamāya vibhāvetum “**pāsāde**”ti-ādi vuttam. **Saṅgāme dve tayo sampahāreti** dvikkhattum tikkhattum vā parasenāya pahārapayoge. **Padhānavīriyanti** sammappadhānehi āsevanavīriyaṃ, sabbaṃ vā pubbabhāgavīriyaṃ.

Abhidantanti abhibhavanadantaṃ, uparidantanti attho. Tenāha “**uparidantan**”ti. So hi itaraṃ musalaṃ viya udukkhalaṃ visesato kassaci khādanakāle abhibhuyya vattati. **Kusalacittena** balavasammāsaṅkappayuttana kusalacittena. **Akusalacittanti** kāmavitakkādisahitaṃ akusalacittaṃ. Akusalacittassa pavattitum appadānaṃ **niggaho**. Tamtampaṭikkhepavasena vinodanaṃ **abhinippīlanaṃ**. Vīriyatāpena vikkhambhanaṃ **abhisantāpanaṃ**. **Sadarathoti** sapariḷāho. **Padhānenāti** padahanena, kāyassa kilamathuppādakena vīriyenāti attho. **Viddhassāti** tudassa. **Satoti** samānassa.

378. **Sīsavethananti** sīsaṃ rajjuyā bandhitvā daṇḍakena parivattakaveṭhanaṃ. **Arahanto nāma evarūpā hontīti** iminā yathāyaṃ, evaṃ visaññibhūtāpi hutvā viharantīti dasseti. Tenāha “**matakasadisā**”ti, vedanāppattā viya hontīti attho. **Supinappaṭiggahaṇato paṭṭhāyāti** paṭisandhiggahaṇe setavāraṇasupinaṃ passitvā brāhmaṇe byākatakālato paṭṭhāya.

379. Dhammasarīrassa arogabhāvena sādhiṭi marisanīyoti **māriso**, piyāyanavacanametam. Tenāha “**sampiyāyamānā**”ti-ādi. **Ajajjitanti** evaṃ abhuñjitaṃ bhakārassa jakārādesaṃ katvā. Tenāha “**abhojanan**”ti. **Evaṃ mā karitthāti** “lomakūpehi ajjhohāressāma anuppavesessāmā”ti¹ yathā tumhehi vuttam, evaṃ mā karittha. Kasmā? **Yāpessāmahanti** ahañca yāvadattham āhāramattaṃ bhuñjanto yathā yāpessāmi, evaṃ āhāram paṭisevissāmi.

380-1. **Etāva paramanti** ettakaṃ paramaṃ, na-ito paramaṃ opakamikadukkhavedanāvediyanaṃ atthīti attho. Rañño gahetabbanaṅgalato aññāni

1. Jālakūpehi ajjhoharissāma anuppavesissāmāti (Ka)

sandhāya “**ekena ūnan**”ti vuttaṃ. Taṃ suvaṇṇaparikkhataṃ, itarāni rajataparikkhatāni. Tenāha “**amaccā ekenūna-aṭṭhasatarajatanāṅgalānī**”ti. Ālārudakasamāgame laddhajjhānāni vaṭṭapādakāni, ānāpānasamādhī pana kāyagatāsati-pariyāpannattā sabbesañca bodhisattānaṃ vipassanāpādakattā “bodhāya maggo”ti vutto. **Bujjhanatthāyāti** catunnaṃ ariyasaccānaṃ, sabbasseva vā ñeyyadhammassa abhisambujjhanāya. Satiyā anussaraṇakaviññāṇaṃ **satānusāriviññāṇaṃ**. Kassā pana satiyāti taṃ dassetuṃ “**nayidan**”ti-ādi vuttaṃ.

382. **Paccupaṭṭhitāti** taṃtaṃvattakaraṇavasena pati-upaṭṭhitā upaṭṭhāyakā. Tenāha “**paṇṇasālā**”ti-ādi. **Paccayabāhullikoti** paccayānaṃ bāhullāya paṭipanno. **Āvattoti** pubbe paccayagedhappahānāya paṭipanno, idāni tato paṭinivatto. Tenāha “**rasagiddho -pa- āvatto**”ti. **Dhammaniyāmenāti** dhammatāya. Tameva dhammataṃ dassetuṃ “**bodhisattassā**”ti-ādimāha. **Bārāṇasimeva** tatthāpi ca sabbabuddhānaṃ avijahitadhammacakkapavattanaṭṭhānameva **agamaṃsu**. Pañcavaggiyā kira visākhamaṣassa addhamāsiyaṃ gatā. Tenāha “**tesu gatesu aḍḍhamāsaṃ kāyavivekaṃ labhitvā**”ti.

387. “Addhābhoto gotamassa sāvakā cittabhāvanānuyogamanuyuttā viharanti, no kāyabhāvanan”ti imaṃ sandhāyāha “**ekam pañham pucchin**”ti. **Imaṃ dhammadesananti** “abhijānāmi kho panāhan”ti-ādikāṃ dhammadesanaṃ. **Asallīno** taṇhādiṭṭhikilesānaṃ samucchinnattā tehi sabbaso na litto. **Anupalittoti** tasseva vevacanaṃ taṇhānandiyā abhāvena. **Gocarajjhattamevāti** gocarajjhattasaññite phalasaṃpattiyā ārammaṇe, nibbāneti attho. Yaṃ sandhāya pāḷiyaṃ “purimasmiṃ samādhinimitte”ti vuttaṃ. **Sannisīdāpemi**ti phalasaṃpattisamādhinā accantasamādhānavasena cittaṃ sammadeva nisīdāpemi. **Pubbābhogenāti** samāpajjanato pubbe pavatta-ābhogena. **Paricchinditvāti** samāpajjanakkhaṇaṃ paricchinditvā. Tenāha “**sādhukāra -pa- avicchinneyevā**”ti. Evamassa paricchinnakālasamāpajjanaṃ yathāparicchinnakālaṃ vuṭṭhānañca buddhānaṃ na bhāriyaṃ vasībhāvassa tathāsuppagaṇabhāvatoti dassento āha “**buddhānaṃ hī**”ti-ādi. Dhammasampañiggāhakānaṃ **assāsavāre** vā. Tadā hi desiyamānaṃ dhammaṃ upadhāretuṃ

na sakkonti, tasmā tasmim̄ khaṇe desitadesanā niratthakā siyā. Na hi buddhānaṃ niratthakā kiriyā atthi.

Okappanīyametanti “tassā eva kathāyā”ti-ādinā vuttaṃ ativiya acchariyagataṃ aṭṭhuppattim̄ sutvā īdisī paṭipatti sammāsambuddhasseva hotīti upavādasena vadati, na sabhāvena. Tenāha “**satthari pasādamattampi na uppannaṃ**”ti. **Kāyadarathoti** paccayavisesavasena rūpakāyassa parissamākāro. **Upādinnaketi** indriyabaddhe. **Anupādinnaketi** anindriyabaddhe. **Vikasanti** sūriyasmisamphassena. Tadbhāvena **makulāni honti**. **Kesañci** tintinikādirukkhānaṃ. **Patilīyanti** nissayarūpadhamma-avipphārikatāya. Arūpadhammatāya pañcaviññāṇānañceva kiriyāmayaviññāṇānañca appavattisaññitā avipphārikatā hoti, yattha niddāsamaññā. Tenāha “**darathavasena bhavaṅgasotañca idha niddāti adhippetan**”ti. Tattha **darathavasenāti** darathavaseneva, na thinamidhavasenāti avadhāraṇaṃ avadhāraṇaphalañca niddhāretabbaṃ. **Taṃ sandhāyāti** kāyassa darathasaṅkhātasarīragilānahetukaṃ niddaṃ sandhāya. Sarīragilānañca bagavato natthīti na sakkā vattum̄ “piṭṭhi me āgilāyati”ti¹ vacanato. **Sammohavihārasminti** paccatte etaṃ bhummavacananti āha “**sammohavihāroti vadanti**”ti, **sammohavihārasmim̄** vā pariyāpannaṃ etaṃ vadanti, yadidaṃ divā niddokkamananti yojanā.

389. **Upanītehīti** dosamaggaṃ nindāpathaṃ² upanītehi. **Abhinanditvāti** sampiyāyivā. Tenāha “**cittena sampaṭicchanto**”ti. **Anumoditvāti** “sādhu sādhu”ti desanāya thomanavasena anumoditvā. Tenāha “**vācāyapi pasamsanto**”ti. **Sampatte kāleti** pabbajjāyogge kāle anuppatte.

Gaṇaṃ vinodetvāti gaṇaṃ apanetvā gaṇapalibodhaṃ chinditvā. **Papañcanti** avasesakilesaṃ. “**Puññavā rājapūjito**”ti vuttamatthaṃ vivaritum̄ “**tasmim̄ hi kāle**”ti-ādi vuttaṃ. Chandavāsaharaṇena **uposathakammaṃ karonto**.

1. Dī 3. 176; Ma 2. 17; Vi 4. 364 piṭṭhesu.

2. Nindāpanaṃ (Ka)

Sakalaṃ rattim buddhaguṇānaṃyeva kathitattā therassa ñāṇaṃ desanāvibhavañca vibhāvento āha “**ettakāva bhante buddhaguṇā**”ti. Imāya bhante tumhākaṃ dhammakathāya anavasesato buddhaguṇā kathitā viya jāyanti, evaṃ santepi anantāparimeyyāva te, kiṃ ito parepi vijjantevāti theram tattha sihanādaṃ nadāpetukāmo āha “**udāhu aññepi atthi**”ti-ādi. Rajjassa padesikattā, yathāvuttasubhāsitassa ca anagghattā vuttaṃ “**ayaṃ me duggatapaṇṇākāro**”ti. **Tiyojanasatikanti** idaṃ parikkhepavasena vuttaṃ, tañca kho manussānaṃ paribhogavasenāti daṭṭhabbaṃ.

Mahāsaccakasuttavaṇṇanāya līnatthappakāsanā samattā.

7. Cūlaṭaṇhāsāṅkhayasuttavaṇṇanā

390. **Tatrā**ti tasmim pubbārāmaṃgāramātupāsādānaṃ atthavibhāvane **ayaṃ** idāni vuccamānā **anupubbī kathā**. **Mañīnanti** ettha padumarāgamaṇīnaṃ adhippetattā āha “**aññehi cā**”ti. Tena indanīlādimaṇīnaṃ saṅgaho daṭṭhabbo.

Nīlapītalohitodātamañjīṭṭhapabhassarakabaravaṇṇavasena **sattavaṇṇehi**.

Taṇhā sabbaso khīyanti etthāti **taṇhāsāṅkhayo**¹, tasmim. **Taṇhāsāṅkhayeti** ca visaye idaṃ bhumanti āha “**taṃ ārammaṇaṃ katvā**”ti. **Vimuttacittatāyā**ti sabbasaṅkilesehi vimuttacittatāya. Aparabhāgapaṭipadā nāma ariyasaccābhisamayo, sā² sāsanacārigocarā paccattaṃ veditabbatoti āha “**pubbabhāgappaṭipadaṃ saṅkhittena desethāti pucchati**”ti. Akuppadhammatāya khayavayasāṅkhātāṃ antaṃ atītāti accantā, so eva aparihānasabhāvattā accantā niṭṭhā etassāti **accantaniṭṭho**. Tenāha “**ekantaniṭṭho satataniṭṭhoti attho**”ti. Na hi paṭividdhassa lokuttaradhammassa dassanaṃ kuppanaṃ nāma atthi. Accantameva catūhi yogehi khemo etassa atthīti **accantayogakkhemī**. Maggabrahmacariyassa vusitattā, tassa ca aparihānasabhāvattā accantaṃ

1. Am-Ṭī 3. 178 piṭṭhādīsūpi passitabbaṃ.

2. Sā na (Ka)

brahmacārīti **accantabrahmacārī**. Tenāha “**niccabrahmacārīti attho**”ti. **Pariyosānanti** brahmacariyassa pariyosānam.

Vegāyatīti turitāyati. **Sallakkhesīti** cintesi, attanā yathā sutāya satthu desanāya anussaraṇavasena upadhāresi. **Anuggaṇhitvāvāti** atthavinicchayavasena anuggahetvā eva. Chasu dvāresu niyuttāti **chadvārikā**, tehi.

Pañcakkhandhāti pañcupādānakkhandhā. Sakkāyasabbaṃ hi sandhāya idha “**sabbe dhammā**”ti vuttaṃ vipassanāvisayassa adhippetattā, tasmā āyatanadhātuyopi taggatikā eva daṭṭhabbā. Tenāha bagavā “nālaṃ abhinivesāyā”ti. **Na yuttā abhinivesāya** “etaṃ mama, eso me attā”ti ajjhosānāya. “Alameva nibbindituṃ alaṃ virajjitun”ti-ādīsu¹ viya **alaṃ** saddo yuttatthopi hotīti āha “**na yuttā**”ti. **Sampajjantīti** bhavanti. Yadiipi “tatiyā, catutthī”ti idaṃ visuddhidvayaṃ abhiññāpaññā, tassā pana sappaccayanāmarūpadassanabhāvato, sati ca paccayapariggāhe sappaccayattā (Nāmarūpassa aniccatā, aniccaṃ dukkhaṃ, dukkhaṃ ca anattāti atthato)² lakkhaṇattayaṃ supākaṭameva hotīti āha “**aniccaṃ dukkhaṃ anattāti ñātapariññāya abhijānāti**”ti. **Tatheva tīraṇapariññāyāti** iminā aniccādibhāvena nālaṃ abhinivesāyāti³ nāmarūpassa upasamharati, na abhiññāpaññānaṃ sambhāradhammānaṃ⁴. Purimāya hi atthato āpannalakkhaṇattayaṃ gaṇhāti salakkhaṇasallakkhaṇaparattā tassā, dutiyāya sarūpato tassā lakkhaṇattayāropanavasena sammasanabhāvato. Ekacittakkhaṇikatāya abhinipātamattatāya ca **appamattakampi**. Rūpapariggāhassa oḷārikabhāvato **arūpapariggāham dasseti**. Dassento ca vedanāya āsannabhāvato, visesato sukhasārāgitāya, bhavassādagadhitamānasatāya ca **sakkassa vedanāvasena nibbattetvā dasseti**.

Uppādavayatthenāti udayabbayasabhāvena uppajjitvā nirujjhanena. **Aniccāti** addhuvā. Aniccalakkhaṇaṃ aniccatā udayavayatā. **Tasmāti** yasmā pañcannaṃ khandhānaṃ khayato vayato dassanaññānaṃ aniccānupassanā, taṃsamaṅgī ca puggalo

1. Dī 2. 161; Sam 1. 387, 388, 390, 393, 397, 398 piṭṭhesu.

2. (Aniccanti, nāmarūpassa aniccatāya dukkhaṃ, dukkhaṇca anattāti atthato) (Am-Ṭī 3. 179 piṭṭhe.)

3. Nivesataṃ (Ka), abhinivesanaṃ (?) 4. Abhiññāpariññānaṃ samānammettaṃ (?)

aniccānupassī, tasmā. **Khayavirāgoti** khayasaṅkhāto virāgo saṅkhārānaṃ palujjanā. Yaṃ āgamma sabbaso saṅkhārehi virajjanā hoti, taṃ nibbānaṃ **accantavirāgo**. **Nirodhānupassimhipīti** nirodhānupassipadepi. “**Eseva nayo**”ti abhidisitvā taṃ ekadesena vivaranto “**nirodhopi hi -pa-duvidhoyevā**”ti āha. Sabbāsavasamvare vuttavossaggo va idha “paṭinissaggo”ti vuttoti dassento “**paṭinissaggo vuccati vossaggo**”ti-ādimāha. **Pariccāgavossaggo** vipassanā. Pakkhandanavasena appanato **pakkhandanavossaggo** maggo aññassa tadabhāvato. **Soti** maggo. **Ārammaṇatoti** kiccāsādhanavasena ārammaṇakaraṇato. Evaṃ hi maggato aññesaṃ nibbānārammaṇānaṃ pakkhandanavossaggābhāvo siddho hoti. Pariccajanena pakkhandanena cāti **dvīhipi vā kāraṇehi**. Sabbesaṃ khandhānaṃ vossajjanaṃ tappaṭibaddhasaṅkilesappahānena daṭṭhabbaṃ. **Cittam pakkhandatīti** maggasampayuttaṃ cittaṃ sandhāyāha. **Ubhayampetaṃ** vossajjanaṃ. **Tadubhayasamaṅgīti** vipassanāsamaṅgī maggasamaṅgī ca. “Aniccānupassanāya niccasaññaṃ pajahatī”ti-ādivacanato¹ yathā vipassanāya kilesānaṃ pariccāgapaṭinissaggo labbhati, evaṃ āyatim bhehi kilesehi uppādetabbakhandhānampi pariccāgapaṭinissaggo vattabbo, pakkhandanapaṭinissaggo pana magge labbhamānāya ekantakāraṇabhūtāya vuṭṭhānagāminivipassanāya vasena veditabbo, magge pana tadubhayampi ñāyāgatameva nippariyāyatova labbhamānattā. Tenāha “**tadubhayasamaṅgī puggalo**”ti-ādi.

Pucchantassa ajjhāsayavasena “na kiñci loke upādiyati”ti ettha kāmupādānavasena upādiyaṇaṃ paṭikkhipiyatīti āha “**taṇhāvasena na upādiyati**”ti. Taṇhāvasena vā asati upādiyane diṭṭhivasena upādiyaṇaṃ anavakāsamevāti “**taṇhāvasena**” icceva vuttaṃ. **Na parāmasatīti** nādiyati, diṭṭhiparāmāsavasena vā “niccan”ti-ādinā **na parāmasati**. **Saṅkhitteneva khipaṃ kathesīti** tassa ajjhāsayavasena papañcaṃ akatvā kathesi.

391. **Abhisamāgantvāti** abhimukhañāṇena ñeyyaṃ samāgantvā yāthāvato veditvā. Tenāha “**jānitvā**”ti. **Yathāparisaviññāpakattāti**

1. Khu 9. 55, 56 piṭṭhesu.

yathāparisaṃ dhammasampañiggāhikāya mahatīyā, appakāya vā parisāya anurūpameva viññāpanato. **Pariyantam na niccharatī**ti na pavattati. **Mā niratthakā agamāsī**ti idaṃ dhammatāvasena vuttam, na satthu ajjhāsayavasena. Ekaṃ hetam satthu vacīghosassa aṭṭhasu aṅgesu, yadidaṃ parisapariyantatā. **Chiddavivarokāsoti** chiddabhūto, vivarabhūto vā okāso pi natthi, bagavato saddāsavanakāraṇam vuttameva. **Tasmā**ti yathāvuttakāraṇato.

Pañca aṅgāni etassāti pañcaṅgam, pañcaṅgam eva **pañcaṅgikam**. Mahatī-ādi viñāvisesopi¹ ātatamevāti “**cammapariyonaddhesū**”ti visesitam. **Ekatalam** kumbhathūṇadaddarādi. Cammapariyonaddham hutvā tantibaddham **ātatavitataṃ**. Tenāha “**tantibaddhapaṇavādī**”ti. Gomukhī-ādīnampi² ettheva saṅgaho daṭṭhabbo. **Vamsādīti ādi**-saddena saṅkhasiṅgādīnam saṅgaho. **Sammādīti** sammatālakamsatāḷasilāsālākātāḷādi. Tattha **sammataḷam** nāma daṇḍamayatāḷam. **Kamsatāḷam** lohamayam. Silāya ayopattena ca vādanatāḷam **silāsālākātāḷam**. **Samappitoti** sammā appito upeto. Tenāha “**upagato**”ti. Upaṭṭhānavasena pañcahi tūriyasatehi upeto. Evaṃbhūto ca yasmā tehi upaṭṭhito samannāgato nāma hoti, tasmā vuttam “**samaṅgībhūtoti tasseva vevacanan**”ti. **Paricāretīti** parito cāreti. Kāni pana cāreti, katham vā cāretīti āha “**sampattim -pa- cāretī**”ti. Tattha **tato tatoti** tasmim tasmim vādite tattha tattha ca vādakajane. **Apanetvāti** vādakajane nisedhetvā. Tenāha “**nissaddāni kārāpetvā**”ti. **Devacārikam** gacchatiyeva devatānam manussānaṅca anukampāya. Svāyamatto **vimānavatthūhi**³ dīpetabbo.

392. **Appeva sakena karaṇīyenāti** mārisa Moggallāna mayam sakena karaṇīyena appeva bahukiccāpi na homa. **Apica devānamīyevāti** apica kho pana devānamīyeva Tāvatisānam karaṇīyena

1. Tata-ādivisesopi (Sam-Ṭī 1. 225 piṭṭhe), mahatī daddarī viñāvisesopi (Am-Ṭī 3. 240 piṭṭhe.)

2. Gomudādīnampi (Ka) bagavatigītāganthe 1 ajjhāye 13 gāthā passitabbā.

3. Khu 2. 1 piṭṭhādīsu.

visesato bahukiccāti atthayojanā. Bhummaṭṭhakadevatānampi keci aṭṭā sakkena vinicchitabbā hontīti āha “**pathavito paṭṭhāyā**”ti. Niyamentoti avadhārento. Tam pana karaṇīyaṃ sarūpato dassetuṃ “**devānaṃ hī**”ti-ādi vuttaṃ. **Tāsanti** devadhītudevaputtapādapāricārikānaṃ.

Maṇḍanapasādhanakārikāti maṇḍanapasādhanasaṃvidhāyikā. **Aṭṭakaraṇaṃ natthi** saṃsayasseva abhāvato.

Yanti savanuggahaṇādivasena suparicitampi yaṃ atthajātaṃ. **Na dissati**, paññācakkhuno sabbaso na paṭibhātīti attho. **Kecīti** sārāsamaśācariyā. **Somanassasaṃveganti** somanassasamuṭṭhānaṃ saṃvegaṃ, na cittasantaṣaṃ.

Samupabyūlhoti yujjhanavasena sahapatito samogaḷho. Evambhūto ca yasmā samūhavasena sampiṇḍito hoti, tasmā vuttaṃ “**sannipatito rāsibhūto**”ti. **Anantare attabhāveti** idaṃ dutiyaṃ sakkattabhāvaṃ tato anantarātītena sakkattabhāvena sakkattabhāvasāmaññato ekamiva katvā gahaṇavasena vuttaṃ, aññathā “tatiye attabhāve”ti vattabbaṃ siyā. Maghattabhāvo hi ito tatiyoti. Atha vā yasmiṃ attabhāve so devāsurasañgāmo ahosi, tassa anantarattā maghattabhāvassa vuttaṃ “**anantare attabhāve**”ti. Sattānaṃ hitesibhāya mātāpitu-upaṭṭhānādinā cariyāhi **bodhisattacariyā viyassa cariyā ahosi**. **Satta vatapadānīti** satta vatakoṭṭhāse¹.

Mahāpānanti mahantaṃ surāpānaṃ. **Gaṇḍapānanti** gaṇḍasurāpānaṃ, adhimattapānanti attho. **Pariharamānāti** parivārentā. **Vedikāpādāti** sinerussa pariyaṇte vedikāparikkhepā. **Pañcasu ṭhānesūti** pañcasu paribhaṇḍaṭṭhānesu nāgasenādīhi **ārakkhaṃ ṭhapesi**.

393. **Rāmaṇeyyakanti** ramaṇīyabhāvaṃ. **Masāragallatthambheti** kabaramaṇimaye thambhe. **Suvaṇṇādīmaye ghaṭaketi** “rajatatthambhesu suvaṇṇamaye, suvaṇṇatthambhesu rajatamaye”ti-ādinā suvaṇṇādīmaye ghaṭake vālarūpakāni ca. Pabāḷhaṃ mattoti **pamatto**. Tenāha “**atviya matto**”ti. **Nāṭakaparivārenāti** accharāparivārena.

1. Satta vatapadānīti satta vatakoṭṭhāse (Ka)

Acchariyabbhutanti padadvayenapi vimhayanākārova vutto, tasmā sañjātaṃ acchariyabbhutaṃ vimhayanākāro etesanti **sañjāta-acchariya-abbhutā**, tathā pavattacittuppādā. Acchariyabbhutahetukā sañjātā tuṭṭhi etesanti **sañjātatuṭṭhino**. **Samvigganti** sañjātasamvegaṃ. Svāyaṃ samvego yasmā purimāvattāya cittassa calanaṃ hoti, tasmā vuttaṃ “**calitan**”ti.

394. **Tamaṃ vinoditanti** pāṭihāriyadassanena “aho therassa iddhānubhāvo”ti sammāpaṭipattiyāṃ sañjātabahumāno, īdisaṃ nāma sāsanaṃ labhivāpi mayāṃ niratthakena bhogamadena sammattā bhavāmāti yoniso manasikāruppādanena sammohatamaṃ vinoditaṃ vidhamitaṃ. **Eteti mahāthero sakko cāti te dvepi samānabrahmacariyatāya sabrahmacārino**.

395. **Paññātānanti** pākaṭānaṃ cātumahārājasuyāmasantusitaparanimmitavasavattimahābrahmānaṃ aññataro, na yesaṃ kesañcīti adhippāyo. Āraddhadhammavaseneva pariyoṣāpitattā **yathānusandhināva niṭṭhapesi**.

Cūḷataṇhāsāṅkhayasuttavaṇṇanāya līnatthappakāsanaṃ samattā.

8. Mahātaṇhāsāṅkhayasuttavaṇṇanā

396. **Laddhimattanti** micchāgāhamattaṃ, na diṭṭhābhiniveso. **Sassatadiṭṭhīti** niccābhiniveso. **Soti** ariṭṭho bhikkhu. Kathetvā samodhānentanti yojanā. **Samodhānentanti** ca nigamentanti attho. **Tattha tatthevāti** tesu tesu eva bhavesu **nirujjhanti**, na bhavantaraṃ saṅkamanti, **viññāṇaṃ pana** abhinnaśabhāvaṃ anaññanti adhippāyo. **Idhalokatoti** imasmā attabhāvā. **Paralokanti** parabhavasaññitaṃ attabhāvaṃ. **Sandhāvatīti** niccatāya kenaci asambaddhaṃ viya gacchati. Tena idhalokato paralokagamanamāha. **Samsaratīti** iminā paralokato idhāgamanam. **Sandhāvatīti** vā bhavantarasaṅkamanamāha, **samsaratīti** tattha tattha aparāparasañcaraṇaṃ.

“Paccaye sati bhavati”ti-ādinā viññāṇassa anvayato byatirekato ca paṭiccasamuppānabhāvaṃ dassento sassatabhāvaṃ paṭikkhipati. **Buddhena akathitaṃ kathesi**ti iminā “yaṃ abhāsitaṃ alapitaṃ tathāgatena, taṃ bhāsitaṃ lapitaṃ tathāgatenāti dīpeti”ti¹ imasmim̄ bhedakaravatthusmim̄ sandissatīti dasseti. **Jinacakke pahāraṃ deti**ti “tadevidaṃ viññāṇaṃ -pa-anaññaṃ”ti niccataṃ paṭijānanto “sabbe saṅkhārā aniccā², rūpaṃ bhikkhave aniccaṃ”ti³ ca ādinayappavatte satthu dhammacakke khīlaṃ uppādentō pahāraṃ deti. Sabbaññūtaññāṇena aniccanti diṭṭhaṃ paveditaṅca viññāṇaṃ niccanti paṭijānanto **vesārajjāññaṃ paṭibāhati**. **Sotukāmaṃ jananti** ariyadhammādhigamaṃ ekanta-upāyabhūtaṃ vipassanāmaggaṃ sotukāmaṃjanaṃ niccaggāhapaggaṇhanaṃ **visaṃvādeti**, tato eva **ariyapathe** ariyadhammavīthiyaṃ tassā paṭikkhipanaṃ **tiriyaṃ nipatitvā**.

398. Viññāṇasīsenā attanā gahitaṃ attānaṃ vibhāvento “**yvāyaṃ bhante**”ti-ādimāha. Tattha **vado vedeyyoti**-ādayo sassatadiṭṭhiyā eva abhinivesākārā. Vadatīti **vado**, vacīkammaṃsa kārakoti attho. Iminā hi kārakabhāvupāyikasattānaṃ hitasukhāvabodhanasamatthataṃ attano dasseti. Vedyova **vedeyyo**, jānāti anubhavati cāti attho. Īdisānaṃ hi padānaṃ bahulā kattusādhanataṃ saddavidū maññanti. **Vedayatīti** taṃ taṃ anubhavitabbaṃ anubhavati. **Tahim̄ tahinti** tesu tesu bhavayonigatiṭṭhitisattāvāsaṭṭanikāyesu.

399. Taṃ vādaṃ paggayha ṭhitattā sātissa chinnapaccayatā avirulhadhammatā ca veditabbā. **Heṭṭhāti** alagaddasuttasamvaṇṇanaṃ⁴ sandhāyāha. Parato **heṭṭhāti** vuttaṭṭhānēpi eseva nayo. **Pāṭiyekko anusandhīti** tīhipi anusandhīhi avomisso visuṃyeveko anusandhi. Nanu cāyampi sātissa ajjhāsayaṃsena pavattitattā ajjhāsayaṃanusandhiyevāti? Na, niyyānamukhena appavattattā. Niyyānaṃ hi purakkhatvā pucchādivasena pavattā itarā desanāpucchānusandhi-ādayo, idha

1. Am̄ 1. 315; Vi 4. 368 piṭṭhesu.

3. Saṃ 2. 113 piṭṭhe.

2. Khu 1. 53 piṭṭhe Dhammapade.

4. Ma-Ṭṭha 2. 11 piṭṭhe.

tadabhāvato vuttam **“pāṭiyekko anusandhī”**ti. **Parisāya laddhim sodhentoti** yādisi sātissa laddhi, tadabhāvadassanavasena parisāya laddhim sodhento, parisāya laddhisodhaneneva sāti gaṇato nissārito nāma jāto.

400. **Yaṃ yadevā**ti idam yadipi avisesato paccayadhammaggaṇam, **“viññāṇantveva saṅkhyam gacchatī”**ti pana vuttatā taṃtaṃviññāṇassa samaññānimittapaccayajātam gahitanti daṭṭhabbam. Tena vuttam pāḷiyam **“cakkhuvīññāṇantveva saṅkhyam gacchatī”**ti-ādi. Atha vā taṃtaṃdvārāniyataṃ itarampi sabbam tassa tassa viññāṇassa paccayajātam idha **“yaṃ yadevā”**ti gahitam, tattha pana yaṃ asādhāraṇam, tena samaññāti **“cakkhuvīññāṇantvevā”**ti-ādi vuttam. **Dvārasaṅkantiyā abhāvanti** viññāṇassa dvārantarasaṅkamanassa abhāvam. Svāyam oḷārikanayena mandabuddhīnam sukhāvabodhanattham nayadassanavasena vutto. Na hi kadāci paccuppannam viññāṇam vigacchantam anantaraviññāṇam saṅkamati anantarādipaccayālābhe tassa anuppajjanato.

Evamevāti yathā aggi upādānam paṭicca jalanto anupādāno tattheva nibbāyati, na katthaci saṅkamati, evameva. **“Paccayavekallena tattheva nirujjhati”**ti kasmā vuttam, na hettha anuppādanirodho icchito tādisassa nirodhassa idha anadhippetattā, atha kho¹ khaṇanirodho, so ca sābhāvikatā² na paccayavekallahetuko? Saccametam, taṃtaṃdvārikassa pana viññāṇassa dvārantaram asaṅkamitvā tattha tattheva nirujjhanam idhādhippetam. Yesañca paccayānam vasena dvārantarikaviññāṇena bhavitabbam, tesam tadabhāvato paccayavekallaggahaṇam, tasmā paccayavekallena na sotādīni saṅkamitvā sotaviññāṇanti-ādi saṅkhyam gacchatīti yojanā. Etena yaṃ viññāṇam cakkhurūpādipaccayasāmaggiyā vasena cakkhuvīññāṇasaṅkhyam gacchati, tattha tattheva nirujjhati tāvakālikabhāvato³, tassa pana sotasaddādipaccayābhāvato kuto sotaviññāṇādisamaññā, evamappavattito tassa kuto saṅkamoti dassitam hoti. **Viññāṇappavatteti** viññāṇappavattiyam. **Dvārasaṅkantimattanti** dvārantarasaṅkamanamattampi na vadāmi tattha tattheva bhijjanato paccayassa uppādavantato sati ca uppāde avassambhāvī nirodhoti hutvā abhāvaṭṭhena aniccatā dīpitā hotīti.

1. Atha (Ka)

2. Sosobhāvitattā (Ka)

3. Kālikato (Ka)

401. “Paṭiccasamuppannaṃ viññāṇaṃ vuttaṃ mayā, aññatra paccayā natthi viññāṇassa sambhavo”ti pāḷiyā anvayato ca byatirekato ca viññāṇassa saṅkhataṭāva dassitāti āha **“sappaccayabhāvaṃ dassetvā”**ti. Hetupaccayehi jātaṃ nibbattaṃ “bhūtaṃ”ti idhādhippetāṃ, taṃ atthato pañcakkhandhā tabbinimuttassa sappaccayassa abhāvato, yañca khandhapañcakaṃ attano tesañca bhikkhūnaṃ, taṃ “bhūtamidaṃ”ti bagavā avocāti āha **“idaṃ khandhapañcakan”**ti. Attano phalaṃ āharatīti āhāro, paccayo. Sambhavati etasmāti sambhavo, āhāro sambhavo etassāti **āhārasambhavaṃ**. Tenāha **“paccayasambhavan”**ti. **Tassa paccayassa nirodhāti** yena avijjādinā paccayena khandhapañcakaṃ sambhavati, tassa paccayassa anuppādanirodhā. Khaṇanirodho pana kāraṇanirapekkho.

Nossūti saṃsayajotano nipātoti āha **“bhūtaṃ nu kho idaṃ, na nu kho bhūtaṃ”**ti. **Bhūtamidaṃ nossūti** ca iminā khandhapañcakameva nu kho idaṃ, udāhu attattaniyanti evaṃjātiko saṃsayaṇākāro gahito. **Tadāhārasambhavaṃ nossūti** pana iminā sahetukaṃ nu kho idaṃ bhūtaṃ, udāhu ahetukanti yathā ahetukabhāvāpanno saṃsayaṇākāro gahito, evaṃ visamahetukabhāvāpannopi saṃsayaṇākāro gahitoti daṭṭhabbaṃ. Visamahetunopi paramatthato bhūtassa ahetukabhāvato. Visamahetuvādopi parehi parikappitamattatāya sabhāvaniyatiyadicchādivādehi samānayogakkhamoti. **Nirodhadhammaṃ nossūti** iminā yathā aniccaṃ nu kho idaṃ bhūtaṃ, udāhu niccanti aniccataṃ paṭicca saṃsayaṇākāro gahito, evaṃ dukkhaṃ nu kho, udāhu na dukkhaṃ, anattā nu kho, udāhu na anattātipi saṃsayaṇākāro gahitoyevāti daṭṭhabbaṃ aniccassa dukkhabhāvādi-avassambhāvato, nicce ca tadubhayābhāvato. **Yāthāvasarasalakkhaṇatoti** aviparītasarasato salakkhaṇato ca, kiccatto ceva sabhāvato cāti attho. Vipassanāya adhiṭṭhānabhūtāpi paññā vipassanā evāti vuttaṃ **“vipassanāpaññāyā”**ti. **Sarasatoti** ca sabhāvato. **Salakkhaṇatoti** sāmāññalakkhaṇato. Tenāha **“vipassanāpaññāyā sammā passantassā”**ti. **Vuttanayenevāti** “yāthāvasarasalakkhaṇato”ti vuttanayeneva. **Ye yeti** tassaṃ parisāyaṃ ye ye bhikkhū. **Sallakkhesunti** sammadeva upadhāresuṃ.

Tehī tehi bhikkhūhi. **Tatthā** ti tissaṃ vipassanāpaññāyaṃ. **Nittañhabhāvanti** taṇhābhāvaṃ “etaṃ maman”ti taṇhāggāhassa pahīnataṃ. Etenapi bagavā “ahaṃ bhikkhave dhammesupi taṇhāpahānameva vaṇṇemi, sāti pana moghapuriso attabhāvepi taṇhāsaṃvaddhaniṃ viparītadiṭṭhiṃ paggayha tiṭṭhati”ti sātiṃ niggaṇhāti. **Sabhāvadassanenāti** dhammānaṃ aviparītasabhāvadassa nena. **Paccayadassanenāti** kāraṇadassanena anavasesato hetuno paccayassa ca dassanena. **Alliyethāti** taṇhādiṭṭhivasena nissayetha. Tenāha “**taṇhādiṭṭhī**”ti. **Kelāyethāti** pariharaṇakeliyā¹ parihareyyātha. Tenāha “**kīlamānā vihareyyāthā**”ti. **Dhanaṃ viya icchantāti** dhanāṃ viya drabyaṃ viya icchaṃ taṇhaṃ janentā. Tenāha “**gedhaṃ āpajjeyyāthā**”ti. **Mamattaṃ uppādeyyāthāti** “mamamidaṃ”ti taṇhādiṭṭhivasena abhinivesaṃ jāneyyātha. Nikantivasenapi gahaṇatthāya no desito, tassa vā saṅhasukhumassa vipassanādharmassa gahaṇaṃ nāma nikantiyā eva siyā, na oḷārikataṇhāyāti vuttaṃ “**nikantivasenā**”ti.

402. Paṭicca etasmā phalaṃ etīti **paccayo**, sabbo kāraṇavisesoti āha “**khandhānaṃ paccayaṃ dassento**”ti. Yāva avijjā hi sabbo nesaṃ kāraṇaviseso idha dassito. Puna ādito paṭṭhāya yāva pariyoṣānā, antato paṭṭhāya yāva ādīti anulomato paṭilomato ca vaṭṭavivaṭṭadassanavasena nānāyeyhi paṭiccasamuppādo dassito, niccaggāhassa nimittabhūto kilesopi idha natthīti dīpeti. **Tampi vuttatthamevāti** tampi “ime ca bhikkhave cattāro āhārā”ti-ādi yāva “taṇhāpabhavā”ti pālīpadaṃ, tāva vuttatthameva **sammādiṭṭhisuttavaṇṇanāyaṃ**². Sesāṃ paṭiccasamuppādakathābhāvato **Visuddhimagge**³ **vitthāritāvāti** imināva saṅgahitaṃ.

404. **Imasmīṃ sati idaṃ hotīti**-ādīsu yaṃ vattabbaṃ, taṃ paramatthadīpaniyaṃ **udānaṭṭhakathāyaṃ**⁴ vuttanayeneva veditabbaṃ.

407. **Paṭidhāvanāti** paṭisaraṇaṃ, pubbe attano āgataṃ atītaṃ addhānaṃ uddissa taṇhādiṭṭhivasena paṭigamananti attho. Nanu vicikicchāvasena

1. Pariyanakeliyā (Ka)

3. Visuddhi 2. 148 piṭṭhe.

2. Ma-Ṭṭha 1. 90 piṭṭhe.

4. Udāna-Ṭṭha 35 piṭṭhe.

pāḷiyam paṭidhāvanā āgatāti? Saccam āgatā, sā pana taṇhādiṭṭhihetukāti “taṇhādiṭṭhivasenā”ti vuttam. **Tatthāti** tasmim yathādhigate nāṇadassane.

Niccababhāvanti suppatiṭṭhitabhāvam, titthiyavādavātehi akampiyabhāvaṇca. **Garūti** garuṇayutto. **Bhāriko** pāsānacchattasadiṣo. **Akāmā anuvattitabboti** saddhāmatkeneva anuvattanamāha, na aveccappasādena. **Kiccanti** satthukiccam. **Brāhmaṇānanti** jātimantabrāhmaṇānam. **Vatasamādānānti** magavatādivatasamādānāni. **Diṭṭhikutūhalānti** taṃtaṃdiṭṭhiggāhavasena “idaṃ saccam, idaṃ saccan”ti-ādinā gahetabbakutūhalāni. **Evam nissatṭhānti** yathā mayā tumhākaṃ ovādo dinno, evam nissatṭhāni vatādīni taṃ atikkamitvā kiṃ gaṇheyyātha. **Sayam nāṇena nātanti** paraneyyatam muñcitvā attano eva nāṇena yāthāvato nātam. Evambhūtaṇca sayam paccakkhato diṭṭham nāma hotīti āha “**sayam paññācakkhunā diṭṭhan**”ti. **Sayam vibhāvīti** tehi bhikkhūhi tassa atthassa paccattam vibhūtabhāvam āpāditam. **Upanītāti** upakkamena dhammadesanānusārena nītā. **Mayāti** kattari karaṇavacanam. **Dhammenāti** kāraṇena. **Etam vacananti** etam “sanditṭhiko”ti-ādivacanam.

408. **Tam** sammohaṭṭhānam **assa** lokassa. **Samodhānenāti** samāgama. Gabbhati attabhāvabhāvena¹ vattatīti **gabbho**, kalalādi-avattho dhammapabandho, tannissitattā pana sattasantāno “gabbho”ti vutto yathā “mañcā ukkuṭṭhim karontī”ti. Tannissayabhāvato mātukucchi “gabbho”ti veditabbo, gabbho viyāti vā. Yathā hi nivāsaṭṭhānatāya sattānam ovarako “gabbho”ti vuccati, evam gabbhaseyyakānam yāva abhijāti nivāsaṭṭhānatāya mātukucchi “gabbho”ti vuttoti.

Yamekarattinti yassam ekarattiyam. Bhummatthe hi idaṃ upayogavacanam, accantasamyoge vā. **Paṭhamanti** sabbapaṭhamam paṭisandhikkhaṇe. **Gabbheti** mātukucchiyam. **Māṇavoti** satto. Yebhuyyena sattā rattiyam paṭisandhim

1. Attabhāve (Ka) Sārattha-Ṭī 2. 14; Am-Ṭī 2. 147 piṭṭhesu passitabbarā.

gaṇhantīti rattiggahaṇaṃ. **Abbhutṭhitovāti** utṭhita-abbho viya, abhimukhabhāvena vā utṭhito eva maraṇassāti adhippāyo. **So yāṭīti** so māṇavo yāti paṭhamakkhaṇato paṭṭhāya gacchateva. **Sa gacchaṃ na nivattatīti** so evaṃ gacchanto khaṇamattampi na nivattati, aññadatthu maraṇameva upagacchatīti gāthāya attho.

Utusamayaṃ sandhāya vuttaṃ, na lokasamaññātarajassa¹ lagganadivasamattaṃ. Idāni vuttamevatthaṃ pākaṭataraṃ kāturaṃ “**mātugāmassa kira yasmin**”ti-ādi vuttaṃ. **Tatthāti** tasmim gabbhāsaye. **Sanṭhahitvāti** nibbattitvā. **Bhijjivāti** aggahitagabbhā eva bhinnā hutvā. Ayaṃ hi tassā sabhāvo. **Vatthu suddhaṃ hotīti** paggharitalohitattā anāmayattā ca gabbhāsayo suddho hoti. Suddhavatthuttā tato paraṃ katipayadivasāni **khattameva hoti** gabbhasaṅṭhahanassa parittassa lohitalessa vijjamānattā. Sambhavassa pana kathaṃ sabbhāvoti āha “**tasmim samaye**”ti-ādi. Itthisantānēpi sukkadhātu labbhateva. Tenāha “**aṅgaparāmasanenapi dārako nibbattatiyevā**”ti. Yathā pārīkāya nābhiparāmasanena sāmāssa bodhisattassa, diṭṭhamaṅgalikāya nābhiparāmasanena maṇḍabyassa nibbatti. **Gandhabboti** gandhanato uppajjanagatiyā nimittupaṭṭhāpanena sūcanato gandhoti laddhanāmena bhavagāmīkammunā abbati pavattatīti **gandhabbo**, tattha uppajjanakasatto. Tenāha “**tatrūpagasatto**”ti. **Kammayantayantitoti** tatrūpapatti-āvahena kammasaṅkhātena pellanakayantena tathattāya pellito upanīto. **Mahantena jīvitasamsayenāti** vijāyanaparikkilesena “jīvissāmi nu kho, na nu kho jīvissāmi ahaṃ vā, putto vā me”ti evaṃ pavattena jīvitasamsayena vipulena garutarena samsayena. **Taṃ thānanti** thanappadesamāha. Kīḷanti tenāti kīḷanaṃ, kīḷanameva **kīḷanakam**.

409. **Sārajjatīti** sārattacitto hoti. **Byāpajjatīti** byāpannacitto hoti. **Kāye** kesādidvattimsāsucisamudāye taṃsabhāvārammaṇā **sati kāyasati**. **Anupaṭṭhapetvāti** anuppādetvā, yathāsabhāvato kāyaṃ anupadhāretvāti attho. **Parittacetasoti**

1. Lokasamaññākarajassa (Sārattha-Ṭī 2. 13; Am-Ṭī 2. 148 piṭṭhesu.)

kilesehi parito khaṇḍitacitto. Tenāha “**akusalacitto**”ti. **Ete** akusaladhammā. **Nirujjhantī**ti nirodham pattā honti. **Taṇhāvasena abhinandatī**ti sappītikataṇhāvasena abhimukham hutvā nandati. **Abhivadatī**ti taṇhāvasena taṃ taṃ ārammaṇaṃ abhinivissa vadati. **Ajjhosāyā**ti anaññasādhāraṇaṃ viya ārammaṇaṃ taṇhāvasena anupavisitvā. Tenāha “**gilitvā pariniṭṭhapetvā**”ti. **Dukkham katham abhinandatī**ti ettha dukkhahetukaṃ abhinandanto dukkham abhinandati nāmāti daṭṭhabbaṃ. Aṭṭhakathāyaṃ pana yāvataṃ yassa dukkhe diṭṭhitaṇhā abhinandanā appahīnā, tāvatāyaṃ dukkham abhinandati nāmāti dassetuṃ “**aham dukkhito mama dukkhanti gaṇhanto abhinandati nāmā**”ti vuttaṃ. Tena gāhadvayahetukā tatha abhinandanāti dasseti. **Puna ekavāranti** punapi ekavāraṃ. Phalāhetusandhihetuphalasandhivasena **dvisandhi**. “Gabbhassāvakkanti hotī”ti-ādinā atthato sarūpato ca etarahi phalasaṅkhepassa, sarūpeneva ca itaradvayassa desitattā āha “**tisaṅkhepan**”ti.

410-414. Samathayānikassa bhikkhuno vedanāmukhena saṅkhepeneva yāva arahattā kammaṭṭhānaṃ idha kathitanti āha “**samkhittena taṇhāsaṅkhayavimuttiṃ dhārethā**”ti. “Imaṃ taṇhāsaṅkhayavimuttin”ti ca bagavā yathādesitaṃ desanaṃ avocāti vuttaṃ “**imaṃ -pa-vimuttidesanaṃ**”ti. Yadi evaṃ katham desanā vimuttīti āha “**desanā hi -pa-vimuttīti vuttā**”ti. Yassā taṇhāya vasena sāti bhikkhu sassataggāhamahāsaṅghāpaṭimukko, sā sabbabuddhānaṃ desanā hatthāvalambamānēpi durugghāṭiyā jātāti āha “**mahātaṇhājālatāṇhāsaṅghāpaṭimukkan**”ti. **Mahātaṇhājāleti** mahante taṇhājāṭe. **Taṇhāsaṅghāṭeti** taṇhāya saṅghāṭe. Tathābhūto ca tassa abbhantare kato nāma hotīti āha “**anupaviṭṭho antogadho**”ti. Sesam suviññeyyameva.

Mahātaṇhāsaṅkhayasuttavaṇṇanāya līnatthappakāsanā samattā.

9. Mahā-assapurasuttavaṇṇanā

415. **Jānapadinoti** janapadavanto, janapadassa vā issarā rājakuMārā gottavasena **aṅgā nāma**, tesam nivāso yadi eko

janapado, katham̄ bahuvacananti āha “**ruḷīsaddenā**”ti. Akkharacintakā hi īdisesu ṭhānesu yutte viya salīṅgavacanāni¹ icchanti. Ayamettha ruḷhī yathā “kurūsu viharati, malleṣu viharatī”ti ca. Tabbisesane pana janapadasadde jātisadde ekavacanameva. Tenāha “**aṅgesu janapade**”ti. Assā vuccanti pāsāṇāni, tāni sundarāni tattha santīti “**assapuran**”ti so nigamo vuttoti keci. Apare pana ājānīyo asso rañño tattha gahaṇam̄ upagatoti “**assapuran**”ti vuttoti vadanti. Kim̄ tehi, nāmametaṃ tassa nigamassa. Yasmā pana tattha bagavato nibaddhavasanaṭṭhānam̄ kiñci nāhosi, tasmā “**taṃ gocaragāmaṃ katvā viharati**”cceva vuttam̄. Tathā hi pāḷiyam̄ “assapuram̄ nāma aṅgānam̄ nigamo”ti gocaragāmakittanameva katam̄.

Evarūpena sīlenāti-ādīsu sīlaggahaṇena vārittasiḷamāha. Tena sammāvācākammantājīve dasseti. Ācāraggahaṇena cārittasiḷam̄. Tena parisuddham̄ kāyavacīsamācāram̄. Paṭipattiggahaṇena samathavipassanāmaggaphalasaṅgaham̄ sammāpaṭipattim̄. **Lajjinoti** iminā yathāvuttasiḷācāramūlakāraṇam̄. **Pesalāti** iminā pārisuddhim̄. **Uḷāraguṇāti** iminā paṭipattiyā pāripūrim̄. **Bhikkhusam̄ghasseva vaṇṇam̄ kathentīti** idaṃ tesam̄ upāsakānam̄ yebhuyyena bhikkhūnam̄ guṇakittanapasutatāya vuttam̄. Te pana saddhammepi sammāsambuddhepi abhippasannā eva. Tenāha “**buddhamāmākā dhammamāmākā**”ti. Vatthuttaye hi ekasmiṃ abhippasannā itaradvaye abhippasannā eva tadavinābhāvato. **Piṇḍapātāpacāyaneti** lakkhaṇavacanametam̄ yathā “kākehi sappi rakkhitaḅban”ti, tasmā paccayaṭipūjaneti vuttam̄ hoti. Paccayaḍāyakānam̄ hi kārassa attano sammāpaṭipattiyā mahapphalabhāvassa karaṇam̄ idha “piṇḍapātāpacāyanan”ti adhippetam̄.

Samaṇakaraṇāti samaṇabhāvakarā, samaṇabhāvassa kārakāti attho. Te pana ekantato attano santāne uppāditā vaḍḍhitā ca hontīti āha “**samādāya paripūritā**”ti. **Samaṇaggahaṇam̄** cettha samaṇavasena, na sāmāññamattenāti āha “**samitapāpasamaṇan**”ti. **Brāhmaṇakaraṇāti** etthāpi vuttanayenevattho veditabbo. Byañjanato eva cāyam̄ bhedo, yadidaṃ samaṇabrāhmaṇāti, na atthato. **Samaṇena**

1. Pāṇinī 1. 2. 51 suttam̄ passitabban̄.

kattabbadhammāti samaṇadhamme ṭhiteṇa sampādetabbadhammā. Yo hi heṭṭhimasikkhāsaṅkhātasamaṇabhāve suppatiṭṭhito, tena ye uparisikkhāsaṅkhātasamaṇabhāvā sampādetabbā, tesam vaseneva vuttasamaṇena kattabbadhammā vuttāti. Tathā hi tesam samaṇabhāvāvahataṃ sandhāyāha “**tepi ca samaṇakaraṇā hontiyevā**”ti. **Idha panā**ti mahā-assapure. **Hirottappādivasena desanā vitthāritā**ti hirottappaparissuddhakāyavacīmanosamācārājīva-indriyasamvarabhojanemattaññūtājāgariyānuyogasatisampajaññajhānavijjāvasena samaṇakaraṇadhammadesanā vitthārato desitā, na tikanipāte viya saṅkhepato. **Phalaggahaṇeneva vipākaphalaṃ gahitaṃ, taṃ pana ukkaṭṭhaniddesena catubbidhaṃ sāmāññaphalaṃ daṭṭhabbaṃ.** **Ānisaṃsaggahaṇena** piyamanāpatādi-udrayo. **Tasseva atthoti** tasseva avañjhāpadasseva atthaniddeso. “**Yassā hī**”ti-ādinā byatirekavasena atthaṃ vadati. **Ettakena ṭhānenā**ti ettakena pāḷipadesena. **Hirottappādīnaṃ** upari pāḷiyam vuccamānānaṃ samaṇakaraṇadhammānaṃ. **Vaṇṇam kathesī**ti guṇam ānisaṃsam abhāsi. **Satipaṭṭhāne vuttanayenā**ti “apica vaṇṇabhaṇanametan”ti-ādinā **satipaṭṭhānavāṇṇanāyā**¹ vuttanayena.

416. **Yam hiriyatī**ti yena dhammena hetubhūtena vā jigucchati. Karaṇe hetam paccattavacanaṃ. **Yanti** vā liṅgavipallāsena vutto, dhammoti attho. **Hiriyitabbenā**bhi upayogatthe karaṇavacanaṃ, hiriyitabbayuttakaṃ kāyaduccaritādinti attho. **Ottappitabbenā**ti etthāpi eseva nayo. Ajjhataṃ niyakajjhataṃ jāti-ādi samuṭṭhānaṃ etissāti **ajjhattasamuṭṭhānā hirī,** bahiddhā attato bahibhūto parasatto samuṭṭhānaṃ etissāti **bahiddhāsamuṭṭhānaṃ ottappaṃ.** Attādhipatito āgatā **attādhipateyyā,** attānaṃ adhipatiṃ katvā pavattā. **Lajjasabhāvasaṅghitā**ti pāpajigucchanasabhāvaṭṭhāyini. Sappatissavalakkhaṇattā garunā kasmiñci vutte gāravavasena patissavanaṃ patissavo, saha patissavenāti **sappatissavaṃ,** patissavabhūtaṃ taṃsabhāvañca yaṃ kiñci gāraṃ. Jāti-ādimahattatāpaccavekkhaṇena uppajjamānā ca hirī tattha gāravavasena pavattatīti sappatissavalakkhaṇāti vuccati. **Bhayasabhāvasaṅghitanti** pāpato bhāyanasabhāvaṭṭhāyī,

1. Dī-Ṭṭha 2. 342; Ma-Ṭṭha 1. 241 piṭṭhesu.

vajjabhīrukabhayadassāvilakkhaṇattā vajjam bhāyati tam bhayato passatīti **vajjabhīrukabhayadassāvī**, evaṃsabhāvaṃ ottappaṃ. Ajjhattasamuṭṭhānādītā ca hirottappānaṃ tattha tattha pākāṭabhāvene va uccati, na paresaṃ kadāci aññaṃaññaṃvippayogā. Na hi lajjanaṃ nibbhayaṃ, pāpabhayaṃ vā alajjanaṃ hotīti. Ayamettha saṅkhepo, vitthāro pana **aṭṭhasālīniyaṃ**¹ vuttanayeneva veditaḅbo. Lokamariyādassa pālanato **lokapāladhammā nāma. Sukkāti** odātā pabhassarabhāvakārakā, sukkābhijātihetutāya vā **sukkā. Sambhedanti** ācāramariyādāsaṅkaraṃ. Devabhāvāvahā dhammāti **devadhammā**.

Sukkadhammasamāhitāti yathāvuttasukkadhammasamaṅgino. **Santoti** vūpasantadosā. **Sappurisāti** santajānā. Saparahitasādhakā hi sādhave.

Avayavavinimuttassa samudāyassa abhāvato, avayavena ca samudāyassa apadisitabbato ovādūpasampadāvaha-ovādekadeso **ovādūpasampadāti. Idhāti** imasmiṃ assapure. **Ete** hirottappadhammā. **Samaṇadhammā nāmāti dassitā** mūlabhūtasamaṇabhāvakarā dhammāti katvā. Tathā hi tesāṃ ādito gahaṇaṃ.

Yassa adhigamena nippariyāyato samaṇā nāma honti, so ariyamaggo “samaṇassa kammaṃ paṭipadā”ti katvā sāmāññaṃ, tassa pana phalabhāvato, āramaṇakaraṇavasena araṇīyato phalanibbānāni **sāmaññaṭṭho**. Rāgaṃ khepetīti **rāgakkhayo**, ariyamaggo. Rāgo khīyati etthāti **rāgakkhayo**, nibbānaṃ. Phalaṃ pana kāraṇūpacārena **rāgakkhayo** daṭṭhabbo. **Dosakkhayo mohakkhayoti** etthāpi ese va nayo. Sāmaññabhūto attho **sāmaññaṭṭho**, maggo, sāmāññaṃ atthoti **sāmaññaṭṭho**, phalanti āha “**maggampi phalampi ekato katvā sāmāññaṭṭho kathito**”ti. Tayidaṃ ukkaṭṭhaniddesena vuttaṃ. Sīlādipubbabhāgapaṭipadāpi hi idha “sāmāññaṭṭho”ti gahitā. Tenevāha “sati uttarikaraṇīye”ti. **Paṭivedayāmīti** punappunaṃ ñāpemi.

417. **Kammapathavasenevāti** akusalakammapathabhāvene va, tato tādīsampi akusalakammaṃ bhikkhussa kātuṃ na yuttanti duṭṭhullabhāvene va

1. Abhi-Ṭṭha 1. 168 piṭṭhe.

tato oramatīti adhippāyo. **Sikkhāpadabaddhenā**ti sikkhāpadapaññāpanena. **Pāṇiyaghaṭe vā patte vā kākānaṃ hatthaṃ vā daṇḍaṃ vā leḍḍaṃ vā**ti sabbamidaṃ nidassanamattaṃ daṭṭhabbaṃ. Yattha katthaci hi ṭhitānaṃ aññesampi pāṇīnaṃ uṭṭhāpanādi sabbāṃ anīṭṭhakaraṇaṃ idha aparisuddhakāyasamācārabhāveneva saṅgahitanti. **Uttānoti** uddham uddham tanotīti uttāno. Evambhūto ca kenaci anuppādabhūmiyaṃ sañjātasālakalyāṇikhandho viya uparūpari uggatuggato pākaṭo ca hotīti āha “**uggato pākaṭo**”ti. **Anāvaṭoti** anivuto. Tenāha “**asañcha nno**”ti, nacchādetabboti attho. **Ekasadiṣo** visuddhabhāvena. **Antarantare chiddarahito** pubbenāparaṃ sammāpaṭipattiyā sandhānena. **Samvuto** kāyikassa samvarassa anupakkilesato. Tenāha “**kilesānaṃ dvāraṃ pidahanenā**”ti.

418. Ettha yathā lahukataraṃ kākuṭṭhāpanādikāyakammaṃ kāyasamācārassa aparisuddhabhāvāvahaṃ sallekhavikopanato, micchāvitakkaṇamattañca manosamācārassa, evaṃ yaṃ kiñci aniyyānakathākathanamattaṃ vacīsamācārassa aparisuddhabhāvāvahaṃ sallekhavikopanato, na hasādhippāyena musākathananti daṭṭhabbaṃ. Hasādhippāyena hi musākathanā sikkhāpadabaddheneva paṭikkhittanti.

420. Ājīvopi ekacco kammaṭṭhavasena vārito labbhati, so pana atī-
oḷāriko kāyavacīsamācāravāresu vuttanayo evāti na gahitoti daṭṭhabbaṃ. Ye
pana “tādiṣo bhikkhūnaṃ ayogyato na gahito”ti vadanti, taṃ micchā tathā
sati kāyavacīsamācāravārepi tassa aggahetabbabhāvāpattito. “Khādatha
pivathā”ti pucchā attano khāditukāmatādīpanena, pariyaṅkathābhāvato
panesā sallekhavikopanaṃ jātā.

422. Anesanaṃ pahāya dhammena samena paccaye pariyesanto **pariyesanamattaññū** nāma. Dāyakaṃ deyyadhammassa attano ca pamāṇaññutāpaṭiggahaṇanto **paṭiggahaṇamattaññū** nāma. Yoniso paccavekkhitvā paribhuñjanto **paribhogamattaññū** nāma.

423. **Ekasmim koṭṭhāseti** majjhimayāmasaññite ekasmim koṭṭhāse. **“Vāmena passena senti”**ti evaṃ vuttā. **Dakkhiṇapassena sayāno nāma natthi** dakkhiṇahatthassa sarīraggaṇādipayogakkhamato. Purisavasena cetam vuttam.

Tejussadattāti iminā sīhassa abhīrukabhāvaṃ dasseti. Bhīrukā hi sesamigā attano āsayam pavisitvā santāsapubbakam yathā tathā sayanti, sīho pana abhīrukabhāvato satokārī bhikkhu viya satim upaṭṭhapetvāva sayati. Tenāha **“dve purimapāde”**ti-ādi. Seti abyāvaṭabhāvena pavattati etthāti **seyyā**, catutthajjhānameva seyyā. Kim pana tam catutthajjhānanti? Ānāpānacatutthajjhānam. Tattha hi thatvā vipassanam vaḍḍhetvā bagavā anukkamena aggamaggaṃ adhigato tathāgato jātoti keci, tayidaṃ padaṭṭhānam nāma na seyyā. Apare pana “catutthajjhānasamanantarā bagavā parinibbāyī”ti vuttapadam gahetvā “lokiyacatutthajjhānasamāpatti tathāgataseyyā”ti vadanti, tathā sati parinibbānakālikā tathāgataseyyāti āpajjati, na ca bagavā catutthajjhānam samāpajjanabahulo vihāsi, aggaphalajjhānam panettha “catutthajjhānam”ti adhippetam. Tattha yathā sattānam niddupagamanalakkhaṇā seyyā bhavaṅgacittavārasena hoti, tañca tesam paṭhamajātisamanvayam yebhuyyavuttikam, evam bagavato ariyajātisamanvayam yebhuyyavuttikam aggaphalabhūtam catutthajjhānam “tathāgataseyyā”ti veditabbam. **Sīhaseyyāti** seṭṭhaseyyāti āha **“uttamaseyyā”**ti.

426. **Vigatantānīti** iṇamūlāni. **Tesanti** iṇamūlānam. **Pariyantoti** avaseso.

Pavattinivāraṇena **catu-iriyāpatham chindanto**. **Ābādhatīti** pīleti. **Dukkhītoti** sañjātadukkho. Appam balam **balamattā**. Appattho hi ayam **mattā**-saddo “mattāsukhapariccāgā”ti-ādīsu¹ viya, balavattho pana **mattā**-saddo anattantaro. **Sesanti** “tassa hi bandhanā muttomhīti āvajjayato tadubhayam hotī”ti-ādinā vattabbam sandhāyāha. **Sabbapadesūti** vuttāvasiṭṭhesu sabbapadesu. Yenakāmam yathārucci gacchatīti

1. Khu 1. 55 piṭṭhe Dhammapade.

yenakāmaṅgamoti anunāsikalopaṃ akatvā niddeso. Bhujō¹ attano yathāsukhaviniyogo isso icchitabbo etthāti **bhujisso**, sāmiko. So pana aparasantakatāya “**attano santako**”ti vutto. Dullabha-āpatāya kaṃ tārenti etthāti **kantāroti** āha “**nirudakaṃ dīghamaggaṃ**”ti.

Vināsetiti khādanadubbiniyojanādīhi yathā iṇamūlaṃ kiñci na hoti, tathā karoti. **Yamhi** rāgavatthumhi. **So** puggalo. **Tena** rāgavatthunā, puriso ce itthiyā, itthi ce purisena. **Iṇaṃ viya kāmacchando daṭṭhabbo** pīḷasamānato.

Na vindatiti na jānāti. **Upaddavethāti** sukhavihārassa upaddavaṃ karoṭha, vibādhetthāti attho. **Rogo viya byāpādo daṭṭhabbo** sukhabhañjanasamānato.

Nānāvidhahetūpāyālaṅkakatāya khandhāyatanadhātupaṭṭicasamuppādādīdhammanīvicittatāya **ca vicittanaye**. **Dhammassavaneti** dhammakathāyaṃ. Kathā hi sotabbaṭṭhena “savanaṃ”ti vuttā. Evamettha silaṃ vibhattaṃ, evaṃ jhānābhiññā, evaṃ vipassanāmaggaṭṭhalānīti **neva tassa** dhammassavanassa **ādimajjhapariyosānaṃ jānāti**. **Uṭṭhiteti** niṭṭhite. **Aho kāraṇanti** tattha tattha paṭiññānurūpena nikkhittasādhana vasena gahitakāraṇaṃ. **Aho upamāti** tasseva kāraṇassa paṭiṭṭhāpanavasena anvayato byatirekato ca paṭiṭṭhaṃ udāharaṇādi. **Bandhanāgāraṃ viya thinamiddhaṃ daṭṭhabbaṃ** dukkhato niyyānassa vibandhanato.

Yasmā kukkuccanīvaraṇaṃ uddhaccarahitaṃ natthi, yasmā vā uddhaccakukkuccaṃ samānakiccāhārapaṭṭipakkhaṃ, tasmā kukkuccassa visayaṃ dassanto “**vinaye apakataññunā**”ti-ādimāha. Yathā hi uddhaccaṃ sattassa avūpasamakaraṃ, tathā kukkuccampi. Yathāpi uddhaccassa ñātivitakkādi āhāro, tathā kukkuccassapi. Yathā ca uddhaccassa samatho paṭipakkho, tathā kukkuccassapīti. **Dāsabyaṃ viya uddhaccakukkuccaṃ daṭṭhabbaṃ** aseribhāvāpādanato.

Soḷasavatthukā vicikicchā aṭṭhavatthukaṃ vicikicchaṃ anupaviṭṭhāti āha “**aṭṭhasu ṭhānesu vicikicchā**”ti. **Vicikicchantoti** saṃsayanto.

Adhimuccitvāti pattiyāyevā. **Gaṇhitunti** saddheyyavatthum pariggahetum. Abhimukhaṃ sappanaṃ **āsappanaṃ**, parito sappanaṃ **parisappanaṃ**. Padadvayenapi cittassa anicchanākārameva vadati. Khemantagāmimaggaṃ na pariyoḡāhati etenāti **apariyoḡāhanaṃ**, ussaṅkitaparisaṅkitabhāvena chambhitaṃ hoti cittaṃ yassa dhammassa vasena, so dhammo **chambhitattanti** vicikicchānākāramāha. Tenāha “**cittassa uppādayamānā**”ti. **Kantāraddhānamaggo viyāti** sāsāṅkakantāraddhānamaggo viya **datṭhabbā** appaṭipattihetubhāvato.

Natthi ettha iṇanti aṇaṇo, tassa bhāvo **āṇaṇyaṃ**, kassaci iṇassa adhāraṇaṃ. **Samiddhakammantoti** nipphannaḡivikappayogo. Paribundhati uparodhetīti ra-kāraṇaṃ la-kāraṇaṃ katvā palibodho, aserivihāro, tassa mūlaṃ kāraṇanti **palibodhamūlaṃ**. **Cha dhamme bhāvetvāti** asubhanimittaggāhādike cha dhamme uppādetvā vaḡḡhetvā. **Cha dhamme bhāvetvāti** ca mettānimittaggāhādayo atibhojananimittaggāhādayo bahussutatādayo ca tattha tattha cha dhammāti vuttāti veditabbo. **Pajahatīti** vikkhambhanavasena pajahati. Tenāha “**ācārapaṇṇatti-ādīni sikkhāpiyamāno**”ti-ādi. **Paravatthumhīti** visabhāgavatthusmiṃ, paravisaye vā. Paravisayā hete bhikkhuno, yaḡidaṃ pañca kāmagaṇā. **Āṇaṇyāmiva kāmaccchandappahānaṃ āha** piyavatthu-abhāvāvahato.

Ācāravipattiḡābhakāni sikkhāpadāni **ācārapaṇṇatti-ādīni**. **Ārogyāmiva byāpādappahānaṃ āha** kāyacittānaṃ phāsubhāvāvahato.

Bandhanā mokkhamiva thinamiddhappahānaṃ āha cittassa niggaḡhitabhāvāvahato.

Bhujissaṃ viya uddhaccakukkuccappahānaṃ āha cittassa seribhāvāvahato.

Tiṇaṃ viyāti tiṇamiva katvā. **Agāṇetvāti** acintetvā. **Khemantabhūmiriṃ viya vicikicchāpahānaṃ āha** anussāṅkitāparisaṅkitabhāvena sammāḡāṭipattihetubhāvato.

427. Kirīyati¹ gabbhāsaye khiḡiyatīti karo, sambhavo, karato jātoti **karajo**, māṭāpettikasambhavoti attho. Mātuyā hi

1. Aṃ-Ṭī 3. 12 piṭṭhepi passitabbaṃ.

sarīrasaññhāpanavasena karato jātoti **karajoti** apare. Ubhayathāpi **karajakāyanti** catusantatirūpamāha. **Temetīti** tintam karoti. Ko panettha tintabhāvoti āha “**sneheti**”ti, pītisnehena piṇanam karotīti attho. Tenāha “**sabbattha pavattapītisukham karotī**”ti. Pītisamuṭṭhānapañtarūpehi sakalassa karajakāyassa pariphuṭatāya cettha taṃsamuṭṭhāpakapītisukhānam sabbattha pavatti jotitā. **Parisandetīti**¹ādīsupi eseva nayo. Tatthāpi hi “samantato sandeti temeti sneheti, sabbattha pavattapītisukham karotī”ti-ādinā yathāraham attho veditabbo. **Paripūretīti** vāyunā bhastam viya imam karajakāyam pītisukhena pūreti. **Samantato phusatīti** imam karajakāyam pītisukhena phusati. **Sabbāvatoti** a-kārassa ā-kāro kato, sabbāvayavavatoti atthoti āha “**sabbakoṭṭhāsavato**”ti, maṃsādisabbabhāgavatoti attho. **Aphuṭam nāma na hoti** pītisukhasamuṭṭhānehi rūpehi sabbatthakameva byāpitattā. Kātuñceva yojetuñca cheko sannetum paṭibaloti yojanā. Nhnāyacuññānam parimaddanavasena piṇḍam karontena hatthena bhājanam nippīletabbam hotīti āha “**sannentassa bhijjati**”ti. **Anugatāti** anupaviṭṭhā. **Parigatāti** parito samantato tintā. Tintabhāveneva samam antaram bāhirañca etissāti **santarabāhirā**. **Sabbatthakamevāti** sabbattheva. **Na ca pagghariṇī** pamāṇayuttasseva udakassa sittattā. Ettha ca nhnāyapiṇḍam viya karajakāyo, tam temetvā sampiṇḍitapamāṇayutta-udakam viya paṭhamajjhānasukham daṭṭhabbam.

428. **Hetṭhā ubbhijjivā uggacchana-udakoti** rahadassa adhothūladhārāvasena ubbhijja uṭṭhahana-udako. **Antoyeva ubbhijjana-udakoti** rahadassa abbhantareyeva thūladhārā ahutvā uṭṭhita-udakasirāmukhehi ubbhijjanako. **Āgamanamaggoti** nadītaḷākakandarāsara-ādito āgamanamaggo.

429. Uppalagacchāni ettha santīti **uppalinī**², vāri. **Ayametthavinicchayo**, tathā hi loke rattakkhiko “puṇḍarīkakkho”ti vuccati. Keci pana “rattam padumam, setam puṇḍarīkan”ti vadanti. Uppalādīni viya karajakāyo,

1. Parisannetīti (Ka)

2. Am-Ṭi 3. 13 piṭṭhepi passitabbam.

udakaṃ viya tatiyajjhānasukhanti ayampi attho “**purimanayenā**”ti atideseneva vibhāvitoti daṭṭhabbāṃ.

430. **Nirupakkilesatthenā**ti rajojallādinā anupakkiliṭṭhatāya amalīnabhāvena. Amalīnampi kiñci vatthu pabhassarasabhāvaṃ hotīti vuttam “**pabhassaratthenā**”ti. **Utupharaṇanti** uṇha-utupharaṇam. Sabbatthakameva jhānasukhena phuṭṭho karajakāyo yathā utunā phuṭṭhavatthasadisoti āha “**vattham viya karajakāyo**”ti. **Tasmāti** “vattham viyā”ti-ādinā vuttamevattham hetubhāvena paccāmasati, karajakāyassa vatthasadisattā catutthajjhānasukhassa ca utupharaṇasadisattāti attho. Santasabhāvattā nāṇuttarattā cettha upekkhāpi sukhe saṅgahitāti catutthajjhānepi sukhaḅḅhāṇam kataṃ. “Parisuddhena pariyodātena pharivā nisinno hotī”ti vacanato catutthajjhānacittassa vatthasadisattā vuttā. Catutthajjhānasamuṭṭhānarūpehi bhikkhuno kāyassa phuṭṭabhāvaṃ sandhāya “**taṃsamuṭṭhānarūpaṃ utupharaṇam viyā**”ti vuttam. Purisassa kāyo viya bhikkhuno karajakāyoti ayam panattho pākaṭoti na gahito, gahito eva vā¹ “yathā hi katthaci -pa- kāyo phuṭṭho hotī”ti vuttattā.

431. **Pubbenivāsañāṇa-upamāyanti** pubbenivāsañāṇassa dassita-upamāyam. **Taṃdivasaṃkatakiriyaḅḅhāṇam** pākatikasattassapi yebhuyyena pākaṭā hotīti dassanattham. **Taṃdivasagatagāmatayaggaḅḅhāṇeneva** mahābhinihārehi aññesampi pubbenivāsañāṇalābhīnam tisu bhavesu katā kiriya yebhuyyena pākaṭā hotīti dīpitanti daṭṭhabbāṃ.

432. **Sammukhadvārā**ti² aññamaññassa abhimukhadvārā. **Aparāparam sañcaranteti** taṃtaṃkiccavasena ito cito ca sañcarante. **Ito pana gehā -pa-pavisanavasena**pi idam cutūpapātañāṇassa visayadassanavasena vuttam. **Dvinnam gehānam antare ṭhatvāti** dvinnam gehadvārānam sammukhaṭṭhānabhūte antaravīthiyam vemajjhe ṭhatvā. Tesu hi ekassa ce pācīnamukhadvārānam itarassa pacchimamukham, tassa sammukham ubhinnaṃ antaravīthiyam ṭhitassa dakkhiṇāmukhassa, uttarāmukhassa vā cakkhumato purisassa tattha pavisanakanikkhamanapurisā yathā

1. Evam vā (Ka)

2. Pannadvārāti (Ka)

sukheneva pākaṭā honti, evaṃ dibbacakkhuñṇāṇasamaṅgino cavanaka-upapajjanakapurisā. Yathā pana tassa purisassa aññeneva khaṇena pavisantassa dassanaṃ, aññena nikkhamantassa dassanaṃ, evaṃ imassapi aññeneva khaṇena cavamānassa dassanaṃ, aññena upapajjamānassa dassananti daṭṭhabbaṃ. Ñāṇassa pākaṭāti ānetvā sambandho. **Tassāti ñāṇassa.**

433. Pabbatasikharaṃ yebhuyyena saṅkhittaṃ saṅkucitaṃ hotīti idha pabbatamatthakaṃ “**pabbatasaṅkhepo**”ti vuttaṃ, pabbatapariyāpanno vā padeso **pabbatasaṅkhepo**. **Anāviloti** akālusso. Sā cassa anāvilatā kaddamābhāvena hotīti āha “**nikkaddamo**”ti. **Ṭhitāsupi nisinnāsupi** gāvīsu. **Vijjamānāsūti** labbhamānāsu. **Itarā** ṭhitāpi nisinnāpi **carantīti vuccanti** sahacaraṇañāyena. **Tiṭṭhantameva**, na kadāci pi carantaṃ. **Dvayanti** sippisambukaṃ macchagumbanti imaṃ ubhayaṃ **tiṭṭhantanti vuttaṃ**, carantampīti adhippāyo. Kim vā imāya sahacariyāya, yathālābhaggahaṇaṃ panettha daṭṭhabbaṃ. Sakkharakathalassa hi vasena “**tiṭṭhantaṃ**”ti, sippisambukassa macchagumbassa ca vasena “**tiṭṭhantampi, carantampi**”ti yojanā kātābā.

434. **Bhikkhūti** bhinnakilesoti bhikkhu. So hi paramatthato samaṇotināmakō. Tattha ariyamaggena sabbaso pāpānaṃ samitāvīti **samaṇo**. Tenāha “**samitapāpattā**”ti. Seṭṭhaṭṭhena brahmā vuccati sammāsambuddho, tato āgatoti brahmā, ariyamaggo, taṃ asammohapaṭivedhavasena aññāsīti **brāhmaṇo**. Taṃsamaṅgitāya hissa pāpānaṃ bāhitabhāvo. Tenāha “**bāhitapāpattā brāhmaṇo**”ti. Aṭṭhaṅgikena ariyamaggajalena nhātavā niddhotakilesoti **nhātako**. **Gatattāti** pahānābhisamayavasena paṭividdhattā. Tenāha “**viditattā**”ti. **Nissutattāti** samucchadappahānavasena santānato sabbaso nihatattā. Tenāha “**apahattā**”ti¹, mariyādasena kilesānaṃ hīnsitattā ariyamaggehi odhiso sabbaso kilesānaṃ samucchinnattāti attho. Tenāha “**hattā**”ti. **Ārakattāti** suppahīnatāya vipakaṭṭhabhāvato. Tenāha “**dūrībhūtattā**”ti. Ubhayampi ubhayattha yojetabbā—kilesānaṃ

1. Āhatattāti (Ka)

ārakattā hatattā dūrībhūtattā ca **ariyo**, tathā **arahanti**. Yaṃ panettha atthato na vibhattaṃ, taṃ uttānatthattā suviññeyyameva.

Mahā-assapurasuttavaṇṇanāya līnatthappakāsanā samattā.

10. Cūḷa-assapurasuttavaṇṇanā

435. **Purimasadisamevāti** “assapuravāsīnaṃ bhikkhusaṃghe gāravabahumānaṃ nipaccakāraṇca disvā bhikkhū piṇḍapātāpacāyane niyojento idaṃ suttaṃ abhāsī”ti purimasutte mahā-assapure¹ vuttasadisameva. **Samaṇānaṃ anucchavikāti** samaṇānaṃ samaṇabhāvassa anucchavikā patirūpā. **Samaṇānaṃ anulomappaṭipadāti** samaṇānaṃ sāmāññasankhātassa ariyamaggassa anukūlappaṭipadā.

436. **Ete dhammāti** ete pāliyaṃ āgatā abhijjhābyāpādādayo pāpadhammā. **Uppajjamānāti** uppajjamānā eva, pageva santāne bhāvitā. **Malineti** malavante kiliṭṭhe. **Malaggahiteti** gahitamale sañjātamale. **Samaṇamalāti** samaṇānaṃ samaṇabhāvassa malā. **Dussantīti** vipajjanti vinassanti. **Samaṇadosāti** samaṇānaṃ samaṇabhāvadūsanā. **Kasaṭeti** asāre. **Nirojetti** nitteje. Ayato sukhatō apētāti apāyā, nirayādayo, taṃ phalaṃ arahanti, taṃ payojanaṃ vā etesanti **āpāyikā**. **Ṭhānāni** abhijjhādayo. Tenāha “**apāye**”ti-ādi. kāraṇabhāvena duggatipariyāpannāya vedanāya hitānīti **duggativedaniyāni**. Tena vuttaṃ “**duggatiyaṃ vipākavedanāya paccayānaṃ**”ti. **Tikhiṇaṃ ayanti** vekantakasadisāṃ sāra-ayaṃ. **Ayenāti** ayoghaṃsakena. Koṇcasakuṇānaṃ kira kucchiyaṃ nivutthaṃ yaṃ kiñci kharaṃ tikhiṇaṇca hoti. Tathā hi tesāṃ vaccaṃ aṭṭhimpī pāsānampi vilīyāpeti. Tena vuttaṃ “**koṇcasakuṇe khādāpentī**”ti. Taṃ kira ayacuṇṇaṃ aggināpi kicchena dayhati, bhesajjabalena pana sukkena dayheyya. Tena vuttaṃ “**susikkhitā ca naṃ ayakārā bahuhatthakammamūlaṃ labhitvā karontī**”ti-ādi. **Atitkhiṇaṃ hoti**, aññataraṃ ayobandhanaṃ pheggudaṇḍaṃ viya sukheva chindanti.

1. Ma-Ṭṭha 2. 212 piṭṭhe.

saṁbhiṭṭaracammehi saṅghaṭṭitaṭṭhena **saṅghāṭī**ti vuccati āvudhaparicchadoti āha “**saṅghāṭiyāti kosiyā**”ti. **Pariyonaddhanti** parito onaddham chāditaṁ. **Samantato veḥḥanti** sabbaso pihitaṁ.

437. **Rajoti** āgantukarajo. **Jallanti** sarīre uṭṭhānakaloṇādimalaṁ. Rajojallaṅca vatasamādānavasena anapanītaṁ etassa atthīti **rajojalliko**, tassa. Tenāha “**rajojalladhārino**”ti. **Udakaṁ orohantassāti**-ādīnamattho mahāsīhanādasuttavaṇṇanāyaṁ vuttoyeva. **Sabbametanti**-ādīsu sabbasopi vatasamādānavasenāti adhippāyo. Yasmā sabbametaṁ bāhiraṁsamayavaseneva kathitaṁ, tasmā **saṅghāṭīkassāti** pilotikakhaṇḍehi saṅghaṭṭitattā “saṅghāṭī”ti laddhanāmavatthadhārinoti attho. Tathā hi pāḷiyāṁ “saṅghāṭīkassa” icceva vuttaṁ, na “bhikkhuno”ti. Tenāha “**imasmiṁ hī**”ti-ādī. Kasmā panettha bagavatā saṅghāṭīkattādīniyeva vatasamādānāni paṭikkhittānīti? Nayadassanametaṁ aññesampi pañcātapamūgavatādīnaṁ tappaṭikkhepeneva pasiddhito. Apare pana bhaṇanti—“nāhaṁ bhikkhave saṅghāṭīkassa saṅghāṭīdhāraṇamattena sāmāññaṁ vadāmi”ti vutte tattha nisinna koci tithantaraladdhiko acelakattaṁ nu kho kathanti cintesi, apare rajojallakattaṁ nu kho kathanti, evaṁ taṁ taṁ cintentānaṁ ajjhāsayavasena bagavā imāneva vatasamādānāni idha paṭikkhipīti. **Saṅghāṭīkanti** nivāsanapārūpanavasena saṅghāṭīvantāṁ. Tenāha “**saṅghāṭīkaṁ vatthan**”ti-ādī. Attano ruciyā mittādayo **saṅghāṭīkaṁ kareyyuṁ**, pacchā viññutaṁ pattakāle saṅghāṭīkatte samādapeyyuṁ.

438. **Attānaṁ visujjhantaṁ passati** abhijjhādīnaṁ samudācārābhāvato. Maggena asamucchinnattā **visuddhoti pana na vattabbo**. **Pāmojjanti** taruṇapītimāha. Tassa hi attano sammāpaṭipattiyā kilesānaṁ vikkhambhitattā cittassa visuddhataṁ passantassa pāmojjaṁ jāyati, taṁ tuṭṭhākāraṁ¹. Tenāha “**tuṭṭhākāro**”ti. **Pīṭīti** passaddhi-āvahā balavapīti. **Nāmakāyo passambhatīti** iminā ubhayampi passaddhiṁ vadati. **Vediyatīti** anubhavati vindati. Idāni tena nīvaraṇehi cittassa visodhanattaṁ laddhanti

1. Yā tuṭṭhākārā (Ka)

āha “**appanāppattam viya hoti**”ti. Aññattha uṭṭhitā aññam ṭhānam upagatāti ettakena upamābhāvena uccanīcatāsāmaññena heṭṭhā asaddhammānam paṭipakkhavasena desanāya pariyoṣāpitattā vuttam “**yathānusandhinā**”ti. **Mahāsīhanādasutte maggo pokkharāṇiyā upamito** “seyyathāpi Sāriputta pokkharāṇi”ti-ādim¹ ārabhitvā upamāsaṃsandane “tathāyaṃ puggalo paṭipanno, tathā ca iriyati, tañca maggaṃ samāruḷho, yathā āsavānam khayā”ti² vuttattā. Yathā hi puratthimādidisāhi āgatā purisā taṃ pokkharāṇim āgamma visuddharūpakāyā vigatapariḷāhā ca honti, evaṃ khattiyādikulato āgatā tathāgatappaveditam dhammavinayaṃ sāsanaṃ āgamma visuddhanāmakāyā vigatakilesapariḷāhā ca honti, tasmā **sabbakilesānam samitattā paramatthasamaṇo hoti**ti. Sesam suviññeyyameva.

Cūḷa-assapurasuttavaṇṇanāya līnatthappakāsanā samattā.

Niṭṭhitā ca mahāyamakavaggavaṇṇanā.

1. Ma 1. 109 piṭṭhe.

2. Ma 1. 110 piṭṭhe.

5. Cūlayamakavagga

1. Sāleyyakasuttavaṇṇanā

439. **Mahājanakāye sannipatitē**¹ keci “pahaṃsanavidhiṃ dassetvā rājakumāraṃ hāsessāmā”ti, keci “taṃ kīḷanaṃ passissāmā”ti evaṃ mahājanasamūhe sannipatite². **Devanaṇṭanti** dibbagandhabbaṃ. **Kusalaṃ kusalanti vacanaṃ upādāyāti** “kacci kusalaṃ? Āma kusalan”ti vacanapaṭivacanasena pavattakusalavāditāya te manussā ādito kusalāti samaññaṃ labhiṃsu. Tesāṃ kusalānaṃ issarāti rājakumārā **kosalā**. Kosale jātā. Tesāṃ nivāsoti sabbaṃ pubbe vuttanayameva. Tenāha “**so padeso kosalāti vuccatī**”ti.

Cārikaṃ caramānoti sāmāñnavacanampi “mahatā -pa- tadavasari”ti vacanato visesaṃ nivīṭṭhamevāti āha “**aturitacārikaṃ caramāno**”ti. **Mahatāti** guṇamahattenapi saṅkhyāmahattenapi mahatā. Tasmim̄ hi bhikkhusamūhe keci adhisīlasikkhāvasena sīlasampannā, tathā keci sīlasamādhisampannā, keci sīlasamādhipaññāsampannāti guṇamahattenapi so bhikkhusamūho mahāti. Taṃ anāmasitvā saṅkhyāmahattameva dassento “**sataṃ vā**”ti-ādimāha. Aññagāmapaṭibaddhajīvikāvasena samosaranti etthāti **samosaraṇaṃ, gāmo** nivāsagāmo. **Tanti** sālāṃ brāhmaṇagāmaṃ. **Vihāroti** bagavato viharāṇaṭṭhānaṃ. **Etthāti** etasmim̄ sāleyyakasutte. **Aniyamitoti** asukasmim̄ ārāme pabbate rukkhamaṃ vāti na niyamito, sarūpaggaṇavasena na niyamitvā vutto. **Tasmāti** aniyamittā. Atthāpattisiddhamatthaṃ parikkappavasena dassento “**vanasaṅgo bhavissatī**”ti āha, addhā bhaveyyāti attho.

Upalabhiṃsūti³ savanavasena upalabhiṃsūti imamatthaṃ dassento “**sotadvāra -pa- jāniṃsū**”ti āha. Avadhāraṇaphalattā sabbampi vākyāṃ antogadhāvadhāraṇanti āha “**padapūraṇamatte vā nipāto**”ti. **Avadhāraṇattheti** pana iminā iṭṭhatthāvadhāraṇatthaṃ kho-saddaggaṇanti dasseti.

1. Mahājanakāyo sannipatīti (Ka)

2. Mahājanasamūho sannipati (Ka)

3. Sārattha-Ṭī 1. 212; Dī-Ṭī 1. 289; Am-Ṭī 2. 151 piṭṭhādīsopi passitabbaṃ.

“Assosun”ti padaṃ kho-sadde gahite tena phullitamaṇḍitavibhūsitāṃ viya hontāṃ pūritāṃ nāma hoti, tena ca purimapacchimapaḍāni saṃsiliṭṭhāni honti, na tasmim aggahiteti āha “**padapūraṇena byañjanasiliṭṭhatāmattamevā**”ti, **Matta**-saddo visesanivatti-attho. Tenassa anattahantaradīpanatāṃ dasseti, **eva**-saddena pana byañjanasiliṭṭhatāya ekantikataṃ. Sālāyaṃ jātā saṃvaḍḍhakā **sāleyyakā** yathā “katteyyakā ubbheyyakā”ti.

Samitapāpattāti accantāṃ anavasesato savāsanāṃ samitapāpattā. Evaṃ hi bāhirakavītarāgasekkhāsekkhapāpasamanato bagavato pāpasamanāṃ visesitāṃ hoti. Anekathattā nipātānaṃ idha anussavattho adhippetoti āha “**khalūti anussavanatthe nipāto**”ti. **Ālapanamattanti** piyālāpavacanaṃ. Piyasamudāhārā hete “bho”ti vā “āvuso”ti vā “devānaṃpiyā”ti vā. **Gottavasenāti** ettha gaṃ tāyatīti **gottam**. Gotamoti hi pavattamānaṃ abhidhānaṃ buddhiṃca ekāmsikavisayatāya tāyati rakkhatīti **Gotamagottam**. Yathā hi buddhi ārammaṇabhūtena atthena vinā na vattati, evaṃ abhidhānaṃ abhidheyabhūtena, tasmā so tāni tāyati rakkhatīti vuccati. So pana atthato aññakulaparamparāsādhāraṇaṃ tassa kulassa ādīpurisasamudāgataṃ taṃkulapariyāpannasādhāraṇaṃ sāmāññarūpanti daṭṭhabbāṃ. **Uccākulaparidīpanam** uditoditavipulakhattiyakulavibhāvanato. Sabbakhattiyānaṃ hi ādibhūtamahāsammatamahārājato paṭṭhāya asambhinnaṃ uḷāratamaṃ sakyarājakulaṃ. **Kenaci pārijuññenāti** ñātipārijuññabhogapārijuññādinā kenacipi pārijuññena parihāniyā **anabhibhūto** anajjhotthaṇo. Tathā hi kadācipi tassa kulassa tādisapārijuññābhāvo, abhinikkhamanakāle ca tato samiddha tamabhāvo loke pākaṇo paññātoti. **Sakyakulā pabbajitoti** idaṃ vacanaṃ bagavato **saddhāpabbajitabhāvadīpanam** vuttaṃ mahantaṃ ñātiparivaṭṭam mahantaṃca bhogakkhandham pahāya pabbajitabhāvadīpanato. Ettha ca **samaṇoti** iminā parikkhakajanehi bagavato bahumatabhāvo dassito samitapāpatādīpanato, **gotamoti** iminā lokiyajanehi uḷāratamakulīnatādīpanato.

Abbhuggatoti ettha **abhi**-saddo itthambhūtākhyāne, tamīyogato pana “bhavantaṃ gotaman”ti upayogavacanaṃ sāmi-atthepi samānaṃ

itthambhūtayogadīpanato “**itthambhūtākhyānatthe**”ti vuttaṃ. Tenāha “**tassa kho pana bhoto gotamassāti attho**”ti. **Kalyāṇoti** bhaddako. Sā cassa kalyāṇatā uḷāraṇīyāyāti āha “**kalyāṇaguṇasamannāgato**”ti. Tamvisayatā hettha samannāgamo. **Seṭṭhoti** etthāpi eseva nayo yathā “bagavāti vacanaṃ seṭṭhan”ti¹. “Bhagavā Arahan”ti-ādinā guṇānaṃ saṃkittanato saṃsaddanato ca kittisaddo vaṇṇoti āha “**kittiyevā**”ti. Kittipariyāyopi hi sadda-saddo yathā taṃ “uḷārasaddā isayo guṇavanto tapassino”ti. **Thutighosoti** abhithhavudāhāro. **Ajjhottharivāti** paṭipakkhābhāvena anaññasādhāraṇatāya ca abhibhavivā.

So bagavāti yo so samatimsa pāramiyo pūretvā sabbakilese bhañjivā anuttaraṃ sammāsambodhiṃ abhisambuddho devānaṃ atidevo sakkānaṃ atisakko brahmānaṃ atibrahmā lokanātho bhāgyavantatādīhi kāraṇehi bagavāti laddhanāmo, so bagavā. “Bhagavā”ti hi idaṃ satthu nāmakittanaṃ. Tathā hi vuttaṃ “bagavāti netāṃ nāmaṃ mātārā katan”ti-ādī². Parato pana “bagavā”ti guṇakittanameva. Evaṃ “arahan”ti-ādīhi padehi ye sadevake loke ativiya paññatā buddhaguṇā, te nānappakārato vibhāvitāti dassetum paccakaṃ itipi-saddo yojetabboti āha “**itipi Arahaṃ, itipi sammāsambuddho -pa- itipi bagavā**”ti. “Itipetaṃ bhūtaṃ, itipetaṃ tacchan”ti-ādīsu³ viya hi idha **iti**-saddo āsannapaccakkhākāraṇattho, **pi**-saddo sampiṇḍanattho tena tesāṃ guṇānaṃ bahubhāvādīpanato. Tāni guṇasallakkhaṇākāraṇāni saddhāsampannānaṃ viññujātikānaṃ paccakkhāni evāti dassento “**iminā ca iminā ca kāraṇēti vuttaṃ hoti**”ti āha. **Tato** visuddhimaggato. **Tesanti** “arahan”ti-ādīnaṃ. **Vitthāro** atthaniddeso **gahetabbo**. Tato eva taṃsaṃvaṇṇanāyaṃ⁴ vutto “āraḱāti arahaṃ suvidūrabhāvato, āraḱāti arahaṃ āsannabhāvato, rahitabbassa abhāvato sayañca arahitabbato,

1. Vi-Ṭṭha 1. 95; Visuddhi 1. 203; Udāna-Ṭṭha 22; Itivuttaka-Ṭṭha 4; Mahāniddeśa-Ṭṭha 228 piṭṭhesu.

2. Khu 7. 262, 384, 410; Khu 8. 26 piṭṭhesu.

3. Dī 1. 3 piṭṭhe.

4. Visuddhi-Ṭī 1. 225, 226, 227 piṭṭhesu.

natthi etassa rahogamanam gatīsu paccājāti, pāsamsabhāvato vā arahan”ti-
ādīnā “arahan”ti-ādīnam padānam attho vitthārato veditabbo.

Bhavanti cettha¹—

“Sammā nappaṭipajjanti, ye nihīnāsayā narā.

Ārakā tehi bagavā, dūre tenārahaṃ mato.

Ye sammā paṭipajjanti, suppaṇītādhimuttikā.

Bhagavā tehi āsanno, tenāpi arahaṃ jino.

Pāpadhammā rahā nāma, sādhuhi rahitabbato.

Tesaṃ suṭṭhu pahīnattā, bagavā arahaṃ mato.

Ye sacchikatasaddhammā, ariyā suddhagocarā.

Na tehi rahito hoti, nātho tenārahaṃ mato.

Raho vā gamanam yassa, samsāre natthi sabbaso.

Pahīnajātīmaraṇo, arahaṃ sugato mato.

Guṇehi sadiso natthi, yasmā loke sadevake.

Tasmā pāsamsiyattāpi, arahaṃ dvipaduttamo.

Ārakā mandabuddhīnam, āsannā ca vijānataṃ.

Rahānam suppahīnattā, vidūnamaraheyyato.

Bhavesu ca rahābhāvā, pāsamsā arahaṃ jino”ti.

Sundaranti bhaddakam. Tañca passantassa hitasukhāvahabhāvena veditabbanti āha “**atthāvahaṃ sukhāvahan**”ti. Tattha **atthāvahanti** diṭṭhadhammikasamparāyikaparamatthasañhitahitāvahaṃ. **Sukhāvahanti** tappariyāpannavidhasukhāvahaṃ. **Tathārūpānanti** tādisānam. Yādisehi pana guṇehi bagavā samannāgato, tehi catuppamaṇikassa lokassa sabbathāpi accantāya pasādanīyoti² dassetuṃ “**anekehipī**”ti-ādi vuttaṃ. Tattha **yathābhūta -pa- Arahatanti** iminā dhammappamaṇānam lūkhappamaṇānam sattānam bagavato pasādāvahatamāha, itarena itaresaṃ. **Dassanamattampi**

1. Visuddhi-Ṭī 1. 225; Sārattha-Ṭī 1. 226 piṭṭhādīsipi passitabbanī.

2. Accantappasādanīyoti (Am-Ṭī 2. 157 piṭṭhe.)

sādhū hotīti ettha kosiyasakuṇassa vatthu kathetabbaṃ. **Ekam padampi sotum labhissāma, sādhutaramyeva bhavissatīti** ettha maṇḍūkadevaputtavatthu kathetabbaṃ.

Iminā nayena agārikapucchā āgatāti idaṃ yebhuyyavasena vuttaṃ. Yebhuyyena hi agārikā evaṃ pucchanti. **Anagārikapucchāyapi** eseva nayo. **Yathā na sakkonti -pa- vissajjenti** iminā satthu tesam brāhmaṇagahapatikānaṃ niggaṇhanavidhiṃ dasseti. Tesam hi saṃkhittarucitāya saṅkhepadesanā, tāya atthaṃ ajānantā vitthāradesanaṃ āyācanti, sā ca nesam saṃkhittarucitā paṇḍitamānitāya, so ca māno yathādesitassa atthassa ajānante appatittho hoti, iti bagavā tesam mānaniggahavidhiṃ cintetvā saṅkhepeneva pañhaṃ vissajjesi, na sabbaso desanāya asallakkhaṇatthaṃ. Tenāha **“paṇḍitamānikā hī”**ti-ādi. **Yasmā maṃ tumhe yācatha**, saṃkhittena vuttamatthaṃ na jānitthāti adhippāyo.

440. “Ekavidhena nāṇavatthun”ti-ādīsu¹ viya koṭṭhāsatto **vidha**-saddo, so ca vibhattivacanavipallāsaṃ katvā paccatte karaṇavacanasena **“tividhan”**ti vutto. Attho pana karaṇaputhuvacanasena daṭṭhabboti āha **“tividhanti tīhi koṭṭhāsehi”**ti. Pakārattho vā **vidha**-saddo, pakāratthattāyeva labbhamānaṃ adhammacariyāvisamacariyābhāvasāmaññaṃ, kāyadvārikabhāvasāmaññaṃ vā upādāya ekattaṃ netvā **“tividhan”**ti vuttaṃ. Pakārabhede pana apekkhite **“tividhā”**icceva vuttaṃ hoti. **Kāyenāti** ettha **kāyoti** copanakāyo adhippeto, so ca adhammacariyāya dvārabhūto tena vinā tassā appavattanato. **Kāyenāti** ca hetumhi karaṇavacanaṃ. Kiñcāpi hi adhammacariyāsaṅkhātacetanāsamuṭṭhānā sā viññatti, na ca sā paṭṭhāne āgatesu catuvīsatiyā paccayesu ekenapi paccayena cetanāya paccayo hoti, tassā pana tathāpavattamānāya kāyakammasaññitāya cetanāya pavatti hotīti tena dvārena lakkhitabbabhāvato tassā kāraṇaṃ viya ca sabbohāramattaṃ hoti. **Kāyadvārenāti** vā kāyena dvārabhūtena kāyadvārabhūtenāti taṃ itthambhūtalakkhaṇe karaṇavacanaṃ. Adhammaṃ carati etāyāti

1. Abhi 2. 323 piṭṭhe.

adhammacariyā, tathāpavattā cetanā. **Adhammoti** pana taṁsamuṭṭhāno payogo daṭṭhabbo. Dhammato anapetāti dhammā, na dhammāti adhammā, adhammā ca sā cariyā cāti **adhammacariyā**. Paccanīkasamanatṭhena samaṁ, samānaṁ sadisaṁ yuttanti vā samaṁ, sucaritaṁ. Samato vigataṁ, viruddhaṁ vā tassāti visamaṁ, duccharitaṁ. Sā eva visamā cariyāti **visamacariyā**. **Sabbesu kaṇhasukkapadesūti** “catubbidhaṁ vācāya adhammacariyāvisamacariyā hotī”ti-ādinā uddesaniddesavasena āgatesu sabbesu kaṇhapadesu, “tividhaṁ kho gahapatayo kāyena dhammacariyāsamacariyā hotī”ti-ādinā uddesaniddesavasena āgatesu sabbesu sukkapadesu ca.

Rodeti kurūrakammantāya paraṇātibaddhe satte assūni mocetīti ruddo, so eva **luddo** ra-kārassa la-kāraṁ katvā. **Kakkhaḷoti** luddo. **Dāruṇoti** pharuso. **Sāhasikoti** sāhassakārī. **Sacepi na lippanti**¹. **Tathāvidho** paresaṁ ghātanasīlo **lohitapāṇītveva vuccati** yathā dānasīlo paresaṁ dānatthaṁ adhotahatthopi “payatapāṇī”tveva vuccati. Paharaṇaṁ pahāradānamattaṁ **hataṁ**, pavuddhaṁ paharaṇaṁ parassa māraṇaṁ **pahatanti** dassento “hate”ti-ādimāha. Tattha **niviṭṭhoti** abhiniviṭṭho pasuto.

Yassa vasena “parassā”ti sāmīniddeso, taṁ sāpateyyaṁ. Yaṁ hi sāmāññaṁ gahitaṁ, taṁ teneva sāmīniddesena pakāsītanti āha “**parassa santakan**”ti. Parassa paravittūpakaraṇanti vā ekamevetāṁ samāsapadaṁ, yaṁ kiñci parasantakaṁ visesato parassa vittūpakaraṇaṁ vāti attho. **Tehi parehīti** yesaṁ santakaṁ, tehi. Yassa vasena puriso “thēno”ti vuccati, taṁ theyyanti āha “**avaharaṇacittassetāṁ adhivacanaṁ**”ti. **Theyyasaṅkhātena**, na vissāsātāvakālikādivasenāti attho.

Mate vāti vā-saddo avuttavikappattho. Tena pabbajitādibhāvaṁ saṅgaṇhāti. **Etenupāyenāti** yaṁ mātari matāya, naṭṭhāya vā pitā rakkhati, sā **piturakkhitā**. Yaṁ ubhosu asantesu bhātā rakkhati,

1. Limpati (Ka)

sā **bhāturakkhitā**ti evamādiṃ sandhāyāha. **Sabhāgakuḷānī**ti āvāhakiriyāya sabhāgāni kuḷāni. Dassukavidhiṃ¹ vā uddissa **ṭhapitadaṇḍā** rājādīhi. **Sammādiṭṭhisutte**² “asaddhammādhippāyena kāyadvārappavattā agamanīyaṭṭhānavīttikkamacetanā”ti evaṃ **vuttamicchācāralakkhaṇavasena**.

Hatthapādādihetūti hatthapādādibhedanahetu. **Dhanahetū**ti dhanassa lābhahetu jānīhetu ca. **Lābhoti** ghāsacchādanāni labbhatīti lābho. **Kiñcikkhanti** kiñcimattakaṃ āmisajātaṃ. Tenāha “**yaṃ vā**”ti-ādi. **Jānantoyevā**ti musābhāvaṃ tassa vatthuno atthi, taṃ jānanto eva.

Aṇḍakāti³ vuccati rukkhe aṇḍasadisā⁴ gaṇṭhiyo. Yathā thaddhā visamā dubbīnīta ca honti, evamevaṃ khumśanavambhanavasena pavattavācāpi hi “aṇḍakā”ti³ vuttā. Tenāha “**yathā sadose rukkhe**”ti-ādi. **Kakkasā**ti pharusā eva, so panassā kakkasabhāvo byāpādanimittatāya tato pūtikāti. Tenāha “**yathā nāmā**”ti-ādi. **Kaṭukā**ti aniṭṭhā. **Amanāpā**ti na manavaḍḍhanī, tato eva **dosajanā**ni, cittasandosuppattikārikā. **Mammesū**ti ghaṭṭanena dukkhuppattito mammasadisēsu jāti-ādīsu. **Lagganakārī**ti evaṃ vadantassa evaṃ vadāmīti atthādhippāyena lagganakārī, na byañjanavasena. **Kodhassa āsannā** tassa kāraṇabhāvato. **Sadosavācāyā**ti attano samuṭṭhāpakadosassa vasena sadosavācāya **vevacanā**ni.

Akālenāti ayuttakālena. **Akāraṇanissitanti** nipphalaṃ. Phalaṃ hi kāraṇanissitaṃ nāma tadavinābhāvato. Akāraṇanissitaṃ nipphalaṃ, samphanti attho. **Asabhāvavattā**ti ayāthāvavādī. **Asaṃvaravinayapaṭisaṃyuttassā**ti saṃvaravinayarahitassa, attano suṇantassa ca na saṃvaravinayāvahassa **vattā**. **Hadayamañjūsāyaṃ nidhetunti** ahitasamhitattā cittaṃ anuppavisetvā nidhetuṃ. **Ayuttakā**leti dhammaṃ kathentena yo attho yasmiṃ kāle vattabbo, tato pubbe pacchā tassa akālo, tasmīṃ ayuttakāle **vattā hoti**. **Anapadesanti** bagavatā asukasutte evaṃ vuttanti suttāpadesavirahitaṃ. **Aparicchanti**

1. Asukavidhiṃ (Ka)

3. Kaṇṭakāti (Ka)

2. Ma-Ṭṭha 1. 202 piṭṭhe.

4. Kaṇṭasadisā (Ka)

paricchedarahitaṃ. Yathā pana vācā paricchedarahitā hoti, taṃ dassetuṃ “**suttaṃ vā**”ti-ādi vuttaṃ. **Upalabbhanti** anuyogaṃ. **Bāhirakathaṃyevā** ti yam suttam, jātakam vā nikkhittam, tassa sarīrabhūtam katham anāmasitvā tato bahibhūtamyeva katham. **Sampajjitvāti** viruḷham āpajjitvā. **Paveṇijātakāvāti** anujātapārohamūlāniyeva tiṭṭhanti. **Āharitvāti** nikkhittasuttato aññampi anuyoga-upamāvatthuvasena tadanupayoginam āharitvā. **Jānāpetunti** etadatthamidam vuttanti jānāpetum yo sakkoti. **Tassa kathetunti** tassa tathārūpassa dhammakathikassa bahumpi kathetum vaṭṭati. **Na atthanissitanti** attano paresañca na hitāvaham.

Abhijjhāyanam yebhuyyena parasantakassa dassanavasena hotīti “**abhijjhāya oloketā hoti**”ti vuttaṃ. Abhijjhāyanto vā abhijjhāyitam vatthum yattha katthaci ṭhitampi paccakkhato passanto viya abhijjhāyatīti vuttaṃ “**abhijjhāya oloketā hoti**”ti. **Kamma pathabhedo na hoti**, kevalam lobhamattova hoti pariṇāmanavasena appavattattā. Yathā pana kamma pathabhedo hoti, taṃ dassetuṃ “**yadā panā**”ti-ādi vuttaṃ. **Pariṇāmetīti** attano santakabhāvena pariggayha nāmeti.

Vipannacittoti byāpādena vipattim āpāditacitto. Tenāha “**pūtibhūtacitto**”ti. Byāpādo hi visam viya lohitassa cittam pūtibhāvam janeti. **Dosena duṭṭhacittasaṅkappoti** visena viya sappi-ādikopena dūsitacittasaṅkappo. **Ghāṭiyantūti** hanīyantu. **Vadham pāpuṇantūti** maraṇam pāpuṇantu. **Mā vā ahesunti** sabbena sabbam na hontu. Tenāha “**kiñcipi mā ahesun**”ti, anavasesavināsam pāpuṇantūti attho. **Haññantūti ādicintanenevāti** ekantato vināsacintāya eva.

Micchādiṭṭhikoti ayoniso uppannadiṭṭhiko. So ca ekantato kusalapaṭipakkhadīṭṭhikoti āha “**akusaladassano**”ti. **Vipallatthadassanoti** dhammatāya vipariyāsaggāhī. **Natthi dinnanti** deyyadhammasīsenā dānam vuttanti āha “**dinnassa phalābhāvam sandhāya vadatī**”ti. Dinnam pana annādivatthum katham paṭikkhipati. Esa nayo “**yiṭṭham hutam**”ti etthāpi. **Mahāyāgoti** sabbasādhāraṇam mahādānam. **Paheṇakasakkāroti** pāhunakānam kattabbasakkāro. **Phalanti** ānisamsaphalañca nissandaphalañca. **Vipākoti**

sadisam phalam. **Paraloke ʒhitassa ayam loko natthi** paraloke ʒhitassa kammunā laddhabbo ayam loko na hoti. **Idhaloke ʒhitassapi paraloko natthi** idhaloke ʒhitassa kammunā laddhabbo paraloko na hoti. Tattha kāraṇamāha “**sabbe tattha tattheva ucchijjanti**”ti. Ime sattā yattha yattha bhavayonigati-ādīsu ʒhitā tattha tattheva ucchijjanti nirudayavināsavasena vinassanti. **Phalābhāvavasenāti** mātāpitūsu sammāpaṭipattimicchāpaṭipattīnaṃ phalassa abhāvavasena “natthi mātā, natthi pitā”ti vadati, na mātāpitūnaṃ, nāpi tesu sammāpaṭipattimicchāpaṭipattīnaṃ abhāvavasena tesam lokapaccakkhattā. Bubbuḷakassa viya imesam sattānaṃ uppādo nāma kevalova, na cavitvā āgamanapubbakoti dassanattam “natthi sattā opapātikā”ti vuttanti āha “**cavitvā upapajjanakasattā nāma natthi vadati**”ti. Samaṇena nāma yāthāvato jānantena kassaci kiñci akathetvā saññatena bhavitabbaṃ, aññathā ahopurīkā nāma siyā, kiṃ paro parassa karissati, tathā attano sampādanassa kassaci avasaro eva natthi tattha tattheva ucchijjanatoti āha “**ye imaṅca -pa- pavedenti**”ti. **Ettāvatāti** “natthi dinnam”ti-ādīnaṃ byapadesena. **Dasavattukāti** paṭikkhipitabbāni dasa vatthūni etissāti dasavattukā.

441. **Anabhijjhādayo** heṭṭhā atthato pakāsītattā **uttānatthāyeva**.

442. Saha byayati gacchatīti saha byo, sahavattanako, tassa bhāvo **sahabyatā**, sahapavattīti āha “**sahabhāvaṃ upagaccheyyan**”ti. Brāhmānaṃ kāyo samūhoti brahmakāyo, tappariyāpannatāya tattha gatīti **brahmakāyikā**. Kāmaṃ cetāya sabbassapi brahmanikāyassa samaññāya bhavitabbaṃ, “ābhānaṃ”ti-ādīnaṃ pana dutiyajjhānabhūmikādīnaṃ upari gahitattā gobalībaddaṅāyena tadavasesānaṃ¹ ayam samaññāti āha “**brahmakāyikānaṃ devānanti paṭhamajjhānabhūmidevānaṃ**”ti. **Ābhā nāma visum** devā **natthi**, parittābhādīnaṃyeva pana ābhāvantaṭāsamaññena ekajjhaṃ gahetvā pavattam etaṃ adhivacanaṃ, yadidaṃ “ābhā”ti yathā

1. Tadavattānaṃ (Ka)

“brahmapārisajjabrahmapurohitamahābrahmānaṃ brahmakāyikā”ti.
Parittābhānanti ādi panāti ādi-saddena appamāṇābhānaṃ devānaṃ
 ābhassārānaṃ devānanti imaṃ pālīṃ saṅgaṇhāti. **Ekato aggahetvāti** ābhāti
 vā, ekattakāyanānattasaññāti vā ekato aggahetvā. **Tesāmyevāti** ābhāti
 vuttadevānaṃyeva. **Bhedato gahaṇanti** kāraṇassa
 hīnādibhedabhinnatādassanavasena parittābhādiggahaṇaṃ. **Iti bagavā**
āsavakkhayaṃ dassetvāti evaṃ bagavā dhammacariyaṃ, samacariyaṃ,
 vaṭṭanissitaṃ sugatigāmiṭṭipadaṃ, vivaṭṭanissitaṃ
 āsavakkhayaḡāmiṭṭipadaṃ katvā tibhavabhañjanato āsavakkhayaṃ
 dassetvā **arahattanikūṭena desanaṃ niṭṭhapesi**.

Idha ṭhatvāti imasmiṃ dhammacariyāsamacariyāya niddese ṭhatvā.
Devalokā samānetabbāti chabbīsatiṭṭi devalokā samodhānetabbā. **Vīsati**
brahmalokāti taṃtāmbhavapariyāpannanikāyavasena vīsati brahmalokā,
 vīsati brahmanikāyāti attho. **Dasakusalakammapathehīti** yathārahaṃ
 dasakusalakammapathehi kammūpanissayapaccayabhūtehi kevalaṃ
 upanissayabhūtehi ca **nibbatti dassitā**.

Tiṇṇaṃ sucaritānanti tiṇṇaṃ kāmāvacarasucaritānaṃ.
 Kāmāvacaraggahaṇaṃ cettha manosucariṭṭipekkhāya. **Vipākenevāti** iminā
 vipākuppādeneva nibbatti hoti, na upanissayatāmattenāti dasseti.
“Upanissayavasena”ti vuttamatthaṃ vivarituṃ **“dasa kusalakammapatthā**
hī”ti-ādi vuttam. **Dutiyaḡādīni bhāvetvāti**-ādīsupi “sīle patiṭṭhāyā”ti padaṃ
 ānetvā sambandhitabbaṃ. Kasmā panettha “upanissayavasena”ti vuttam,
 nanu **paṭisambhidāmagge**¹ “paṭhamena jhānena nīvaraṇānaṃ pahānaṃ
 sīlaṃ, veramaṇi sīlaṃ, cetanā sīlaṃ, saṃvaro sīlaṃ, avītikkamo sīlaṃ”ti-
 ādinā sabbesupi jhānesu sīlaṃ uddhaṭanti tassa vasena uparidevalokānampi
 vipākena nibbatti vattabbāti? Na, tassa pariññāya desanattā, pariññāya
 desanattā cassa “yattha ca pahānaṃ”ti-ādinā
Visuddhimaggasaṃvaṇṇanāyaṃ² ca pakāsitā eva. Tathā hi idhāpi “dasa
 kusalakammapatthā hi sīlaṃ”ti-ādinā sīlassa rūpārūpabhavānaṃ upanissayatā
 vibhāvitā, na nibbattakatāya. Kasmā panettha bhāvanālakkaṇāya
 dhammacariyāya bhavavisesse vibhajiyamāne asaṇṇabhavo na gahitoti āha

1. Khu 9. 43, 45 piṭṭhesu.

2. Visuddhi-Ṭī 2. 503 piṭṭhesu.

“asaññabhavo pana -pa- na niddiṭṭho”ti. Bāhirakā hi ayathābhūtaḍḍassitāya asaññabhavaṃ bhavavippamokkhaṃ maññamānā tadupagajjhānaṃ bhāvetvā asaññesu nibbattanti. Ayamettha saṅkhepo, yaṃ panettha vattabbaṃ, taṃ **Brahmajālaṭṭhakathāyaṃ**¹ **taṃsaṃvaṇṇanāyaṃ**² ca vuttanayeneva veditabbaṃ.

Sāleyyakasuttavaṇṇanāya līnatthappakāsanā samattā.

2. Verañjakasuttavaṇṇanā

444. **Verañjavāsino**ti verañjagāmaḍḍasino. Keci pana “vividharatṭhavāsino verañjakā”ti etamatthaṃ vadanti, tesaṃ matena “verajjakā”ti pāḷiyā bhavitabbanti. **Aniyamitakiccenā**ti “iminā nāmā”ti evaṃ na niyamitena kiccena. **Ayaṃ viśesoti** ayaṃ puggalādhiṭṭhānadhamaḍḍhiṭṭhānakato imesu dvīsu suttasu desanāya viśeso, attho pana desanānayo ca majjhe bhinnasuvaṇṇaṃ viya avasiṭṭhoti ḍḍseti. Kasmā pana bagavā katthaci puggalādhiṭṭhānadesanaṃ ḍḍseti, katthaci dhammaḍḍhiṭṭhānanti? Desanāvilāsato veneyyajjhāsaya to ca. Desanāvilāsappattā hi buddhā bagavanto, te yathārucci katthaci puggalādhiṭṭhānaṃ katvā, katthaci dhammaḍḍhiṭṭhānaṃ katvā dhammaṃ ḍḍseti. Ye pana veneyyā sāsanakkamaṃ anotiṇṇā, tesaṃ puggalādhiṭṭhānadesanaṃ ḍḍseti. Ye otiṇṇā, tesaṃ dhammaḍḍhiṭṭhānaṃ. Sammutisaccavisayā puggalādhiṭṭhānā, itarā paramatthasaccavisayā. Purimā karuṇānukūlā, itarā paññānukūlā. Saddhānusārigottānaṃ vā purimā. Te hi puggalappamaṇā, pacchimā dhammaṇusārīnaṃ. Saddhācaritatāya vā lokādhipatīnaṃ vasena puggalādhiṭṭhānā, paññācaritatāya dhammaḍḍhipatīnaṃ vasena dhammaḍḍhiṭṭhānā. Purimā ca neyyatthā, pacchimā nītatthā, iti bagavā taṃ taṃ viśesaṃ avekkhitvā tattha tattha duvidhaṃ desanaṃ ḍḍsetīti veditabbaṃ.

Verañjakasuttavaṇṇanāya līnatthappakāsanā samattā.

1. Dī-Ṭṭha 1. 108, 109 piṭṭhesu.

2. Dī-Ṭṭi 1. 166, 167 piṭṭhesu.

3. Mahāvedallasuttavaṇṇanā

449. Garubhāvo gāravaṃ, pāsāṇacchattaṃ viya garukaraṇīyatā. Saha gāravenāti sagāravo, garunā kismiñci vutte gāravavasena patissavanaṃ patissavo, saha patissavena sappatissavo, patissavabhūtaṃ taṃsabhāgañca yaṃ kiñci garukaraṇaṃ. Sagārove sappatissavacanaṃ **sagāravasappatissavacanaṃ**. Garukaraṇaṃ vā gāravo, sagāravassa sappatissavacanaṃ **sagāravasappatissavacanaṃ**. Etena sabhāveneva sagāravassa tathāpavattaṃ vacananti dasseti. Aññattha **du**-saddo garahatthopi hoti “**dukkhaṃ dupputto**”ti-ādīsu viya, idha pana so na sambhavati kucchitāya paññāya abhāvatoti āha “**paññāya duṭṭhaṃ nāma natthi**”ti. “**Dussīlo**”ti-ādīsu viya abhāvattho **du**-saddoti vuttaṃ “**appañño nippaññoti attho**”ti. **Kittakenā**ti kena parimāṇena. Taṃ pana parimāṇaṃ yasmā parimeyyassa atthassa paricchindanaṃ hoti, **nu**-saddo ca pucchāya jotako, tasmā “**kittāvataṃ nu khoti kāraṇaparicchedapucchā**”ti vatvā “**kittakena nu kho evaṃ vuccatīti attho**”ti āha. “**Kāraṇaparicchedapucchā**”ti iminā “**kittāvataṃ**”ti sāmāññato pucchābhāvo dassito, na visesato, tassa pucchāvisesabhāvañāpanatthaṃ mahāniddeṣe āgatā sabbāva pucchā atthuddhāranayena dasseti “**pucchā ca nāmā**”ti-ādinā. Adiṭṭhaṃ jotiyati etāyāti **adiṭṭhajotanaṃ**, pucchā. **Diṭṭhasaṃsandanaṃ** sākacchāvasena vinicchayakaraṇaṃ. Vimati chijjati etāyāti **vimaticchedanaṃ**. Anumatīyā pucchā **anumatipucchā**. “**Taṃ kiṃ maññatha bhikkhave**”ti-ādipucchāya¹ hi “**kiṃ tumhākaṃ anumati**”ti anumati pucchitā hoti. Kathetuṃ kamyatāya pucchā **kathetukamyatāpucchā**.

Lakkhaṇanti ñātuṃ icchito yo koci sabhāvo. **Aññātanti** yena kenaci ñāṇena aññātabhāvaṃ āha. **Adiṭṭhanti** dassanabhūtena paccakkhaṃ viya adiṭṭhataṃ. **Atulitanti** “**ettakaṃ idan**”ti tulanabhūtena atulitataṃ. **Atīritanti** tīraṇabhūtena akataññakiriyāsamāpanataṃ. **Avibhūtanti** ñāṇassa apākaṭabhāvaṃ. **Avibhāvitanti** ñāṇena apākaṭikatabhāvaṃ. **Idha diṭṭhasaṃsandanaṃpucchā adhippetā**, na adiṭṭhajotanaṃ vimaticchedanaṃ cāti.

1. Ma 3. 240 piṭṭhādīsu.

Kathamayaṃ attho viññāyatīti āha “**thero hī**”ti-ādi. **Sayaṃ vinicchinantoti** sayameva tesaṃ pañhānaṃ atthaṃ visesena nicchinanto. **Idaṃ suttanti** idaṃ pañcavīsatipañhapaṭimaṇḍitasuttam, na yaṃ kiñci anavaseseneva matthakaṃ pāpesīti. “Sayameva pañhaṃ samuṭṭhāpetvā sayaṃ vinicchinantoti”ti ettha catukkoṭikaṃ bhavatīti dassento “**ekacco hī**”ti-ādimāha. **Pañhaṃ samuṭṭhāpetumyeva sakkotīti** pucchanaividhiṃ yeva jānāti. **Na nicchetunti** nicchetum na sakkoti, vissajjanaividhiṃ na jānātīti attho. **Visesaṭṭhānanti** aññehi asadisatṭhānaṃ. **Therena sadisoti** therena sadiso sāvako natthi.

Saṃsanditvāti saṃyojetvā samānaṃ katvā, yathā tattha sabbaññutaññānaṃ pavattaṃ, tathā taṃ avilometvāti attho. **Līlāyantoti** līlaṃ karonto. Dhammakathikatāya aggabhāvappattiyā tattha appaṭihatañāṇatāya buddhalīlāya viya catunnaṃ parisānaṃ gamanaṃ gaṇhanto dhammakathaṃ katheti.

Ito vā etto vā anukkamitvāti uggahitakathāmaggaṭo yattha katthaci īsakampi anukkamitvā uggahitanīyamenevāti attho. Tenāha “**yaṭṭhikoṭin**”ti-ādi. **Ekapadikanti** ekapadnikkhepamattaṃ. **Daṇḍakasetunti** ekadaṇḍakamayaṃ setum. Heṭṭhā ca upari ca suttapadānaṃ āharaṇena **tepiṭakaṃ buddhavacanaṃ heṭṭhupariyaṃ karonto**. Jātassarasadisañca gāthaṃ, suttapadaṃ vā nikkhipitvā tattha nānā-upamākāraṇāni āharanto tāni ca tehi suttapadehi bodhento samuṭṭhāpento “**jātassare pañcavaṇṇāni kusumāni phullāpento viya sinerumatthake vaṭṭisahassaṃ jālento viyā**”ti vutto.

Ekapaduddhāreti ekasmiṃ paduddhāraṇakkhaṇe. Padavasena **saṭṭhi padasatasahassāni** gāthāvasena **pannarasa gāthāsahassāni**. **Ākaḍḍhitvā gaṇhanto viyāti** paccekaṃ pupphāni anocinitvā vallimeva ākaḍḍhitvā ekajjhaṃ pupphāni katvā gaṇhanto viya. Tenāha “**ekappahārenevā**”ti. **Gatimantānanti** atisayāya nāṇagatiyā yuttānaṃ. **Dhitimantānanti** dhāraṇabalena yuttānaṃ.

Anantanayussadanti

paccayuppanabhāsitatthanibbānavipākakiriyādivasena anantapabhede visaye pavattiyā anantanayehi ussannaṃ upacitaṃ.

Caturoghanittharaṇatthikānaṃ titthe ṭhapitanāvā viyāti yojanā. **Sahassayutta-ājaññarathoti** vejyantarathaṃ sandhāya vadati.

Yasmā pucchāyaṃ byāpanicchāyena “duppañño duppañño”ti āmedītavasena vuttaṃ, tasmā dhammasenāpati pucchitamatthaṃ vissajjento pucchāsabhāgena “nappajānāti nappajānāti”ti āmedītavasenevāha. Tattha itisaddo kāraṇatthoti dassento “**yasmā nappajānāti, tasmā duppaññoti vuccatī**”ti āha. **Idaṃ dukkhanti** idaṃ upādānakkhandhapañcakaṃ dukkhaṃ ariyasaccaṃ. Tañca kho ruppanaṃ vediyanaṃ sañjānanaṃ abhisankharaṇaṃ vijānanaṃ sankhepaṃ **ettakaṃ. Ito uddhaṃ** kiñci dhammajātaṃ dukkhaṃ ariyasaccaṃ nāma **natthīti yāthāvasarasalakkhaṇato** pavattikkamato ceva pīlanasaṅkhatasantāpavipariṇāmalakkhaṇato ca yathābhūtaṃ ariyamaggapaññāya **nappajānāti**. Avasesapaccayasamāgame udayati uppajjati, svāyaṃ samudayo saṃsārapavattibhāvenāti āha “**pavattidukkhapabhāvikā**”ti, dukkhasaccassa uppādikāti attho. **Yāthāvasarasalakkhaṇatoti** yathābhūtaṃ anupacchedakaraṇarasato ceva sampiṇḍananidānasamyogapalibodhalakkhaṇato ca.

Idaṃ nāma ṭhānaṃ patvāti idaṃ nāma appavattikāraṇaṃ āgamma. **Nirujjhatīti** anuppādanirodhavasena nirujjhati, tenāha “**ubhinnaṃ appavattī**”ti. **Yāthāvasarasalakkhaṇatoti** yathābhūtaṃ accutirasato ceva nissaraṇavivekāsaṅkhatāmatalakkhaṇato ca. **Ayaṃ paṭipadāti** ayaṃ sammādiṭṭhi-ādikā samodhānalakkhaṇā paṭipajjati etāyāti paṭipadā. **Dukkhanirodhaṃ gacchatīti** dukkhanirodhaṃ nibbānaṃ sacchikiriyābhisamayavasena gacchati ārabha pavattati. **Yāthāvasarasalakkhaṇatoti** yathābhūtaṃ kilesappahānakaṇasarasato ceva niyyānāhetudassanādhipateyyalakkhaṇato ca nappajānāti. **Anantaravāreti** dutiyavāre. **Imināva nāyēnāti** “idaṃ dukkhaṃ, ettakaṃ dukkhaṃ”ti-ādinaṃ paṭhamavāre vuttanayena. Tattha hi duppaññaniddesattā pajānanaṃ paṭikkhepavasena desanā āgatā, idha paññavantāniddesattā pajānanaṃ avasēnāti ayameva viseso. **Etthāti** dutiyavāre.

Savanatoti kammaṭṭhānassa savanato uggaṇhāti. Ganthasavanamukhena hi tadatthassa uggaṇaṇaṃ. **Ṭhapetvā taṇhanti-**ādi tassa uggaṇaṇākāranidassanaṃ. **Abhinivisatīti** vipassanābhinivesavasena abhinivisati vipassanākammaṭṭhānaṃ paṭṭhapeti. **No vivatṭeti** vivatṭe abhiniveso na hoti avisayattā. **Ayanti** catusaccakammaṭṭhāniko.

Pañcakkhandhāti pañcupādānakkhandhā. Khandhavasena vipassanābhinivesassa cakkhādivasena vedanādivasena ca satipi anekavidhatte sukaraṃ suviññeyyanti catudhātumukhena taṃ dassetuṃ “**dhātukammaṭṭhānavasena otarivā**”ti āha. **Rūpanti vavatthapetīti** ruppanaṭṭhena rūpanti asaṅkarato paricchindati. **Tadārammaṇāti** taṃ rūpaṃ ārammaṇaṃ katvā pavattanakā. **Nāmanti** vedanādicatukkaṃ namaṇaṭṭhena nāmanti vavatthāpeti. **Yamakatālakkhandhaṃ bhindanto viya** yamaṃ bhinditvā “arūpaṃ, rūpañcā”ti **dveva ime dhammā**, na ettha koci attā vā attaniyaṃ vāti **nāmarūpaṃ vavatthapeti** paricchindati pariggaṇhāti. Ettāvataṃ diṭṭhivisuddhi dassitā. **Taṃ panetaṃ** nāmarūpaṃ **na ahetukaṃ**. Yasmā sabbaṃ sabbattha sabbadā ca natthi, tasmā **sahetukaṃ**. Kīdisena hetunā? Na issarādivisamahetunā. Yaṃ panettha vattabbaṃ, taṃ **visuddhimaggasaṃvaṇṇanāyaṃ**¹ vuttanayena gahetabbaṃ. Sahetukattā eva **sapaccayaṃ**. **Avijjādayoti** avijjātaṇhupādānakammāhārādayo. **Evanti** “taṃ panetan”ti-ādinā vuttappakārena avijjādikē **paccaye ceva** rūpavedanādikē **paccayuppannadhamme ca vavatthapetvā** paricchinditvā pariggahetvā. Vuttaṃ hetuṃ “avijjāsamudayā rūpasamudayo, taṇhāsamudayā rūpasamudayo”ti². Ettāvataṃ kaṅkhāvitaraṇavisuddhiṃ dasseti.

Hutvāti hetupaccayasamavāye uppajjitvā. **Abhāvattṭhenāti** tadanantaramēva vinassanaṭṭhena. **Aniccāti** aniccā addhuvā. **Aniccalakkhaṇaṃ āropetīti** tesu pañcasu khandhesu aniccatāsaṅkhātāṃ sāmāññalakkhaṇaṃ niropeti. **Tatoti** aniccalakkhaṇāropanato paraṃ, **tato** vā aniccabhāvato. **Udayabbayappaṭipīlanākārenāti** uppādanirodhehi pati pati abhikkhaṇaṃ pīlanākārena hetunā **dukkhā** aniṭṭhā, dukkhamā vā. **Avasavattanākārenāti** kassaci vasena avasavattanākārena. **Anattāti** na sayaṃ attā, nāpi nesam koci attā atthīti anattāti. **Tilakkhaṇaṃ**

1. Visuddhi-Ṭī 2. 106 piṭṭhe.

2. Khu 9. 53 piṭṭhe Paṭisambhidāmagge.

āropetvāti evaṃ aniccassa dukkhabhāvato, dukkhassa ca anattabhāvato khandhapañcake tividhampi sāmāññalakkhaṇaṃ āropetvā. **Sammasantoti** udayabbayañāṇupattiyā uppanne vipassanupakkilese pahāya maggāmaggaṃ vavatthapetvā udayabbayañāṇādivipassanāpaṭipāṭiyā saṅkhāre sammasanto gotrabhuñāṇānantaraṃ **lokuttaramaggaṃ pāpuṇāti**.

Ekaṭṭhena ekeneva ñāṇena paṭivijjhanena. **Paṭivedho** paṭighātābhāvena visaye nissaṅgacārasaṅkhātāṃ nibbijjhanāṃ. **Abhisamayo** avirajjhītvā adhigamanasaṅkhāto avabodho. “Idaṃ dukkhaṃ, ettakaṃ dukkhaṃ, na ito bhiyyo”ti paricchinditvā yāthāvato jānanaṃ vuttanayena paṭivedhoti **pariññāpaṭivedho**, idaṃca yathā ñāṇe pavatte pacchā dukkhassa sarūpādiparicchede sammoho na hoti, tathā pavattim gahetvā vuttaṃ, na pana maggañāṇassa “idaṃ dukkhaṃ”ti-ādinaṃ pavattanato. Tenāha “**tasmim cassa khaṇe**”ti-ādi. Pahīnassa puna apahātabbatāya pakaṭṭhaṃ hānaṃ cajanāṃ samucchindanaṃ pahānaṃ, pahānameva vuttanayena paṭivedhoti **Pahānapaṭivedho**. Ayampi yena kilesena appahīyamānena¹ maggabhāvanāya na bhavitabbaṃ, asati ca maggabhāvanāya yo uppajjeyya, tassa padaghātāṃ karontassa anuppattidhammataṃ apādentassa ñāṇassa tathā pavattiyā paṭighātābhāvena nissaṅgacāraṃ upādāya evaṃ vutto. Sacchikiriyā paccakkhakarāṇaṃ anussavākāraparivitakkādike muñcitvāva sarūpato ārammaṇakarāṇaṃ “idaṃ tan”ti yāthāvasabhāvato gahaṇaṃ, sā eva vuttanayena paṭivedhoti **sacchikiriyāpaṭivedho**. Ayampi yassa āvaraṇassa asamucchindanato ñāṇaṃ nirodhaṃ ālambitum na sakkoti, tassa samucchindanato taṃ sarūpato vibhāvitameva pavattatīti evaṃ vutto.

Bhāvanā uppādanā vaḍḍhanā ca. Tattha paṭhamamagge uppādanaṭṭhena bhāvanā, dutiyādīsū vaḍḍhanaṭṭhena, ubhayatthāpi vā ubhayaṃ veditabbaṃ. Paṭhamamaggopi hi yathārahaṃ vuṭṭhānagāminiyāṃ pavattaṃ pari jānānādiṃ vaḍḍhento pavattoti tatthāpi vaḍḍhanaṭṭhena bhāvanāti sakkā viññātum. Dutiyādīsūpi appahīnakilesappahānato puggalantarāsādhanaṃ ca uppādanaṭṭhena bhāvanā, sā eva vuttanayena paṭivedhoti **bhāvanāpaṭivedho**. Ayampi yathā ñāṇe pavatte pacchā maggadhammānaṃ sarūpaparicchede sammoho na hoti,

1. Pahīnamānena (Ka)

tathā pavattim gahetvā vutto. Tiṭṭhantu tāva yathādhigatā maggadhammā, yathāpavattesu phalesupi ayaṃ yathādhigatasaccadhammesu viya vigatasammohova hoti sekkhopi samāno. Tena vuttam “diṭṭhadhammo pattadhammo veditadhammo pariyogāḷhadhammo”¹. Yathā cassa dhammā tāsam jotitā yathādhigatasaccadhammāvalambiniyo maggavīthito parato maggaphalapahīnāvasiṭṭhakilesanibbānānaṃ paccavekkhaṇā pavattanti. Dukkhasaccadhammā hi sakkāyadiṭṭhi-ādayo. Ayaṅca atthavaṇṇanā **paññābhisamayenā**ti-ādīsupi vibhāvetabbā. **Kiccatoti** asammohto. **Nirodham ārammaṇatoti** ettha “ārammaṇatopi”²ti pi-saddo luttaniddiṭṭho daṭṭhabbo nirodhepi asammoḥapaṭivedhassa labbhanato. **Etassāti** catusaccakammaṭṭhānikassa puggalassa.

Paññavāti niddiṭṭho nipariyāyato paññavantatāya idha adhippetattā. **Pāḷitoti** dhammato. **Atthatoti** aṭṭhakathāto. **Anusandhitoti** tasmim tasmim sutte taṃtamanusandhito. **Pubbāparatoti** pubbenāparassa saṃsandanato. Saṅgītikkamena cettha pubbāparatā veditabbā. Taṃtaṃdesanāyameva vā pubbabhāgena aparabhāgassa saṃsandanato. **Viññāṇacaritoti** vijānanacarito vīmaṃsanacarito tepiṭake buddhavacane vicāraṇācāravepullato. **Paññavāti na vattabbo** maggenāgatāya paññāya abhāvato. **Ajja ajeva arahattanti** ittaram atikhippamevāti adhippāyo. **Paññavāpakkham bhajati** sekkhapariyāyasabbhāvato. **Sutte pana paṭivedhova kathito** saccābhisamayavasena āgatattā.

Esāti anantare vutto ariyapuggalo. **Kammakārakacittanti** bhāvanākammassa pavattanakacittam. **Sukhavedanampi vijānāti**ti ko vediyati, kassa vedanā, kimkāraṇā vedanā, sopi kassaci abhāvaggahaṇamukhena sukham vedanam sabhāvato samudayato atthaṅgamato assādato ādīnavato ca yathābhūtam paricchindanto pariggaṇhanto sukham vedanam vijānāti nāma. Sesapadadvayepi eseva nayo. Yasmā “**satipaṭṭhāne**”²ti iminā satipaṭṭhānakatham upalakkheti. Tāya hi tadattho veditabbo, tasmā taṃsaṃvaṇṇanāyampi² vuttanayena tassattho

1. Vi 3. 23 piṭṭhe.

2. Dī-Ṭī 2. 311 piṭṭhe.

veditabbo. Kāmaṃ cetam̃ viññāṇaṃ vedanāto aññampi ārammaṇaṃ vijānāti, anantaravāre pana rūpamukhena vipassanābhinivesassa dassitattā idha arūpamukhena dassetuṃ “sukhantipi vijānātī”ti-ādinā niddiṭṭhaṃ, pucchantassa vā ajjhāsayasena.

Saṃsaṭṭhāti sampayuttā. Tenāha “**ekuppādādilakkaṇena saṃyogaṭṭhenā**”ti. **Visaṃsaṭṭhāti** vippayuttā. **Bhinditvāti** aññabhūmikassa aññabhūmidassaneneva vināsetvā, sambhinditvā vā. **Saṃsaṭṭhabhāvaṃ pucchatī**ti taṃcittuppādapariyāpannānaṃ pañcaviññāṇānaṃ saṃsaṭṭhabhāvaṃ pucchati. Yadi evaṃ kathaṃ pucchāya avasaro visaṃsaṭṭhabhāvāsankāya eva abhāvato? Na, cittuppādantaragatānaṃ maggapaññāmaggaṃ viññāṇānaṃ vipassanāpaññāvīpissanāvīññāṇānaṃ vomissakasaṃsaṭṭhabhāvassa labbhamānattā. **Vinivaṭṭetvāti** aññamaññato vivecetvā. **Nānākaraṇaṃ dassetuṃ na sakkāti** idam̃ kevalam̃ saṃsaṭṭhabhāvameva sandhāya vuttam̃, na sabhāvabhedam̃, sabhāvabhedato pana nānākaraṇaṃ nesaṃ pākaṭameva. Tenāha “**ārammaṇato vā vatthuto vā uppādato vā nirodhato vā**”ti. Idāni tameva sabhāvabhedam̃ visayabhedena suṭṭhu pākaṭam̃ katvā dassetuṃ “**tesam̃ tesam̃ panā**”ti-ādi vuttam̃. **Visayoti pavattiṭṭhānaṃ issariyabhūmi**, yena cittapaññānaṃ tattha tattha pubbaṅgamatā vuccati.

Kāmaṇca vipassanāpi paññāvaseneva kiccakārī, maggopi viññāṇasahitova, na kevalo, yathā pana lokiyadhammesu cittaṃ padhānaṃ tatthassa dhorayhabhāvena pavattisabbhāvato. Tathā hi taṃ “chadvārādhipati rājā”ti¹ vuccati, evaṃ lokuttaradhammesu paññā padhānā paṭipakkhavidhamanassa visesato tadadhīnattā. Tathā hi maggadhamme sammādiṭṭhi eva paṭhamam̃ gahitā. Ayaṇca nesaṃ visayavasena pavattibhedo, tathā ca paññāpanavidhi na kevalam̃ thereheva dassito, apica kho bagavatāpi dassitoti vibhāvento “**sammāsambuddhopī**”ti-ādimāha. Yattha paññā na labbhati, tattha cittavasena pucchane vattabbameva natthi yathā “kimcitto tvaṃ bhikkhū”ti-ādīsu². Yattha pana paññā labbhati, tatthāpi cittavasena jōtanā hoti yathā “ajjhattameva cittaṃ saṅṭhapeti sannisādeti ekodim̃ karoti samādahati³, yasmim̃ samaye kāmāvacaram̃

1. Dhammapada-Ṭṭha 2. 150 piṭṭhe. 2. Vi 1. 71, 101 piṭṭhādīsu. 3. Saṃ 2. 457 piṭṭhe.

kusalaṃ cittaṃ uppannaṃ hotī”ti-ādīsu¹. Aṭṭhakathāyaṃ pana lokiyadhammesu cittavasena, lokuttaradhammesu paññāvasena codanaṃ byatirekamukhena dassetuṃ “**katamā te bhikkhu paññā adhigatā**”ti-ādi vuttaṃ. Yebhuyyavasena cetam vuttanti daṭṭhabbaṃ. Tathā hi katthaci lokiyadhammā paññāsīsenapi niddisīyanti “paṭhamassa jhānassa lābhino kāmasahagatā saññāmanasikārā samudācaranti hānabhāginī paññā”ti-ādīsu². Saññāsīsenapi “uddhumātakasaññāti vā sesarūpārūpasaññāti vā ime dhammā ekatthā, udāhu nānatthā”ti-ādīsu³. Tathā lokuttaradhammāpi katthaci cittasīsenā niddisīyanti “yasmim samaye lokuttaraṃ cittaṃ bhāvetī”ti⁴, tathā phassādisīsenapi “yasmim samaye lokuttaraṃ phassaṃ bhāveti, vedanaṃ saññaṃ cetanaṃ bhāvetī”ti-ādīsu⁵.

Catūsu sotāpattiyaṅgesūti sappurisasevanā, saddhammassavanaṃ, yonisomanasikāro, dhammānudhammapaṭipattīti imesu catūsu sotāpattimagassa kāraṇesu. Kāmaṃ cetesu sati-ādayopi dhammā icchi tabbāva tehi vinā tesam asambhavato, tathāpi cettha saddhā visesato kiccakārīti veditabbā. Saddho eva hi sappurise payirupāsati, saddhammaṃ suṇāti, yoniso ca manasi karoti, ariyamaggassa ca anudhammaṃ paṭipajjati, tasmā vuttaṃ “**ettha saddhindriyaṃ daṭṭhabbaṃ**”ti. Iminā nayena sesindriyesupi attho daṭṭhabbo. **Catūsu sammappadhānesūti** catubbidhasammappadhānabhāvanāya. **Catūsu satipaṭṭhānesūti**-ādīsipi eseva nayo. Ettha ca sotāpattiyaṅgesu saddhā viya sammappadhānabhāvanāya vīriyaṃ viya ca satipaṭṭhānabhāvanāya “satimā vineyya loke abhijjhādomanassan”ti⁶ vacanato pubbabhāge kiccato sati adhikā icchitabbā. Evaṃ samādhikammikassa samādhī, “ariyasaccabhāvanā paññābhāvanā”ti katvā tattha paññā pubbabhāge adhikā icchitabbāti pākaṭoyamattho, adhigamakkhaṇe pana samādhipaññānaṃ viya sabbesampi indriyānaṃ saddhādīnaṃ samarasatāva icchitabbā. Tathā hi “**ettha saddhindriyaṃ**”ti-ādinā tattha tattha etthaggaṇaṇaṃ kataṃ. **Evanti** yaṃ ṭhānaṃ, taṃ indriyasamattādiṃ paccāmasati. **Savisayasmiṃyevāti** attano attano

1. Abhi 1. 17 piṭṭhe.

3. Vi-Ṭṭha 1. 206 piṭṭhe.

5. Abhi 1. 73 piṭṭhe. (Atthato samānaṃ.)

6. Dī 2. 231; Ma 1. 70; Saṃ 3. 145, 161 piṭṭhe.

2. Khu 9. 5 piṭṭhe Paṭisambhidāmagge.

4. Abhi 1. 72 piṭṭhe.

visaye eva. **Lokiyalokuttarā dhammā kathitāti** lokiyadhammā lokuttaradhammā ca tena tena pavattivisesena kathitā. Idam vuttam hoti—saddhāpañcomesu indriyesu saha pavattamānesu tattha tattha visaye saddhādīnam kiccādhikatāya tassa tasseva daṭṭhabbatā vuttā, na sabbesaṃ. Evaṃ aññepi lokiyalokuttarā dhammā yathāsakaṃ visaye pavattivisesavasena bodhitāti.

Idāni saddhādīnam indriyānam tattha tattha atirekakiccatam upamāya vibhāvetum “**yathā hī**”ti-ādi vuttam. Tatridam upamāsaṃsandanam—rājapañcamā sahāyā viya vimutti-paripācakāni pañcindriyāni. Nesaṃ kīlanattham ekajjham vīthi-otaraṇam viya indriyānam ekajjham vipassanāvīthi-otaraṇam. Sahāyesu paṭhamādīnam yathāsakageheva vicāraṇā viya saddhādīnam sotāpatti-āṅgādīni patvā pubbaṅgamatā. Sahāyesu itaresam tattha tattha tuḥhībhāvo viya sesindriyānam tattha tattha tadanvayatā. Tassa pubbaṅgamabhūtassa indriyassa kiccānugatātā. Na hi tadā tesam sasambhārapathavī-ādīsu āpādīnam viya kiccaṃ pākaṭam hoti, saddhādīnamyeva pana kiccaṃ vibhūtam hutvā tiṭṭhati puretaram tathāpaccayehi cittasantānassa abhisankhatātā. Ettha ca vipassanākammikassa bhāvanā visesato paññuttarāti dassanattham rājānam nidassanam katvā paññindriyam vuttam. **Itī**ti-ādi yathādhigatassa atthassa nigamanam.

Maggaviññāṇampīti ariyamaggasahagatam apacayagāmi-viññāṇampi. **Tatheva tam vijānātī**ti saccadhammam “idam dukkham”ti-ādīnā nayeneva vijānāti ekacittuppādapariyāpannattā maggānukūlattā ca. **Yaṃ vijānātī**ti ettha vijānanapajānanāni vipassanācittuppādapariyāpannāni adhippetāni, na “yaṃ pajānātī”ti ettha viya maggacittuppādapariyāpannāti āha “**yaṃ saṅkhāragatan**”ti-ādi. **Tathevāti** “aniccan”ti-ādīnā nayena. Ekacittuppādapariyāpannattā vipassanābhāvato ca samānapaccayehi saha pavattikatā **ekuppādatā**, tato eva ekajjham saheva nirujjhanam **ekanirodhatā**, ekamyeva vatthum nissāya pavatti **ekavatthukatā**, ekamyeva ārammaṇam ārabha pavatti **ekārammaṇatā**. Hetumhi cetam karaṇavacanam. Tena ekuppādādītāya saṃsaṭṭhabhāvaṃ sādheti. Anavaśesapariyādānam cetam, ito tīhipi sampayuttalakkhaṇam hotiyeva.

Maggapaññaṃ sandhāya vuttaṃ, sā hi ekantato bhāvetabbā, na pariññeyyā, paññāya pana bhāvetabbatāya taṃsampayuttadhammāpi taggatikāva hontīti āha “**taṃsampayuttaṃ panā**”ti-ādi. Kiñcāpi vipassanāpaññāya bhāvanāvasena pavattanato taṃsampayuttaviññānampi tatheva pavattati, tassa pana pariññeyyabhāvanativattanato pariññeyyatā vuttā. Tenevāha “yampi taṃ dhammaṭṭhitiññāṇaṃ, tampi khayadhammaṃ vayadhammaṃ virāgadhammaṃ nirodhadhammaṃ”ti.

450. **Evam santepīti** vedanāti evaṃ sāmāññaggahaṇe satipi. **Tebhūmikasammasanacāra vedanāvāti** bhūmittayapariyāpannā, tato eva sammasanaññāṇassa gocarabhūtā vedanā eva adhippetā sabrahmacārīnaṃ upakārāvahabhāvena desanāya āradhattā. Tathā hi vuttaṃ “caturoghanittharaṇatthikānaṃ”ti-ādi. Esa nayo paññāyapi. Idha sukhādisaddā tadārammaṇavisayāti imamattam suttana sādhetum “**rūpañca hī**”ti-ādi vuttaṃ. **Ekantadukkhaṃ**ti ekanteneva anīṭṭham, tato eva dukkhamatāya dukkham. Ārammaṇakaraṇavasena dukkhavedanāya anupatitam, otiṇṇācāti **dukkhānupatitam dukkhāvakkantaṃ**. Sukhena anavakkantaṃ abhavissāti yojanā. **Nayidanti** ettha **idanti** nipātamattaṃ. **Sārajjeyyunti** sārāgam uppādeyyum. **Sukhanti** sabhāvato ca iṭṭham. **Sārāgā saṃyujjantīti** bahalarāgahetu yathārahaṃ dasahipi saṃyojanehi saṃyujjanti. **Saṃyogā Saṃkilissantīti** tathā saṃyuttatāya taṇhāsāṃkilesādivasena saṃkilissanti, vibādhiyanti upatāpīyanti cāti attho. **Ārammaṇanti** iṭṭham, anīṭṭham, majjhatañca ārammaṇaṃ yathākkamaṃ sukhaṃ, dukkhaṃ, adukkhamasukhanti kathitaṃ. Evam avisesena pañcapi khandhe sukhādi-ārammaṇabhāvena dassetvā idāni vedanā eva sukhādi-ārammaṇabhāvena dassetum “**apicā**”ti-ādi vuttaṃ. pākatikapacurajanavasenāyaṃ kathitāti katvā “**purimaṃ sukhaṃ vedanaṃ ārammaṇaṃ katvā**”ti vuttaṃ. Visalābhī pana anāgatampi sukhaṃ vedanaṃ ārammaṇaṃ karoteva. **Vuttametaṃ** satipaṭṭhānavaṇṇanāyaṃ¹. Vedanāya hi ārammaṇaṃ vediyantiyā taṃsamaṅgīpuggalo vedetīti vohāramattaṃ hoti.

Sabbasaññāyāti sabbāyapi catubhūmikasaññāya. **Sabbatthakasaññāyāti** sabbasmim cittuppāde pavattanakasaññāya. **Vatthe vāti vā**-saddena vaṇṇadhātum

1. Dī-Ṭṭha 2. 365; Ma-Ṭṭha 1. 282 piṭṭhesu.

saṅgaṇhāti. **Pāpentoti** bhāvanam upacāram vā appanam vā upanento. **Uppajjanakasaññāpīti** “nīlam rūpaṃ, rūpārammaṇam nīlan”ti uppajjanakasaññāpīti.

Asabbasaṅgāhikattāti sabbesaṃ vedanāsaññāviññāṇānam asaṅgahitattā. **Takkagatanti** suttakantanakatakkamhi, suttavattanakatakkamhi vā veṭhanavasena ṭhitaṃ. **Parivaṭṭakādīgatanti** suttaveṭhanaparivaṭṭakādīgatam. **Vissaṭṭhattāva na gahitā**, yadaggena paññā viññāṇena saddhim sampayogam labhāpitā, tadaggena vedanāsaññāhipi sampayogam labhāpitā evāti. **Tadeva sañjānāti** saṃsaṭṭhabhāvato.

Sañjānāti vijānātīti ettha “pajānātī”ti padaṃ ānetvā vattabbaṃ pajānavasenaṃpi visesassa vakkhamānattā. **Jānātīti** ayaṃ saddo ca saddatoyevettha aviseso, atthato pana visesato icchitabbo. Anekatthattā hi dhātūnam tena ākhyātapadena nāmapadena ca vuttamattham upasaggapadaṃ jotakabhāvena viseseti, na vācakabhāvena. Tenāha “**tassapi jānanatthe viseso veditabbo**”ti. Etena saññāviññāṇapaññāpadāni antogadhajānanatthe yathāsakaṃ visiṭṭhavisaye ca niṭṭhānīti dasseti. Tenevāha “**saññā hi**”ti-ādi. **Sañjānanamattamevāti** ettha **matta**-saddena visesanivatti-atthena vijānanapajānanākāre nivatteti, **eva**-saddena kadācīpi imissā te visesā natthevāti avadhāreti. Tenevāha “**aniccam dukkhan**”ti-ādi. Tattha viññāṇakiccampi kātum asakkontī saññā kuto paññākiccam kareyyāti “**lakkhaṇapaṭivedham pāpetum¹ na sakkoti**”cceva vuttam, na vuttam “maggapātubhāvan”ti.

Ārammaṇe pavattamānam viññāṇam na saññā viya nīlapītādīmattasañjānavasena pavattati, atha kho tattha aññampi tādīsam visesam jānantameva pavattatīti āha “**viññāṇan**”ti-ādi. Katham pana viññāṇam lakkhaṇapaṭivedham pāpetīti? Paññāya dassitamaggena. Lakkhaṇārammaṇīkavipassanāya hi anekavāram lakkhaṇāni paṭivijjhivā pavattamānāya paṇaṇabhāvato paricayavasena nāṇavippayuttacittenapi vipassanā sambhavati, yathā taṃ paṇaṇassa ganthassa ajjhayane tattha tattha gatāpi

1. Kātum (Ka)

vārā na upadhāriyanti. “Lakkhaṇapaṭivedhan”ti ca lakkhaṇānaṃ ārammaṇakaraṇamattaṃ sandhāya vuttaṃ, na paṭivijjhanam. **Ussakkivāti** udayabbayaññādiññāpaṭipāṭiyā ārabhitvā. **Maggapātubhāvaṃ pāpetum na sakkoti** asambodhasabhāvattā. **Ārammaṇampi sañjānāti** avabujjhanavaseneva, na sañjānanamattena. Tathā **lakkhaṇapaṭivedhampi pāpeti**, na vijānanamattena, attano pana aññāsādhāraṇena ānubhāvena ussakkivā maggapātubhāvampi pāpeti.

Idāni yathāvuttamatthaṃ upamāya vibhāvetum “**yathā hi**”ti-ādi vuttaṃ. Tattha **ajātabuddhīti** asañjāthabyavahārabuddhi. **Upabhogaparibhoganti** upabhogaparibhogārahaṃ, upabhogaparibhogavatthūnaṃ paṭilābhayogganti attho. **Kūṭoti** kahāpaṇapatirūpako tambakaṃsādimayo. **Chekoti** mahāsāro. **Karatoti**¹ aḍḍhasāro. **Saṇhoti** mudujātiko samasāro. **Iti-saddo** ādi-attho. Tena pādasāraparopādasāra-aḍḍhasārādīnaṃ saṅgaho. **Jānanto ca pana naṃ rūpaṃ disvāpi -pa- asukācariyena katotipi jānāti** tathā heraṇṇīkaganthassa suggahitattā. **Evamevanti**-ādi upamāsaṃsandanaṃ. Saññāvibhāgaṃ akatvā piṇḍavaseneva ārammaṇassa gahaṇato dāraḥassa kahāpaṇadassanasadisā vuttā. Kathā hi sā yathā-upaṭṭhitavisayapadaṭṭhānā vuccati. Viññāṇaṃ ārammaṇe ekaccavisesaggahaṇasamatthabhāvato gāmikapurisakahāpaṇadassanasadisāṃ vuttaṃ. Paññā pana ārammaṇe anavasesāvabodhato heraṇṇīkakahāpaṇadassanasadisā vuttā. **Nesanti** saññāviññāṇapaññānaṃ. **Visesoti** sabhāvaviseso. **Duppaṭivijjho** pakatipaññāya. Imināva nesāṃ accantasukhumataṃ dasseti.

Ekārammaṇe pavattamānānanti ekasmimyeva ārammaṇe pavattamānānaṃ. Tena abhinnavisayābhinnakālatādassanena avinibbhogavuttitaṃ vibhāvento duppaṭivijjhataṃyeveva ulliṅgeti. **Vavatthānanti** asaṅkarato ṭhapanam. **Ayaṃ phasso -pa- idaṃ cittanti** nidassanamattametaṃ. **Iti-saddo** vā ādi-attho. Tena sesadhammānampi saṅgaho daṭṭhabbo. **Idanti** arūpīnaṃ dhammānaṃ vavatthānakaraṇam. **Tatoti** yaṃ vuttaṃ tilatelādi-uddharaṇam, tato. Yadi dukkarataram, katham tanti āha “**bagavā panā**”ti-ādi.

1. Pharusoti (Ka)

451. **Nissatēnā**ti nikkhantena atamsambandhena. **Pariccattēnā**ti pariccattasadisena paccayabhāvānupagamanena paccayuppannasambandhābhāvato. **Nissakkavacanā**m apādānadīpanato. **Karaṇavacanā**m kattu-atthadīpanato. Kāmāvacaramanoviññāṇaṃ na niyamato “idaṃ nāma pañcadvārikāsambandhā”¹ti sakkā vattum, rūpāvacaraviññāṇaṃ pana na tathāti, tasseva pañcahi indriyehi nissatāta vuttāti āha “**rūpāvacaracattutthajjhānacittēnā**”ti. Cattutthajjhānaggahaṇaṃ tasseva arūpāvacarassa padaṭṭhānabhāvato. **Parisuddhēnā**ti visesato asaṅkilesikattāva. Taṃ hi vigatūpakkilesatāya visesato parisuddhaṃ. Tenāha “**nirupakkilesēnā**”ti. **Jānitabbaṃ neyyaṃ** saparasantānesu idaṃ atisayaṃ jānitabbato bujjhitabbaṃ bodhetabbaṃ vāti attho. **Neyyanti** vā attano santāne netabbaṃ pavattetabbanti attho. Tenāha “**nibbattetum sakkā hoti. Ettha t̥hitassa hi sā ij̥jhatī**”ti. **Pāṭiyekkanti** visum visum, anupadadhammavāsēnāti attho. **Abhinivesābhāvato**ti vipassanābhinivesassa asambhavato. **Kalāpato nayato**ti kalāpasammasanaṅkhātato nayavipassanato. **Bhikkhunoti** sāvakassa. Sāvakasseva hi tatra anupadadhammavipassanā na sambhavati, na satthu. Tenāha “**tasmā**”ti-ādi. **Vissajjesīti** tappaṭibaddhachandarāgappahānena pajahati.

Hatthagatattāti hatthagatasadisattā, āsannattāti attho. Yadā hi lokanātho bodhimūle aparājitaṭṭhānke nisinna “kicchaṃ vatāyaṃ loko āpanno”ti-ādinā² paṭiccasamuppādamukhena, vipassanābhinivesaṃ katvā adhigantabbasabbaññutaññānānurūpaṃ chattiṃsakoṭṭisahasamukhena mahāvajiraññāṇaṃ nāma mahābodhisattasammasanaṃ pavattento anekākārasamāpattidhammasammasane anupadameva nevasaññānāsaññāyatanadhammepi aparāparaṃ sammasi. Tenāha “**bagavā panā**”ti-ādi. **Paropaññāsāti** dvepaññāsaṃ. Kāmañcetta keci dhammā vedanādayo phassapañcamakādīsu vuttāpi jhānakoṭṭhāsādīsupi saṅgahitā, taṃtaṃpaccayabhāvavisiṭṭhena pana atthavisesena dhammantarāni viya hontīti evaṃ vuttaṃ. Tathā hi lokuttaracittuppādesu navindriyatā vuccati. **Āṅguddhārenāti** tattha labbhamānājhānaṅgabojjhaṅgamaggaṅgānaṃ uddharaṇena.

1. Pañcadvārikasāmantāti (Ka)

2. Dī 2. 26; Saṃ 1. 246, 251 piṭṭhesu.

Aṅga-saddo vā koṭṭhāsapariyāyo, tasmā **aṅguddhārenāti** phassapañcamakādikoṭṭhāsānaṃ samuddharaṇena. **Yāvatā saññāsamāpattiyoti** yattakā saññāsahagatā jhānasamāpattiyō, tāhi vuṭṭhāya adhigandhabbattā tāvatikā veneyyānaṃ **aññāpaṭivedho** arahattasamadhigamo.

Dassanapariṇāyakatthenāti andhassa yaṭṭhikoṭṭim gahetvā maggadesako viya dhammānaṃ yathāsabhāvadassanaṣṅkhātena pariṇāyakabhāvena. Yathā vā so tassa cakkhubhūto, evaṃ sattānaṃ paññā. Tenāha “**cakkhubhūtāya paññāyā**”ti. Samādhisampayuttā paññā **samādhipaññā**. Samādhi cettha āruppasamādhīti vadanti, sammāsanapayogo pana koci jhānasamādhīti yuttam. Vipassanābhūtā paññā **vipassanāpaññā**. Samādhipaññāya-antosamāpattiyāṃ **kiccato pajānāti**, “samāhito yathābhūtaṃ pajānāti”ti pana vacanato¹ **asammohato pajānāti**. Tattha **kiccatoti** gocarajjhatte ārammaṇakaraṇakiccato. **Asammohatoti** sampayuttadhammesu sammohavidhamanato yathā pītipaṭisaṃvedanādīsu. **Kimatthiyāti** kimpayo janāti āha “**ko etissā attho**”ti. **Abhiññeyye dhammeti** yāthāvasarasalakkhaṇāvabodhavasena abhimukhaṃ ñeyye jānitabbe khandhāyatanādiddhamme. **Abhijānāti**ti salakkhaṇato sāmāññalakkhaṇato ca abhimukhaṃ avirajjhanavasena jānāti. Etena ñātapariññābyāpāramāha. **Pariññeyyēti** aniccātipi dukkhātipi anattātipi paricchijja jānitabbe. **Parijānāti**ti “yaṃ kiñci rūpaṃ -pa- aniccaṃ khayatṭhena”ti-ādinā² paricchinditvā jānāti. Iminā tīraṇapariññābyāpāramāha. **Pahātabbe dhammeti** niccasaññādike yāva arahattamaggavajjhā sabbe pāpadhamme. **Pajahati** pakaṭṭhato jahati, vikkhambheti ceva samucchindati cāti attho. Iminā pahānapariññābyāpāramāha. Sā panesā paññā lokiyāpi tippakārā lokuttarāpi, tāsāṃ viśesāṃ sayamevāha. **Kiccatoti** abhijānanavasena ārammaṇakiccato. **Asammohatoti** yathābalaṃ abhiññeyyādīsu sammohavidhamanato. Nibbānamārammaṇaṃ katvā pavattanato abhiññeyyādīsu vigatasammohato evāti āha “**lokuttarā asammohato**”ti.

1. Saṃ 2. 12, 302; Saṃ 3. 363; Khu 10. 50; Khu 11. 38 piṭṭhesu.

2. Khu 9. 51 piṭṭhe Paṭisambhidāmagge.

452. Kammassakatā sammādiṭṭhi ca vaṭṭanissitattā idha nādhīpetā, vivatṭakathā hesāti vuttam “**vipassanā sammādiṭṭhiyā ca maggasammādiṭṭhiyā cā**”ti. Parato ghosoti parato satthuto, sāvakato vā labbhamāno dhammaghoso. Tenāha “**sappāyadhammassavanan**”ti. Tam hi sammādiṭṭhitā paccayo bhavituṃ sakkoti, na yo koci paratoghoso. **Upāyamanasikāro**ti yena nāmarūpapariggahādi sijjhati, tādiso pathamanasikāro. Ayañca sammādiṭṭhiyā paccayoti niyamapakkhiko, na sabbasaṃgāhakoti dassento “**paccekabuddhānaṃ paṇā**”ti-ādimāha. **Yonisomanasikārasmiṃyevā**ti avadhāraṇena paratoghosameva nivatteti, na padaṭṭhānavisesaṃ paṭiyogīnivattanatthattā eva-saddassa.

Laddhupakārā¹ yathārahaṃ nissayādivasena laddhapaccayā. Vipassanāsammādiṭṭhiyā anuggahitabhāvena gahitattā maggasammādiṭṭhisu ca **arahattamaggasammādiṭṭhi**, anantarassa hi vidhi, paṭisedho vā. Aggaphalasaṃmādhimhi tapparikkhāradhammesuyeva ca kevalo cetopariyāyo nirulhoti **sammādiṭṭhīti arahattamaggasammādiṭṭhi**. **Phalakkhaṇeti** anantare kālantare cāti duvidhe phalakkhaṇe. Paṭippassaddhivasena sabbasaṃkilesehi ceto vimuccati etāyāti **cetovimutti**, aggaphalapaññaṃ ṭhapetvā avasesā phaladhammā. Tenāha “**cetovimutti phalaṃ assāti. Cetovimuttisaṃkhātāṃ phalaṃ ānisaṃso**”ti, sabbasaṃkilesehi cetaso vimuccanasāṃkhātāṃ paṭippassambhanasaññitāṃ pahānaṃ phalaṃ ānisaṃso cāti yojanā. Idha ca cetovimutti-saddena pahānamattāṃ gahitaṃ, pubbe pahāyakadhammā, aññathā phaladhammā eva ānisaṃsoti gayhamāne punavacanaṃ niratthakaṃ siyā. **Paññāvimutti phalānisaṃsāti** etthāpi evameva attho veditabbo. Sammāvācākammantājīvā sīlasabhāvattā visesato samādhissa upakārā, tathā sammāsaṃkappo jhānasabhāvattā. Tathā hi so “**appanā**”ti niddiṭṭho. Sammāsatisammāvāyāmā pana samādhipakkiyā evāti āha “**avasesā dhammā cetovimuttīti veditabbā**”ti. **Catupārisuddhisīlanti** ariyamaggādhigamassa padaṭṭhānabhūtaṃ catupārisuddhisīlaṃ. **Sutā**dīsupi eseva nayo. Attano cittappavatti-ārocanaśasena saha kathanāṃ saṃkathā,

1. Am-Ṭī 3. 8 piṭṭhādīsupi passitabbam.

samkathāva **sākacchā**. Idha pana kammaṭṭhānapaṭibaddhāti āha “**kammaṭṭhāne -pa- kathā**”ti. Tattha kammaṭṭhānassa ekavāraṃ vīthiyā appaṭipajjanaṃ khalanaṃ, anekavāraṃ pakkhalanaṃ, tadubhayassa vicchedanīkathā **khalanapakkhalanachedanakathā**. **Pūrentassāti** vivatṭanissitaṃ katvā pārentassa brūhentassa ca. **Suṇantassāti** “yathā-uggahitakammaṭṭhānaṃ phātiṃ gamissatī”ti evaṃ suṇantassa. Teneva hi “**sappāyadhammassavanaṃ**”ti vuttaṃ. **Kammaṃ karontassāti** bhāvanānuyogakammaṃ karontassa.

Pañcasupi ṭhānesu **anta**-saddo hetu-atthajotano daṭṭhabbo. Evaṃ hi “**yathā hī**”ti-ādinā vuccamānā ambupamā ca yujjeyya. **Udakakoṭṭhakanti** ālavālaṃ¹. **Thiraṃ katvā bandhatī**ti asithilaṃ daḷhaṃ nātimahantaṃ nātikhuddakaṃ katvā yojeti. **Thiraṃ karotī**ti udakasiñcanaḷakāle tato tato vissaritvā udakassa anikkhamaṇatthaṃ ālavālaṃ thirataṃ karoti. **Sukkhadaṇḍakoti** tasseva ambagacchakassa sukkho sākāsāsako. **Kipillikapuṭoti** tambakipillikakuṭajam². **Khaṇittinti** kudālaṃ. **Koṭṭhakabandhanaṃ viya sīlaṃ** sammādiṭṭhiyā vaḍḍhanupāyassa mūlabhāvato. **Udakasiñcanaṃ viya dhammassavanaṃ** bhāvanāya paribrūhanato. **Mariyādāya thirabhāvakaraṇaṃ viya samatho** yathāvuttabhāvanādiṭṭhānāya sīlamariyādāya daḷhabhāvāpādanato. Samāhitassa hi sīlaṃ thirataṃ hoti. **Samīpe valli-ādīnaṃ haraṇaṃ viya kammaṭṭhāne khalanapakkhalanachedanaṃ** ijjhitabbabhāvanāya vibandhāpanayanato. **Mūlakhaṇaṇaṃ viya sattannaṃ anupassanānaṃ bhāvanā** tassā vibandhassa mūlakānaṃ taṇhāmānadiṭṭhīnaṃ palikhaṇaṇato. Ettha ca yasmā suparisuddhasīlassa kammaṭṭhānaṃ anuyuñjantassa sappāyadhammassavanaṃ icchitabbaṃ, tato yathāsute atthe sākacchāsamāpajjanaṃ, tato kammaṭṭhānavisodhanena samathanipphatti, tato samāhitassa āraddhavi-passakassa vipassanāpāripūri, paripuṇṇavipassano maggasammādiṭṭhiṃ paribrūhetīti evametesaṃ aṅgānaṃ paramparāya sammukhā ca anuggaṇhanato ayamānupubbī kathitāti veditabbaṃ.

453. **Idhakiṃ pucchati**ti idha evaṃ arahattaphalaṃ pāpitāya desanāya “kati paṇāvuso bhavā”ti bhavaṃ pucchanto kīdisaṃ anusandhiṃ upādāya pucchatiati attho. Teneva hi “**mūlameva gato anusandhi**”ti vatvā

1. Jalāvātaṃ (Am-Ṭī 3. 9 piṭṭhe.)

2. Tambakipillikapuṭo (Am-Ṭī 3. 10 piṭṭhe.)

adhippāyaṃ pakāseṃto “**duppañño**”ti-ādimāha. **Duppañño**ti hi idha appaṭividdhasacco adhippeto, na jaḷo eva. **Kāmabhavoti**-ādīsu kammopapattibhedato duvidhopi bhavo adhippetoti dassento “**kāmabhavūpagaṃ kamman**”ti-ādimāha. Tattha yaṃ vattabbaṃ, taṃ **Visuddhimagge**¹ **taṃsaṃvaṇṇanāyaṃ**² vuttanayena veditabbaṃ. **Punabbhavassāti** punappunaṃ aparāparaṃ bhavanato jāyanato punabbhavoti laddhanāmassa vaṭṭapabandhassa. Tenāha “**idha vaṭṭaṃ pucchissāmi**”ti. **Abhinibbattīti** bhavayonigati-ādivasena nibbatti. **Tahim̐ tahim̐** tasmim̐ tasmim̐ bhavādike. **Abhinandanāti** taṇhā-abhinandanahetu. **Gamanāgamanam̐ hotīti**-ādinā bhavādīsu sattānaṃ aparāparaṃ cutipaṭisandhiyo dasseti. **Khayanirodhenāti** accantakhayasāṅkhātena anuppādanirodhena. **Ubhayametam̐ na vattabbaṃ** pahānābhisamayabhāvanābhisamayānaṃ accāsannakālattā. Vattabbaṃ taṃ hetuphaladhammūpacārasena. Yathā hi padīpujjalanahetuko andhakāravigamo, evaṃ vijjuppādahetuko avijjānirodho, hetuphaladhammā ca samānakālāpi pubbāparakālā viya voharīyanti yathā “cakkhuṅca paṭicca rūpe ca uppajjati cakkhuvīññānaṃ”ti³ paccayapaccayuppannakiriyā. **Gamanam̐ upacchijjati** idha kāmabhavā parinibbānena. **Āgamanam̐ upacchijjati** tattha rūpārūpesu parinibbānena. **Gamanāgamanam̐ upacchijjati** sabbaso aparāparuppattiyā abhāvato.

454. Vivatṭakathāya parato jotitaṃ paṭhamam̐ jhānam̐ vivatṭam̐ patvā ṭhitassa ukkaṭṭhaniddesena ubhatobhāgavimuttassa nirodhasādhakaṃ vibhāvituṃ yuttanti āha “**katamaṃ panāvusoti idha kim̐pucchatī**”ti-ādi. Tathā hi anantaram̐ nirodhasamāpajjanakena bhikkhunā jānitabbāni paṭhamassa jhānassa sampayogapahānaṅgāni pucchitāni. **Āṅgavavatthānanti** jhānaṅgavavatthānam̐. **Koṭṭhāsaparicchedoti** tattha labbhamānaphassapañcamakādidhammakōṭṭhāsaparicchedo jānitabbo. Imasmim̐ jhāne ettakā dhammā saṃvijjanti, ettakā nirodhitāti jānitabbaṃ. **Upakārānupakārāni āṅgānīti** nirodhasamāpattiyā upakārāni ca-anupakārāni ca āṅgāni. Nirodhasamāpattiyā hi soḷasahi nāṇacariyāhi navahi samādhicariyāti ca pattabbattā taṃtaṃñāṇassa samādhicariyāhi samatikkamitabbā dhammā anupakārakaṅgāni,

1. Visuddhi 2. 206 piṭṭhe.

2. Visuddhi-Ṭī 2. 330 piṭṭhe.

3. Ma 1. 158, 326; Ma 3. 328, 332, 333; Saṃ 1. 301, 302; Saṃ 2. 261; Abhi 4. 248, 249 piṭṭhesu.

samatikkamakā upakāraṅgāni. Tesam hi vasena yathānupubbam
 upasantupasanta-olaṅṅikabhāvāya bhavaggasamāpattiyā
 saṅkhārāvesesasukhumatam pattā cittacetāsikā yathāparicchinnam kalam
 nirujjhanti, appavattim gacchanti. **Tassāti** nirodhassa. **Anantarapaccayanti**
 anantarapaccayasadisam. Na hi nirodhassa koci dhammo anantarapaccayo
 nāma atthi. Yam hi tadā cittacetāsikānam tathā nirujjhanam, tam
 yathāvuttapubbābhisaṅkhārahetukāya nevasaññānāsaññāyatanasamāpattiyā
 ahoṣīti sā tassa anantarapaccayo viya hotīti tam vuttam. **Cha samāpattiyoti**
 suttantanayena vuttasuttantapaṭṭakasmvaṇṇanāti katvā. “Satta samāpattiyoti”ti
 pana vattabam, aññathā idam “caturaṅgikan”ti na vattabam siyā. **Nayam**
vā dassetvāti-ādi antadassanavasena nayadassanam katvā.

455. Evam nirodhassa pādakam vibhāvetvā idāni antonirodhe
 anupabandhabhāvato pañcannam pasādānam paccayapucchane paṭhamam
 tāva te sarūpato āveṇikato āveṇikavisayato paṭissaraṇato ca pucchānavasena
 pāli pavattāti dassento “**viññāṇanissaye pañca pasāde pucchanto**”ti āha.
Gocaravisayanti ettha kāmam tabbahulacāritāpekkham gocaraggahaṇam,
 anaññatthabhāvāpekkham visayaggahaṇanti attheva gocaravisayabhāvānam
 viseso, vivariyamānam pana ubhayampi ārammaṇasabhāvamevāti āha
 “**gocarabhūtam visayan**”ti. **Ekekassāti** eko ekassa, añño aññassāti attho.
 Aññattho hi ayam **eka**-saddo “ittheke abhivadanti”ti-ādīsu¹ viya. **Sace hīti**-
 ādi abhūtaparikappanavacanametam. Tattha **samodhānetvāti** ekajjham katvā.
Vināpi mukhenāti-ādinā atthasallāpikanidassanam nāma dasseti. Yathā
 viññāṇādhiṭṭhitameva cakkhu rūpam passati, na kevalam, evam
 cakkhunissayameva viññāṇam tam passati, na itaranti āha “**cakkhupasāde**
upanehi”ti. Tena tesam tattha samhaccakāritam dasseti. **Yadi vā nīlam yadi**
vā pītakanti idam nīlapītādisabhāvajānanamattam sandhāyāha. **Nīlam**
pītakanti pajānamam cakkhuvīññāṇassa nattheva avikappakabhāvato. **Etesam**
 cakkhuvīññāṇādīnam. Nissayasīsenā nissitapucchā hesā, evaṇhi
 visayānubhavanacodanā samatthitā hoti. Tenāha “**cakkhuvīññāṇam hī**”ti-ādi.
 Yathāsakam visayam rajjanādivasena

1. Ma 3. 22 piṭṭhe.

anubhavitum̐ asamatthāni cakkhuviññāṇādīni, tattha samatthatāyeva ca natthi¹, na kiñci atthato paṭisaraṇāni viya hontīti vuttam̐ “**kiṃ etāni paṭisaraṇāni**”ti. **Javanamano paṭisaraṇanti** pañcadvārikam̐ itarañca sādharmaṇato vatvā puna yāya’ssa rajjanādīpavattiyā paṭisaraṇatā, sā savisesā yattha labbhati, tam̐ dassento “**manodvārikajavanamano vā**”ti āha. **Etasmim̐ pana dvāreti** cakkhudvāre javanam̐ rajjati vā dussati vā muyhati vā, yato tattha aññāṇādi-asam̐varo pavattati.

Tatrāti tasmim̐ javanamanasseva paṭisaraṇabhāve. **Dubbalaḥhokāti** hīnasāmatthiyā rājabhoggā. Sevakānam̐ gaṇanāya yojitadvase labbhamānakahāpaṇo² **yuttikahāpaṇo**. Andubandhanena baddhassa³ vissajjanena labbhamānakahāpaṇo **bandhakahāpaṇo**. Kiñci paharante mā paharantūti paṭikkhipato dātabbadaṇḍo **māpahārahāpaṇo**. So sabbopi parittakesu gāmikamanussesu tathā labbhamāno ettako hotīti āha “**aṭṭhakahāpaṇo vā**”ti-ādi. **Satavattukanti** satakarīsavattukam̐. Esa nayo sesapadadvayepi. **Tatthāti**-ādi upamāsamsandanam̐, tam̐ suviññeyyameva.

456. **Antonirodhasmim̐ pañca pasādeti** nirodhasamāpannassa pavattamāne pañca pasāde. **Kiriyaṃapavattasminti** javanādīkiriyaṃnibbattakadhammappavattiyam̐. **Balavapaccayā hontīti** pacchājātavippayutta-atthi-avigatapaccayehi paccayā honti, upatthambhakabhāvena balavapaccayā honti. **Jīvitindriyam̐ paṭiccāti** indriya-atthi-avigatapaccayavasena paccayabhūtam̐ jīvitindriyam̐ paṭicca pañcavidhopi pasādo tiṭṭhati. **Jīvitindriyena vinā na tiṭṭhati** jīvitindriyarahitassa kammasamuṭṭhānarūpakalāpassa abhāvato. **Tasmāti** yasmā anupālanalakkhaṇena jīvitena anupālītā eva usmā pavattati, na tena ananupālītā, tasmā usmā āyūm̐ paṭicca tiṭṭhati. **Jālasikhā paṭicca ābhā paññāyatīti** jālasikhāsāṅkhātabhūtasāṅghātā saheva pavattamānam̐ nissāya “ābhā”ti laddhanāmā vaṇṇadhātu “ujjalati, andhakāram̐ vidhamati, rūpagatāni ca vidamsetī”ti-ādīhi pakārehi nāyati. **Tam̐ ālokaṃ paṭiccāti** tam̐ vuttappakāram̐ ālokaṃ paccayam̐ labhitvā. **Jālasikhā paññāyatīti** “appikā, mahatī, uju, kuṭilā”ti-ādīnā pākāṭā hoti.

1. Tattha asamatthatāyeva (?)

2. Labbhanakahāpaṇo (Ka)

3. Addubandhanena bandhassa (Ka)

Jālasikhā viya kammajatejo nissayabhāvato. **Āloko viya jīvitindriyaṃ** tannissitabhāvato. Idāni upamopamitabbānaṃ sambandhaṃ dassetuṃ “**jālasikhā hī**”ti-ādi vuttaṃ. **Ālokaṃ gahetvāva uppajjati**ti iminā yathā jālasikhāya saheva āloko uppajjati, evaṃ kammajusmaṇā saheva jīvitindriyaṃ uppajjati ti dasseti. Jālasikhāsannissayo tassā satiyeva honto āloko tāya uppādito viya hotīti āha “**attanā janita-ālokenevā**”ti. Usmā nāmettha kammasamuṭṭhānā tejodhātu tannissitañca jīvitindriyaṃ tadanupālakañcāti āha “**kammajamahābhūtasambhavena jīvitindriyena usmāya anupālanaṃ**”ti. Na kevalaṃ khaṇaṭṭhitiyā eva, atha kho pabandhānupacchedassapi jīvitindriyaṃ kāraṇanti āha “**vassasatampi kammajatejapavattaṃ pāletī**”ti. Usmā āyuno paccayo honto sesabhūtasahito eva hotīti āha “**mahābhūtāni**”ti. Tathā āyupi sahajātarūpaṃ pālentameva usmāya paccayo hotīti vuttaṃ “**mahābhūtāni pāletī**”ti.

457. Āyu eva indriyapaccayādivasena sahajātadhammaṇaṃ anupālanavasena saṅkharāṇato **āyusaṅkhāro**. Bahuvacananiddeso pana anekasatasahassabhedesu rūpakalāpesu pavattiyā anekabhedanti katvā. Ārammaṇasamaṃ anubhavantīti **vedaniyā** yathā “niyyānikā”ti. Tenāha “**vedanā dhammāvā**”ti. Sukhādibhedabhinnattā bahuvacananiddeso. Imesaṃ āyusaṅkhāravedanānaṃ ekantanirodhaṃ samāpannassa maraṇena bhavitabbaṃ vedanāya niruddhattā. Āyusaṅkhārānaṃ tathā aniruddhattā nirodhassa samāpajjanaṃ eva na siyā, kuto vuṭṭhānaṃ. Tena vuttaṃ pāḷiyaṃ “te ca hāvuso”ti-ādi. **Vuṭṭhānaṃ paññāyati** saññāvedanādīnaṃ uppattiyā. Idāni tamatthaṃ vitthārato upamāya vibhāvetuṃ “**yo hī**”ti-ādi vuttaṃ. **Ukkaṇṭhitvāti** nānārammaṇāpātato nibbinditvā. **yathāparicchinnaḷavasenāti** yathāparicchinne kāle sampatte. **Rūpajīvitindriya paccayāti** indriyapaccayabhūtā. **Jālāpavattaṃ viya arūpadhammā** tejjasada bhāvato visayabhāsanato ca. Udakappahāro viya nirodhasamāpattiyā pubbābhisaṅkhāro. **Pihita-aṅgārā viya rūpajīvitindriyaṃ**¹ usmā mattatāya

1. Pihitaṅgārāni viya rūpārūpajīvitindriyaṃ (Ka)

anobhāsanato. **Yathāparicchinnakālāgamananti** yathāparicchinnakālassa upagamanam. Anurūpapattivaseneva **rūpapavattiggahaṇam**. **Imam rūpakāyam jahantīti** imasmā rūpakāyā kaḷavarā vigacchanti nappavattanti.

Kāyena saṅkharīyantīti **kāyasaṅkhārā** tappaṭibaddhavuttitāya. Vācam saṅkharontīti **vacīsaṅkhārā**. Vitakketvā vicāretvā hi vācam bhindati katheti. Cittena saṅkharīyantīti **cittasaṅkhārā** tappaṭibaddhavuttito.

Cittasaṅkhāranirodhacodanāya rūpanirodho¹ viya cittanirodho acodito tesam tato aññattāti na cittasampayuttanirodho² ekantiko vitakkādinirodhe tadabhāvato. Yam pana vuttam “vācā aniruddhā hotī”ti, tampi na. Vācam saṅkharontīti hi vacīsaṅkhārā, tesu niruddhesu katham vācāya anirodho.

Cittam pana niruddhesupi cittasaṅkhāresu tehi anabhisāṅkhatattā vitakkādinirodho viya pavattatiyevāti ayamettha parassa adhippāyo.

Ānantariyakammaṃ kataṃ bhaveyya, cittassa aniruddhattā taṃ nissāya ca rūpammānam anapagatattā te jīvanti eva nāmāti. **Byañjane abhinivesam akatvāti**

“cittasaṅkhārā niruddhā”ti vacanato teva niruddhā, na cittanti evam neyyattham suttam “nūtatthan”ti abhinivesam akatvā. **Ācariyānam naye thatvāti** paramparāgatānam ācariyānam adhippāye thatvāti attho.

Upaparikkhitabboti suttantarāgamato suttantarapadassa aviparīto attho vīmaṃsitabbo. Yathā hi “asaññabhavo”ti vacanato “saññāva tattha natthi, itare pana cittacetāsikā santī”ti ayamettha attho na gayhati. Yathā ca “nevasaññānāsāññāyatanan”ti vacanato “saññāva tattha tādisī, na phassādayo”ti ayamettha attho nagayhati saññāsīsena desanāti katvā, evamidhāpi “cittasaṅkhārā niruddhā”ti, “saññāvedayitanirodho”ti ca desanāsīsameva, sabbepi pana cittacetāsikā tattha nirujjhantevāti ayamettha aviparīto attho veditabbo, tathāpubbābhisāṅkhārena sabbesaṃmyeva cittacetāsikānam tattha nirujjhanato. Etena yam pubbe “aññattā, tadabhāvato”ti ca yuttivacanam, tadayuttam adhippāyānavabodhatoti dassitam hoti. Tenāha **“attho hi paṭisaraṇam, na byañjanan”**ti.

1. Saṅkhāranirodho (?)

2. Cittanirodho (?)

Upahatānīti bādhitāni. **Makkhitānī**ti dhamṣitāni. Ārammaṇaghaṭṭanāya indriyānaṃ kilamatho cakkhunā bhāsurarūpasukhumarajadassanena vibhāvetabbo. Tathā hi uṇhakāle purato aggimhi jalante kharassare ca paṇave ākoṭite akkhīni bhedāni viya na saḥanti¹ sotāni “sikharena viya abhihaññanti”ti vattāro honti.

458. Rūpāvacaracattujjhānameva rūpavirāgabhāvanāvasena pavattaṃ arūpajjhānanti nevasaññānāsaññāyatanam viṣajjento dhammasenāpati “sukhassa ca pahānā”ti-ādīnā viṣajjesi. Apagamanena vigamena paccayā **apagamanapaccayā** sukhādippahānāni. **Adhigamapaccayā** pana kaṣiṇesu rūpāvacaracattujjhānam heṭṭhimā tayo ca āruppā. Na hi sakkā tāni anadhigantvā nevasaññānāsaññāyatanamadhigantuṃ. **Nirodhato vuṭṭhānakaphalasaṃpattinti** nirodhato vuṭṭhānabhūtaṃ aniccānupassanāsamudāgataphalasaṃpattim. Sāhi “animittā cetovimuttī”ti vuccati. Yathā samathanissando abhiññā, mettākaraṇamuditābrahmavihāranissando upekkhābrahmavihāro, kaṣiṇanissando āruppā, samathavipassanānissando nirodhasamāpatti, evaṃ vipassanāya nissandaphalabhūtaṃ sāmāññaphalanti āha “**vipassanānissandāya phalasaṃpattiyā**”ti. Ārammaṇā nāma sārammaṇadhammānaṃ viṣesato uppattinimittanti āha “**sabbanimittānanti rūpādīnaṃ sabbārammaṇānaṃ**”ti. Natthi ettha kiñci saṅkhāranimittanti **animittā**, asaṅkhatā dhātūti āha “**sabbanimittāpagatāya nibbānadhātuyā**”ti. **Phalasaṃpattisahajātaṃ manasikāraṃ sandhāyāha**, na āvajjanamanasikāraṃ. Na hettha tassa sambhavo anulomānantaraṃ uppajjanato.

Imasmim ṭhāneti idha vuttanirodhassa ādimajjhapariyosānānaṃ gahitānaṃ imasmim pariyosānassa gahitaṭṭhāne. **Dvīhi balehīti** samathavipassanābalehi. **Tayo ca saṅkhārānanti** kāyasaṅkhārādīnaṃ tiṇṇaṃ saṅkhārānaṃ. **Soḷasahi nāṇacariyāhīti** aniccānupassanā, dukkhā, anattā, nibbidā, virāgā, nirodhā, paṭinissaggā, vivaṭṭānupassanā, sotāpattimaggo -pa- arahattaphalasaṃpattīti imāhi soḷasahi nāṇacariyāhi. **Navahi samādhicariyāhīti** paṭhamajjhānasamādhī-ādīhi navahi samādhicariyāhi.

1. Bhedo saḥanti (Ka)

Yo yathāvuttāsu cariyāsu puggalassa vasībhāvo, sā **vasībhāvatāpaññā**. Assā sā kathitāti yojanā. **Vinicchayakathā**ti vinicchayavasena pavattā aṭṭhakathā kathitā. Tasmā **Visuddhimagge**¹ **taṃsaṃvaṇṇanāyañca**² **vuttanayena veditabbā**.

Velañjanasamāpatti ariyavihāravasena viharāṇasamāpatti. **Ṭhitiyāti** ettha pabandhaṭṭhiti adhippetā, na khaṇaṭṭhiti. Kasmā? Samāpajanattā. Tenāha “**ṭhitiyāti ciratṭhitatthan**”ti. **Addhānaparicchedoti** ettakaṃ kālāṃ samāpattiyā vītināmessāmīti pageva kālaparicchedo. **Rūpādinimittavasenāti** kammakammanimittagatinimittesu yathārahaṃ labbhamānarūpādinimittavasena. Tattha yasmā kammanimitte chabbidhampi ārammaṇaṃ labbhati, tasmā “**sabbanimittāna**”ti vuttaṃ, na sabbesaṃ ārammaṇānaṃ ekajjhaṃ, ekantato vā manasikātabbato. Lakkhaṇavacanāṃ hetāṃ yathā “**dātabbametaṃ bhesajjāṃ, yadi me byādhitā siyun**”ti.

459. **Nīlampi sañjānāti**ti-ādinā nīlādiggahaṇamukhena taṃvaṇṇānaṃ sattānaṃ sañjānanaṃ averādibhāvamanasikaraṇaṃ jotitanti āha “**etasmim hi ṭhāne appamāṇā cetovimutti kathitā**”ti. Ettha ākiñcaññaṃ kathitanti sambandho. “**Ettha suññatā**”ti, “**ettha animittā**”ti etthāpi eseva nayo. **Tanti** “**idha aññaṃ abhinavaṃ nāma natthi**”ti-ādinā vuttaṃ atthavacanāṃ. **Etāti** appamāṇacetovimutti-ādayo. **Ekanāmakāti** ekekanāmakā, ye nānābyañjanāti adhippetā. **Eko dhammoti** arahattaphalasaṃpatti. **Catunāmakoti** appamāṇacetovimutti-ādināmako. **Etanti** etamatthaṃ. **Appamāṇāti** anodhiso, odhisopi vā “**ettakā**”ti aparimitā. **Asesetvāti** asubhasamāpatti viya ekasseva aggahaṇato.

Kiñcāpi asubhanimittārammaṇampi kiñcanaṃ hoti, ārammaṇasaṅghaṭṭanassa kiñcanassa asubhasamāpattīnampi paṭibhāganimittasaṅkhātāṃ ārammaṇaṃ sabimbaṃ viya viggahaṃ kiñcanaṃ hutvā upaṭṭhāti, na tathā imassāti. Nanu brahmavihārapaṭhamārūppānampi paṭibhāganimittabhūtaṃ kiñci ārammaṇaṃ natthīti? Saccāṃ natthi, ayaṃ pana paṭhamārūppaviññānaṃ viya na paṭibhāganimittabhūta-ārammaṇatāya evaṃ vuttā.

1. Visuddhi 2. 344 piṭṭhe.

2. Visuddhi-Ṭī 2. 521 piṭṭhe.

Attenāti attanā. Bhavati etena attāti abhidhānaṃ buddhi cāti **bhāvo**, attā. **Bhāva**-saddopi attapariyāyoti āha “**bhāvaposapuggalādisaṅkhātenā**”¹. **Nesaṃ** appamāṇasamādhi-ādīnaṃ catunnaṃ. “**Nānatā pākaṭāvā**”²ti vuttaṃ nānattaṃ bhūmito ārammaṇato ca dassetuṃ “**attho panā**”²ti-ādi vuttaṃ. Parittādibhāvena atītādibhāvena ajjhattādibhāvena ca na vattabbaṃ ārammaṇaṃ etissāti **navattabbārammaṇā** nibbānārammaṇaphalasaṃpattibhāvato.

Ettakoti rāgādīhi saṅkiliṭṭhatāya ettakappamāṇo, uttāno parittacetasoti attho. Nibbānampi appamāṇameva pamāṇakaraṇānaṃ abhāvenāti ānetvā sambandho. **Akuppāti arahattaphalacetovimutti** paṭipakkhehi akopaniyatāya. **Kiñcatī**ti kattari paṭhito dhātu maddanatthoti āha “**kiñcati maddatī**”²ti. Tassa payogaṃ dassetuṃ “**manussā kirā**”²ti-ādi vuttaṃ.

Samūhādighanavasena sakiccaparicchadatāya ca saviggahā viya upaṭṭhitā saṅkhārā niccādiggāhassa vatthutāya “**niccanimittaṃ sukhādinimittan**”²ti ca vuccati, vipassanā pana tattha ghanavinibbhogaṃ karontī niccādiggāhaṃ vidhamentī “**nimittaṃ samugghātetī**”²ti vuttā ghananimittassa² ārammaṇabhūtassa abhāvā. **Na gahitā**ti ekatthapadaniddese pāliyaṃ kasmā na gahitā. **Sāti** suññatā cetovimutti. **Sabbatthāti** appamāṇācetovimutti-ādiniddesesu. **Ārammaṇavasena**ti ārammaṇavasenaṃ ekatthā, na kevalaṃ sabhāvasarasatova. **Iminā pariyāyenā**ti appamāṇatoti-ādīnā ārammaṇato laddhapariyāyena. **Aññasmim** pana **ṭhāneti** ākiñcaññādisaddapavattihetuto aññena hetunā appamāṇātisaddappavattiyā etassa cotovimuttiyā hontī. Esa nayo sesesupi. **Iminā pariyāyenā**ti iminā tāya tāya samaññāya voharitabbatāpariyāyena. Saccānaṃ dassanamukhena vaṭṭavasena uṭṭhitadesanaṃ arahattena kūṭaṃ gaṇhanto **yathānusandhināva desanaṃ niṭṭhapesi**. Yaṃ panettha atthato avibhattaṃ, taṃ suviññeyyameva.

Mahāvedallasuttavaṇṇanāya līnatthappakāsanā samattā.

1. Bhāvadehaposapuggalādisaṅkhātenāti (Ka)

2. Rūpanimittassa (Ka)

4. Cūḷavedallasuttavaṇṇanā

460. Ayaṃ desanā yasmā pucchāvissajjanavasena pavattā, tasmā pucchakavissajjake pucchānimittañca samudāyato vibhāvetuṃ “**ko panāyan**”ti-ādi vuttaṃ. **Upāsakattanti** amaggāgataṃ upāsakattaṃ. **Tesanti** ekādasanahutānaṃ. Maggāgatena upasamena **santindriyo santamānaso**.

“Kim nu kho ajja bhavissati ayyaputto”ti **vīthim olokayamānā**. **Olambanattanti** tassa hatthāvalambanattamaṃ pubbāciñṇavasena attano hattham pasāresi. **Bahiddhā** attanā aññaṃ visabhāgavatthuṃ sandhāya vadati. **Paribhedakenā**ti pesuññavādinā.

Adhigamappicchatāya “na pakāsetabbo”ti **cintesi**. Puna taṃ anukampanto “**sace kho panāhan**”ti-ādim cintesi. **Eso dhammoti** eso lokuttaradhammo. Vivaṭṭam uddissa upacitaṃ nibbedhabhāgiyaṃ kusalaṃ **upanissayo**. “Yadi me upanissayo atthi, sakkā etaṃ paṭiladdhuṃ. Sacepi natthi, āyatiṃ upanissayo bhavissati”ti cirakālaparibhāvitāya ghaṭe paḍipajālā viya abbhantare dippamānāya hetusampattiyā codiyamanā āha “**evaṃ sante mayham pabbajjam anujānāthā**”ti.

Lābhasakkāro uppajji sucirakālaṃ katūpacitapuññatāya. **Abhinīhārasampannattā**ti sujātattherassa padumuttarassa bagavato aggasāvakassa nipaccakāraṃ katvā “tumhehi diṭṭhadhammassa bhāgī assan”ti nibbedhabhāgiyaṃ dānaṃ datvā katapatthanāsañkhātasampannābhinīhārattā. **Nāticiraṃ kilamittā**ti kammaṭṭhānaṃ bhāventī vipassanāya paripākavasena ciraṃ na kilamittā. Uttamevattham vivarituṃ “**ito paṭṭhāyā**”ti-ādi vuttaṃ. **Dutiyaagamanenā**ti pabbājanattam gamanato dutiyagamanena.

Upanetvāti pañhassa atthabhāvena upanetvā. **Sakkāyanti** sakāyaṃ. **Upanikkhittam** kiñci vatthuṃ **sampaṭicchamānā**¹ **viya** sampaṭicchantī viya. Eko eva pāso etissati **ekapāsakā**, gaṇṭhi. Sā hi sumociyā, anekapāsā pana dummociyā, ekapāsaggahaṇaṃ vissajjanassa sukarabhāvadassanattam. **Paṭisambhidāvisaye** **ṭhatvā**ti etena theriyā pabhinnapaṭisambhidataṃ dasseti. **Paccayabhūtā**ti ārammaṇādivasena paccayabhūtā.

1. Upagacchamānā (Ka)

Theriyā visesādhigamassa attano avisayatāya visākho “**na sakkā**”ti-
ādinā cintesīti daṭṭhabbam. **Saccavinibbhogapañhabyākaraṇenā**
saccapariyāpannassa dhammassa dassanato
aññānaññatthaniddhāraṇabhedanāsankhātassa vinibbhogapañhassa
vissajjanena. **Dve saccānī**ti dukkhasamudayasaccāni. **Paṭinivattetvā**
parivattetvā. **Gaṇṭhipañhanti** dubbinibbedhatāya gaṇṭhibhūtaṃ pañham.

Na tamyeva upādānaṃ pe pañcupādānakkhandhā ekadesassa samudāya
tābhāvato, samudāyassa ca ekadesatābhāvato. **Nāpi aññatra pañcahi**
upādānakkhandhehi upādānaṃ tassa tadekadesabhāvato. Na hi ekadeso
samudāyavinimutto hoti. **Yadi hi taññevā**ti-ādinā ubhayapakkhepi dosaṃ
dasseti. **Rūpādisabhāvampī**ti rūpavedanāsaññāvīññānasabhāvampi,
phassacetanādisabhāvampi **upādānaṃ siyā**. **Aññatra siyā**ti pañcahi
upādānakkhandhehi visumyeva upādānaṃ yadi siyā. **Parasamayeti**
nikāyavāde. **Cittavippayutto anusayoti** nidassanamattametaṃ nikāyavāde
cittasabhāvābhāvaviññānādīnampi cittavippayuttabhāvapaṭijānanato. **Evam**
byākāsīti “na kho āvuso”ti-ādinā khandhagatachandarāgabhāvena byākāsī.
Atthadhammanicchayasambhavato **asambaddhena**. Tesu katthacipi
asammuyhanato **avitthāyantena**. Pucchāvisaye mohandhakāravigamanena
padīpasahassaṃ jālentena viya. Sa-upādānupādānaṭṭhānaṃ anuttānatāya
pacurajanassa **gūḷho**. Aggahitasāṅketānaṃ kesañci paṭicchāditasadisattā
paṭicchanno. Tilakkhaṇabbhāhatadhammavisayatāya **tilakkhaṇāhato**.
Gambhīraññāgocaratāya **gambhīro**. **laddhapatiṭṭhā**
ariyasaccasampanṇāvedhanato. Evam diṭṭhadhammādibhāvato **vesārajappattā**.
Sabbaso nivutthabrahmacariyatāya tiṇṇaṃ bhavānampi aparabhāge nibbāne
nivutthavatīti **bhavamatthake ṭhitā**.

461. “**Rūpaṃ attato samanupassatī**”ti paduddhāraṃ katvā
“**idhekacco**”ti-ādinā¹ paṭisambhidāpāṭhena tadatthaṃ vivarati. Tattha **attato**
samanupassatīti attatī samanupassati, attabhāvena samanupassati. **Ahanti**
attānaṃ niddisati. Ahambuddhinibandhanaṃ hi attānaṃ attavādī paññapeti,
tasmā **yaṃ rūpaṃ so ahanti** yadetaṃ mama rūpaṃ nāma, so ahanti
vuccamāno mama

1. Khu 9. 137 piṭṭhe.

attā taṃ mama rūpanti **rūpañca attañca advayaṃ** anaññaṃ **samanupassati**. Tathā passato ca attā viya rūpaṃ, rūpaṃ viya vā attā aniccoti āpannameva. **Accīti jālasikhā**. Sā ce vaṇṇo, cakkhuviññeyyāva siyā, na kāyaviññeyyā, vaṇṇopi vā kāyādiviññeyyo acciyā anaññattāti upameyyaṃ viya upamāpi diṭṭhigatikassa ayuttāva. **Diṭṭhipassanāyāti** micchādiṭṭhisāṅkhātāya passanāya passati, na taṇhāmānapaññānupassanāya. Arūpaṃ vedanādiṃ attāti gahetvā chāyāya rukkhādhīnatāya **chāyāvantaṃ rukkhaṃ viya** rūpassa santakabhāvena attādhīnatāya **rūpavantaṃ attānaṃ samanupassati**. Pupphādhīnatāya **pupphasmiraṃ gandhaṃ viya** ādheyyabhāvena attādhīnatāya rūpassa **attāni rūpaṃ samanupassati**. Yathā karaṇḍo maṇino ādhāro, evaṃ rūpampi attāno ādhāroti katvā **attānaṃ rūpasmiraṃ samanupassati**. **Eseva nayoti** iminā attāno vedanādihi anaññattaṃ tesañcādhāraṇataṃ nissitatañca yathāvuttaṃ atidisati.

Arūpaṃ attāti kathitaṃ “vedanāvantaṃ”ti-ādīsu viya rūpena vomissakatāya abhāvato. **Rūpārūpamissako attā kathito** rūpena saddhim sesārūpadhammānaṃ attāti gahitattā. **Ucchedadiṭṭhi kathitā** rūpādīnaṃ vināsadassanato. Tenevāha “rūpaṃ attāti yo vadeyya, taṃ na upapajjati, attā me upapajjati ca veti cāti iccassa evamāgataṃ hoti”ti-ādi. **Avasesesūti** pannarasasu ṭhānesu. **Sassatadiṭṭhi kathitā** rūpavantādibhāvena gahitassa aniddhāritarūpattā.

Diṭṭhigatiko yaṃ vatthum attāti samanupassati, yebhuyyena taṃ niccaṃ sukhanti ca samanupassateva. Sāvako pana tappaṭikkhepena sabbe dhammā anattāti sudiṭṭhattā rūpaṃ attāti na samanupassati, tathābhūto ca aniccaṃ dukkhaṃ anattāti samanupassati, tathā vedanādayoti dassento “**na rūpaṃ attato**”ti-ādīmāha. Evaṃ bhavadiṭṭhipi avijjābhavataṇhā viya vaṭṭassa samudayoyevāti diṭṭhikathāyaṃ “**ettakena gamaṇaṃ hoti**”ti-ādi, diṭṭhippahānakathāyañca “**ettakena gamaṇaṃ na hoti**”ti-ādi vuttaṃ.

462. Heṭṭhā vuttamatthameva pucchitattā “**theriyā paṭipucchivā vissajjetabbo**”ti vatvā paṭipucchanavidhim dassetuṃ “**upāsakā**”ti-ādi vuttaṃ.

Paṭipattivasenāti sakkāyanirodhagāminipaṭipadābhāvena.

Saṅkhatāsaṅkhatavasena lokiyalokuttaravasena saṅgahitāsaṅgahitavasenāti “vasenā”ti padaṃ paccekāṃ yojetabbaṃ. Tattha kāmaṃ asaṅkhatō nāma maggo natthi, kiṃ saṅkhatō, udāhu asaṅkhatoti pana pucchāvasena tathā vuttaṃ. “Ariyo”ti vacaneneva maggassa lokuttaratā siddhā,

saṅgāhakakhandhapariyāpannānaṃ pana maggadhammānampi siyā lokiyatāti idha lokiyaggahaṇaṃ. Kiñcāpi saṅgahitapadameva pāḷiyam āgataṃ, na asaṅgahitapadaṃ, ye pana saṅgāhakabhāvena vuttā, te saṅgahitā na hontīti aṭṭhakathāyaṃ asaṅgahitaggahaṇaṃ katanti daṭṭhabbaṃ.

Saṅkhatoti-ādīsu samecca sambhuyya paccayehi katoti **saṅkhatō**. Tathābhūto ca taṃsamaṅgino puggalassa pubbhāgacetanāti mayhaṃ maggo aṭṭhaṅgiko hotu sattaṅgiko vāti cetitabhāvena **cetito**. Sahajātacetanāyapi cetitova tassā sahakārikāraṇabhāvato, tato eva **pakappito āyūhito**. Paccayehi nipphāditattā **kato nibbattito** ca. **Samāpajjantena** attano santāne sammadeva āpajjantena uppādentena. Iti sattahipi padehi paccayanibbattitaṃyeva ariyamaggassa dasseti.

Asaṅgahito khandhānaṃ padeso etassa atthīti **maggo sappadeso**. Natthi etesaṃ padesāti **khandhā nippadesā**. Padissati etena samudāyoti hi **padeso**, avayavo. **Ayanti** maggo. **Sappadesattā** ekadesattā. **Nippadesehi** samudāyabhāvato niravasesapadesehi. Yathā nagaraṃ rajjekadesabhūtaṃ tadantogadhattā rajjena saṅgahitaṃ, evaṃ ariyamaggo khandhattayekadesabhūto tadantogadhattā tīhi khandhehi saṅgahitoti dasseti “**nagaraṃ viya rajjena**”ti iminā. **Sajātitoti** samānajātīya, samānasabhāvattā evāti attho. Ettha ca sīlakkhandho “nava koṭisahasānī”ti-ādinā¹ vuttapabhedavasena ceva sampattasamādānavirati-ādivasena ca gayhamāno nippadeso, maggasilāṃ pana ājīvaṭṭhamakameva samucchedaviratimattamevāti sappadesaṃ. Samādhikkhandho parittamahaggatādivasena ceva upacārappanāsamādhivasena ca anekabhedatāya nippadeso, maggasamādhi pana

1. Visuddhi 1. 44; Apadāna-Ṭṭha 2. 253; Paṭisaṃ-Ṭṭha 1. 188 piṭṭhesu.

lokuttarova, appanāsamādhi evāti sappadeso. Tathā paññākkhandho parittamahaggaṭṭādivasena ceva sutamayaññādivasena ca anekabhedatāya nippadeso, maggapaññā pana lokuttarāva, bhāvanāmayā evāti sappadesā. **Attano dhammatāyāti** sahakārīkaraṇaṃ anapekkhitvā attano sabhāvena attano balena **appeturū na sakkāti** vīriyena anupatthambhitaṃ, satiyā ca anupaṭṭhitaṃ. **Paggahakiccanti** yathā kosajjapakkhe na patitā cittaṭṭhiti, tathā paggaṇhanakiccaṃ. **Apilāpanakiccanti** yathā ārammaṇe na pilavati, evaṃ apilāpanakiccaṃ.

Ekato jātāti sahajātā. **Piṭṭhim datvā onatasahāyo viya vāyāmo** samādhissa ārammaṇe appanāyavisesapaccayabhāvato. **Aṃsakūṭaṃ datvā ṭhitasahāyo viya sati** samādhissa ārammaṇe daḥhapavattiyā paccayabhāvato. **Kiriyatoti** upakārakiriyato.

Ākoṭetvāti ārammaṇaṃ āhanitvā. Tathā hi vitakko “āhananaraso”ti, yogāvacarō ca “kammaṭṭhānaṃ takkāhataṃ vitakkapariyāhataṃ karotī”ti vuccati. **Idhāpīti** sammādiṭṭhisāṅkappesu. **Kiriyatoti** vuttappakāra-upakārakiriyato.

Subhasukhādinimittaggāhavidhamaṇaṃ **catukiccasādhanam**. **Paccayattenāti** sahajātādipaccayabhāvena. **Catukiccasādhanavasenevāti** idaṃ maggavīriyasappa gahitabhāvadassanaṃ. Tam hi ekaṃyeva hutvā catukiccaṃ yathāvutta-upakāraṇasabhāvena ca parivāraṭṭhena parikkhāro hoti. **Maggasampayuttadhammānanti** iminā maggadhammānampi gahaṇaṃ, na taṃsampayuttaphassādīnaṃyeva. **Ekacittakkhaṇikāti** maggacittuppādasena ekacittakkhaṇikā.

Sattahi nāṇehīti paramukkaṃsagatehi sattahi javanehi sampayuttañāṇehi, sattahi vā anupassanāñāṇehi. Ādito sevanā **āsevanā**, tato paraṃ vaḍḍhanā **bhāvanā**, punappunaṃ karaṇaṃ **bahulīkammanti** adhippāyenaṃ “**aññena cittenā**”ti-ādi. Adhippāyavasena niddhāretvā gahetabbatthaṃ **suttaṃ neyyatthaṃ**. Yathārutavasena gahetabbatthaṃ **nītatthaṃ**. **Evaṃ santeti** yadi idaṃ suttaṃ nītatthaṃ, āsevanādi ca visum visum cittehi hoti, evaṃ sante. Āsevanādi nāma cittassa anekavāraṃ uppattiyā

hoti, na ekavāramevāti āha “**ekam cittaṃ**”ti-ādi. Tatrāyaṃ saṅkhepattho—
 āsevanāvasena pavattamānaṃ cittaṃ sucirampi kālaṃ āsevanāvaseneva
 pavatteyya, tathā bhāvanābahulīkammavasena pavattamānānīpi, na cettha
 ettakāneva cittaṃ āsevanāvasena pavattanti, ettakāni bhāvanāvasena,
 bahulīkammavasenāti niyamo labbhati. Iti anekacittakkhaṇika-ariyamaggaṃ
 vadantassa dunnivāriyovāyaṃ doso. Yathā pana pubbabhāgepi nānācittesu
 pavattapariññādikiccānaṃ sammādiṭṭhi-ādīnaṃ paṭivedhakāle yathārahaṃ
 catukiccasādhanaṃ, ekacittakkhaṇikā ca pavatti, evaṃ vipassanāya
 pavattābhisaṅkhāravasena āsevanābhāvanābahulīkammāni paṭivedhakāle
 ekacittakkhaṇikāneva hontīti vadantānaṃ ācariyānaṃ na koci doso
 āsevanādīhi kātabbakiccessa tadā ekacittakkhaṇeyeva sijjhanato. Tenāha
 “**ekacittakkhaṇikāvā**”ti-ādi. **Sace sañjānātīti** sace saññattim gacchati. **Yāguṃ**
pivāhīti uyyojetabbo dhammasākacchāya abhabbhāvatoti adhippāyo.

463. **Puññābhisaṅkhārādīsūti ādi**-saddena kāyasañcetanādilakkhaṇe
 kāyasaṅkhārādikepi saṅgaṇhāti, na apuññāneñjābhisaṅkhāre eva.
Kāyapaṭibaddhattā kāyena saṅkharīyati, nakāyasamuṭṭhānattā.
 Cittasamuṭṭhānā hi te dhammāti. **Nibbattīyatīti** ca idaṃ kāye sati
 sabbhāvaṃ, asati ca abhāvaṃ sandhāya vuttam. **Vācanti** vacīghosaṃ.
Saṅkharotīti janeti. Tenāha “**nibbattetī**”ti. Na hi taṃ
 vitakkavicārarahitacittaṃ vacīghosaṃ nibbattetuṃ sakkoti.
Cittapaṭibaddhattāti etena cittassa nissayādipaccayabhāvo
 cittasaṅkhārasaṅkharāṇanti dasseti. **Aññamaññamissāti** atthato bhinnāpi
 kāyasaṅkhārādivacanavacanīyabhāvena aññamaññamissitā abhinnā viya, tato
 eva **ālulitā** saṅkiṇṇā **avibhūtā** apākaṭā **duddīpanā** duviññāpayā.
Ādānaggahaṇamuñcanacopanānīti yassa kassaci kāyena ādātābassa
 ādānasaṅkhātāṃ gahaṇaṃ, vissajjanasaṅkhātāṃ muñcanaṃ,
 yathātathācalanasāṅkhātāṃ copananti imāni **pāpetvā** sādhetvā **uppannā**.
 Kāyato pavattā saṅkhārā, kāyena saṅkharīyantīti ca **kāyasaṅkhārātveva**
vuccanti. **Hanusāncopananti** hanusañcalanaṃ. **Vacībhedanti**
 vacānicchāraṇaṃ. Vācaṃ saṅkharontīti katvā idha **vacīsaṅkhārātveva**
vuccanti.

464. **Samāpajjissanti** padam̐ nirodhassa āsannānāgatabhāvavisayam̐ āsannam̐ vajjetvā dūrassa gahaṇe payojanābhāvato. Nirodhapādakassa nevasaññānāsaññāyatanacittassa ca gahaṇato paṭṭhāya nirodham̐ samāpajjati nāmāti adhippāyena “**padadvayena nevasaññānāsaññāyatanasamāpattikālo kathito**”ti vuttam̐. **Tathā cittaṃ bhāvitaṃ hotīti** ettha addhānaparicchedacittaggahaṇam̐ itaresam̐ nānantariyabhāvato. na hi baladvayañāṇasamādhicariyānam̐ vasībhāvāpādanacittehi vinā addhānaparicchedacittam̐ acittakabhāvāya hoti.

Sesasāṅkhārehīti kāyasāṅkhāracitta saṅkhārehi. **Dutiyaṃjñāneyeva nirujjhati** anuppattinirodhena. Itaresupi eseva nayo. **Vuṭṭhahissanti** padam̐ vuṭṭhanassa āsannānāgatabhāvavisayam̐ āsannam̐ vajjetvā dūrassa gahaṇe payojanābhāvato. Nirodhato vuṭṭhānassa ca cittuppādena paricchinnatā tato oramevāti āha “**padadvayena antonirodhakālo kathito**”ti. **Tathā cittaṃ bhāvitaṃ hotīti** yathā yathā paricchinnakārameva acittakabhāvo, tato param̐ sacittakabhāvo hoti, tathā nirodhassa parikkammacittam̐ uppāditam̐ hoti.

Paṭisaṅkhāti paṭisaṅkhāya idamidha kātabbam̐ jānitvā appavattimattam̐. **Samāpajjantīti** acittakabhāvam̐ sammadeva āpajjanti. Atha kasmā sattāhameva samāpajjantīti? Yathākālaparicchedakaraṇato, tañca yebhuyyena āhārūpajīvīnam̐ sattānam̐ upādinnakapavattassa ekadivasam̐ bhuttāhārassa sattāhameva yāpanato.

Sabbā phalasangāhāpatti assāsapassāse na samuṭṭhāpetīti idam̐ natthīti āha “**samuṭṭhāpetī**”ti. Yā pana na samuṭṭhāpeti, tam̐ dassento “**imassa pana -pana samuṭṭhāpetī**”ti āha. Tattha **imassāti** idha pāḷiyam̐ vuttanirodhasamāpajjanabhikkhuno. Tassa pana phalasangāhāpatti catutthajjhānikāvāti niyamo natthīti āha “**kim̐ vā etenā**”ti-ādi. **Abbohārikāti** sukhumattabhāvappattiyā “atthī”ti voharitam̐ asakkuṇeyyāti keci. Nirodhassa pana pādakabhūtāya catutthajjhānādisamādhicariyāya vasena acatutthajjhānikāpi¹ nirodhānantaraphalasangāhāpatti

1. Acetanā catutthajjhānikāpi (Ka)

assāsapassāse na samuṭṭhāpetīti abhāvato eva te abbohārikā vuttā. Evañca katvā Sañjīvattheravatthumhi ānītasamāpattiphalanidassanampi suṭṭhu upapajjati. Tenāha “**bhavaṅgasamayenevetam kathitan**”ti.

Kiriyaamayapavattavaḷaṅjanakāleti ettha kiriyaamayapavattam kāyavacīviññattivipphāro, tassa vaḷaṅjanakāle pavattanasamaye. **Vācam abhisankhātum nasakkonti** aviññattijanakkattā tesam vitakkavicārānam.

Saguṇenāti sarasena, sabhāvenāti attho. **Suññatā nāma phalasangāhā** rāgādīhi suññatā. Tathā rāganimittādīnam abhāvā **animittā**, rāgapaṇidhī-ādīnam abhāvā **appaṇihitāti** āha “**animitta-appaṇihitesupi eseva nayo**”ti. Animittam appaṇihitañca nibbānam ārammaṇam katvā uppannaphalasangāhāyam phasso animitto phasso appaṇihito phasso nāmāti imamattham “**eseva nayo**”ti iminā atidisati.

Attasuññatādassanato anattānupassanā suññatā, niccanimittugghāṇato aniccānupassanā animittā, sukhappaṇidhipaṭikkhepatto dukkhānupassanā appaṇihitāti āha “**suññatā -pa- vipassanāpi vuccatī**”ti. **Aniccato vuṭṭhātīti** saṅkhārānam aniccākāraggāhīniyā vuṭṭhānagāminiyā parato ekatovuṭṭhāna-ubhatovuṭṭhānehi nimittapavattato vuṭṭhātī. **Aniccato pariggahetvāti** ca idaṃ “na ekantikam evampi hotī”ti katvā vuttam. Esa nayo sesesupi. Appaṇihitavipassanāya maggoti-ādīnā, suññatavipassanāya maggoti-ādīnā ca yojanam sandhāyāha “**eseva nayo**”ti. **Vikappo āpajjeyya** āgamanassa vavattānassa abhāvena avavattānākarattā. **Evaṃ hi tayo phassā phusantīti** evaṃ saguṇato ārammaṇato ca nāmalābhe suññatādīnāmakā tayo phassā phusantīti aniyamavacanam. **Sameti** yujjati ekasseva phassassa nāmattayayogato.

Sabbasaṅkhatavivittatāya **nibbānam viveko nāma** upadhivivekoti katvā. **Ninnatā** tappaṭipakkhavimukhassa tadabhimukhatā, **poṇatā** onamanam, **pabbhāratā** tato vissaṭṭhabhāvo.

465. Cakkhādito rūpādīsu pavattarūpakāyato uppajjanato pañcadvārikam sukham kāyikam nāma, manodvārikam cetophassajātāya

cetasikaṃ nāma. Sabhāvaniddeso sukhayatīti katvā. **Madhurabhāvadīpakanti** iṭṭhabhāvajotanaṃ. **Vedayitabhāvadīpakanti** vedakabhāvavibhāvakaṃ. Vedanā eva hi paramatthato ārammaṇaṃ vedeti, ārammaṇaṃ pana veditabbanti. Dukkanti sabhāvaniddesoti evamādi-atthavacanāṃ sandhāyāha “**eseva nayo**”ti. **Ṭhitisukkhāti** ṭhitiyā dharamānatāya sukhā, na ṭhitikkhaṇamattena. Tenāha “**atthibhāvo sukhan**”ti. **Vipariṇāmadukkhāti** vipariṇāmanena vigāmanena dukkhā, na nirodhakkhaṇena. Tenāha “**natthibhāvo dukkhan**”ti. Apariṇātavatthukānaṃ hi sukhavedanuparamo dukkhato upaṭṭhāti. Svāyamattho piyavippayogena dīpetabbo. **Ṭhitidukkhā vipariṇāmasukkhāti** etthāpi eseva nayo. Tenāha “**atthibhāvo dukkhaṃ, natthi bhāvo sukhan**”ti. Dukkavedanuparamo hi sattānaṃ sukhato upaṭṭhāti. Evaṃ hi vadanti “tassa rogassa vūpasamena aho sukhaṃ jātan”ti. **Jānanabhāvoti** yāthāvasabhāvato avabujjanaṃ. Adukkhamasukhaṃ hi vedanaṃ jānantassa sukhaṃ hoti tassa sukhumbhāvato, yathā tadaññe dhamme salakkhaṇato sāmāññalakkhaṇato ca sammadeva avabodho paramaṃ sukhaṃ. Tenevāha—

“Yato yato sammasati, khandhānaṃ udayabbayaṃ.

Labhatī pītipāmojjaṃ, amataṃ taṃ vijānatan”ti¹.

Ajānanabhāvoti ettha vuttavipariyāyena attho veditabbo. Dukkhaṃ hi sammohavihāroti. Aparo nayo **jānanabhāvoti** jānanassa ñāṇassa sabbhāvo. Ñānasampayuttā hi ñāṇopanissayā ca adukkhamasukhā vedanā sukhā iṭṭhākārā. Yathāha “iṭṭhā ceva iṭṭhaphalā cā”ti. **Ajānanabhāvo dukkhanti** ettha vuttavipariyāyena attho veditabbo.

Katamo anusayo anusetīti kāmarāgānusayādīsu sattasu anusayesu katamo anusayo anusayavasena pavattati. Appahīnabhāvena hi santāne anusayantīti **anusayā**, anurūpaṃ kāraṇaṃ labhitvā uppajantīti attho. Etena kāraṇalābhe sati uppajjanārahataṃ nesam dassitā. Appahīnā hi kilesā kāraṇalābhe sati uppajjanti. Tenāha “**appahīnaṭṭhena sayīto viya hotī**”ti. Te ca

1. Khu 1. 67 piṭṭhe Dhammapade.

nippariyāyato anāgatā kilesā daṭṭhabbā, atītā paccuppannā ca taṃsabhāvattā tathā vuccanti. Na hi dhammānaṃ kālābhedenā sabhāvabhedo atthi. Yadi appahīnaṭṭho anusayaṭṭho, nanu sabbepi kilesā appahīnā anusayā bhaveyyunti? Na mayaṃ appahīnatāmattena anusayaṭṭhaṃ vadāma, atha kho pana appahīnaṭṭhena thāmagatā kilesā anusayā, idaṃ thāmagamaṇāca rāgādīnameva āveṇiko sabhāvo daṭṭhabbo, yato abhidhamme “thāmagataṃ¹ anusayaṃ pajahatī”ti vuttaṃ. **Soti rāgānusayo. Appahīnoti** appahīnabhāvamukhena anusayanaṭṭhamāha. So ca apariññātakkhandhavatthuko, pariññātesu patiṭṭhaṃ na labhati. Tenāha “**na sabbāya sukhāya vedanāya so appahīno**”ti. Ārammaṇavasena cāyaṃ anusayaṭṭho adhippeto. Tenāha “**na sabbam sukham vedanam ārabha uppajjati attho**”ti.

Vatthuvasenapi pana anusayaṭṭho veditabbo, yo “bhūmiladdhan”ti vuccati. Tena hi **aṭṭhakathāyam**² vuttaṃ—

“Bhūmīti vipassanāya ārammaṇabhūtā tebhūmakā pañcakkhandhā. Bhūmiladdhaṃ nāma tesu khandhesu uppattirahaṃ kilesajātāṃ. Tena hi sā bhūmiladdhā nāma hoti, tasmā bhūmiladdhanti vuccati, sā ca kho na ārammaṇavasena. Ārammaṇavasena hi sabbepi atītānāgate pariññātepi ca khīṇāsavānaṃ khandhe ārabha kilesā uppajjanti mahākaccāna-uppalavaṇṇādīnaṃ khandhe ārabha soreyyasetṭhinandamaṇavakādīnaṃ viya. Yadi ca taṃ bhūmiladdhaṃ nāma siyā, tassa appaheyyato na koci bhavamūlaṃ pajaheyya, vatthuvaseṇa pana bhūmiladdhaṃ veditabbaṃ. Yattha yattha hi vipassanāya apariññātā khandhā uppajjanti, tattha tattha uppādato pabhuti tesu vaṭṭamūlaṃ kilesajātāṃ anuseti. Taṃ appahīnaṭṭhena bhūmiladdhanti veditabban”ti-ādi.

Esa nayo sabbatthāti iminā “na sabbāya dukkhāya vedanāya so appahīno, na sabbam dukkham vedanam ārabha uppajjati”ti-ādiṃ atidisati. Tattha yaṃ vattabbaṃ, taṃ vuttanayeneva veditabbaṃ. “Yo anusayo yattha

1. Thāmagato (Ka)

2. Visuddhi 2. 328 piṭṭhe.

anuseti, so pahīyamāno tattha pahīno nāma hotī”ti tattha tattha pahānapucchā, taṃ sandhāyāha “**kiṃ pahātabbanti ayaṃ pahānapucchā nāmā**”ti.

Ekeneva byākaraṇenāti “idhāvuso visākha bhikkhu vivicceva kāmehī”ti-ādinā¹ ekeneva vissajjanaena. **Dve pucchāti** anusayapucchā pahānapucchāti dvepi pucchā vissajjesi. “Rāgaṃ tena pajahatī”ti idamekaṃ vissajjanaṃ, “na tattha rāgānusayo anusetī”ti idamekaṃ vissajjanaṃ, pucchānukkamaṃ cettha anādiyitvā pahānakkamena vissajjanā pavattā. “**Dve pucchā vissajjesī**”ti saṅkhepato vuttamatthaṃ vivarituṃ “**idhā**”ti-ādi vuttaṃ. Tattha **tathāvikkhambhitameva katvāti** iminā yo rāgaṃ vikkhambhetvā puna uppajjitum appadānato tathāvikkhambhitameva katvā maggena samugghātetī, tassa vasena “rāgaṃ tena pajahati, na tattha rāgānusayo anusetī”ti vattabbanti dasseti. Kāmoghādīhi catūhi ogheti saṃsārabhavoḥeneva vā vegasā vuyhamānesu sattesu taṃ uttaritvā pattabbaṃ, tassa pana gādhabhāvato **paṭiṭṭhānabhūtaṃ**. Tenāha bagavā “tiṇṇo pāraṅgato thale tiṭṭhati brāhmaṇo”ti².

Suññatādībhedena anekabhedattā pāḷiyāṃ “anuttaresū”ti bahuvacananiddesoti “**anuttarā vimokkhā**”ti vatvā puna tesāṃ sabbesampi arahattabhāvasāmaññena “**arahatte**”ti vuttaṃ. Visaye cetaṃ bhummaṃ. **Paṭthanāṃ paṭṭhapentassāti** “aho vatāhaṃ arahattaṃ labheyyaṃ”ti paṭthanāṃ upaṭṭhapentassa, paṭthentassāti attho. **Paṭhapentassāti** cettha hetumhi **antasaddo**. Kathaṃ pana arahattavisayā paṭthanā uppajjatīti? Na kāci arahattaṃ ārammaṇaṃ katvā paṭthanā uppajjati anadhigatattā avisayabhāvato. Parikappitarūpaṃ pana taṃ uddissa paṭthanā uppajjati. “**Uppajjati pihāpaccayā**”ti **vuttaṃ** paramparapaccayatāṃ sandhāya, ujukaṃ pana paccayabhāvo natthīti vuttaṃ “**na paṭthanāya paṭṭhapanamūlakaṃ uppajjati**”ti. **Idaṃ pana sevitabbaṃ domanassaṃ** akusala ppahānassa kusalābhivuddhiyā ca nimittabhāvato. Tenāha bagavā “domanassampāhaṃ devānaminda duvidhena vadāmi sevitabbampi asevitabbampi”ti³. Tīhi māsehi sampajjanakā

1. Ma 1. 387 piṭṭhe.

2. Saṃ 2. 383; Khu 1. 235; Abhi 3. 172 piṭṭhesu.

3. Dī 2. 221, 222 piṭṭhesu.

temāsikā. Sesapadadvayepi eseva nayo. **Imasmim vāreti** imasmim pavāraṇavāre. **Visuddhipavāraṇanti** “parisuddho ahan”ti evaṃ pavattam visuddhi pavāraṇam. Arahantānameva hesa pavāraṇā.

Na kadāci pahātabbassa pahāyakatā atthīti dassento “**na domanassena vā**”ti-ādim vatvā pariyāyenetam vuttam, tam vibhāvento “**ayam panā**”ti-ādimāha. Yam panettha vattabam, tam parato vitthārena āgamissati. **Paṭipadam gahetvā** patthanam katvā patthanam ṭhapetvā. **Paṭisañcikkhatīti** ovādasena attānam samuttejento katheti. **Sīlena hīnaṭṭhānanti** aññehi arahattāya paṭipajjantehi sīlena hīnaṭṭhānam kim tuyham atthīti adhippāyo. **Suparisuddhanti** akhaṇḍādibhāvato sudhotajātimaṇi viya suṭṭhu parisuddham. **Supaggahitanti** kadācipi saṅkocābhāvato vīriyam suṭṭhupaggahitam. **paññāti** vipassanāpaññā paṭipakkhehi anadhībhūtāya akuṇṭhā tikkhavisadā saṅkhārānam sammasane **sūrā hutvā vahati** pavattati. **Pariyāyēnāti** tassa domanassassa arahattupanissayatāpariyāyena. Ārammaṇavasena anusayanam idhādhippetanti āha “**na tam ārabha uppajjati**”ti. Anuppajjanamettha pahānam nāmāti vuttam “**pahīnova tattha paṭighānusayoti attho**”ti. Tatiyajjhānena vikkhambhetabbā avijjā, sā eva ariyamaggena samucchindiyatīti “**avijjānusayam vikkhambhetvā**”ti-ādi vuttam, anusayasadisatāya vā. “Rāgānusayam vikkhambhetvā”ti etthāpi eseva nayo. **Catutthajjhāne nānuseti nāma** tattha kātabbakiccākaraṇato.

466. **Tasmāti** paccanīkattā sabhāvato kiccato paccayato cāti adhippāyo. **Visabhāgapaṭibhāgo kathito** “kaṇhasukkasappaṭi bhāgā dhammā”ti-ādīsu viya. **Andhakārāti** andhakārasadisā appakā sabhāvato. **Avibhūtā** apākaṭā anoḷārikabhāvato. Tato eva **duddīpanā** duviññāpanā. **Tādisāvāti** upekkhāsadisāva, yathā upekkhā sukhadukkhāni viya na oḷārikā, evaṃ avijjā rāgadosā viya na oḷārikā, atha kho andhakārā avibhūtā duddīpanā duviññāpanāti attho. **Sabhāgapaṭibhāgo kathito** “paṇidhi paṭighoso”ti-ādīsu viya. **Yattakesu ṭhānesūti** dukkhādīsu yattakesu ṭhānesu, yattha vā ñeyyaṭṭhānesu. **Visabhāgapaṭibhāgoti**

andhakārassa viya āloko vighātakapaṭibhāgo. **Vijjāti** maggañāṇaṃ adhippetam, **vimuttīti** phalanti āha “**ubhopete dhammā anāsavā**”ti. **Anāsavaṭṭhenāti**-ādīsu paṇītaṭṭhenāti pi vattabbaṃ. Sopi hi vimuttinibbānaṃ sādharmaṇo, vimuttiyā asaṅkhataṭṭhena nibbānassa visabhāgatāpi labbhateva. **Pañhaṃ atikkamivā gatosi**, apucchitabbaṃ pucchantoti adhippāyo. **Pañhānaṃ paricchadapamaṇaṃ gahetuṃ** yuttaṭṭhāne aṭṭhatvā tato paraṃ pucchanto **nāsakkhī** pañhānaṃ pariyaṇtaṃ gahetuṃ. **Appaṭibhāgadhammassāti** nippariyāyato sabhāgapaṭibhāgena appaṭibhāgadhammassa. Anāgatādīpariyāyena nibbānassa sabhāgapaṭibhāgo vutto, visabhāge ca attheva saṅkhatadhammā, tasmā nippariyāyato kiñci sabhāgapaṭibhāgaṃ sandhāya pucchati katvā “**accayāsī**”ti-ādi vuttaṃ. Asaṅkhatassa hi appaṭiṭṭhassa ekantaniccassa sato nibbānassa kuto nippariyāyena sabhāgassa sambhavo. Tenāha “**nibbānaṃ nāmetan**”ti-ādi.

Viraddhoti ettha sabhāgapaṭibhāgaṃ pucchissāmīti nicchayābhāvato pucchitamattaṃ virajjhivāva pucchi, na ajānitvāti attho. Etena heṭṭhā sabbapucchādīṭṭhasaṃsandananayena jānitvāva pavattāti dīpitaṃ hoti. Therī pana taṃ taṃ pucchitamattaṃ sabhāvato vibhāventī satthu desanāñāṇaṃ anugantvāva vissajjesi. **Nibbānogadhanti** nibbānaṃ ogāhitvā ṭhitaṃ nibbānantogadham. Tenāha “**nibbānabbhantaraṃ nibbānaṃ anupaviṭṭhan**”ti. **Assāti** brahmacariyassa.

467. **Paṇḍiccenasaṃannāgatāti** etthavuttapaṇḍiccaṃ dassetuṃ “**dhātukusalā**”ti-ādi vuttaṃ. Tenevāha “kittāvatā nu kho bhante paṇḍito hoti? Yato kho ānanda bhikkhu dhātukusalo ca hoti, āyatanakusalo ca paṭiccasamuppādakusalo ca ṭhānāṭṭhānakusalo ca. Ettāvatā nu kho ānanda bhikkhu paṇḍito hoti”ti¹. **Paññāmahattaṃ** nāma theriyā asekkhappaṭisambhidappattāya paṭisambhidāyo pūretvā ṭhitatāti taṃ dassetuṃ “**mahante atthe**”ti-ādi vuttaṃ. **Rājayuttehīti** rañño kamme niyuttapurisehi. **Āhaccavacanenāti** satthārā karaṇādīni āhanivā pavattitavacanena. Yadettha atthato na vibhattaṃ, taṃ heṭṭhā vuttanayattā suviññeyyameva.

Cūḷavedallasuttavaṇṇanāya līnatthappakāsanā samattā.

1. Ma 3. 107 piṭṭhe.

5. Cūḷadhammasamādānasuttavaṇṇanā

468. **Dhammoti gahitagahaṇānī**ti dhammo vā hotu itaro vā, dhammoti paggahitaggāhappavattā cariyāva. **Āyūhanakkhaṇeti** tassa dhammoti gahitassa pavattanakkhaṇe. **Sukhanti** akicchaṃ. Tenāha “**sukaran**”ti. **Dukkhavipākanti** aniṭṭhaphalavipaccanaṃ.

469. Yathā cakkhādīnaṃ pañcannaṃ indriyānaṃ yathāsakaṃ visayaggahaṇaṃ sabhāvasiddhaṃ, evaṃ manasopi, te ca visayā¹ iṭṭhākārato gahaṇe na koci doso, purisattabhāve² na ca te dosaṃ pavattenti ayaṃ tesaṃ samaṇabrāhmaṇānaṃ laddhīti āha “**vatthukāmesupi kilesakāmesupi doso natthī**”ti, assādetvā visayaparibhoge natthi ādīnavo, tappaccayā na koci antarāyoti adhippāyo. **Pātabyataṃ āpajjanti**ti paribhuñjanakataṃ upagacchanti. Paribhogattho hi ayaṃ **pā**-saddo katthusādhano ca **tabya**-saddo, yathārucci paribhuñjanti attho. Kilesakāmesopi assādiyamāno vatthukāmantogadhoyeva, kilesakāmasena pana nesaṃ assādetabbatāti āha “**vatthukāmesu kilesakāmena pātabyatan**”ti. **Kilesakāmenāti** karaṇatthe karaṇavacanaṃ. **Pātabyataṃ paribhuñjitabbatanti** etthāpi kattuvaseva attho veditabbo. **Moḷim katvāti** veṇibandhavasena moḷim katvā. **Tāpasaparibbājikāhīti** tāpasapabbajjūpagatāhi. **Pariññaṃ paññapenti**ti idaṃ “**pahānamāhaṃsū**”ti padasseva vevacanaṃti “**pahānaṃ samatikkamaṃ paññapenti**”ti vuttaṃ. Tena kāmā nāmete aniccā dukkhā vipariṇāmadhammāti yāthāvato pariṇānaṃ idha “**pahāna**”ti adhippetāṃ, na vinābhāvamattanti dasseti. **Māluvāsipāṭikāti** māluvāvidalaṃ³ māluvāphale poṭṭalikā. **Santāsaṃ āpajjeyyāti** sāle adhivatthadevatāya pavattiṃ gahetvā vuttaṃ. Tadā hi tassā evaṃ hoti. **Koviḷārapattasadihehīti** mahākoviḷārapattasaṅghānehi. Saṅghānavasena hetāṃ vuttaṃ, māluvāpattā pana koviḷārapattehi mahantatarāni ceva ghanatarāni ca honti. Vipulabahughanagarupattatāya **mahantaṃ bhāraṃ janetvā**. **Sāti** māluvālatā. **Oghananti** heṭṭhato olambanahetubhūtaṃ ghanabhāvaṃ.

1. Tesaṃca visayānaṃ (?)

2. Na koci doso dhātumattabhāvato (?)

3. Māluvāviraḷaṃ (Ka)

Andhavanasubhagavanaggahaṇaṃ tesam̐ abhilakkhitabhāvato. **Nāḷikerādīsu** tiṇajātīsu. Khādanupalakkhaṇaṃ upacikānaṃ uṭṭhahanaggahaṇanti āha “**uṭṭhaheyyun**”ti. **keḷim̐ karontī viyāti** vilambananadī¹viya keḷim̐ karontī. Idāni ahaṃ taṃ ajjhottharinti pamodamānā viya ito cito ca vipphandamānā **vilambantī. Samphassopi sukho** mudutaluṇakomalabhāvato. **Dassanampi sukhaṃ** ghanabahalapattasamhatatāya. **Somanassajātāti** pubbe anussavavasena bhavanavināsabhayā santāsam̐ āpajji, idāni tassā sampattidassanena palobhitā somanassajātā ahosi.

Viṭabhim̐ kareyyāti ātānavitānavasena jaṭentī jālaṃ kareyya. Tathābhūtā ca ghanapattasañchannatāya chattasadisī hoṭīti āha “**chattākārena tiṭṭheyyā**”ti. **Sakalaṃ rukkhanti** upari sabbasākhāpasākhāṃ sabbarukkhāṃ. **Bhassamānāti** paliveṭhanavaseneva otaramānā. **Yāva mūlā otiṇṇasākhāhīti** māluvā bhārena onamitvā rukkhassa yāva mūlā otiṇṇasākhāhi puna abhiruhamānā. **Sabbasākhāti** heṭṭhā majjhe uparicāti sabbāpi sākhāyo paliveṭhentī. **Saṃsibbitvā** jālasantānaka niyāmena jaṭetvā. Evaṃ aparāparam̐ saṃsibbanena **ajjhottharantī. Sabbasākhā heṭṭhā katvā sayam̐ upari ṭhatvā** mahābhārahāvena **vāte vā vāyante deve vā vassante padāleyya. Sākhāṭṭhakavimānanti** sākhāpaṭibaddhaṃ vimānaṃ. Yasmā idha satthārā “seyyathāpi bhikkhave”ti-ādinā bhūtapubbameva vatthu upamābhāvena āhaṭaṃ, tasmā “**idaṃ pana vimānan**”ti-ādi vuttaṃ.

471. **Bahalarāgasabhāvoti** paccavekkhaṇāhi nīharitum̐ asakkuṇeyyatāya balavā hutvā abhibhavanarāgadhātuko. **Rāgajanti** rāganimittajātāṃ. **Diṭṭhe diṭṭhe ārammaṇeti** diṭṭhe diṭṭhe visabhāgārammaṇe. **Nimittaṃ gaṇhātīti** kilesupattiyā kāraṇabhūtaṃ anubyañjanaso nimittaṃ gaṇhātī, sikkhāgāravana pana kilesehi nissitaṃ maggaṃ na paṭipajjati, tato eva ācariyupajjhāyehi āṇattaṃ daṇḍakammaṃ karoteva. Tenāha “**na tveva vītikkamaṃ karotī**”ti. **Hatthaparāmāsādīnīti** “ehi tāvatayā vuttaṃ mayā vuttañca amutra gantvā vīmaṃsissāmā”ti-ādinā hatthaggaṇāḍīnikaronto, na karuṇāmettānidānavasena. **Mohajātikoti** bahalamohasabhāvo.

1. Vilambananaṭī (?)

472. **Kammaniyāmenā**ti purimajāṭisiddhena lobhussadatādiniyamitena kammaniyāmena. Idāni taṃ lobhussadatādiṃ vibhāgena dassetuṃ “**yassa hī**”ti-ādi āradham. Tattha **kammāyūhanakkhaṇeti** kammakaraṇavelāya. **Lobho balavā**ti tājāya sāmaggīyā sāmattihiyato lobho adhiko hoti. **Alobho mandoti** tappaṭipakkho alobho dubbalo hoti. Kathaṃ panete lobhālobhā aññamaññaṃ ujuvipaccanīkabhūtā ekakkhaṇe pavattanti? Na kho panetaṃ evaṃ daṭṭhabbaṃ “ekakkhaṇe pavattanti”ti, nikantikkhanaṃ pana āyūhanakkhaṇameva katvā evaṃ vuttaṃ. Esa nayo sesesu. **pariyādātunti** abhibhavituṃ na sakkoti. Yo hi “evaṃsundaraṃ evaṃvipulaṃ evaṃmahagghaṇca na sakkā parassa dātun”ti-ādinā amuttacāgatādivasena pavattāya cetanāya sampayutto alobho sammadeva lobhaṃ pariyādātuṃ na sakkoti. Dosamohānaṃ anuppattiyāṃ tādīsapaccayalābheneva **adosāmohā balavanto**. **Tasmā**ti lobhādosāmohānaṃ balavabhāvato alobhadosamohānaṃca dubbalabhāvato vuttameva kāraṇaṃ paccāmasati. **Soti** taṃsamaṅgī. **Tena kammenā**ti tena lobhādi-upanissayavatā kusalakammunā. **Sukhasīloti** sakhilo. Tamevatthaṃ **akkodhanoti** pariyāyena vadati.

Mandā alobhādosā lobhadose pariyādātuṃ na sakkonti, **amoho** pana **balavā** mohāṃ pariyādātuṃ sakkotiṭi evaṃ yathārahaṃ paṭhamavāre vuttanayeneva atidesattho veditabbo. **Purimanayenevā**ti pubbe vuttanayānusārena. **Duṭṭhoti** kodhano. **Dandhoti** mandamañño. **Sukhasīlakoti** sukhasīlo.

Ettha ca lobhavasena, dosamoha, lobhadosa, lobhamoha, dosamoha, lobhadosamohavasenāti tayo ekakā, tayo dukā, eko tikoti lobhādi-ussadavasena akusalapakkhe eva satta vārā, tathā kusalapakkhe alobhādi-ussadavasenāti cuddasa vārā labbhanti. Tattha alobhadosamohā, alobhādosamohā, alobhadosāmohā balavantoti āgatehi kusalapakkhe tatiyadutiyaṭṭhamavārehi dosussadamohussadadosamohussadavārā gahitā eva honti.

Tathā akusalapakkhe lobhādosāmohā, lobhadosāmohā, lobhādosamohā balavantoti āgatehi tatiyadutiyaapaṭhamavārehi adosussada-amohussada-adosāmohussadavārā gahitā evāti akusalakusalapakkhesu tayo tayo vāre antogadhe katvā aṭṭheva vārā dassitā. Ye pana ubhayasammissatāvasena lobhālobhussadavārādayo apare ekūnapaññāsa vārā kāmāṃ dassetabbā, tesāṃ asambhavato eva na dassitā. Na hi “ekasmim̄ santāne antarena avatthantaram̄ lobho ca balavā alobho cā”ti-ādi yujjati. Paṭipakkhavasena vāpi etesaṃ balavadubbalabhāvo sahaṃjātadhammasena vā. Tattha lobhassa tāva paṭipakkhavasena anabhibhūtātāya balavabhāvo, tathā dosamohānam̄ adosāmohēhi. Alobhādīnam̄ pana lobhādi-anabhibhavanato. Sabbesañca samānāṃjātiyasamadhibhuyya pavattivasena sahaṃjātadhammato balavabhāvo. Tena vuttam̄ **aṭṭhakathāyam̄**¹ “lobho balavā, alobho mando. Adosāmohā balavanto, dosamohā mandā”ti-ādi, so ca nesaṃ mandabalavabhāvo purimūpanissayato tathā āsayassa paribhāvitātāya veditabbo. Tenevāha “**kammaniyāmenā**”ti. Sesāṃ vuttanayattā suviññeyyamevāti.

Cūḷadhammasamādānasuttavaṇṇanāya līnatthappakāsanā samattā.

6. Mahādhammasamādānasuttavaṇṇanā

473. Evaṃ idāni vuccamānākāro kāmo kāmānam̄ icchā etesanti **evam̄kāmā**. Evaṃ chando chandanam̄ rocanam̄ ajjhāsayo etesanti **evam̄chandā**. Abhimukham̄, abhinivissa vā pakārehi eti upagacchatīti adhippāyo, laddhi. Sā hi laddhabbavatthum̄ abhimukham̄ “evametan”ti abhinivisantī tena tena pakārena upagacchati, hatthagatam̄ katvā tiṭṭhati na vissajjeti. Evaṃ vuccamānākāro adhippāyo etesanti **evam̄adhippāyā**. Bhagavā mūlam̄ kāraṇam̄ etesaṃ yāthāvato adhigamāyāti **bhagavam̄mūlakā**. Tenāha “**bagavantam̄ hi nissāya mayam̄ ime dhamme ājānāma paṭivijjhāmā**”ti. **Amhākam̄**

1. Ma-Ṭṭha 2. 271 piṭṭhe.

dhammāti tehi attanā adhigantabbatāya vuttaṃ. Sevittabbānaṃ¹ hi yāthāvato adhigamañāṇāni adhigacchanakasambandhīni, tāni ca sammāsambuddhamūlakāni anaññavisayattā. Tenāha “**pubbe kassapasambuddhenā**”ti-ādi. Bhagavā netā tesanti **bagavaṃnettikā**. **Netā**ti sevittabbadhamme vineyyasantānaṃ pāpetā. **Vinetā**ti asevittabbadhamme vineyyasantānato apanetā. Tadaṅgavinayādivasena vā **vinetā**. **Anunetā**ti ime dhammā sevittabbā, ime na sevittabbāti ubhayasampāpanāpanayanattham paññāpetā². Tenāha “**yathāsabhāvato**”ti-ādi.

Paṭisaranti etthāti paṭisaraṇaṃ, bagavā paṭisaraṇaṃ etesanti **bagavaṃpaṭisaraṇā**, paṭisarati sabhāvasampañivedhavasena paccekamupagacchatīti vā paṭisaraṇaṃ, bagavā paṭisaraṇaṃ etesanti **bagavaṃpaṭisaraṇā**. **Paṭivedhavasenā**ti paṭivijjhittabbatāvasena. Asatipi mukhe atthato evaṃ vadanto viya hotīti āha “**phasso āgacchati, ahaṃbagavā kirināmo**”ti. **Paṭibhātū**ti ettha paṭi-saddāpekkhāya “bagavantā”ti upayogavacanāṃ, attho pana sāmivacanavaseneva veditabboti dassento āha “**bagavato**”ti. **Paṭibhātū**ti ca bagavato bhāgo hotu. Bhagavato hi esa bhāgo, yadidaṃ dhammassa desanā, amhākaṃ pana bhāgo savananti adhippāyo. Keci pana **paṭibhātū**ti padissatūti³ attham vadanti, ñāṇena dissatu, desiyatūti vā attho. **Upaṭṭhātū**ti ca ñāṇassa paccupaṭṭhātu.

474. **Nissayitabbeti** attano santāne uppādanavasena apassayitabbe. Tatiyacatutthadhammasamādānāni hi apassāya sattānaṃ etarahi āyatim ca sampattiyo abhivaḍḍhanti. **Bhajitabbeti** tasseva vevacanāṃ. **Sevittabbeti** vā sappurisu passayasaddhammassavanayonisomanasikāre sandhāyāha. **Bhajitabbeti** tappaccaye dānādipuññadhamme.

475. **Uppaṭipāṭi-ākārenā**ti paṭhamaṃ saṃkilesadhamme dassetvā pacchā vodānadhammadassanaṃ satthu desanāpaṭipāṭi, yathā “vāmaṃ muñca, dakkhiṇaṃ gaṇhā”ti⁴, tathā uppaṭipāṭipakārena, sā ca kho purimesu dvīsu

1. Sevittabbāsevitabbānaṃ (Am-Ṭī 2. 169 piṭṭhe.)

2. Ubhayassa sampāpetā sandassetā paññāpetā (Ka) Am-Ṭī 2. 169 piṭṭhe pana passitabbāṃ.

3. Paṭibhātūti padassa dissatūti (Am-Ṭī 2. 170 piṭṭhe.)

4. Abhi-Ṭṭha 1. 321; Visuddhi-Ṭī 1. 41 piṭṭhesupī.

dhammasamādānesu, pacchimesu pana paṭipāṭiyāva mātikā paṭṭhapitā. **yathādhammarasenevā**ti pahātabbapahāyakadhammānaṃ yathāsabhāveneva. Sabhāvo hi yāthāvato rasiṭabbato jānitabbato “raso”ti vuccati. Paṭhamānaṃ pahātabbadhamme dassetvā tadanantaraṃ “ime dhammā etehi pahīyanti”ti pahāyakadhammadassanaṃ desanānupubbī. **Gahaṇaṃ** ādiyaṇaṃ attano santāne uppādanaṃ.

478. Vadhadanḍādīhi bhīṭassa upasaṅkamaṇe, micchā caritvā tathā apagamane ca pubbāparacetanānaṃ vasena micchācāro dukkhavedano hoti, tathā issānindādīhi upaddutassa aparacetanāvasena, evaṃ abhijjhāmicchādiṭṭhīsupi yathārahaṇaṃ veditabbānaṃ. **Tissannampi cetanānanti** pubbāparasanniṭṭhāpakacetanānaṃ. Adinnādānaṃ musāvādo piṣuṇavācā samphappalāpoti imesaṃ catunnaṃ sanniṭṭhāpakacetanānaṃ sukhāsampayuttā vā upekkhāsampayuttā vāti ayaṃ nayo idha adhikatattā na uddhaṭo. **Domanassameva cettha dukkhanti** idaṃ pubbābhāgāparabhāgacetanāpi cettha āsannā domanassasahagatā eva hontīti katvā vuttaṃ. Anāsannā pana sandhāya “**pariyetṭhīṃ vā āpajjantassā**”ti-ādi vuttaṃ. Teneva micchācārābhijjhāmicchādiṭṭhīnaṃ pubbābhāgāparabhāgacetanā āsannā sanniṭṭhāpakacetanāgatikāvāti dassitaṃ hotīti daṭṭhabbānaṃ. **Pariyetṭhīnti** micchācārādīsū vīṭikkamitabbavatthumālāgandhādīpariyesaṇaṃ. Pāṇātipātādīsū māreṭabbavatthu-āvudhādīpariyesaṇaṃ **āpajjantassa**. Akicchenapi tesānaṃ pariyesaṇaṃ sambhavatīti “**vaṭṭatiyevā**”ti sāsāṅkaṃ vadati.

479. **Sukhavedanā hontīti** sukhavedanāpi hontīti adhippāyo. Tāsaṃ cetanānaṃ asukhavedanaṭāpi labbhatīti “**sukhavedanāpi hontiyevā**”ti sāsāṅkavacaṇaṃ. **Somanassameva cettha sukhanti** idaṃ pubbābhāgāparabhāgacetanāpi somanassasahagatā eva hontīti katvā vuttaṃ. Tañca kho micchācāravajjānaṃ channaṃ vasena. Micchācārassa pana pubbāparabhāgassa vasena “**kāyikaṃ sukhampi vaṭṭatiyevā**ti sāsāṅkavacaṇaṃ.

480. Dosajāpariḷāhavasenaṃ siyā kāyikampi dukkhanti adhippāyena “**so gaṇhantopi dukkhito**”ti vuttaṃ. Cetodukkhameva vā sandhāya tassa aparāparuppattidassanaṭṭhaṃ “**dukkhito domanassito**”ti vuttaṃ.

481. **Dasasupi padesūti** dasasupi koṭṭhāsesu, vākyesu vā.
Upekkhāsampayuttatāpi sambhavatīti “**sukhasampayuttā hontiyevā**”ti idha
sāsāṅkavacanāṃ. Pāṇātipātā paṭiviratassa kāyopi siyā
vigatadarathapariḷāhoti pāṇātipātāveramaṇi-ādipaccayā
kāyikaṭṭhāsaṃvedanāpi sambhavatīti **sahāpi sukhenāti** ettha kāyiyasukhampi
vaṭṭatiyeva.

482. **Tittakālābūti** upabhuttassa ummādādipāpanena kucchitatittakaraso
alābu. **Na ruccissati** aniṭṭharasatāya aniṭṭhaphalatāya ca.

483. **Rasaṃ detīti** rasaṃ dasseti vibhāveti.

484. **Pūtimuttanti** pūtisabhāvamuttam. **Taruṇanti** dhārāvasena
nipatantam hutvā uṇham. Tenassa uparimuttatamāha. Muttam hi
passāvamaggato muccamānam kāyusmāvasena uṇham hoti.

485. **Yam bhagandarasaṃsaṭṭham lohitaṃ pakkhandatīti**
bhagandarabyādhisahitāya lohitaṃ pakkhandatāya vasena yam lohitaṃ
vissavati. Pittasaṃsaṭṭham lohitaṃ pakkhandatīti ānetvā sambandho.

486. **Ubbiddheti** dūre. Abbhamaḥikādi-upakkilesavigamena hi ākāsaṃ
uttuṅgaṃ viya dūraṃ viya ca khāyati. Tenāha “**dūrībhūte**”ti. Tamaṇyeva
tamagataṃ “gūthagataṃ muttagatan”ti¹ yathā. **Bhāsate ca tapate ca virocate**
ca idam catuttham dhammasamādānam vibhajantena kusalakammamāpathassa
vibhajitvā dassitattā.

Saṅgararukkho kandaṃādasapova². **Sarabhaññavasenāti** attham
avibhajitvā padaso sarabhaññavasena. **Osārentassāti** uccārentassa. **Saddeti**
osāraṇasadde. Adhigatavisesam anārocetukāmā **devatā tattheva antaradhāyi**.
Tam divasanti satthārā desitadivase. Iti attano visesādhigamanimittatāya
ayaṃ devatā imam suttam piyāyati. Sesam uttānameva.

Mahādhammasamādānasuttavaṇṇanāya līnatthappakāsānā samattā.

1. Ma 2. 87; Am 3. 181 piṭṭhesu.

2. Ayaṃ pāṭho khalitoti maññe.

7. Vīmaṃsakasuttavaṇṇanā

487. **Atthavīmaṃsakoti** attatthaparathhādi-atthavijānanako.

Saṅkhāravīmaṃsakoti saṅkhatadhamme salakkhaṇato sāmāññalakkhaṇato vā āyatanādivibhāgato ca vīmaṃsako. **Satthuvīmaṃsakoti** “satthā nāma guṇato ediso ediso cā”ti satthu upaparikkhako. **Vīmaṃsakoti** vicārako. Yaṃ cetaso sarāgādivibhāgato paricchindanaṃ, taṃ **cetopariyāyo**. Tenāha “**cittaparichedan**”ti. Yasmā cetopariyāyañāṇalābhī “idaṃ cittaṃ ito paraṃ pavattaṃ idamito paran”ti parassa cittuppattiṃ pajānāti, tasmā vuttaṃ “**cetopariyāyanti cittavāran**”ti. Vārathepi hi **pariyāya**-saddo hoti “kassa nu kho ānanda pariyāyo ajja bhikkhuniyo ovaditun”ti-ādīsu¹. Cittacāranti pi pāṭho, cittapavattinti attho. **Evamvijānanatthāyāti** idāni vuccamānakārena vīmaṃsanatthāya.

488. **Kalyāṇamittūpanissayanti** kalyāṇamittasaṅkhātāṃ

brahmacariyavāsassa balavasannissayaṃ. **Upaḍḍhaṃ attano ānubhāvenāti** iminā puggalena sampādiyamānassa brahmacariyassa upaḍḍhabhāgamattaṃ attano vimutti-paripācakadhammānubhāvena sijjhati. **Upaḍḍhaṃ kalyāṇamittānubhāvenāti** itaro pana upaḍḍhabhāgo yaṃ nissāya brahmacariyaṃ vussati, tassa kalyāṇamittassa upadesānubhāvena **hoti**, sijjhatīti attho. Lokasiddho eva ayamatto. Lokiyā hi—

“Pādo siddho ācariyā², pādo hissānubhāvato.

Taṃvijjāsevakā pādo, pādo kālena paccatī”ti—

vadanti. **Attano dhammatāyāti** attano sabhāvena, ñāṇenāti attho.

Kalyāṇamittatāti kalyāṇo bhadro sundaro mitto etassāti kalyāṇamitto, tassa bhāvo **kalyāṇamittatā**, kalyāṇamittavantatā. Silādiguṇasampannehi kalyāṇapuggaleheva ayanam pavatti **kalyāṇasahāyatā**. Tesu eva cittena ceva kāyena ca ninnapoṇapabbhārabhāvena pavatti **kalyāṇasampavaṅkatā**. **Māhevanti** evaṃ mā āha, “upaḍḍhaṃ brahmacariyassa”ti mā kathehīti attho. **Tadamināti** ettha **tanti**

1. Ma 3. 315 piṭṭhe.

2. Pāram abhikkhacariyā (Ka)

nipātamattaṃ da-kāro padasandhikaro i-kārassa a-kāraṃ katvā niddeso. **Imināpīti** idāni vuccamānenapīti attho. **Pariyāyenāti** kāraṇena. Idāni taṃ kāraṇaṃ dassetuṃ “**mamaṃ hī**”ti-ādi vuttaṃ.

Yathā cettha, aññesupi suttesu kalyāṇamittupanissayameva visesoti dassento “**bhikkhūnaṃ bāhiraṅgasampattiṃ kathentopī**”ti-ādimāha. Tattha **vimuttipariṇāmaniyadhammeti** vimuttiyā arahattassa pariṇāmaniyadhamme. **Paccayeti** gilānapaccayabhesajje. **Mahājaccoti** mahākulīno.

Kāyiko samācāroti abhikkamapaṭikkamādiko satisampajaññaparikkhato pākatiko ca. **Vīmaṃsakassa** upaparikkhakassa. **Cakkhuviññeyyo nāma** cakkhudvārānusārena viññātabbattā. **Sotaviññeyyoti** etthāpi eseva nayo. **Samkiliṭṭhāti** rāgādisamkilesadhammehi vibādhitā, upatāpitā vidūsitā malīnā cāti attho. Te pana tehi samannāgatā hontīti āha “**kilesasampayuttā**”ti. Yadi na cakkhusotaviññeyyā, pāḷiyāṃ kathaṃ tathā vuttāti āha “**yathā panā**”ti-ādi. **Kāyavacīsamācārāpi**¹ **saṃkiliṭṭhāyeva nāma** saṃkiliṭṭhacittasamuṭṭhānato. Bhavati hi taṃhetukepi tadupacāro yathā “semho guḷo”ti. “Mā me idaṃ asārappaṃ² paro aññāsī”ti pana **paṭicchannatāya na na upalabbhanti**. “**Na kho mayaṃ bhante bagavato kiñci garahāmā**”ti vatvā garahitabbābhāvaṃ dassento “**bagavā hī**”ti-ādimāha. Abhāvitamaggassa hi garahitabbatā nāma siyā, na bhāvitamaggassa. **Esa** uttaro māṇavo “buddhampi garahitvā pakkamissāmi”ti katvā anubandhi. **Evam cintesi** mahābhinnikkhamanadivase attano vacane aṭṭhitattā. **Kiñci vajjaṃ apassanto** Māro evamāha—

“Satta vassāni bagavantāṃ, anubandhiṃ padāpadaṃ.

Otāraṃ nādhigacchissāṃ, sambuddhassa satīmato”ti³.

Kāle kaṇhā, kāle sukkāti yathāsamādinnaṃ sammāpaṭipattiṃ parisuddhaṃ katvā pavattetuṃ asakkontassa kadāci kaṇhā aparisuddhā kāyasamācārādayo, kadāci sukkā parisuddhāti evaṃ antarantārā

1. Kāyavacīpayogāpi (Ka) 2. Sārappaṃ (Ka) 3. Khu 1. 343 piṭṭhe Suttanipāte.

byāmissavasena **vomissakā**. **Nikkilesā**ti nirupakkilesā anupakkiliṭṭhā.

Anavajjam vajjarahitattā. **Dīgharattanti** accantasamyoge upayogavacanam. **Samāpannoti** sammā āpanno samaṅgībhūto. Tenāha “**samannāgato**”ti. Attanā katassa asāruppassa paṭicchādanattham **āraññako viya hutvā**. **Tassa parihāranti** uḷārehi pūjāsakkārehi manussehi tassa parihariyamānataṃ. **Atidappitoti** evaṃ manussānam sambhāvanāya ativiya datto gabbito.

Na ittarasamāpannoti jānāti. Kasmā? Sīlam nāma dīghena addhunā jānitabbam, na ittarena. Idāni anakajātisamudācāravasena tathāgato imam kusalam dhammam dīgharattam samāpanno, tañcassa ativiya acchariyanti dassetuṃ “**anacchariyam cetan**”ti-ādi vuttam.

Araññagāmaketi araññapadesa ekasmiṃ khuddakagāme. Tattha nesam divase divase piṇḍāya caraṇassa avicchinnataṃ dassetuṃ “**piṇḍāya caranti**”ti vuttam. **Pivantīti** etthāpi eseva nayo. **Dullabhaloṇo hoti** samuddassa dūratāya.

Tadā kira videharatṭhe soḷasa gāmasahassāni mahantāneva. Tenāha “**hivā gāmasahassāni, paripuṇṇāni soḷasā**”ti. Idāni kasmā “**sannidhim dāni kubbasī**”ti mam ghaṭṭethāti vattukāmo tam anāvikatvā “**loṇa -pa- na karoṭhā**”ti āha. Gandhāro tassādhippāyam vibhāvetukāmo “**kim mayā kataṃ vedehīsī**”ti āha.

Itaro attano adhippāyam vibhāvento “**hitvā**”ti gāthamāha. Itaro “**dhammam bhaṇāmī**”ti gāthanti evaṃ sabbāpi nesam vacanapaṭivacanagāthā. Tattha **pasāsasīti** ghaṭṭento viya anusāsasi. **Na pāpamupalimpati** cittappakopābhāvato. **Mahatthiyanti** mahā-atthasamhitam. **No ce assa sakā buddhīti**-ādi vedeha-isino “**ācariyo mama hitesitāya ṭhatvā dhammam eva bhaṇatī**”ti yoniso ummujjanākāradassanam. Tenāha “**evañca pana vatvā**”ti-ādi.

“**Ñattā**”ti loke nāyati vissutoti ñāto, ñātassa bhāvo **ñattam**. **Ajjhāpannoti** upagato. Ñatta-ggahaṇena patthaṭayasatā

vibhāvitāti āha “**yasañca parivārasampattin**”ti. **Kinti** kiṃ payojanam, ko ettha dosoti adhippāyo.

Tattha tattha vijjhantoti yasamadena parivāramadena ca matto hutvā gāmepe vihārepe janavivittepe saṅghamajjhepe aññe bhikkhū ghaṭṭento “mayham nāma pādā itaresam pādaphusanaṭṭhānam phusanti”ti aphasitukāmatāya aggapādena bhūmim phusanto viya carati. **Onamatī** nivātavuttitāya avanamati anuddhato atthaddho hoti. **Akiñcanabhāvanti** “pabbajitena nāma akiñcanaññāṇena samapariggahena bhavitabban”ti akiñcanajjhāsayaṃ paṭi-avekkhitvā. **Lābhepi tādi, alābhepi tādi**ti yathā alābhakāle lābhassa laddhakālepi tathevāti tādi ekasadiṣo. **Yase** satipi mahāparivārakālepi.

Abhayo hutvā uparatoti nibbhayo hutvā bhayassa abhāveneva oramitabbato uparato bhayahetūnam pahīnattā. Tañca kho na katipayakālam, atha kho accantameva uparatoti **accantūparato**. Atha kho bhāyitabbavattum avekkhitvā tato **bhayena uparato**. Kilesā eva bhāyitabbato **kilesabhayaṃ**. Esa nayo sesesupi. **Satta sekkhāti** satta sekkhāpi bhayūparatā, pageva puthujjanoti adhippāyo.

Thaṇḍilapīṭhakanti thaṇḍilamañcasadisam pīṭhakanti attho. **Nissāyāti** apassāya tam apassayaṃ katvā. Dvinnam majjhe thaṇḍilapīṭhakā dvāre ṭhatvā olokentassa nevāsikabhikkhussa na paññāyi. **Asaññatanīhārenāti** na saññatākārena. “Mam bhāyanto heṭṭhāmañcam pavitṭho bhavissati”ti heṭṭhāmañcam **oloketvā**. **Ukkāsi** “bahi gacchanto akkositvā mā apuññam pasavi”ti. **Adhivāsetunti** tādisam iddhānubhāvaṃ disvāpi paṭapaṭāyanto attano kodham adhivāsetum asakkonto.

Khayenevāti rāgassa accantakkhayeneva vītarāgattā. **Na paṭisañkhāya vāretvāti** na paṭisañkhānabalena rāgapariyuṭṭhānam nivāretvā vītarāgattā. **Evam** vuttappakārena. Kāyasamācārādīnam saṅkiliṭṭhānam vītikkamiyānañca abhāvaṃ ācārassa vodānam cirakālasamāciṇṇatāya nātassa sahitabhāvepi anupakkiliṭṭhatāya abhayūparatabhāvasamannesanāya ākarīyati nāpetum icchito attho pakārato nāpīyati etehīti

ākārā, upapattisāadhanakāraṇāni. Tāni pana yasmā attano yathānumatassa atthassa nāpakabhāvena vavatthiyanti, tasmā tāni tesam mūlakāraṇabhūtāni anumānañāṇāni ca dassento bagavā “ke panāyasmato ākārā ke anvayā”ti avocāti imamattam vibhāvento “**ākārāti kāraṇāni. Anvayāti anubuddhiyo**”ti āha. Yathā hi loke diṭṭhena dhūmena adiṭṭham aggim anveti anumānato jānāti, evaṃ vīmaṃsako bhikkhu “bagavā ekekavihāresu suppaṭipannesu duppaṭipannesu ca yathā ekasadisatādassanena abhayūparatataṃ anveti anumānato jānāti, suppaṭipannaduppaṭipannapuggalesu anussādanānapasādanappattāya satthu aviparītadhammadesanatāya sammāsambuddhataṃ saṃghasuppaṭipattiṃca anveti anumānato jānāti, evaṃ jānanto ca abhayūparato tathāgato sabbadhi vītarāgattā, yo yattha vītarāgo, na so tannimittam kiñci bhayaṃ passati seyyathāpi brahmā kāmabhavanimittam. Tathā sammāsambuddho bagavā aviparītadhammadesanattā, svākhāto dhammo ekantaniyyānikattā, suppaṭipanno saṃgho aveccappasannattā”ti vatthuttayaṃ guṇato yāthāvato jānāti.

Gaṇabandhanenāti “mama saddhivihārikā mama antevāsikā”ti evaṃ gaṇe apekkhāsāṅkhātena bandhanena baddhā payuttā. **Tāya tāya paṭipattiyāti** “sugatā duggatā”ti vuttāya suppaṭipattiyā duppaṭipattiyā ca. **Ussādanāti** guṇavasena ukkaṃsanā. **Apasādanāti** hīlanā. Ubhayattha **gehassitavasenāti** iminā sammāpaṭipattiyā paresam uyyojanattham “paṇḍito bhikkhave mahākaccāno”ti-ādinā¹ guṇato ukkaṃsanampi āyatim saṃvarāya yathāparādham garahaṇampi na nivāreti.

489. Vīmaṃsakassapi adhippāyo vīmaṃsanavasena pavatto.

Mūlavīmaṃsako hetuvādītāya. Gaṇthivīmaṃsakassa anussutibhāvato vuttam “**parasseva kathāya niṭṭhaṅgato**”ti. Tenāha bagavā “parassa cetopariyāyam ajanantenā”ti. **Tathāgatova paṭipucchitabboti** iminā pubbe sādharmaṇato vuttam anumānam ukkaṃsam pāpetvā vadati. Ukkaṃsagatam hetam anumānam, yadidaṃ sabbaññuvacanam avisaṃvadam sāmāññato

1. Ma 1. 161; Ma 3. 239, 272 piṭṭhesu.

aputhujjanagocarassa atthassa anumānato. Tividho hi attho, koci paccakkhasiddho, yo rūpādidhammānam paccattavedaniyo aniddisitabbākāro. Koci anumānasiddho, yo ghaṭṭādisu pasiddhena paccayāyattabhāvena sādhiyamāno saddādīnam aniccatādi-ākāro. Koci okappanasiddho, yo pacurajanassa accantamadiṭṭho saddhāvisayo paralokanibbānādi. Tattha yassa satthuno vacanam paccakkhasiddhe anumānasiddhe ca atthe na visamvādeti aviparītappavattiyā, tassa vacanena saddheyyatthasiddhi, saddheyyarūpā eva ca yebhuyyena satthuguṇā accantasambhavato.

Esa mayham pathoti yvāyam ājīvaṭṭhamakasīlasaṅkhāto mayham oramattako guṇo, esa aparacittaviduno vīmaṅsakassa bhikkhuno mama jānanapatho jānanamaggo. **Esa gocaroti** eso ettako eva tassa mayi gocarō, na ito param. Tathā hi **brahmajālepi**¹ bagavatā ājīvaṭṭhamakasīlameva niddiṭṭham. **Etāpāthoti** ettakāpātho. Yo sīle patiṭṭhito “etaṃ mamā”ti, “imināham sīlena devo vā bhavissāmi devaññataro vā”ti taṇhāya parāmasanto, tassa visesabhāgiyatāya, nibbedhabhāgiyatāya vā akāraṇena taṇham anativattanato so tammayo nāma. Tenāha “**na tammayo na sataṇho**”ti-ādi.

Sutassa uparūpari visesāvahabhāvena **uttaruttarañceva** tassa ca visesassa anukkamena paṇītatarabhāvato **paṇītatarāñca katvā deseti**. **Savipakkhanti** pahātabbapahāyakabhāvena sappāṭipakkham. **Kaṇham paṭibāhitvā sukkanti** idaṃ dhammajātam kaṇham nāma, imassa pahāyakam idaṃ sukkaṃ nāmāti evaṃ kaṇham paṭibāhitvā sukkam. **Sukkam paṭibāhitvā kaṇhanti** etthāpi eseva nayo. Idha pana “iminā pahātabban”ti vattabban. **Sa-ussāhanti** sabyāpāram. Kiriyaamayacittānam hi anupacchinnāvijjātaṇhāmānādike santāne sabyāpārātā sa-ussāhatā, savipākadhammatāti attho. **Tasmim desite dhammeti** tasmim satthārā desite lokiyalokuttaradhamme. **Ekaccam** ekadesabhūtam maggaphalanibbānasaṅkhātam **paṭivedhadhammam** **abhiññāya** abhivisiṭṭhāya maggapaññāya jānitvā. **Paṭivedhadhammena** maggena. **Desanādhammeti** desanārulhe pubbabhāgiye bodhipakkhiyadhamme **niṭṭham gacchati** “addhā

1. Dī 1. 3 piṭṭhādisu.

imāya paṭipadāya jarāmarañato muccissāmi”ti. Pubbe pothujjanikasaddhāyapi pasanno, tato **bhiyyoso mattāya** aviparītadhammadesano **sammāsambuddho so bagavāti satthari pasīdati. Niyyānikattāti** vaṭṭadukkhato eva tato niyyānāvahattā. **Vaṅkāḍīti ādi-**saddena aññaṃ asāmicipariyāyaṃ sabbaṃ dosaṃ saṅgaṇhāti.

490. **Imehi satthuvīmaṃsanakāraṇehīti** “parisuddhakāyasamācāratādīhi ceva uttaruttaripaṇītapāṇīta-aviparītadhammadesanāhi cā”ti imehi yathāvuttehi satthu-upaparikkhanakāraṇehi. **Akkharasampiṇḍanapadehīti** tesamyeva kāraṇānaṃ sambodhanehi akkharasamudāyalakkhaṇehi padehi. **Idha vuttehi akkharehīti** imasmim̐ sutte vuttehi yathāvuttassa atthassa abhībyañjanato byañjanasaññītehi akkharehi. **Okappanāti** saddheyavatthum̐ okkantivā pasīdanato okappanalakkhaṇā. **Saddhāya mūlaṃ nāmāti** aveccappasādabhūtāya saddhāya mūlaṃ nāma kāraṇanti saddahanassa kāraṇaṃ parisuddhakāyasamācāradīkaṃ. **Thirā** paṭipakkhasamucchedena suppatiṭṭhitattā. **Haritum̐ na sakkāti** apanetum̐ asakkuṇeyyā. Itaresu samaṇabrāhmaṇadevesu vattabbameva natthīti āha “**samītapāpasamaṇena vā**”ti-ādi.

“Buddhānaṃ kesañci sāvakānañca vibādhanattham̐ Māro upagacchatī”ti sutapubbattā “**ayaṃ Māro āgato**”ti cintesi. Ānubhāvasampanna ariyasāvakena pucchitattā **musāvādaṃ kātum̐ nāsakkhi. Ete**ti yathāvutte samītapāpasamaṇādayo ṭhapetvā. **Sabhāvasamannesanāti** yāthāvasamannesanā aviparītavīmaṃsā. **Sabhāvenevāti** sabbhāveneva yathābhūtaguṇato eva. **Suṭṭhu** sammadeva. **Samannesitoti** upaparikkhito. Sesam̐ suviññeyyamevāti.

Vīmaṃsakasuttavaṇṇanāya līnatthappakāsanā samattā.

8. Kosambiyasuttavaṇṇanā

491. **Tasmāti** yasmā kosambarukkhavatī, tasmā nagaraṃ Kosambīti saṅkhamagamāsī. Kusambassa vā isino nivāsabhūmi Kosambī, tassāvidūre bhavattā nagaraṃ **Kosambī**.

Ghositaseṭṭhinā kārite ārāmeti ettha ko ghositaseṭṭhi, kathañcānena ārāmo kāritoti antolīnāya codanāya vissajjane samudāgamato paṭṭhāya ghositaseṭṭhim dassetuṃ “**addilaraṭṭham nāma ahoṣī**”ti-ādi āradham.
Kedāraparicchinanti tattha tattha kedārabhūmiyā paricchinnam.
Gacchantoti kedārapāḷiyā gacchanto. **Pahūtapāyasanti** pahūtataṃ pāyasam, taṃ pana garu siniddham antarāmagge appāhāratāya mandagahaṇiko samāno jīrāpetuṃ nāsakki. Tenāha “**jīrāpetuṃ asakkonto**”ti-ādi. Yasavati rūpavati **kulaghare nibbati**. **Ghositaseṭṭhi nāma jātoti** evamettha saṅkhepeneva Ghositaseṭṭhivatthuṃ katheti, vitthāro pana **dhammapadavatthumhi**¹ vuttanayeneva vedītabbo.

Upasaṅkappanavasenāti upasaṅkappananiyāmena².
Āhāraparikkhīṇakāyassāti āhāranimittaparikkhīṇakāyassa, āhārakkhayena parikkhīṇakāyassāti attho. **Suññāgāreti** janavivitte phāsukaṭṭhāne.

Kalahassa pubbhāgo bhaṇḍanam nāmāti kalahassa hetubhūtā paribhāsā taṃsadisī ca aṇiṭṭhakiriyā bhaṇḍanam nāma.
Hatthaparāmāsādivasenāti kujjhitvā aññamaññassa hatthe gahetvā parāmasana-accantabandhanādivasena. “Ayaṃ dhammo”ti-ādinā viruddhavādabhūtam āpannāti **vivādāpannā**. Tenāha “**viruddhabhūtan**”ti-ādi. Mukhasannissitatāya vācā idha “mukhan”ti adhippetāti āha “**mukhasattihīti vācāsattihī**”ti. **Saññattinti** saññāpanam “ayaṃ dhammo, ayaṃ vinayo”ti saññāpetabbatam. **Nijjhattinti** yāthāvato tassa nijjhānam. Aṭṭhakathāyaṃ pana “**saññattivevacanamevetan**”ti vuttam.

Sace hoti desessāmīti subbacatāya sikkhākāmatāya ca āpattim passi.
Natthi te āpattīti anāpattipakkhopi ettha sambhavatīti adhippāyenāha. Sā panāpatti eva. Tenāha “**tassā āpattiyā anāpattidiṭṭhi ahoṣī**”ti.

492. **Kalahabhaṇḍanavasenāti** kalahabhaṇḍanassa nimittavasena.
Yathānusandhināva gatanti kalahabhaṇḍanānam
sāraṇīyadhammapaṭipakkhattā

1. Dhammapada-Ṭṭha 1. 113 piṭṭhādīsu.

2. Upavaṭṭanavasenāti upavaṭṭanakaniyāmena (Ka)

tadupasamāvahā heṭṭhādesanāya anurūpāva uparidesanāti yathānusandhināva uparisuttadesanā pavattā. **Saritabbayuttāti** anussaraṇārahā.

Sabrahmacārīnanti sahadhammikānaṃ. Piyāṃ piyāyitabbaṃ karontīti **piyakaraṇā**. Garuṃ garuṭṭhāniyaṃ karontīti **garukaraṇā**. **Saṅgahaṇatthāyāti** saṅgahavatthuvisesabhāvato sabrahmacārīnaṃ saṅgaṇhaṇāya saṃvattantīti sambandho. **Avivādanatthāyāti** saṅgahavatthubhāvato eva na vivādanāya. Sati ca avivādanahetubhūtasāṅgahaṇamatta tesāṃ vasena sabrahmacārīnaṃ samaggabhāvo bhedaḥbhāvo siddhoyevāti āha “**sāmaggiyā**”ti-ādi. Mijjati siniyhati etāyāti mettā, mittabhāvo, mettā etassa atthīti **mettaṃ**, kāyakammaṃ. Taṃ pana yasmā mettāsahagatacittasamuṭṭhānaṃ, tasmā vuttaṃ “**mettacittena kattabbaṃ kāyakammaṃ**”ti. **Imāni**¹ mettakāyakammādīni **bhikkhūnaṃ vasena āgatāni** pāṭhe bhikkhūhi paccupaṭṭhapetabbaṭāvacanato. **Bhikkhuggahaṇeneva** cettha sesasahadhammikānampi gahaṇaṃ daṭṭhabbaṃ. Bhikkhuno sabbampi anavajjakāyakammaṃ ābhisamācārikakammantogadhamevāti āha “**mettacittena -pa- kāyakammaṃ nāma**”ti. Vattavasena² pavattiyamānā cetiyabodhīnaṃ vandanā mettāsadisīti katvā tadatthāya gamanaṃ mettaṃ kāyakammanti vuttaṃ. **Ādi-saddena** cetiyabodhibhikkhūsu vuttāvasesa-apacāyanādīṃ mettāvasesa pavattam³ kāyikaṃ kiriyaṃ saṅgaṇhāti.

Tepiṭakampi buddhavacanaṃ kathiyamānanti adhippāyo. **Tīṇi sucaritāni** kāyavacīmanosucaritāni. **Cintananti** iminā evaṃ cintanamattampi mettaṃ manokammaṃ, pageva vidhipaṭiṭṭhānā bhāvanāti dasseti.

Sahāyabhāvūpagamaṇaṃ tesāṃ purato. Tesu karontesuyeva hi sahāyabhāvūpagamaṇaṃ **sammukhā kāyakammaṃ nāma** hoti. Kevalaṃ “devo”ti avatvā guṇehi thirabhāvajotanaṃ **devattheroti** vacanaṃ **paggayha vacanaṃ**. Mamattabodhanaṃ vacanaṃ **mamāyanavacanaṃ**. Ekantatirokkhassa⁴ manokammassa sammukhatā nāma viññattisamuṭṭhāpanavaseneva hoti, taṅca kho loke kāyakammanti pākaṭaṃ paññātaṃ hatthavikārādīṃ anāmasitvā

1. Idha pana (Ka)

2. Bhattivasena (Am-Ṭī 3. 90 piṭṭhe.)

3. Vuttāvasesapacāyanādivasena pavattametāvasesa pavattam (Am-Ṭī 3. 90 piṭṭhe.)

4. Ekantaparammukhassa (Am-Ṭī 3. 90 piṭṭhe.)

evadassento “**nayanāni ummīletvā**”ti āha. Tathā hi vacībhedavasena pavatti na gahitā.

Laddhapaccayā labbhantīti **lābhā**, parisuddhāgamanā paccayā. Na sammā gayhamānāpi na dhammaladdhā nāma na hontīti tappaṭisedhanattham pāḷiyam “**dhammaladdhā**”ti vuttam. Deyyam dakkhiṇeyyañca appaṭivibhattam katvā bhuñjatīti **appaṭivibhattabhogī**. Tenāha “**dve paṭivibhattāni nāmā**”ti-ādi. **Cittena vibhajananti** etena “cittuppādamattenapi vibhajanam paṭivibhattam nāma, pageva payogato”ti dasseti.

Paṭiggaṇhantova -pa- passatīti iminā āgamanato paṭṭhāya sādharmaṇabuddhim upaṭṭhāpeti. Evaṃ hissa sādharmaṇabhogitā sukarā, sāraṇīyadhammo cassa supūro hoti. **Vattanti** sāraṇīyadhammapūraṇavattam.

Dātābanti avassam dātābham. Attano palibodhavasena sapaḷibodhasseva pūretum asakkuṇeyyattā odissakadānampissa na sabbattha vāritanti dassetum “**tena panā**”ti-ādi vuttam. **Adātumpīti pi-saddena** dussīlassapi atthikassa sati sambhave dātābanti dasseti. Dānam hi nāma kassaci na nivāritam.

Mahāgiriḡāmo nāma nāgadīpapasse eko ḡāmo. **Sāraṇīyadhammo me bhante pūrito -pa- pattaḡatam na khīyatīti** āha tesam kukkucavinodanattam. Tam sutvā tepi therā “sāraṇīyadhammapūrako ayan”ti abbaññamsu. Daharakāle eva kiresa sāraṇīyadhammapūrako ahoṣi, tassā ca paṭipattiyā avañjhabhāvavibhāvanattam “**ete mayham pāpuṇissantī**”ti āha.

Aham sāraṇīyadhammapūrikā, mama pattapariyāpannenapi sabbāpimā bhikkhuniyo yāpessantīti āha “**mā tumhe tesam gatabhāvaṃ cintayitthā**”ti.

Sattasu āpattikkhandhesu ādimhi vā ante vā, vemajjheti ca idam uddesāḡatapāḷivasena¹ vuttam. Na hi añño koci āpattikkhandhanam anukkamo atthi. **Pariyante chinnaṣṭako viyāti** vatthante, dasante vā chinnavattam viya. **Khaṇḡanti** khaṇḡavantam, khaṇḡitam vā. **Chiddanti** etthāpi eseva

1. Uddesāḡipāḷivasena (Ka)

nayo. Visabhāgavaṇṇena upaḍḍhaṃ, tatiyabhāgaṃ vā¹ sambhinnavaṇṇaṃ **sabalaṃ**, visabhāgavaṇṇeḥva pana bindūhi antarantarā vimissaṃ **kammāsaṃ**, ayaṃ imesaṃ vireso. **Taṇhādāsabyato mocana**vacaneneva tesāṃ sīlānaṃ vivaṭṭupanissayatamaḥa. **Bhujissabhāvakarāṇatoti** iminā bhujissakarāni bhujissānīti uttarapadalopenāyaṃ niddesoti dasseti. Aviññūnaṃ appamaṇatāya “**viññuppasatthānī**”ti vuttaṃ. **Taṇhādiṭṭhīhi aparāmaṭṭhattāti** “imināhaṃ sīlena devo vā bhavissāmi devaṇṇataro vā”ti taṇhāparāmāseṇa, “imināhaṃ sīlena devo hutvā tattha nicco dhuvo sassato bhavissāmi”ti diṭṭhiparāmāseṇa ca aparāmaṭṭhattā. **Parāmaṭṭhunti** codetuṃ. Sīlaṃ nāma avipparisārādipāraṃpariyena yāvadeva samādhisampādanatthanti āha “**samādhisaṃvattakānī**”ti. Samānabhāvo sāmāññaṃ, paripuṇṇacatupārisuddhibhāvena majjhe bhinnasuvaṇṇassa viya bhedābhāvato sīlena sāmāññaṃ sīlasāmāññaṃ, taṃ gato upagatoti **sīlasāmāññaḡato**. Tenāha “**samānabhāvūpagatasīlo**”ti.

Yāyaṃ diṭṭhīti yā ayaṃ diṭṭhi mayhañceva tumhākañca paccakkhabhūtā. Catusaccadassanaṭṭhena diṭṭhi, sabbe saṅkhārā aniccā, sabbe saṅkhārā dukkhā, sabbe dhammā anattā”ti, “sammāsambuddho bagavā, svākhāto bagavatā dhamo, suppaṭipanno saṅgho”ti ca diṭṭhiyā sāmāññaṃ **samānadiṭṭhibhāvaṃ**. **Aggaṃ** itaresaṃ saraṇīyadhammaṇaṃ padhānabhāvato. Etasmiṃ sati sukhasiddhito tesāṃ saṅgāhikaṃ, tato eva tesāṃ saṅghātanikaṃ gopānasiyo aparipatante katvā saṅgaṇhāti dhāretīti **saṅgāhikaṃ**. **Saṅghānti** aggabhāvena saṅghātabhāvaṃ. Saṅghātanam etesaṃ atthīti **saṅghātanikaṃ**, saṅghātanianti vā pāṭho, saṅghāṭane niyuttanti vā saṅghātanikaṃ, ka-kāraṇa ya-kāraṇa katvā **saṅghāṇiyaṃ**. Sāmāññato eva gahitattā napuṃsakaniddeso.

493. Paṭhamamaggasammādiṭṭhipi evaṃsabhāvā, aññaṃmaggasammādiṭṭhīsu vattabbameva natthīti āha “**yāyaṃ sotāpattimaggadiṭṭhi**”ti. **Ettāvatāpīti** ettakenapi rāgādīsu ekekena pariyaṭṭhitacittatāyapi **pariyaṭṭhitacittoyeva nāma hoti**, pageva dvīhi, bahūhi vā pariyaṭṭhitacittatāya. **Sabbatthāti** sabbesu aṭṭhasupi vāresu. **Suṭṭhu ṭhapitanti** yathā maggabhāvanā upari saccābhisambodho hoti, evaṃ sammā ṭhapitaṃ. Tenāha “**saccānaṃ bodhāyā**”ti. **Taṃ**

1. Tatiyabhāgagataṃ (Am-Ṭī 3. 94 piṭṭhe.)

ñānanti “natthi kho me taṃ pariyuṭṭhānan”ti-ādinā pavattaṃ paccavekkhaṇañāṇaṃ. **Ariyānaṃ hotīti** ariyānameva hoti. Tesāṃ hi ekadesatopi pahīnaṃ vattabbataṃ arahati. Tenāha “**na puthujjanānan**”ti. **Ariyanti vuttaṃ** “ariyesu jātan”ti katvā. Lokuttarahetukatāya **lokuttaranti vuttaṃ**. Tenevāha “**yesaṃ panā**”ti-ādi. Tathā hissa puthujjanehi asādhāraṇatā. Tenāha “**puthujjanānaṃ pana abhāvato**”ti. **Sabbavāresūti** sabbesu itaresu chasu vāresu.

494. **Paccattanti** pāṭiyekkaṃ attani mama citteyeva. Tenāha “**attano citte**”ti. “Paccattaṃ attano citte nibbutiṃ kilesavūpasamaṃ labhāmī”ti imamatthaṃ “**eseva nayo**”ti iminā atidisati.

495. **Tathārūpāya diṭṭhiyāti** idaṃ “yathārūpāya diṭṭhiyā samannāgato”ti imassa atthassa paccāmasananti āha “**tathārūpāya diṭṭhiyāti evarūpāya sotāpattimaggaḍḍhiyā**”ti.

496. **Sabhāvenāti** niyatapañcasikkhāpadatādisabhāvena. **Samghakammavasenāti** mānattacariyādisamghakammavasena. **Daharoti** bālo. **KuMāro**ti dārako. Yasmā daharo “kuMāro”ti ca “yuvā”ti ca vuccati, tasmā **mandoti** vuttaṃ. Mandindriyatāya hi **mando**. Tenāha “**cakkhosotādīnaṃ mandatāyā**”ti. Evampi yuvāvattāpi keci mandindriyā hontīti tannivattanatthaṃ “**uttānaseyyako**”ti vuttaṃ. Yadi uttānaseyyako, kathamassa aṅgārakkamananti? Yathā tathā aṅgārassa phusaṇaṃ idha “akkamanan”ti adhippetanti āha “**ito cito cā**”ti-ādi. **Manussānanti** mahallakamanussānaṃ. **Na sīghaṃ hattho jhāyati** kathinahatthatāya¹. **Khippaṃ paṭisaṃharati** mudutaluṇasarīratāya. **Adhivāseti** kiñci payojanaṃ apekkhitvā.

497. **Uccāvacaṇīti** mahantāni ceva khuddakāni ca. **Tatthevāti** sudhākammādimhiyeva. **Kasāvapacanaṃ** sudhādisaṅkharāṇatthaṃ, **udakānayanam** dhovanādi-attham², haliddivaṇṇadhātulepanattham **kucchakaraṇam**. **Bahalapatthanoti** daḷhachando. **Vacchakanti** nibbattadhenupagavacchaṃ. **Apacināti**ti apavindati,

1. Gahitatinātāya (Ka)

2. Udakadhovanādihatthe ca (Ka)

āloketīti attho. Tenāha “**apaloketī**”ti. **Tanninno hotīti** adhisīlasikkhādininnova hoti uccāvacaṇampi kimkaraṇīyānaṃ cārittasilassa pūraṇavaseneva karaṇato, yonisomanasikāravaseneva ca tesam paṭipajjanato. **Therassa santike aṭṭhāsi** yonisomanasikārābhāvato “tam tam samullapissāmī”ti.

498. Balaṃ eva **balatāti** āha “**balena samannāgato**”ti. **Atthikabhāvaṃ katvāti** tena dhammena savisesaṃ atthikabhāvaṃ uppādetvā. **Sakalacittena**ṭi desanāya ādimhi majjhe pariyoṣāneti sabbattheva pavattatāya sakalena anavasesena cittena.

500. **Sabhāvoti** ariyasāvakaṃ puthujjanehi asādhāraṇatāya āveṇiko sabhāvo. **Suṭṭhu samannesitoti** sammadeva upaparikkhito. **Sotāpattiphalasacchikiriyāyāti** sotāpattiphalassa sacchikaraṇena, sacchikatabhāvenāti attho. Tenāha “**sotāpattiphalasacchikatañāṇenā**”ti. Paṭhamamaggaphalassa paccavekkhaṇañāṇavisesā hete pavatti-ākārabhinnā. Tenevāha “**sattahi mahāpaccavekkhaṇañāṇehi**”ti. **Ayaṃ tāva ācariyānaṃ samānakathāti** “idamassa paṭhamam ṇāṇan”ti-ādinaṃ vuttāni paccavekkhaṇañāṇāni, na maggañāṇānīti evaṃ pavattā paramparāgatā pubbācariyānaṃ samānā sādharmaṇā imissā pāḷiyā aṭṭhakathā atthavaṇṇanā. Tattha kāraṇamāha “**lokuttaramaggo hi bahucittakkaṇiko nāma natthī**”ti. Yadi so bahucittakkaṇiko siyā nānābhisamayo, tathā sati saṃyojanattayādīnaṃ ekadesappahānaṃ pāpuṇātīti ariyamaggassa anantaraphalattā ekadesasotāpānātādībhāvo āpajjati, phalānaṃ vā anekabhāvo, sabbametam ayuttanti tasmā ekacittakkaṇikova ariyamaggo.

Yaṃ pana suttapadaṃ nissāya vittaṇḍavādī ariyamaggassa ekacittakkaṇikatam paṭikkhipati, tam dassento “**satta vassānīti hi vacanato**”ti āha. **Kilesā pana lahu -pa- chijjantīti** vadantena hi khippam tāva kilesappahānaṃ, dandhapavattikā maggabhāvanāti paṭiññātam hoti. Tattha sace maggassa bhāvanāya āradhamattāya kilesā pahīyanti, sesā maggabhāvanā niratthakā siyā, atha pacchā kilesappahānaṃ, kilesā pana

lahu chijjantīti idaṃ micchā, “sotāpattiphalasacchikiriyāyā”ti vakkhatīti. **Tato** suttapaṭijānanato. **Maggaṃ abhāvetvā**ti ariyamaggaṃ paripuṇṇaṃ katvā abhāvetvā. **Attharasam veditvā**ti suttassa aviparīto attho eva attharaso, taṃ yāthāvato ñatvā. Evaṃ vitaṇḍavādivādaṃ bhinditvā vuttamevatthaṃ nigametuṃ “**imāni satta ñāṇāni**”ti-ādi vuttaṃ. Sesam suviññeyyameva.

Kosambiyasuttavaṇṇanāya līnatthappakāsanā samattā.

9. Brahmanimantanikasuttavaṇṇanā

501. “Sassato attā ca loko cā”ti¹ evaṃ pavattā diṭṭhi **sassatadiṭṭhi**². **Saha kāyenā**ti saha tena brahmattabhāvena. **Brahmatṭhānanti** attano brahmavatthum. “**Aniccaṃ niccaṃ**”ti **vadati** aniccatāya attano apaññāyamānattā. **Thiranti** daḷhaṃ, vināsābhāvato sārabhūtanti attho. Uppādavipariṇāmābhāvato **sadā vijjamaṇaṃ**. **Kevalanti** paripuṇṇaṃ. Tenāha “**akhaṇḍaṇ**”ti. **Kevalanti** vā jāti-ādīhi amissaṃ, virahitanti adhippāyo. Uppādādīnaṃ abhāvato eva **acavanadhammaṃ**. **Koci jāyanako vā -pa-upapajjanako vā natthi** niccabhāvato. Ṭhānena saddhiṃ tannivāsīnaṃ niccabhāvaṃ hi so paṭijānāti. **Tisso jhānabhūmiyoti** dutyatatiyacatutthajjhānabhūmiyo. Catutthajjhānabhūmivisesā hi asaññasuddhāvāsārubbhāvā. **Paṭibhāhāti**ti santaṃyeva samānaṃ ajānantova natthīti paṭikkhipati. **Avijjāya gatoti** avijjāya saha gato pavatto. Sahayoge hi idaṃ karaṇavacanaṃ. Tenāha “**samannāgato**”ti. **Aññāṇī**ti avidvā. Paññācakkhuvirahato andho bhūto, andhabhāvaṃ vā pattoti **andhībhūto**.

502. Tadā bagavato subhagavane viharāṇassa avicchinnaṃ sandhāya vuttaṃ “**subhagavane viharatīti ñatvā**”ti. Tattha pana tadāssa bagavato adassanaṃ sandhāyāha “**kattha nu kho gatoti olokento**”ti. **Brahmalokaṃ gacchantaṃ disvā**ti iminā katipayacittavārasena tadā

1. Dī 1. 12 piṭṭhe.

2. Saṃ-Ṭī 1. 241 piṭṭhādīsūpi passitabbaṃ.

bagavato brahmalokagamanam jātam, na ekacittakkhaṇenāti dasseti. Na cettha kāyagatiyā cittapariṇāmanam adhippetam “seyyathāpi nāma balavā puriso samīñjitam vā bāham pasāreyyā”ti-ādivacanato¹. Yam panettha vattabham, tam heṭṭhā vuttameva. **Vichandanti** chandavigamam. **Apasāditoti** diṭṭhiyā gāhassa viparivattanena santajjito. “Metamāsado”ti vacanena **upatthambho hutvā**.

Anvāvisitvāti āvisanavasena tassa attabhāvam adhibhavitvā. Tathā abhibhavato hi tassa sarīram pavitṭho viya hotīti vuttam “**sarīram pavisitvā**”ti. Yam hi sattam devayakkhanāgādayo āvisanti, tassa pākatikakiriyamayam cittappavattim nivāretvā attano iddhānubhāvena yam icchitam hasitalapitādi, tam tena kārapenti, kārentā ca āviṭṭhapuggalassa cittavasena kārenti. “Attanovā”ti na vattabbametam acinteyyattā kammajassa iddhānubhāvassāti keci. Apare pana yathā tadā cakkhuviññāṇādipavatti āviṭṭhapuggalasseva, evam kiriyamayacittapavattipi tasseva, āvesakānubhāvena pana sāmāññatā parivattati. Tathā hi mahānubhāvam puggalam te āvisitum na sakkonti, tikicchāvutṭhāpane pana chavasarīram anupavisitvā satantam karoti vijjānubhāvena. Korakhattiyādīnam pana chavasarīrassa uṭṭhānam vacīnicchāraṇaṇca kevalam buddhānubhāvena. Acinteyyā hi buddhānam buddhānubhāvāti. **Abhibhavitvā** ṭhitoti sakalalokam attano ānubhāvena abhibhavitvā ṭhito. **Jeṭṭhakoti** padhāno, tādisam vā ānubhāvasampannattā uttamo. Passatīti **daso**. Visavacanicchāya abhāvato anavasesavisayo daso-saddoti āha “**sabbam passati**”ti. **Sabbajananti** laddhanāmam sabbasattakāyam. **Vase vatteti**, seṭṭhattā nimmāpakattā ca attano vase vatteti. Lokassa īsanasīlatāya **issaro**. Sattānam kammassa kārakabhāvena **kattā**. Thāvarajaṅgamavibhāgam sakalam lokam nimmānetīti **nimmātā**.

Guṇavisesena loka pāsamsattā **seṭṭho**. Tādiso ca ukkaṭṭhatamo hotīti āha “**uttamo**”ti. Sattānam nimmānam tathā tathā sajanam visajanam viya hotīti āha “**tvam khattiyo**”ti-ādi. Jhānādīsu attano citte ca ciñṇavasittā **vasī**. **Bhūtānanti** nibbattānam. Bhavam

1. Ma 1. 401 piṭṭhe.

abhijātāṃ arahantīti bhabyā, sambhavesino, tesāṃ **bhabyānaṃ**. Tenāha “**aṇḍajajalābuja sattā**”ti-ādi.

Pathavī-ādayo niccā dhuvā sassatā. Ye tesāṃ “aniccā”ti-ādinā garahakā jigucchā sattā, te ayathābhūtavāditāya matakāle apāyaniṭṭhā ahesum. Ye pana pathavī-ādīnaṃ “niccā dhuvā”ti-ādinā pasamsakā, te yathābhūtavāditāya brahmakāyūpagā ahesunti Māro pāpimā anvayato byatirekato ca pathavī-ādimukhena saṅkhārānaṃ pariññāpaññāpane ādinavaṃ vibhāveti tato vivecetukāmo. Tenāha “**pathavīgarahakā**”ti-ādi. Ettha ca Māro pathavī-ādīdhātumahābhūtaggahaṇena manussalokaṃ, bhūtaggahaṇena cātumahārājike, devaggahaṇena avasesakāmadevalokaṃ, pajāpatiggahaṇena attano ṭhānaṃ, brahmaggahaṇena brahmakāyike gaṇhi. Ābhassarādayo pana avisayatāya eva anena aggahitāti daṭṭhabbāṃ. **Taṇhādiṭṭhivasenā**ti taṇhābhinandanāya diṭṭhābhinandanāya ca vasena. “Etaṃ mama, eso me attā”ti **abhinandino** abhinandakā, abhinandanasīlā vā. **Brahmuno ovāde ṭhitānaṃ iddhānubhāvaṃ dassetī**ti tesāṃ tattha sannipatitabrahmānaṃ iddhānubhāvaṃ tassa mahābrahmuno ovāde ṭhitattā nibbattaṃ katvā dasseti. **Yasenā**ti ānubhāvena. **Siriyā**ti sobhāya. **Maṃ brahmaparisāṃ upanesī**ti yādisā brahmaparisā issariyādisampattiyā, tattha maṃ uyyojesi. **Mahājanassa māraṇatoti** mahājanassa vivaṭṭūpanissayaguṇavināsanena ānubhāvena māraṇato. **Ayasanti** yasapaṭipakkhaṃ akittikammānubhāvañcāti attho.

503. **Kasiṇaṃ āyunti** vassasatāṃ sandhāya vadati. Upanissāya setīti upasayo, upasayova **opasāyiko** yathā “venayiko”ti¹ āha “**samīpasayo**”ti. **Sayaggahaṇaṃ** cettha nidassanamattanti dassetum “**maṃ gacchantan**”ti-ādi vuttaṃ. Anekatthattā dhātūnaṃ vattanattho daṭṭhabbo. **Mama vatthusmiṃ sayanakoti** mayhaṃ ṭhāne visaye vattanako. **Bāhitvā**ti nīcaṃ katvā, abhibhavitvā vā. **Jajjharikāgumbatoti** ettha **jajjharikā** nāma pathaviṃ pattharivā jātā ekā gacchajāti.

1. Ma 1. 193; Am 3. 20; Vi 1. 3 piṭṭhesu.

Imināti “sace kho tvaṃ bhikkhū”ti-ādivacanena. **Esa** brahmā. **Upalāpetī**ti saṅgaṇhāti. **Apasādetī**ti niggaṇhāti. **Sesapadehī**ti vatthusāyiko yathākāmakaraṇīyo bāhiteyyoti imehi padehi. **Mayhaṃ ārakkhaṃ gaṇhissasī**ti mama ārakkhako bhavissasi. **Lakuṇḍakataranti** nīcataraṃ nihīnavuttisarāraṃ.

Phusitumpi samatthaṃ kiñci na passati, pageva nāṇavibhavanti adhippāyo. **Nipphattinti** nipphajjanaṃ, phalanti attho. Taṃ hi kāraṇavasena gantabbato adhigantabbato **gatī**ti vuccati. **Ānubhāvanti** pabhāvaṃ. So hi jotanaṭṭhena virocanaṭṭhena **jutī**ti vuccati. Mahatā ānubhāvena paresaṃ abhibhavanato mahesoti akkhāyatīti **mahesakkho**. Tayidaṃ abhibhavanaṃ kittisampattiyā parivārasampattiyā cāti āha “**mahāyaso mahāparivāro**”ti.

Pariharantīti sineruṃ dakkhiṇato katvā parivattanti. **Disā**ti bhummatthe etaṃ paccattavacananti āha “**disāsu virocamaṇā**”ti. Attano jutiyaṃ dibbamānāya vā. **Tehī**ti candimasūriyehi. **Tattakena pamāṇenā**ti yattake candimasūriyehi obhāsiyamāno lokadhātusaṅkhāto eko loko, tattakena pamāṇena. Idaṃ cakkavālaṃ buddhānaṃ uppattiṭṭhānabhūtaṃ seṭṭhaṃ uttamaṃ padhānaṃ, tasmā yebhuyyena etthupapannā devatā aññesu cakkavālesu devatā abhibhuyya vattanti. Tathā hi brahmā sahampati dasasahassabrahmaparivāro bagavato santikaṃ upagañchi. Tenāha “**ettha cakkavālasahassee tuyhaṃ vaso vattatī**”ti. Idāni “**ettha te vattate vaso**”ti vuttaṃ vase vattanaṃ sarūpato dassetuṃ “**paroparañca jānāsī**”ti-ādi vuttaṃ. Tattha paṭhamagāthāyaṃ vuttaṃ **ettha**-saddaṃ ānetvā attho veditabboti dassento “**ettha cakkavālasahassee**”ti āha. **Uccanīceti** jātikularūpabhogaparivārādivasena uḷāre ca anuḷāre ca. **Ayaṃ iddho**¹ **ayaṃ pakatimanussoti** iminā “sarūpato evassa sattānaṃ paroparajānanaṃ, na samudāgamato”ti dasseti. Yaṃ pana vakkhati “**sattānaṃ āgatiṃ gatin**”ti, taṃ kāmaloke sattānaṃ ādānanikkhepaajānanaṃ sandhāya vuttaṃ, na kammavipākajānanaṃ. Yadi hi samudāgamato jāneyya, attanopi jāneyya, na cassa taṃ atthīti, tathā āha

“**itthambhāvoti idam cakkavālan**”ti-ādi. Rāgayogato rāgo etassa atthīti vā rāgo, virajjanasīlo virāgī, tam **rāgavirāginam. Sahassibrahmānāma tvarṇ** cūḷaniyā eva lokadhātuyā jānanato. **Tayāti** nissakkekarāṇavacanāṃ.

Catuhatthāyāti anekahatthena sāṇipākārena kātabbapaṭappamāṇam dīghato catuhatthāya, vitthārato dvihatthāya pilotikāya kātum vāyamanto viya gopphake udake nimujjitukāmo viya ca pamāṇam ajānanto vihaññatīti niggaṇhāti.

504. **Tam kāyanti** tadeva nikāyam. **Jānitabbaṭṭhānam patvāpīti** anaññasādhāraṇā mayham sīlādayo guṇavisesā tāva tiṭṭhantu, īdisam lokiyaṃ parittakam jānitabbaṭṭhānampi patvā. Ayaṃ imesaṃ atisayena nīcoti nīceyyo, tassa bhāvo **nīceyyanti** āha “**tayā nīcatarabhāvo pana mayham kuto**”ti.

Heṭṭhūpapattikoti uparūparito cavitvā heṭṭhā laddhūpapattiko. Evaṃ saṅkhepato vuttamattham vitthārato dassetuṃ “**anuppanne buddhuppāde**”ti āha. **Heṭṭhūpapattikam katvāti** heṭṭhūpapattikam patthanam katvā. Yathā kenaci bahūsu ānantariyesu katesu yaṃ tattha garutaram balavam, tadeva paṭisandhim deti, itarāni pana tassa anubalappadāyakāni honti, na paṭisandhidāyakāni, evam catūsu rūpajjhānesu bhāvitesu yaṃ tattha garutaram chandapaṇidhi-adhimokkhādivasena sābhisaṅkhāraṇica, tadeva ca paṭisandhim deti, itarāni pana aladdhokāsātāya tassa anubalappadāyakāni honti, na paṭisandhidāyakāni, tannibhattitajjhāneneva āyatim punabbhavābhinibbatti hotīti āha “**tatiyajjhānam paṇītam bhāvetvā**”ti.

Tatthāti subhakiṇhabrahmaloke. Puna **tatthāti** ābhassarabrahmaloke. **Paṭhamakāleti** tasmim bhave paṭhamasmim kāle. **Ubhayanti** atītam attano nibbattaṭṭhānam, tattha nibbattiyā hetubhūtam attano katakammanti ubhayam. **Pamussitvā** kālassa ciratarabhāvato. **Vītināmeti paṭipajjantīti** ca tadā tassā kiriyāya pavattikkhaṇam upādāya pavattamānapayogo.

Apāyesīti pāyesi. **Pipāsīteti** tasite. **Ghammanīti** ghammakāle. **Sampareteti** ghammapariḷāhena pipāsāya abhibhūte. **Tanti** pānīyadānam. **Vatasīlavattanti** samādānavasena vatabhūtam cārittasilabhāvena

samāciṇṇattā sīlavattam. **Suttappabuddhova anussarāmī**ti supitvā pubbuddhamatto viya supinam¹ tava pubbanivuttham mama pubbenivāsānussatiñāṇena anussarāmi, sabbaññutaññāṇena viya paccakkhato passāmīti attho.

Karamareti vilumpitvā ānīte². **Kammasajjanti** yuddhasajjam, āvudhādāyininti attho.

Eṇīkūlasminti eṇīmigabāhullena “eṇīkūlan”ti saṅkham gate gaṅgāya tīrappadese. **Gayhaka nīyamānanti** gayhavasena karamarabhāvena corehi attano ṭhānam nīyamānam.

Āvāhavivāhavasena **mittasanthavam katvā**. “Evaṃ amhesu kīlantesu gaṅgeyyako nāgo kupito”ti **mayi saññampi na karontīti**. **Susukāranti**³ susūti pavattam bheravanāganissāsam.

Gahītanāvanti viheṭhetukāmatāya gatinivāraṇavasena gahitam nigghitam nāvam. **Luddenāti** kurūrena. **Manussakappāti**⁴ nāvāgatānam manussānam viheṭhetukāmatāya.

Baddhacaroti paṭibaddhacariyo. Tenāha “**antevāsiko**”ti. **Tam nissāyevāti** raññā upaṭṭhiyamānopi rājānam pahāya tam kappam antevāsīm nissāyeva.

Sambuddhimantam vatinarāmaññīti ayam sammadeva buddhimā vatasampannoti amaññi sambhāvesi ca.

Nānattabhāvesūti nānā visum visum attabhāvesu.

Addhāti ekaṃsena. **Mametamāyunti** mayham etaṃ yathāvuttam tattha tattha bhava pavattam āyum. Na kevalam mama āyumeva, atha kho **aññampi** sabbaññeyyam **jānāsi**, na tuyham aviditam nāma atthi. **Tathā hi buddho** sammāsambuddho tuvaṃ. No ce kathamayamattho ñāto? **Tathā hi** sammāsambuddhattā eva **te ayam jalito** jotamāno **ānubhāvo obhāsayaṃ** sabbampi **brahmalokaṃ** obhāsento dibbamāno **tiṭṭhatīti** satthu asamasamattam pavedesi.

1. Supinanti vuttam (Ka) 2. Sunīte (Ka) 3. Sussukāranti (Aṭṭhakathāyam.)

4. Manussakamyāti (Ka) Jātaka-Ṭṭha 3. 341 piṭṭhe pana passitabbam.

Pathavattenāti pathavī-attena¹. Tenāha “**pathavīsabhāvenā**”ti. Ettha ca yasmā “sabbasaṅkhārasamathoti”ādinā² sādharmaṇato, “yattha neva pathavī”ti asādharmaṇato ca pathaviyā asabhāvena³ nibbānassa gahetabbatā atthi, taṃ nivattetvā pathaviyā anaññasādharmaṇaṃ sabhāvaṃ gahetuṃ “**pathaviyā pathavattenā**”ti vuttaṃ. **Nāpahosinti** na pāpuṇiṃ. Idha pathaviyā pāpuṇaṃ nāma “etaṃ mamā”ti-ādinā gahaṇanti āha “**taṇhādīṭṭhimānaggāhehi na gaṇhin**”ti.

Vāditāyāti vādasīlatāya. **Sabbanti akkharaṃ niddisitivā**ti “sabbaṃ kho ahaṃ brahme”ti-ādinā bagavatā vuttaṃ sabba-saddaṃ “sace kho te mārisa sabbassa sabbattena ananubhūtaṃ”ti paccanubhāsanavasena niddisitivā. **Akkhara dosaṃ gaṇhantoti** bagavatā sakkāyasabbaṃ sandhāya sabba-sadde gahite sabbasabbavasena tadatthaparivattanena sabba-saddavacanīyatāsāmaññaṇa ca dosaṃ gaṇhanto. Tenāha “**sattā panā**”ti-ādi. Tattha yaḍi sabbaṃ ananubhūtaṃ “natthi sabbaṃ”ti loke anavasesaṃ pucchati. Sace sabbassa sabbattena anavasesasabhāvena ananubhūtaṃ appattaṃ, taṃ gaganakusumaṃ viya kiñci na siyā. **Athassa ananubhūtaṃ atthi**ti assa sabbattena ananubhūtaṃ yaḍi atthi, “sabbaṃ”ti idaṃ vacanaṃ micchā, sabbaṃ nāma taṃ na hotīti adhippāyo. Tenāha “**mā heva te rittakamevā**”ti-ādi.

Ahaṃ sabbañca vakkhāmi, ananubhūtañca vakkhāmīti ahaṃ “sabbaṃ”ti ca vakkhāmi, “ananubhūtaṃ”ti ca vakkhāmi, ettha ko dosoti adhippāyo. **Kāraṇaṃ āharantoti** sabbassa sabbattena ananubhūtaṃ atthibhāve kāraṇaṃ niddisanto, **vijānitabbanti** maggaphalapaccavekkhaṇaṇe hi visesato sabbasaṅkhabhaviṣiṭṭhatāya jānitabbāṃ. **Anidassananti** idaṃ nibbānassa sanidassanaduke dutiyapadasahitatādassananti adhippāyena “**cakkhuviññāssa āpāthaṃ anupagamanato anidassanaṃ nāmā**”ti vuttaṃ. Sabbasaṅkhatavidhuratāya vā natthi etassa nidassananti **anidassanaṃ**. Natthi etassa antoti **anantaṃ**. Tena vuttaṃ “**tayidan**”ti-ādi.

Bhūtānīti paccayasambhūtāni. **Asambhūtaṃ**ti paccayehi asambhūtaṃ, nibbānanti attho. ()⁴. Apabhassarabhāvahetūnaṃ sabbaso abhāvā

1. Pathavī-atthena (Ka) 2. Vi 3. 5; Dī 2. 31, 32; Ma 1. 224; Saṃ 1. 138 piṭṭhesu.
3. Abhāvasabhāvena (Ka) 4. (Saha paccayehi katanti saṅkhataṃ.) (Ka)

sabbato pabhāti **sabbatopabham̃**. Tenāha “**nibbānato hī**”ti-ādi. Tathā hi vuttaṃ “tamo tattha na vijjati”ti¹. **Pabhūtamevāti** pakaṭṭhabhāvena ukkaṭṭhabhāvena vijjamānameva. Arūpībhāvena adesikattā sabbato pabhavati vijjatīti **sabbatopabham̃**. Tenāha “**puratthimadisādīsū**”ti-ādi. Pavisanti etthāti pavisaṃ, tadeva sa-kārassa bha-kāraṃ, vi-kārassa ca lopaṃ katvā vuttaṃ “**pabhan**”ti. Tenāha “**tithassa nāman**”ti. **Vādam patiṭṭhapesīti** evaṃ mayā sabbañca vuttaṃ, ananubhūtañca vuttaṃ, tattha yaṃ tayā adhippāyaṃ ajānantena sahasā appaṭisaṅkhāya dosaggahaṇaṃ, taṃ micchāti brahmānaṃ niggaṇhanto bagavā attano vādam patiṭṭhapesi.

Gahitagahitanti “idaṃ niccan”ti-ādinā gahitagahitaṃ gāhaṃ. Tattha tattha dosadassanamukhena niggaṇhantena **sattārā vissajjāpito kiñci gahetabbaṃ** attano paṭisaraṇaṃ **adisvā** parājayaṃ paṭicchadetuṃ **lalitakaṃ² kātukāmo** vādam pahāya iddhiyā pāṭihāriyalīlaṃ dassetukāmo. **Yadi sakkosi mayhaṃ antaradhāyituṃ**, na pana sakkhissasīti adhippāyo.

Mūlapaṭisandhiṃ gantukāmoti attano pākatikena attabhāvena ṭhātukāmo. So hi paṭisandhikāle nibbattasadisatāya mūlapaṭisandhīti vutto. **Aññesanti** heṭṭhā aññakāyikānaṃ brahmūnaṃ. **Na adāsi** abhisāṅkhatakāyenevāyaṃ tiṭṭhatu, na pākatikarūpenāti cittaṃ uppādesi. Tena so abhisāṅkhatakāyaṃ apānetuṃ avisahanto attabhāvapaṭicchādakaṃ andhakāraṃ nimminituṃ ārabhi. Sattā taṃ tamaṃ viddhamseti. Tena vuttaṃ “**mūlapaṭisandhiṃ vā**”ti-ādi.

Bhavevāhanti bhava eva ahaṃ. Ayañca eva-saddo aṭṭhānapayuttoti dassento āha “**ayaṃ bhava bhayaṃ disvāyevā**”ti, sabbasmiṃ bhava jāti-ādibhayaṃ nāṇacakkhunā yāthāvato disvā. **Sattabhavanti** sattaṅkhātānaṃ bhavaṃ. Kammabhavapaccaye hi upapattibhave sattaṅkamaññā. **Vibhavanti** vimuttiṃ. Pariyesamānampi upāyassa anadhigatattā **bhaveyeva disvā**. **Bhavañca vibhavesinaṃ** vibhavaṃ nibbutiṃ esaṃānānaṃ sattānaṃ bhavaṃ, bhavesu uppattiṃ ca disvāti evaṃ vā ettha attho daṭṭhabbo. **Na abhivadinti** “aho vata sukhan”ti evaṃ abhivadāpanākārābhāvato na abhinivisiṃ, lakkhaṇavacanametāṃ. Gāhattho eva vā abhivāda-saddoti āha “**nābhivadin**”ti,

1. Khu 10. 129 piṭṭhe Nettiyaṃ.

2. Nilītakam̃ (Ka)

“**na gavesin**”ti. **Bhavaggaḥaṇenetha dukkhasaccam, nandigahaṇena samudayasaccam, vibhavaggaḥaṇena nirodhasaccam, nandim ca na upādiyinti** iminā maggasaccam pakāsitanti āha “**iti cattāri saccāni pakāsento**”ti. Tadiyam catunnam ariyasaccānam gāthāya vibhāvanadassanam. Sathā pana tesam brahmūnam ajjhāsayanurūpam saccāni vitthārato pakāsento vipassanam pāpetvā arahattena desanāya kūṭam gaṇhi. Te ca brahmāno keci sotāpattiphale, keci sakadāgāmiphale, keci anāgāmiphale, keci arahatte ca paṭiṭṭhahimsu. Tena vuttam “**saccāni pakāsento sathā dhammam desesi**”ti-ādi. **Acchariyajātāti** sañjātacchariyā. **Samulam bhavanti** taṇhāvijjāhi samulam bhavam.

505. **Mama vasam ativattitānīti** sabbaso

kāmadhātusamatikkamanapaṭipadāya mayham visayam atikkamitāni. Katham panāyam tesam ariyabhūmisamokkamanam jānātīti? Nayaggāhato, “samaṇo gotamo dhammam desento saṃsāre ādīnavam, nibbāne ca ānisaṃsam pakāsento veneyyajanam nibbānam diṭṭhameva karoti, tassa desanā avañjhā amoghā indena vissaṭṭhavaajirasadisā, tassa ca āṇāya ṭhitā saṃsāre na dissantevā”ti nayaggāhena anumānena jānāti. **Sace tvam evam anubuddhoti** yathā tvam paresam saccābhisambodham vadati, evam tvam attano anurūpato sayambhuñāṇena buddho dhammam paṭivijjhitvā ṭhito. **Tam dhammam mā upanayasīti** tayā paṭividdhadhammam mā sāvakaṭipavedham pāpesi. **Idanti** idam anantaram vuttam brahmaloke paṭiṭṭhānamyeva sandhāya Māro vadati, te dassento “**anuppanne hi**”ti-ādimāha. Apāyapaṭiṭṭhānam pana ājīvakanigaṇṭhādipabbajjam upagate titthakare, ye keci vā pabbajitvā micchāpaṭipanne jane sandhāya vadati. **Anuppanneti** asaṇjāte, appatteti attho. **Anullapanatāyāti** yathā Māro upari kiñci uttaram lapitum na sakkoti, evam tathā uttarabhāsanena. **Nimantanavacanenāti** viññāpanavacanena. Brahmam seṭṭham nimantanam, brahmuno vā nimantanam ettha atthīti **brahmanimantanikam**, suttam. Yam panettha atthato avibhattam, tam suviññeyyameva.

Brahmanimantanikasuttavaṇṇanāya līnatthappakāsanaṃ samattā.

10. Māratajjanīyasuttavaṇṇanā

506. **Koṭṭhamanupaviṭṭho** āsayo vaccaguttaṭṭhānatāya koṭṭham, tassa abbhantaram hettha koṭṭham. Anurūpo hutvā pavīṭṭho anupaviṭṭho. Sukhumam hi tadanucchavikam attabhavam māpetvā ayam tattha pavīṭṭho. **Garugaro viyāti** garukagaruko viya. U-kārassa hi o-kāram katvā ayam niddeso, ativiya garuko maññeti attho. Garugaru viya icceva vā pāṭho. Māsabhattam māso uttarapadalopena, māsabhattena ācitam pūritam **māsācitam maññe**. Tenāha “**māsabhattam bhuttassa kucchi viyā**”ti. Uttarapadalopena vinā attham dassetuṃ “**māsapūritapasibbako viyā**”ti vuttam. **Tintamāso viyāti** tintamāso pasibbako viya. Kim nu kho etam mama kucchiam pubbam¹ bhārikattam, kim nu kho katham nu kho jātanti adhippāyo. **Upāyenāti** pathena ñāyena. Byatirekato panassa anupāyam dassetuṃ “**sace panā**”ti-ādi vuttam. Attānameva vā sandhāya “**mā tathāgataṃ viheseṣī**”ti āha. Yathā hi ariyasamgho “tathāgataṃ devamanussapūjitam, samgham namassāma suvatthi hotū”ti-ādīsu² **tathāgatoti** vuccati, evam tappariyāpannā ariyapuggalā, yathā ca purimakā dutiya-aggasāvaka kappānam satahassādhikam ekam asaṅkhyeyyam pāramiyo pūretvā āgatā, ayampi mahāthero tathā āgatoti **tathāgatoti**. **Pati-aggaleva aṭṭhāsīti** aggaḷassa bahibhāge aṭṭhāsī.

507. Rukkhadevatā nāma cātumahārājikesu nihīno kāyo, tasmā nesam manussagandho paricitattā nātijegucchoti āha “**ākāsaṭṭhadevatānan**”ti. **Ābādham karotīti** dukkham janeti. **Nāgarikoti** sukuMāro. **Paricokkhoti** sabbaso sucirūpo. **Ñātikotinti** ñātibhāgam. Anādīmatī hi samsāre ñātibhāgarahito nāma satto kassacipi natthīti adhippāyo.

Idanti “so me tvaṃ bhāgineyyo hosī”ti idam vacanam. **Paveṇivasenāti** tadā mayham bhāgineyyo hutvā idāni māraṭṭhāne ṭhitoti imissā paveṇiyā vasena vuttam. Aññassa vā vesamam dhuro **vidhuro**. Tenāha “**aññehi saddhim asadiso**”ti. **Appadukkhenāti** sukheneva.

1. Apubbam (?)

2. Khu 1. 8, 315 piṭṭhesu.

Panthānaṃ avanti gacchantīti **pathāvino**. **Ettakenāti** ettāvataṃ citakasannisaṃyena. **Udakaleṇanti** udakanissandanaleṇaṃ. **Samāpattitoti** nirodhasamāpattito. **Samāpattiphalaṃ** nirodhasamāpattiphalaṃ.

508. **Dasahi akkosavatthūhīti** dasahipi akkosavatthūhi, tato kiñci ahāpentā. **Paribhāsathāti**¹ garahatha. **Ghaṭṭethāti** anūnāhi kathāhi imesu ovijjhatha. **Dukkhāpethāti** citte dukkhaṃ janetha. **Etesanti** tesam bhikkhūnaṃ tumhākaṃ akkosanādīhi bhikkhūnaṃ kilesuppattiyā. Tenettha **dūsī Māro** oṭāraṃ labhati nāmāti adhippāyo. Upaṭṭhātabbaṃ itaṃ arahantīti ibbhā, hatthibhaṇḍakā, hīnājīvatāya hete ibbhā viyāti **ibbhā**, te pana sadutiyaṃ kavasena “**gahapatikā**”ti vuttā. **Kaṇhāti** kaṇhābhijātikā. Pādato jātattā **pādānaṃ apaccā**. **Ālasiyajātāti** kasivaṇijjādikammaṃsā akaraṇena sañjātālasiyā. **Gūthaniddhamanapanāḷīti** vaccakūpato gūthassa nikkhamapadeso.

Manussānaṃ akusalaṃ na bhaveyya tesam tādīsāya abhisandhiyā abhāvato. Āvesakassa ānubhāvena āviṭṭhassa cittasantaṭṭi viparivattaṭṭi vuttovāyamattho. **Visabhāgavatthuntī** bhikkhūnaṃ santike itthirūpaṃ, bhikkhūnānaṃ santike purisaṃrūpaṃ idisaṃ, aññaṃ vā pabbajitānaṃ asārūpaṃ visabhāgavatthunī. **Vipparisāraṃmaṇanti** passantānaṃ vipparisāraṃsā paccayaṃ. **Lepayattāhīti** lepalittaṃ vākurayattāhī.

510. **Somanassavasenaṭṭi** gehassitasomanassavasena. **Aññathattanti** uppilāvitattaṃ. **Purimanayenevāti** “sace Māro manussānaṃ sarīre adhimuccitvā”ti-ādīnaṃ pubbe vuttanayena. Yadi Mārova tathā kareyya, manussānaṃ kusalaṃ na bhaveyya, mārasseva bhaveyya, sarīre pana anadhimuccitvā tādīsaṃ pasādanīyaṃ pasādavattunī dassesi. Tenāha “**yathā hī**”ti-ādī.

511. **Asubhasaññāparicitenāti** sakalaṃ kāyaṃ asubhanti pavattāya saññāya sahaḡatajjhānaṃ asubhasaññā, tena paricitena paribhāvitena.

1. Paribhavathāti (Ka)

Cetasā cittaena. **Bahulanti** abhiñham. **Viharatoti** viharantassa, asubhasamāpattibahulassāti attho. **Patilīyatīti** saṅkucati tattha paṭikūlatāya saṅghitattā. **Patikuṭatīti** apasakkati. **Pativattatīti** nivattati. Tato eva **na sampasāriyati**. **Rasatanhāyāti** madhurādirasavisayāya tanhāya.

Sabbaloke anabhiratisaññāti tīsupi bhavesu aruccanavasena pavattā vipassanābhāvanā. Nibbidānupassanā hesā. **Lokacitresūti** hatthi assarathapāsādakūṭāgārādibhedesu ceva ārāmarāmaṇeyyakādibhedesu ca loke cittavicittesu. **Rāgasantāni** vūpasantarāgāni. **Dosamohasantāni** etthāpi eseva nayo. Imesaṃ evaṃ kammaṭṭhānaggahaṇaṃ sabbesaṃ sappāyabhāvato.

512. **Sakkharam gahetvāti** sakkharāsīsenā tattakaṃ bhinnapāsāṇamuṭṭhinti āha “**antomuṭṭhiyaṃ tiṭṭhanapamāṇaṃ pāsāṇaṃ**”ti. Muṭṭhipariyāpannanti attho. Ayaṃ hi pāsāṇassa hetthimakoṭi. **Hatthināgoti** mahāhatthī. Mahantapariyāyo **nāga**-saddoti keci. Ahināgādito vā visesanatthaṃ hatthināgoti vuttaṃ. Sakalasarīrenea nivattitvā apalokesīti vuttamatthaṃ vivarituṃ “**yathā hī**”ti-ādi vuttaṃ. **Na vāyanti** ettha **vā**-saddo avadhāraṇatthoti āha “**neva pamāṇaṃ aññāsī**”ti. **Sahāpalokanāyāti ca vacanatoti** iminā vacanena imaṃ vacanamattaṃ gahetvāti adhippāyo. **Uḷāreti** uḷāraguṇe. Bhagavantam hi ṭhapetvā natthi tadā sadevake loke tādiso guṇavisayasuttoti.

Visuṃ visuṃ paccattavedaniyo ayasūlena saddhim bhūtāni cha phassāyatanāni etassāti chaphassāyatanam, dukkham. Tam ettha atthīti **chaphassāyataniko**, nirayo. Tenāha “**chasu phassā -pa- paccayo**”ti. Samāhanatīti samāhato, anekasatabhedo saṅkusamāhato ettha atthīti **saṅkusamāhato**, nirayo. Visesapaccayatāya vedanāya ṭhitoti vedaniyo, kāraṇākārakena vinā paccattaṃ sayameva vedaniyoti **paccattavedaniyo**. **Ayasūlena saddhim ayasūlanti** pādapadesato paṭṭhāya niranantaraṃ abhihanānavasena āgatena

pañṇāsāya janehi gahitena ayasūlena saha sīsapadesato paṭṭhāya āgataṃ.
 Ayasūlabhāvasāmaññaena cetaṃ ekavacanaṃ, satamattāni patitāni sūlāni.
Iminā te ṭhānena cintetvāti nissitavohārena nissayaṃ vadati. **Evam vuttanti**
 “tadā jāneyyāsi vassasahassaṃ me niraye paccamānassā”ti evaṃ vuttaṃ.
Vuṭṭhānimanti vuṭṭhāne bhavaṃ, antimanti attho. Tenāha
 “vipākavuṭṭhānavedanan”ti, vipākassa pariyosānaṃ vedananti attho.
Dukkatarā hoti padīpassa vijjhāyanakkhaṇe mahantabhāvo viya.

513. **Ghaṭṭayitvā** pothetvā. **Pāṭiyekkavedanājanakā**ti paccekam
 mahādukkhasamuppādakā. Ayato apagato **nirayo**, so **devadūtasuttena**¹
 dīpetabbo. Atthavañṇanā panassa parato sayameva āgamissati. Imaṃ pana
 atītavatthum āharitvā attano nāṇānubhāvādīpanamukhena māraṃ santajjento
 mahāthero “**yo etamabhijānāti**”ti gāthamāha. Tassattho—**yo** mahābhiñño
etaṃ kammaṃ kammaphalaṅca hatthatale ṭhapitaṃ āmalakaṃ viya
 abhimukhaṃ katvā paccakkhato jānāti. Sabbaso bhinnakilesatāya **bhikkhu**
 sammāsambuddhassa aggasāvako, **tādisaṃ** uḷāraguṇaṃ **āsajja** ghaṭṭayitvā
 ekantakāḷakehi pāpadhammehi samannāgatattā **kaṇha** māra āyatim
 mahādukkhaṃ vindissasi.

Udakaṃ vatthum katvāti tatha nibbattanakasattānaṃ
 sādharmaṇakammaphalena mahāsamudda-udakameva adhiṭṭhānaṃ katvā.
 Tathā hi tāni kappatṭhitikāni honti. Tenāha “**kappatṭhāyino**”ti. **Tesanti**
 vimānānaṃ. **Etaṃ** yathāvuttavimānavatthum tāsāṃ accharānaṃ sampattim,
 tassa ca kāraṇaṃ attapaccakkhaṃ katvā **jānāti**. **Pādaṅguṭṭhena kampayī**ti
 pubbārāme visākhāya mahā-upāsikāya kārītaṃ
 sahasagabbhapaṭimaṇḍitamahāpāsādaṃ attano pādaṅguṭṭhena kampesi.
 Tenāha “**idaṃ pāsādakampanasuttena dīpetabban**”ti. Idanti “yo
 vejayantan”ti imissā gāthāya atthajātaṃ
Cūḷataṇhāsāṅkhayavimuttisutteneva² dīpetabbaṃ.

Tassa brahmagāṇassa tathācintanasamanantameva tasmim brahmaloke
 sudhammaṃ brahmasabhaṃ gantvā. **Tepīti** mahāmoggallānādayo. **Paccekam**

1. Ma 3. 216 piṭṭhe.

2. Ma 1. 320 piṭṭhe.

disāsūti Mahāmogallānatthero puratthimadisāyaṃ, Mahākassapatthero dakkhiṇadisāyaṃ, Mahākappinatthero pacchimadisāyaṃ, Anuruddhatthero uttaradisāyanti evaṃ cattāro therā brahmaparisamatthake majjhe nisinnassa bagavato samantato catuddisā nisīdim̐su. **Gāthā vuttāti** “yo brahman̐ paripucchati”ti gāthā vuttā. **Aññatarabrahmasuttenāti** “tena kho pana samayena aññatarassa brahmuno evarūpaṃ pāpakaṃ diṭṭhigataṃ uppannaṃ hoti”ti-ādinā¹ mahāvagge āgatena aññatarabrahmasuttena.

Jhānavimokkhena phusīti jhānavimokkhasannissayena abhiññāññeṇa phassayi. Vananti jambudīpaṃ aphasayīti sambandho. Jambudīpo hi vanabahulatāya idha “vanan”ti vutto. Tenāha “jambusaṇḍassa issaro”ti. **Pubbavidehānaṃ dīpani** pubbavidehavāsīnaṃ dīpaṃ, pubbavidehadīpani attho. **Bhūmisayā narā** nāma aparagoyānakā uttarakurukā ca. Yasmā te gehapariggahābhāvato bhūmiyaṃyeva sayanti, na pāsādādīsu. **Paṭilabhīti** uppādesi. **Etan̐ āsaṃ mā akāsīti** eṣā yathā pubbe dūsimārassa, evaṃ tuyhaṃ āsā dīgharattaṃ anattāhāhā, tasmā edisaṃ āsaṃ mā akāsīti mārassa ovādaṃ adāsi. Sesāṃ sabbattha suviññeyyameva.

Papañcasūdaniyā majjhimanikāyaṭṭhakathāya

Māratajjanīyasuttavaṇṇanāya līnatthappakāsānā samattā.

Niṭṭhitā ca cūlayamakavaggaṇṇanā.

Mūlapaṇṇāsaṭṭikā samattā.

(Dutiyo bhāgo niṭṭhito.)

Mūlapaṇṇāsaṭṭikāya dutiyabhāge

Saṁvaṇṇitapadānaṁ anukkamaṇikā

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Akathamkathim	59	Ajjhottharivā	245
Akāraṇanissitaṁ	249	Ajjhosāya	188
Akuppā	178	Ajjhositā	10
Akkantaṁ	36	Aññamaññamissā	283
Akkamati	159	Aññāṇī	311
Agāṇetvā	236	Aññātaṁ	254
Agatigāminiṁ	20	Aṭṭiyati	141
Aṅgakūṭaṁ	159	Aṭṭo	75, 187
Aṅgadaṁ	28	Aṭṭhuppattiko	1
Aṅgāni	193	Aṇuṁ	82
Aṅguddhārena	266	Aṇḍakā	249
Acittikārena	58	Atammayataṁ	95
Accantaniṭṭho	217	Ataramānānaṁ	34
Accantabrahmacārī	218	Atidappito	300
Accantayogakkhemī	217	Atīritaṁ	254
Accantūparato	301	Atulitaṁ	254
Acchandikā	137	Attakāmā	181
Acchannaṁ	161	Attapaṭikkhepaṭṭho	94
Acchinnadhāraṁ	189	Attādhipeyyā	231
Ajajjitaṁ	214	Atthakāmatāya	78
Ajātabuddhi	265	Atthanissitaṁ	250
Ajjhattaṁ	46, 161	Atthavaso	144
Ajjhattikā	166	Atthasallāpikā	12
Ajjhāpanno	300	Atthāvahaṁ	246
Ajjhogāhitvā	175	Adiṭṭhaṁ	254
Ajjhogālhā	143	Addhā	316

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Adhammacariyā	248	Anuttānīkatam	197
Adhippayāso	8	Anunayakaraṇavasena	175
Adhimattam	100	Anupaṭṭhapetvā	228
Adhimuccitvā	236	Anupahatam	208
Adhimuñcitvā	80	Anuppadātā	155
Anacchariyā	132	Anuppabandhehi	189
Anattā	257	Anumatipucchā	187
Anadhivāsanena	82	Anuminitabbam	51
Anantam	317	Anuyuttana	72
Anantajino	141	Anuyogo	53
Anantanayam	117	Anuvicaritam	90
Anantamānaso	9	Anusandhi	188
Anappakam	211	Anusayā	286
Anabhibhūto	244	Anusāvetvā	184
Anabhiraddhi	98	Anusāsani	49, 50
Analaṅkaritvā	129	Anelagaḷā	16
Anavajjam	300	Antarā	126
Anāgatarūpaṃ	210	Antarāyikā	82
Anāvaṭo	233	Antonimuggaposīni	136
Anāvilo	239	Antovasse	194
Aniggahito	106	Andhībhūto	311
Aniccā	218	Anvāvisitvā	312
Anidassanam	317	Apagamanapaccayā	275
Animittā	275	Apacāyamāno	121
Animischi	139	Apacināti	309
Anīkā	181	Apathaviṃ	81
Anukampako	154	Apadānam	50
Anukkamanīyena	32	Aparappaccayo	208
Anugatā	237	Aparappattiyo	208
Anucchavikā	240	Aparicchadam	249

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Aparittena	44	Abhinikkhamanaṁ	186
Apariyogāhanaṁ	236	Abhibhavanti	65
Aparisesaṁ	47	Abhirantaṁ	115
Apasādanā	302	Abhisantāpanaṁ	214
Apasādeti	50	Abbhutṭhitova	228
Apāyesi	315	Amakkhetvā	151
Apilāpanakiccaṁ	282	Amanasikāro	75
Appaccayo	98	Amanāpā	249
Appaṭibhāno	84	Ambakaṇḍjikaṁ	14
Appaṭisaṅkhā	48	Ayasaṁ	313
Appadakkhiṇaggāhī	50	Ayena	240
Appadukkhena	320	Araññaṁ	71
Appanaṁ	24	Arañṇagāmake	300
Appamāṇā	276	Arantarāni	190
Apparajakkhajātikā	134	Arahatā	7
Appassādā	46	Ariyapathe	223
Appāṇakaṁ	3	Ariyapariyesanā	127
Appesakkhā	177	Ariyo	161
Abbudaṁ	73	Arīnaṁ	6
Abbokiṇṇaṁ	111	Arūpī	81
Abyāpādo	68	Alagganaṭṭhena	152
Abyābajjhaṁ	45	Alamariyo	16
Abyāmissatā	102	Allīnā	10
Abhayo	301	Allīno	207
Abhāvaṭṭhena	257	Allīyetha	226
Abhāvatā	167	Avaṇṇabhāsane	78
Abhikkamatha	182	Avadehanato	54
Abhiññā	150	Avighātapakkhiko	70
Abhidantaṁ	77, 214	Avijātagāvo	200
Abhinandati	229	Avindeyyo	97

Padānukkamo	Piṭṭhaṅko	Padānukkamo	Piṭṭhaṅko
[A]		[Ā]	
Avibhāvitam	254	Ādinnam	166
Avibhūtā	283	Ādhāraṇam	38
Aviham	141	Ānando	99
Avihimsā	68	Ānisaṃsam	11
Avedayasukham	184	Ānisadam	36
Asati	75	Ānubhāvam	314
Asaddhammo	89	Ānubhāvo	122
Asamapekkhanam	73	Āpāyikā	240
Asamayavimokkho	178	Āpogataṃ	173
Asambhinnāya	177	Ābādhati	234
Asambhūtam	317	Ābādho	42
Asammohato	267	Āyusaṅkhāro	273
Asahāyakicco	116	Ārañjitāni	146
Asitam	173	Ārammaṇam	263
Asinā	107	Ārammaṇokkantikam	191
Aseṭṭhacariyam	155	Ārāmo	155, 190
Assāmikaṭṭho	94	Ārogyam	199
Assāso	6	Āroham	2
Assumukhānam	128	Ālayaratā	131
[Ā]		Ālayā	131
Ākārā	66	Ālayo	167
Ākoṭetvā	282	Ālāpo	29, 113
Āghāto	98	Āvatto	215
Āṇaṇyam	236	Āvasathānisaṃsam	117
Ātatavitataṃ	220	Āvāsena	37
Ātappam	53	Āvi	182
Ādahāmi	70	Āsappanam	236
Ādānam	211	Āsabham	19
Ādittam	206	Āsabhā	19
		Āsāṭṭikā	193, 196

Padānukkamo	Piṭṭhaṅko	Padānukkamo	Piṭṭhaṅko
[Ā]		[U]	
Āsītikapabbāni	36	Uccanīce	314
Āsevanā	282	Uccāvacāni	309
Āhaṭesu	71	Ujjaṅgale	187
Āharanti	209	Uṭṭhahato	42
Āhārasambhavaṃ	225	Uṭṭhāhikā	80
		Uṭṭhite	235
[I]		Utupharaṇaṃ	238
Icchādhūmāyitā	105	Uttaracchado	32
Icchāpeti	49	Uttarasetu	88
Iṭṭhārammaṇabhūtā	41	Uttāno	233
Itthī	112	Uttiṇṇo	124
Idappaccayatā	131	Udakaleṇaṃ	321
Iddhi	33, 54	Udakānugatā	167
Ibbhā	321	Udānaṃ	146
Issattaṃ	42	Uddeso	74
Issaro	312	Unnatunnatāni	36
Issāso	38	Upakāriyo	43
		Upagacchati	19
[U]		Upagatā	10
Ukkaṃsitvā	181	Upagato	207
Ukkacelā	198	Upagāyamānā	186
Ukkaṇṭhati	95	Upaṭṭhātu	295
Ukkaṇṭhitvā	273	Upaddavaṃ	69
Ukkhipi	121	Upaddavetha	235
Uggaṇhanaṃ	159	Upadhayo	127
Uggahāpanaṃ	159	Upadhāretvā	207
Uggahitaṃ	188	Upadhi	20
Uggahitasippo	39	Upanisinnakathā	196
Ugghaṭṭitaññū	136	Upanissitabbā	74
Ugghāṭṭiyeyya	70	Upanītā	227

Padānukkamo	Piṭṭhaṅko	Padānukkamo	Piṭṭhaṅko
[U]		[E]	
Upapannāse	141	Ekanirodhatā	262
Upalabbhaṃ	250	Ekantadukkhā	31
Upahatāni	275	Ekantasukhaṃ	49
Upādānaṃ	118	Ekaṇṇavedhena	258
Upādinnake	216	Ekapatheneva	32
Upāyena	320	Ekapadikaṃ	255
Upetaṃ	54	Ekapaduddhāre	255
Uppannameṭṭacittā	80	Ekabhattiko	157
Uppalinī	136, 237	Ekavatthukatā	262
Uppādetā	6	Ekārammaṇatā	262
Uppilāvitattaṃ	99	Ekāhavārena	35
Ubbiddhe	297	Ekāhikaṃ	35
Usumajāto	173	Ekuppādatā	262
Usmīkato	84	Eṇṇikūlasmiṃ	316
Ussādanā	302	Eṇṇeyyakakammakāraṇaṃ	44
Ussāhajāte	114	Erakatiṇḍāṇi	35
Ussolhī	55	Evamadhippāyā	294
Uḷāre	322	Evamkāmā	294
		Evamchandā	294
[Ū]		[O]	
Ūmibhayādīhi	15	Okacaro	71
Ūrubaddhāsaṇaṃ	162	Okappanā	304
Ūhato	72	Okkamati	211
[E]		Okkhāyikā	36
Ekagghanaṃ	122	Oghanaṃ	291
Ekacittasamāyuttā	168	Ocarakā	82
Ekatalaṃ	220	Otaritvā	52
Ekanāmakā	276	Otāraṃ	69
Ekanālikā	192	Odakantiko	89

Padānukkamo	Piṭṭhaṅko	Padānukkamo	Piṭṭhaṅko
[O]		[Ka]	
Onamati	301	Kattā	312
Opakkamikāhi	213	Kathā-upacāraṁ	187
Opapātikā	29	Kathāmaggo	201
Opasāyiko	313	Kathāvatthu	120
Omaddanti	43	Kantitā	107
Oraso	165	Kappayavho	100
Olīyati	101	Kamaṇīyā	41
Olubbha	58	Kammakāra-kacittaṁ	259
Oloketi	39	Kammaṇiyāmena	293
Ovādo	49, 50	Kammantarāyikā	82
Osakkante	101	Kamma-pathavaseneva	232
Osādentī	190	Kammalakkhaṇo	195
Osāpetvā	183	Kammasajjaṁ	316
Osārentassa	297	Kammāyūhanakkhaṇe	293
Oḷārikaṁ	211	Kammāsāṁ	308
Oḷāriko	67	Karajakāyaṁ	237
[Ka]		Karajo	236-7
Kaṁsatāḷaṁ	220	Karato	265
Kaṁsasatā	13	Karamare	316
Kakkasā	249	Kalahabhaṇḍanavasena	305
Kakkārikaṁ	14	Kalyāṇamittatā	298
Kakkhaḷaṁ	166	Kalyāṇo	245
Kakkhaḷakammā	48	Kasaṭe	240
Kakkhaḷo	248	Kasi	41
Kaṅkhati	52	Kahāpaṇikaṁ	44
Kaṅjiya-ukkhalikā	43	Kaḷāratāya	146
Kaṭukā	32, 249	Kāyaṅgaṁ	208
Kaṇhā	321	Kāmadado	33
Katahattho	39	Kāmapaṭisaṁyutto	67
		Kāmūpasāṁhitā	41

Padānukkamo	Piṭṭhaṅko	Padānukkamo	Piṭṭhaṅko
[Ka]		[Ka]	
Kāyadaratho	216	Koṭippatto	171
Kāyanvayaṃ	210	Koṭṭitā	107
Kāyasaṅkhārā	274	Koṭṭenti	44
Kāraṇaṃ	27	Koṭṭhaṃ	194
Kāraṇikā	44	Koṭṭhaggaṃ	140
Kāluṭṭhitaṃ	13	Kodhano	17
Kāsu	32	Kosambī	304
Kāḷārikā	146	Kosalā	243
Kiccato	259	Koḷaṃ	213
Kiñcikkhaṃ	249	Koḷāpaṃ	213
Kipillapuṭakaṃ	80	[Kha]	
Kibbisā	80	Khaṇikatthaṅgamo	11
Kiliṭṭhatapānaṃ	210	Khaṇittim	269
Kilesabhayaṃ	301	Khaṇḍaṃ	307
Kilesabhedāya	55	Khaṇḍitadantaṃ	45
Kisābalake	200	Khandhūpadhi	92
Kīḷanakaṃ	228	Khayanirodhena	270
Kuppati	167	Khayavirāgo	219
Kuppitena	173	Kharā	32
Kuphalapūrito	74	Kharigataṃ	166
Kumāro	309	Khalaggaṃ	140
Kullaṃ	88	Khāyitaṃ	173
Kusalanissitaṃ	75	Khārāpatacchikaṃ	44
Kusalānaṃ	150	Khīrodanaṃ	14
Kūṭo	265	Khemaṃ	27
Kedāraparicchinnaṃ	305	Khemassa	55
Keyūraṃ	28	[Ga]	
Kerāṭīkā	203	Gaggarassarā	28
Kevalaṃ	311	Gaṇṭhanakileso	179
Kevalī	102		

Padānukkamo	Piṭṭhaṅko	Padānukkamo	Piṭṭhaṅko
[Ga]		[Ga]	
Gaṇṭhipañhaṃ	279	Gocaraṃjhattameva	215
Gaṇḍapānaṃ	221	Gotamagottaṃ	244
Gati	314	Gottaṃ	244
Gatimantānaṃ	255	Gobhattaṃ	194
Gadhitā	143	Gomaṇḍalaṃ	193
Gantabbā	30	Gosiṅgasālavanadāyaṃ	180
Gandhajātaṃ	158	[Gha]	
Gandhabbo	228	Ghaṭentassa	42
Gabbho	227	Ghaṭṭayitvā	323
Gambhīro	130	Ghaṭṭiyamāno	42
Garu	227	Ghaṭṭetha	321
Garukaraṇā	306	Ghaṭṭessanti	122
Garusaṃvāso	74	Ghammani	315
Gahaṇakūṭaṃ	159	Ghātīyantu	250
Gahaṇavasena	9	Ghoṭako	5
Gahapatānī	80	Ghoso	1
Gahītanāvāṃ	316	[Ca]	
Gāmato	106	Cakkhubhūto	62
Gāmadhammo	89	Cakkhuviññeyyā	41
Gāmantaṃ	71	Catukuṇḍiko	33
Gāmabhōjakaṃ	187	Catuppamāṇiko	1
Gāhagāhako	113	Caturassā	192
Gāhamuttako	113	Ciṇṇaṭṭhānaṃ	194
Giṇṇakāvasaṭṭho	180	Ciṇṇavasī	77
Giṇṇakūṭo	47	Cittasaṅkhārā	274
Guyhapanthaṃ	198	Cittārādhanāṃ	41
Guḷapūvaṃ	67	Cintakajātiko	67
Gūthānidhamanapanāḷi	321	Cintito	134
Gūḷho	279		
Gehassitā	78		

Padānukkamo	Piṭṭhaṅko	Padānukkamo	Piṭṭhaṅko
[Ca]		[Ja]	
Cintesi	17	Jānanabhāvo	286
Cīrakena	194	Jānapadino	229
Cīvaragabbhena	181	Jīvitam	168
Cīvaralūkham	2	Jutim	30
Cetasovinibandhā	52	Juti	33
Cetokhilā	51	Jeṭṭhakarukkassa	180
Cetovimutti	178, 268	Jeṭṭhako	312
Celukkāhi	198	Jotimālikam	43
[Cha]		[Jha - Ña]	
Chaḍḍitamatte	15	Jhānam	126
Chaphassāyataniko	322	Jhānokkantikam	191
Chamānikinṇam	33	Ñattam	300
Chaḷaṅgavā	140	Ñāṇadassanam	16, 177
Chātakehi	44	Ñāṇapadam	162
Chinnam	99	Ñāṇapadāni	145
Chinnapilotiko	99	Ñāṇamukhe	106
Cheko	265	Ñāṇavaḷaṅgam	162
[Ja]		Ñāṇavādam	128
Jaṅgalānam	163	Ñāṇena	55
Jaṅghavaṇijjā	42	Ñātikoṭim	320
Janapadabhojakam	187	Ñātī	152
Jarājiṇṇo	38	[Tha]	
Jallam	241	Ṭhānam	113
Jātamedam	210	Ṭhitiyā	276
Jātarūpam	127	Ṭhitisukhā	286
Jātimahallako	38	[Ta]	
Jātivanam	58	Tajjo	174
Jānatā	7	Taṇhāsaṅkhayo	217

Padānukkamo	Piṭṭhaṅko	Padānukkamo	Piṭṭhaṅko
[Ta]		[Tha]	
Taṇhāsaṅghāṭe	229	Thūlaṃ	82
Tathato	93	Theno	154
Tathabhāvāya	44	[Da]	
Tadārammaṇaṃ	80	Daṇḍapāṇi	58
Tantāvutānaṃ	35, 179	Daṇḍavittatāya	58
Tapo	54	Daṇḍasatthābhiniṇṇā	106
Tarayanti	41	Daṇḍe	38
Tālavaṇṇaṃ	14	Daṇḍo	153
Tikkhāni	135	Datti	35
Tiṇabījāni	121	Dantāvaraṇaṃ	16
Tittakālābu	297	Dandho	293
Titthaṃ	196, 197	Daso	312
Titthiyaparidevite	1	Dassanasampannā	145
Titthiyā	6	Dassanānuttariyaṃ	208
Tibbā	32	Daharo	309
Timūlaṃ	105	Dāruṇo	248
Timbarusakaṃ	14	Diṭṭhiṭṭhānāni	92
Tilakaṃ	51	Diṭṭhithāmena	84
Tucchā	4	Diṭṭhinissayo	92
Tulito	36	Diṭṭhivipphanditāni	208
Tūlinī	51	Diṭṭhivisūkāni	208
Temeti	237	Diṭṭhisaṅgaritāni	208
[Tha]		Dibbanti	31
Thaṇḍilapīṭhakaṃ	301	Dibbā	187
Thaddhabhāvāṃ	207	Divātaraṃ	201
Thiraṃ	311	Divāpadhānikā	203
Thirato	93	Dīghapiṅgalo	128
Thutighoso	245	Dīgharattaṃ	82
Thūṇaṃ	202	Dukkarakārikaṃ	2

Padānukkamo	Piṭṭhaṅko	Padānukkamo	Piṭṭhaṅko
[Da]		[Dha]	
Dukkhamatā	93	Dhammakathābandham	198
Dukkhavattthukatā	93	Dhammagarutā	109
Dukkhavipākam	291	Dhammadāyādo	166
Dukkhāpetha	321	Dhammaniyāmena	215
Dukkhito	75, 234	Dhammabhūto	62
Dukkhena	130	Dhammassavane	235
Duggativedaniyāni	240	Dhammānusārino	100, 200
Duṭṭhullo	89	Dhammānusārī	100
Duṭṭho	293	Dhammābhisamayo	136
Duddīpanā	283	Dhammīkathā	183
Dubbaco	50	Dhitimantānam	255
Dubbalabhojakā	272	Dhunitvā	191
Dubbalamanussā	181	Dhuvasevanam	190
Dubbalo	122	Dhūmayanto	105
Dussanti	240	Dhūmayitam	105
Devadhammā	232	Dhūmo	196
Devanaṭam	243	[Na]	
Devā	31	Nacirapakkante	177
Deso	204	Nalāṭīkam	59
Doṇinimmajjanim	14	Navattabbārammaṇā	277
Dosinā	187	Naḷo	200
Dvaṅgulakappo	103	Nāgariko	320
Dvisakassathāmaṃ	38	Nāṭakaparivārena	221
[Dha]		Nātiko	180
Dhamṣī	208	Nānattasitā	96
Dhanahetu	249	Nānādhimuttikatam	23
Dhanukalāpam	43	Nārāyanam	19
Dhanuggaho	38	Nikanti	167
Dhanulakkhaṇam	193	Nikkhepanam	211

Padānukkamo	Piṭṭhaṅko	Padānukkamo	Piṭṭhaṅko
[Na]		[Na]	
Niggaho	214	Nivattetvā	206
Niggāham	194	Nivātavutti	80
Niccapaṭikkhepo	93	Nivāpo	121
Niccablabhāvaṃ	227	Niviṭṭho	248
Niccālitaṃ	188	Nisinnatṭhānaṃ	36
Nijjhattiṃ	305	Nisinnavattikā	193
Niṭṭhā	9	Nisevitaṃ	146
Nittiṇṇo	124	Nissaṭena	266
Nittejabhūto	84	Nissatabhāvaṃ	174
Nittharaṇapariyatti	88	Nissayitabbe	295
Niddāsukhaṃ	54	Nissaraṇaṃ	143
Niddosasukhaṃ	161	Nissāya	57
Nipakā	100	Nīceyyaṃ	315
Nipuṇo	130	Nīlamakkhikā	193
Nippadesā	281	Nīvāro	122
Nippattiṃ	314	Nīhaṭabhattena	142
Nibaddhacārikā	116	Netā	295
Nibbutā	80	Neyyaṃ	266
Nibhā	44	Neyyo	136
Nimittaṃ	27	Nevāpiko	121
Nimmātā	312	Nhātako	239
Nimmitte	49	[Pa]	
Niyyānaṭṭho	162	Pakatiṅkaṅṭake	35
Niyyānikā	179	Pakatiḥatthikulāṃ	19
Nirayo	30	Pakkamanti	122
Nirujjhanti	229	Pakkhandati	169
Nirupadhīnaṃ	112	Paguṇavasī	77
Niroje	240	Paggahakiccaṃ	282
Nirodhapādakā	179	Paccagghe	139
Nillopaṃ	43		

Padānukkamo	Piṭṭhaṅko	Padānukkamo	Piṭṭhaṅko
[Pa]		[Pa]	
Paccattam	309	Paṭibāhati	311
Paccattavedaniyo	322	Paṭibhātu	295
Paccayasampattim	161	Paṭibhānam	187
Paccayābhihāro	198	Paṭivedayāmi	232
Paccayo	226	Paṭisanthārakathā	183
Paccavekkhitabbo	51	Paṭṭhapento	169
Paccupaṭṭhitā	215	Paṇīto	130
Pajahati	267	Paṇḍiccena	66, 139
Pajātattā	148	Paṇḍitavedaniyo	131
Pañcaṅgikam	220	Paṇḍitā	80
Pañcāhikam	184	Patati	106
Pañcāhikavāro	194	Patikuṭati	322
Pañhapucchanam	183	Patitamānaddhajo	97
Pañhabyākaraṇam	39	Patilīyati	322
Pañho	145	Pativattati	322
Paññātānam	222	Patissatā	100
Paññāpubbaṅgamam	100	Pattalūkam	2
Paññāyati	198	Patthanā	167
Paññāvāhī	100	Pathāvino	321
Paññāvuddhiko	70	Padam	39
Paṭicarati	50	Padeso	281
Paṭiccasamuppādo	131	Padhānabhūtā	54
Paṭicchannakūṭam	159	Padhānavīriyam	214
Paṭicchādetvā	181	Padhānena	214
Paṭidhāvanā	226	Papañcam	216
Paṭinissatṭhā	131	Pabbatasāṅkhepo	239
Paṭipattisāram	192	Pabhāvitam	142
Paṭipannassa	100	Pamatto	221
Paṭipāṭiyā	25	Pamāṇameva	183
Paṭippassambhento	84		

Padānukkamo	Piṭṭhaṅko	Padānukkamo	Piṭṭhaṅko
[Pa]		[Pa]	
Payogo	20	Pariyonaddhaṃ	241
Parajānā	122	Parivaṭṭo	152
Parathomaṇāya	2	Parivārito	174
Parapasamsanāya	2	Parisati	15
Parappavādo	145	Parisappanaṃ	236
Paramatthe	14	Parisuddhaṃ	151
Paravaṇṇahārikāya	2	Pariharamānā	221
Parāmāso	167	Pariharituṃ	193
Parigatā	237	Palālapīṭhakaṃ	44
Paricokkho	320	Palighaparivattikaṃ	44
Pariccajissanti	122	Palipo	105
Pariccattena	266	Palibodhamūlaṃ	236
Pariññaṃ	14, 40	Paliveṭhente	185
Pariññāpaṭivedho	258	Pallaṅkena	190
Pariññeyye	267	Pavattā	62
Pariṇāhaṃ	2	Pavattinī	190
Parittacetaso	228	Pavanaṃ	71
Paridevati	42	Pasatthapasattho	144
Paridevanti	3	Pasādaṃ	2
Parinibbutante	119	Passatā	7
Paripūreti	237	Passasukhaṃ	54
Paribhāsatha	321	Pahānapaṭivedho	258
Paribhedakena	278	Pahūtapāyasaṃ	305
Paribhogaraso	142	Pāṭiyekkaṃ	266
Pariyanto	234	Pāṇabhūte	154
Pariyādiyati	46	Pāpakaṃ	83
Pariyādiyitvā	46	Pāpento	264
Pariyāyo	57, 77	Pāmojjaṃ	241
Pariyeṭṭhim	296	Pārijuñña	244
Pariyesitaṃ	90	Pāripūriṃ	2

Padānukkamo	Piṭṭhaṅko	Padānukkamo	Piṭṭhaṅko
	[Pa]		[Pa]
Pāsaṇḍā	12	Pesitacittassa	68
Pāsarāsim	143	Pesiyo	165
Pāsādaparivene	190	Porisaṃ	32
Pāḷi	188		[Pha]
Piṅgaladhātuko	178	Phaḷubījaṃ	157
Piṭṭhakilaṅgaṃ	203	Phunanti	32
Piṇḍagaṇanā	41		[Ba]
Pituṭṭhānaṃ	194	Baddhacaro	316
Piturakkhitā	248	Bandhakahāpaṇo	272
Pidhāya	72	Balamattā	234
Pipāsīte	315	Balavagāvo	199
Piyakaraṇā	306	Balavīriyūpapatti	33
Piyacakkhūni	182	Bahalapattano	309
Piyajātikā	41	Bahalarāgasabhāvo	292
Piyo	182	Bahalā	31
Pītaṃ	194	Bahiddhā	67
Pītagamanīyo	71	Bahu-aggi	38
Pītāpītaṃ	197	Bahudukkhā	47
Pīti	241	Bahupāyāsā	47
Pītigamanīyo	71	Bahuyoge	38
Pītisukhaṃ	47	Bahulaṃ	322
Puññaṃ	33	Bahulīkammaṃ	282
Puññaṃmahī	209	Baḷisamaṃsikaṃ	44
Pubbāparaṃ	188	Bādhayimsu	82
Purimakathāya	118	Bāhitvā	313
Pūtimuttaṃ	297	Bāḷhagilānaṃ	45
Pūtimūlāni	37	Bimbisāro	48
Pūretvā	125	Bilaṅgathāliyaṃ	43
Peccabhāvo	30		
Pemamattaṃ	100		

Padānukkamo	Piṭṭhaṅko	Padānukkamo	Piṭṭhaṅko
[Ba]		[Bha]	
Bijagāmo	157	Bhāvo	277
Bijabījaṃ	157	Bhijjitvā	228
Bujjhanatthāya	215	Bhinnassarā	28
Buddhamāmakā	15	Bhujisso	235
Byañjanaṃ	39	Bhūtagāmo	157
Byādhikāṃ	45	Bhūtato	93
Byāpajjati	228	Bhūtānaṃ	312
Byāpādo	67	Bhedanadhammassa	105
Brahmakāyikā	251	Bhesakaḷā	49
Brahmacariyaṃ	33	Bhoggaṃ	45
Brahmaṭṭhānaṃ	311	[Ma]	
Brahmanimantanikaṃ	319	Makkhitāni	275
Brahmabhūto	62	Maggāruḷhameva	32
Brāhmaṇo	239	Maggo	31
[Bha]		Maṅgaladāso	178
Bhakkhasaṃ	33	Maṅgalikā	143
Bhagavaṃnnettikā	295	Maccharāyanti	185
Bhagavaṃpaṭisaraṇā	295	Maṇḍabhūmi	79
Bhagavaṃmūlakā	294	Maṇḍalagumbaṃ	122
Bhañjitvā	192	Maṇḍale	36
Bhaṇḍaggaṃ	140	Maṇḍukaṃ	103
Bhaṇḍāgārikapariyatti	88	Mattaṭṭhako	168
Bhabbo	55	Manavaḍḍhanakā	41
Bhabyānaṃ	313	Manāpā	156
Bhayasabhāvasaṅghitaṃ	231	Manussakappā	316
Bhāriyaṃ	3	Manussadhammo	15
Bhāriyabhāriyā	37	Manussānaṃ	309
Bhāvanā	282	Mantaṃ	140
Bhāvanāpaṭivedho	258	Mante	106

Padānukkamo	Piṭṭhaṅko	Padānukkamo	Piṭṭhaṅko
[Ma]		[Ma]	
Mamāyanavacanāṃ	306	Morajiko	13
Malaggahite	240	Morahatthaṃ	14
Maline	240	Mosavajjaṃ	105
Masāragallatthambhe	221	Moḷiṃ	78
Mahatthiyāṃ	300	Moḷiyo	78
Mahallako	122	[Ya]	
Mahājacco	299	Yattappaṭiyatto	74
Mahājāniyo	139	Yenakāmaṅgamo	235
Mahāpānaṃ	221	Yoggācariyo	79
Mahāmajjhānikasamaye	203	Yoni	29
Mahārajakkhā	135	[Ra]	
Mahesakkho	314	Rajataṃ	127
Māgadhiko	199	Rajo	241
Māṇavo	227	Rajojalliko	241
Mātāpitaro	15	Ratanacaṅkame	139
Māpahārahāpaṇo	272	Ramanti	131
Mārakāyikānaṃ	28	Rasataṇhāya	322
Māradheyyaṃ	199	Raho	182
Māriso	214	Rāgakkhayo	232
Māluvāsipāṭikā	291	Rāgavirāgiṇaṃ	315
Mithuno	155	Rāgasantāni	322
Mucchitā	143	Rājakkammaṃ	42
Muttaḡāhako	113	Rājagahaṃ	108
Muttamuttako	113	Rājayuttehi	290
Mūlakammaṭṭhānaṃ	72	Rājavāre	49
Mūlabījaṃ	157	Rāmaṇeyyakāṃ	187, 221
Mettaṃ	182	Rāhumukhakammakāraṇaṃ	43
Mettacittatā	154	Rittā	4
Medhāvī	139		
Mocentā	203		

Padānukkamo	Piṭṭhaṅko	Padānukkamo	Piṭṭhaṅko
[Ra]		[Va]	
Ritto	207	Vacchake	200
Rūpaṃ	193	Vaṭṭānugato	119
Rūpakūṭaṃ	159	Vaḍḍhiṃ	193
Rūpappamāṇo	1	Vaḍḍhi	199
Rūpappasanno	1	Vaṇṇabhaṇanaṃ	177
[La]		Vaṇṇo	44
Lakuṇḍakataṃ	314	Vataṃ	33
Laṅgī	106	Vatasamādānaṃ	54
Lajjāsabhāvasaṅghitā	231	Vattaṃ	307
Laddhikarā	178	Vattapaṭipatti	183
Laddhimattaṃ	222	Vado	223
Lābho	249	Vanacarakehi	161
Lāmakam	69	Vanante	186
Lāyane	140	Vanapatthaṃ	57
Līnajjhāsayo	179	Vanapatthadesanā	57
Līlāyanto	255	Vantako	104
Luñcitvā	97	Vantasinehasambaddho	104
Luddena	316	Vantussayo	104
Luddo	248	Vappaṃ	121
Lūkhaṃ	1	Vappakāle	140
Lepayaṭṭhiṃ	321	Vayadhammatā	167
Leso	103	Vallipakkam	14
Lokacitresu	322	Vasaladhammo	89
Lokasannivāso	1	Vasī	312
[Va]		Vasībhāvo	122
Vacanapathe	80	Vākena	194
Vacīsāṅkhārā	274	Vācam	283
Vacchakam	309	Vācaṅgam	209
		Vācābhīhāro	198
		Vādasatāni	200

Padānukkamo	Piṭṭhaṅko	Padānukkamo	Piṭṭhaṅko
[Va]		[Va]	
Vāditāya	317	Vibhavaṃ	318
Vādo	10	Vibhavo	30
Vāmato	50	Virajjanti	132
Vālaṃ	203	Viraddho	290
Vālavedhirūpe	145	Virāgo	96
Vikaṭabhojane	35	Vilambantī	292
Vigatantāni	234	Vilīyamānā	167
Viggāhikakatham	59	Vivaṭaṃ	138
Vicikicchanto	235	Vivādāpannā	305
Vicinanto	52	Vivekaṃ	173
Vichandaṃ	312	Visaṃvādikā	124
Vijjhitaḅbā	79	Visaṃsaṭṭhā	260
Viññāṇacarito	259	Visakkati	124
Viddhamsetha	10	Visatā	123
Viddhassa	214	Visaphalā	124
Vidhuro	320	Visabhāgavatthum	321
Vidhūpanaṃ	14	Visamacariyā	248
Vinaye	12	Visamaṇiṃ	75
Vināseti	235	Visamūlā	124
Vinicchayakathā	276	Visayo	260
Vinicchinanto	255	Visālā	124
Vinipatanti	31	Visālībhūtātāya	15
Vinivaṭṭetvā	260	Visuddhi	69
Vinetā	295	Visūkāyati	167
Vipaṅcitaññū	136	Vissamaṭṭhānaṃ	199
Vipannacitto	250	Vihimsā	67
Vipassanāpaññāya	47	Vīmaṃsakassa	299
Vipulena	44	Vīmaṃsako	298
Vippakāraṃ	207	Vuṭṭhānimaṃ	323
Viphāritaṃ	207	Vuddho	38

Padānukkamo	Piṭṭhaṅko	Padānukkamo	Piṭṭhaṅko
	[Va]		[Sa]
Vegāyati	218	Saṅkharoti	283
Veṇikaraṇaṁ	140	Saṅkhā	60, 78
Veti	94	Saṅgamma	29
Vedaniyā	273	Saṅgāhikaṁ	308
Vedayati	223	Saṅghāṭanikaṁ	308
Vedikāpādā	221	Saṅghāṭikassa	241
Vediyati	241	Saṅghātaṁ	35
Vedeyyo	223	Sajātito	281
Vedehikā	80	Sajjaṁ	185
Venayiko	98	Sañjātatutṭhino	222
Veyyattiyena	139	Sañjātiśaṅgaho	164
Velā	78	Saṅṭhānaṁ	2
Vesārajjam	27, 208	Saṅho	130, 265
	[Sa]	Satadhotasappi	173
Samkitti	35	Sato	214
Samkiliṭṭhā	299	Sattabhavaṁ	318
Samkilissati	127	Sattavaṇṇeti	217
Samghāṭi	241	Sattilakkhaṇaṁ	193
Samghino	178	Satthācariyo	77
Samvaṭṭitvā	206	Sadaratho	214
Saṁsaṭṭhā	260	Saddhānusārino	200
Saṁsanditvā	255	Saddhāyiko	155
Saṁsarati	222	Saddhāvāhī	100
Sakalaṁ	208	Santarabāhirā	237
Sakkāyaṁ	278	Santāpo	173
Sakkāyo	97	Santārammaṇaṁ	130
Saguṇena	285	Santi	12
Saṅkusamāhato	322	Santo	130, 232
Saṅkhato	281	Sandassako	114
		Sandhāvati	222

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Sannisīdāpemi	70	Samparāyiko	44
Sappatissavaṃ	231	Samparete	315
Sappadaṭṭhavisarṇ	207	Sampahaṃsako	115
Sappurisā	232	Sambhedarṇ	232
Sabalarṇ	308	Sammataḷarṇ	220
Sabbatopabarṇ	318	Sammattā	107
Sabbappahānarṇ	51	Sammatto	72
Sabhāgakulāni	249	Sammanti	131
Sabhāvasamannesarṇ	304	Sammāsambuddhena	7
Samaṇakaraṇā	230	Sammukhadvārā	238
Samaṇadosā	240	Sammodanīyakathā	183
Samatikkamāya	184	Sayaṃpaṭibhānarṇ	16
Samanupassarṇā	91	Sayanarṇ	158
Samanubhāsarṇarṇ	83	Sarapoṅkkena	36
Samantā	116	Sarabhaṇṇarṇ	183
Samannesito	304	Sarasampanno	3
Samappito	220	Saritabbayuttā	306
Samādānarṇi	20	Sallakkhesi	218
Samādhipaṇṇā	267	Sallakkhesurṇ	225
Samāpanno	300	Sallāpo	29, 113
Samiddhakammanto	236	Savanasarṇsaggo	112
Samuṭṭhānarṭṭho	11	Sassatadiṭṭhi	222
Samuttejako	114	Sassarasaddo	81
Samudānetabbā	57	Sahabyatā	251
Samudācaranti	172	Sākacchā	29, 269
Samupabyūḷho	221	Sākhābhaṇṇena	72
Samosaraṇarṇ	243	Sājīvo	152
Sampajjanti	218	Sāṇavākā	203
Sampajjītvā	250	Sāṇasāṭakakarṇarṇarṇ	203
Sampattūpagarṇ	84	Sātaccarṇ	53

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Sādiyaṇaṃ	159	Sutadharo	188
Sādhuladdhiko	201	Sutasannicayo	188
Sāmaggirasam	180	Suddhantaṃ	48
Sāyitaṃ	173	Suddhi-esanathāya	36
Sārajjati	228	Sundaram	246
Sārajjeyyaṃ	263	Sundarapaṇṇo	105
Sāraṇīyakakathā	183	Sundarā	135
Sāraphalake	75	Suppaṭividdhā	188
Sāleyyakā	244	Suppavattitaṃ	137
Sāhasiko	248	Suphusitaṃ	16
Sikkhā	152	Surāghare	203
Sikkhāpadabaddhena	233	Surājallikaṃ	13
Sikkhitakerāṭikā	122	Suvidhānaṃ	199
Siṅghāṭake	3	Susaṅṭhitā	79
Sinnapatto	207	Sūnā	107
Siriya	313	Sūriyatthaṅgamaṇā	158
Sīlasāmaṇṇagato	308	Sūlalakkhaṇaṃ	193
Sīsaveṭhanaṃ	214	Sekkhapaṭipadaṃ	101
Sīhaseyyā	234	Seṭṭho	312
Sukkā	232	Setaparivāro	143
Sukkhadaṇḍako	269	Senānigamo	129
Sukhaṃ	48	Senāpatiṃ	187
Sukhadukkhā	168	Seyyasukhaṃ	54
Sukhasīlako	293	Seyyo	145
Sukhumo	67	Socati	42
Sukhena	48	Sotatto	36
Suciṇṇassa	33	Sotthi	199
Sujjhitaṃ	36	Soraccena	80
Suñṇaṭṭho	94	Sovatthikā	143
Suñṇāgāre	305		

Padānukkamo	Piṭṭhaṅko	Padānukkamo	Piṭṭhaṅko
[Sa]		[Ha]	
Sovatthiko	71	Hatthapajjotikaṃ	43
Svākkhāto	99	Hatthapatāpakam	14
[Ha]		Hatthavilaṅghakena	183
Haṃsavatṭakacchannena	200	Hadayaṃ	159
Hatappabhā	3	Haliddi	81
Hatthagatattā	266	Hitūpacāraṃ	72
		Hiriyati	231